



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




Full  
Army











4871 <sup>C</sup>

(Pray)  
FOD



481' 2

(Pray)  
FOD



HISTORIA  
REGUM HUNGARIÆ,

CVM

193 - aut

NOTITIIS PRAEVIIS

AD

COGNOSCENDUM VETEREM REGNI STATUM

PERTINENTIBUS

OPERA, ET STUDIO

GEORGII PRAY,

ABBATIS B. M. V. DE TORMOVA, ET CATH. ECCL.  
M. VARADINEN. CANONICI CONSCRIPTA,

ET

IN TRES PARTES DIVISA.



---

BUDÆ,  
YPIS, ET SUMTIBUS REGIÆ UNIVERSITATIS  
PESTANÆ TYPOGRAPHIÆ,

---

ANNO 1801.

THE  
LIBRARY

OF THE

UNIVERSITY OF

CHICAGO

1911

1912

1913

1914

1915

1916

1917

1918



AVGVSTISSIMO,  
INVICTISSIMO, AC GLORIOSISSIMO  
ROMANORVM IMPERATORI  
FRANCISCO II.

HVNGARIAE, BOHEMIAE, DALMATIAE, CROA-  
TIAE, SERVIAE, RASCIAE, GALLICIAE, LO-  
DOMERIAE, CVMANIAE, BVLGA-  
RIAE, SCLAVONIAEQVE

R E G I,  
ARCHIDVCI AVSTRIAE,



D V C I  
STYRIAE, CARINTHIAE, CARNIOLIAE,  
etc. etc.

DOMINO DOMINO


CLEMENTISSIMO.

DECLASSIFICATION

DATE 10/10/2001 BY SP-6 [illegible]

10/10/2001

ALL INFORMATION CONTAINED HEREIN IS UNCLASSIFIED  
DATE 10/10/2001 BY SP-6 [illegible]



DECLASSIFIED

10/10/2001

ALL INFORMATION CONTAINED HEREIN IS UNCLASSIFIED

DATE 10/10/2001 BY SP-6 [illegible]

10/10/2001

FRANCISCO II.

AUGUSTO

ROMANORUM IMPERATORI,

ET

HUNGARÆ REGI APOSTOLICO

FELICITATEM!

*H*istoriam Regum Hungariorum, inter quos Stirpis Austriacæ a ducentis, et, quod supra est, annis, rerum potiti, regnum, ab hostibus prope in ruinam impulsum, virtute sua ab interitu vindicarunt, ut Nomini TVO, AVGVSTE Domine! dicandi veniam flagitarem, cum ipsa sanguinis, quem ab illis ducis, necessitudo, tum temporis huius habitus, resque a Majoribus TVIS gestæ,

*gestæ, propemodum simillimæ TVIS,*  
*suadebant.*

*Nemo Illorum, jam inde a Ferdinan-*  
*di I. tempore, quo Hungariam, et Bo-*  
*hemiam, Austriacis ditionibus adjecit, et*  
*ejus frater Carolus, Imperii Germanicæ*  
*dignitatem, cum Hispania, et utraque*  
*India conjunxit, et abhinc Domus Au-*  
*striaca principem in Europa locum tene-*  
*ret, facile fuit, cui non confestim in*  
*ipso*

*ipso pene regiminis aditu, bellum fuisset, Principum invidia, confectum, quo et potentia Domus Austriacæ sensim diminueretur, et alii inde lucri compendium facerent.*

*Quæ Majorum TVORVM eatenus fors fuit, TVA itidem hodie est, AVGVSTE Domine. Vixdum enim Josepho II. Imperatore, Patruo TVO, e vivis erepto, brevique post intervallo, Patre,*

*tre, et Matre, amissis, regna hæredita-  
rio jure adieras, cum TIBI bellum, ab  
hominum memoria cruentissimum, hostis,  
nulla abs TE data causa, indixit. Quod,  
ubi communis fore omnium Regum confi-  
lio, opeque in principio gestum, postea  
autem, quam a plerisque armorum so-  
ciis desertus esses, a TE, pene uno in  
decimum annum, incredibili perseveran-  
tia sustentatum erat, ut optatam Euro-*

*pæ quietem redderes, maluisti confecta  
pace componere, quam porro TVORVM  
sanguine, causam, quæ a principio com-  
munis habebatur, ultro solus, et incerta  
spe, defendere.*

*Quæ temperantia, et sincera in  
commune rei publicæ bonum, voluntatis  
TVAE propensio, ac testificatio, non  
solum meritam vel apud ipsos hostes  
laudem TIBI peperit, sed documento  
etiam*

*etiam erit posteris, si felices in principi-  
pio successus, postea vero, ut fortunæ  
vices sunt, sinistros belli eventus lege-  
runt, causam neutiquam TIBI, qui fines  
TVOS solum tueri velle, non item la-  
tius proferre, sub ipsum belli initium,  
professus eras, eoque durante luculentis  
sane documentis sæpius declaraveras, ve-  
rum aliis jam abhinc, quam hoste ex  
Styria liberatiter dimisso, utilissimæ pa-  
cis*



*cis fundamentum, pro servando integro  
Germanico statu, jecerat, ingestis aliun-  
de identidem obstaculis, tribuendam esse.*

*Ac hoc quidem posteritatis iudicio et  
AVGVSTVM Nomen TVVM ab omni  
invidia intaminatum manebit, et futura  
aetas monumentum TIBI, quo animi TVI  
in rebus belli, pacisq; gerendis, candore-  
rem, in promissis fidem, et in adversis  
constantiam, perpetuae memoriae commen-  
det,*

*det, grata, volensque constituet. Quod  
ego non modo eorum, qui imperio TVO  
subsunt, sed exterorum etiam, nomine,  
qui æquitatem pluris, quam versatilem  
hujus temporis Politicen, æstimare so-  
lent, data etiam sponfione, polliceri  
ausim.*

**MAJESTATIS TVAE**

*humillimus servus*  
**GEORGIUS PRAY.**

## AD LECTOREM.

**H**istoriam Hungariae, quam *statisticam* vocant, parabam scribere, cum mihi vel invito alia sub manus exitit. Observavi in ipso operis decursu, quam multa nobis, in hac actorum publicorum paucitate, ad hanc rite formandam, adhuc desint. Quare, si eorum expectationi, quorum iussu laborem susceperam, non respondi, veniam utique merebor. Malui tamen aliquid periclitari, quam penitus a coepto desistere. Erunt olim, ubi Tabularia magis, & sine jarum discrimine patuerint, qui meliora possint, & audeant. Mihi certe nec voluntas, nec conatus defuit. Haec satis sit indicasse.

Nunc,

Nunc, quem ordinem in scribendo tenuerim, permultum refert, ut exponam. Præmitto *Notitias prævias*. In his, Majores nostros ex Alia educo, iisdem, quibus tunc erant, moribus præditos, tum quæ ratione hæc sensim ad Europæos accommodarint, quæ item ad constituendam rem publicam, formamque regiminis, Principum successiones, militiæ disciplinam, judiciorum rationem, aliæque ad diuturnitatem felicitatis publicæ opportuna, partim ipsi ordinaverint, partim ab Europæis acceperint, quin tamen veterum institutorum penitus obliti, aut istorum imitatores solum essent, quoad ejus fieri potuit, ex plano.

Dehinc regum nostrorum, ut se ordine exceperant, res gestas, harumque causas, seu domi natas, seu aliunde oblatas, eventusque, & conversiones, quæ ex his in regnum emolumenta, damnavæ manarint,

quæ

quæ accessiones provinciarum sint factæ,  
quorum socordia, vel ambitione rursus  
avulsæ, quæ foederis cum exteris sancita,  
quæ domi statuta, iterumque pro habitu  
temporis mutata, quæve universim ad re-  
gni statum rite cognoscendum, pertinere  
mihi videbantur, candida, simplicique nar-  
ratione, & procul, ut mihi blandior, a  
partium studio, persequor, nihilque affir-  
mo, quod vel coævi, aut supparis, pro-  
bive scriptoris testimonio, vel diplomatum  
fide non nitatur. Istorum, si edita sunt,  
indiciū, ubi reperiri possint, facio; ex in-  
editis vero, pericopes solum, quæ rei fir-  
mandæ serviant, excerpo, &, ne lectorem  
a coepto narrationis filo, ingratis illius  
abstraham, ad calcem ubique subjungo.  
Hæc, quam mihi proposueram, operis ad-  
umbratio est, an autem, quod volebam,  
assequutus etiam sim, aliis decernendum  
relinquo.

Unum

Unum est, quod moneam, præterea,  
Cum sæpe ad illorum epistolas, qui rebus  
aut interfuerunt, aut præerant, me soleam  
referre, has, ne quid ex me commentus, fuisse  
videar, fidemque meam liberem, hoc ti-  
tulo: *Epistolæ Procerum regni Hunga-  
riæ*: ut primum ocium nactus fuero, typis  
exscribi curabo. Dabam Magovaradini  
III. Nonas Martii. M. DCC. XCVII.


**HISTORIA**  
**REGVM HVNGARIAE**

**PARS I.**

**COMPLECTENS RES GESTAS**

**AB**

**ANNO M. AD M. CCC.**







# NOTITIAE PRAEVIÆ.

## P A R S I.

*Hungarorum ex Asia migratio: mutatae aliquoties Sedes; electus suprema potestate Dux, certis tamen conditionibus, ex pacto initis: occupata sensim magna Moravia, & in hac, stabilita possessio: variae hinc procurssiones in hosticum factae.*

### §. I.

**H**ungari, qui Russis *Ugri*, Græcis scriptoribus *Turci*, a) *Abulfehda* vero *Magyari* b) quod genuinum, & proprium genti nostrae nomen est, dici solent, in varias Tribus per Asiam c) dispersi, pars illorum ad flumen *Ir-*

---

a) Ita passim apud Theophanem; Porphyrogenetam, Curopalatem, aliosque vocari solent.

b) Dynastia VII.

c) Hungaros ex interiore Asia venisse consentio etiamnum Deguignefio; firmatque me in hac opinione Cel. *Schlözeri* iudicium, cuius censura in opus Cl. *Gyarmathi*, quod de affinitate linguae Hungaricae cum linguis Finnicae originis, Göttingae 1799. prodit, hæc est pag. 386. Unstreitig tamen dic

A

Ma.

—————  
An. Christi.  
742.

## II NOTITIAE PRAEVIÆ.

**Irifch** primum confedit, quibus *Ogeg-Chan*  
 An. Christi. a) verifimiliter *Ugek*, pater *Almi* præerat.  
 742. In-

Magyaren aus Aften, — also muß ihre Sprache ſich mehr der Aſtiſchen, als Europäiſchen nähern. — Die letztere (Hungarica) hat ſo gar Indiſche, Altperſiſche, Tatariſche, und anderer Wörter aufgenommen. Si Hungari voces Indicas, Tartaricas, & veterum Perſarum adoptarunt, necesse eſt, ut olim in vicinia horum populorum ſtabiles ſedes, & diuturnam conſuetudinem cum illis habuerint, exoticæ enim voces non niſi frequente uſu in aliam linguam migrare ſolent. Proinde videtur Cel. ſcriptor, ſyſtema Deguignefii, qui Hungaros in *Turſan* locat, tamquam aliud agens confirmare, licet eidem pag. 384. ibid. adverſetur. Deguignes Syſtem, daß *Pray*, und andere nachbeteten, als wären die Magyaren aus *Turſan*, ſchröcklich 4. bis 500. Meilen nach Oſten, gekommen, verſäkt alsdann völlig, und der Hiſtoriker hat ein *non plus ultra*. Numerus milliarium nihil officit ſententiæ Deguignefii, cum conſtet, quosdam populos, migrando plura confeciſſe. Poterant igitur Hungari primum ex *Turſan* venire, & inter Tartaros, Indos, & Perſas, medii conſidere, & voces illorum in ſuam linguam adoptare, tum ſenſim ad *Jaicum*, & hinc in Europam progredi.

a) Deguignes Geſchichte der Hunnen Tom. I. pag. 637.

Inde urgentibus ab ortu aliis populis, sensim ~~ad Jaicum~~ ad *Jaicum*, & *Volgam* progressi domicilium An. Christi, 742.  
 hic fixere. Postremum, septem Tribus ab aliis divulsæ, quarum quælibet suo *Boebodo*, seu *Duci*, seorsim parebat, penes *Chazaros*, hodiernam *Crimeam* colentes, substituerant, eorum p̄r tres annos a) in omnibus bellis socii, & adjuutores. Quo tempore Hungari terras fere ab ortu majoris *Tanaïs* ad *Bogum*,

A 2

&amp;

a) Porphyrogenita de administr. Imperii, c. 38.

CL Thunmann Untersuchungen über die Gesch. te der östlichen europäischen Völker pag. 134. censet, tres annos parum esse, & mavult 203. substituere. Sed ad id certo affirmandum, debebat annus, quo Hungari penes Chazaros confederant, desigi, ex quo de 203. annis iudicium ferri possit, quod nuspiam factum lego. Ex errore autem simili chronologico, quem idem apud alium scriptorem Græcum reperit, non rite ad Porphyrogenitam arguitur, quem constat in reliquis satis accuratum esse. Quæ dein idem de Hungaris ad annum 750. refert, *Avaribus* tribuenda sunt, quos illius temporis scriptores, promiscue jam *Hunnos*, jam *Hungaros* appellant. Anno autem 862. Hungaros in hosticum procurrisse facile largior, sed ad id profecto opus non erat, ut penes Chazaros 203. annis morarentur, licet id quoque malim *Avaribus*, quam Hungaris tribuere.

& orientalem *Vajvodatus Kioviensis* partem videntur coluisse.

## §. II.

An. Christi.  
880.

Quia vero genti, quæ diversis dominis parebat, non idem sensus in communi periculo, nec idem animorum nexus, & in agendo vigor, qui ceteroquin in unum corpus coalescentes vegetat, esse potuit, *Boebodi Tribuum*, hortatu *Chagani Chazarorum* persuasi, habito inter se consilio, a) Principem, qui omnibus septem Tribubus suprema potestate præesset, *Arpadum* filium *Almi*, prudentia, consilio, & fortitudine insignem, talique, ut *Porphyrogenita* addit, b) *Principatui* parem elegerunt, certis tamen conditionibus, ex pacto initis, adstrictum.

\* *Belæ regis Notarius*, de cujus fide postea commodius agetur, *Almum* patrem *Arpadi*, jam in *Asia* Ducem reliquis præfuisse memorat, qua in re tamen *Constantino Porphyrogenitæ*, scriptori suppari, major fides habenda est, qui id tum evenisse affirmat,  
cum

---

a) *Porphyrog.* l. cit. c. 38. & addit: *placuit itaque hæc oratio Chagano, virosque cum ipso (Lebedia) ad Turcos misit, qui cum iis sermonem communicassent, visum potius illis fuit, Arpadem Principem constituere, quam patrem Salmutzem (Almum) utpote digniorem.*

b) *Idem ibid.*

tum Hungari Chazarorum socii erant. Ne tamen nihil Notario, ceteroqui vetusto scriptori tribuamus, illud commode dici potest, Almu suæ Tribui in Asia, sicut ceteros Boebodos, quemque suis, quin alter alteri esset subjectus, præfuisse. Horum autem nomina idem Notarius, hæc prodidit: *Eleud, Condu, Ound, Tosse, Huba, & Tukutum.*

An. Christi.  
880.

## §. III.

Conditiones autem, in quas electores convenere, quinque erant propositæ. Tres ex his sunt præcipuæ, quibus tota regiminis forma, quæ deinceps in Hungaria, etiam sub regibus, obtinuit, tamquam *constitutioni fundamentali* innititur. Prima hæc erat: *ut, quamdiu vita duraret, tam ipsis, quam posteris suis, ducem haberent de prosapia Almi.* a) Luculentius in hæc verba: *ergo libera voluntate, & consensu septem virorum, elegerunt sibi ducem, & præceptorem, in filios filiorum suorum, usque ad ultimam generationem, Almu, filium Ugek, & , qui ex ejus generatione descenderent.* b)

A 3

Con-

a) Belæ Notarius hist. VII. Ducum. c. 7.

b) Idem ibid. c. 5. cum generatio secundum se non excludat diserte feminas a successione, non deerant, qui censuerint, jus hæreditarium etiam ad has ex stirpe Arpadi, si nullus mas superesset, pertinere, quemadmodum Maria

An. Christi.  
880.

Consentit Porphyrogenita: & ante hunc Arpadem, inquit, Turci Principem alium nunquam habuerunt, ex cujus etiam posteris ad hunc usque diem, a) Princeps constituitur. b)

\* Ex his liquet, Arpado, hujusque posteris, seu familiæ Arpadianæ jus successionis hæreditariæ, ab electoribus, & qui hanc representabant, universa Natione, assertum esse, ita, ut ex pacto fas non fuerit Nationi alium Ducem, & deinceps, mutata externa rei publicæ forma, regem prius eligere, quam nemo ex virili stirpe Arpadi superstes esset.

\*† Exstincta autem stirpe virili Arpadiana, quod in Andrea III. evenerat, jus electionis iterum ad Nationem, sive, qui hanc referunt, regni Ordines, rediit, idque ex instituto Majorum, ut codex juris patrii, in hæc verba indicat: *ex vetusta Majorum ordinatione sanctum, & constitutum est, quod, si quando regium semen deficere contingeret, & de electione tractaretur, in ipsa electione Palatinus, ex officii*

---

Stephani V. filia, Siciliæ regina, ut suo loco memorabitur, jus hoc sibi, filioque suo asserere contendebat. Ceterum regni Ordines in simili casu, nisi factio intervenisset, etiam in feminis rationem sanguinis regii habuisse, ex domesticis exemplis constat.

a) Scribebat autem hæc circa annum, 949.

b) De administ. Imperii c. 36.

*eū dignitate primam vocem semper habeat. a)* An. Christi;

Non igitur, si sensum verborum rite assequor, prius apud nos electioni locus fuit, quam se-

880.

men-regium penitus defecisset, quod regni

Ordines, post Andreā III. sine mascula pro-

le extinctum, facto ipso jam antea firmarunt.

Postquam enim jam Wenceslaum Bohemum,

jam Ottonem Bavarum, utrumque ex linea

feminea regii sanguinis elegissent, neque ta-

men frequenti hac mutatione, tranquillitas

regno fuisset restituta, tandem Carolo Rober-

to, qui Stephani V. ex filia pronepos erat,

rege electo, jus etiam successionis hæredita-

riæ ad ejus posteros traduxerunt, & se, quam-

diu hi superessent, jure electionis, quemad-

modum cum familia Arpadiana factum a se-

ptem electoribus fuit, abdicarunt. Refero,

ne quis meæ opinioni id tribuat, Decreti

quod in Comitibus anno 1307. regni Ordi-

nes condiderant, quantum huc attinent; ver-

ba: *Nos — Prælati, cæterique Barones, in præ-*

*senti regni congregatione præsentēs, ad futuram*

*rei memoriam. Gravis aliquamdiu, frequenti*

*mutatione Domini, contentio regnum Hungariæ*

*noscitur obsedisse; sed, Deo juvante, ejusdem*

*regni Barones, & Nobiles, animositati verita-*

*tem merito præponentes, in unius domini obse-*

A 4

quium,

---

a) Artic. 1. de officio Palatini, sub Mathia Corvino, an. 1485. conditus.

**880.** *quium, ratione prævia convenerunt. Nos igitur ad perpetuum ejusdem regni bonum statum, & commodum ex animo intendentes, diligenti collatione præhabita, dominum nostrum Carolum, & POSTERITATEM ejus, prout REGALIS SUCCESSIO exigit, in regem Hungariæ, ac NATURALEM Dominum suscepimus, obedientiam ei, & reverentiam, regali magnificentiæ debitam exhibentes, nullo unquam tempore, facto nostro, seu consilio, contra personam, honorem, & prosperitatem ipsius ullatenus processuri. &c. Actum hoc apud Ecclesiam beati Petri in Râkos, anno Domini 1307. in crastino beati Dionysii martyris. a) Jus igitur successionis hæreditariæ, post extinctam in Andrea III. virilem Arpadi stirpem, rursus in Carolum regni Ordines transtulerant, ejusque familiæ, ac posteris constabilitum volebant.*

\*\*\*. Atque jus hoc ex primæva regni institutione, ad *primogenitum* pertinuisse, censendum est. Nec enim reges potestatem habuissent, filios suos hoc jure privandi, nisi id jam a condita re publica, Majorum auctoritate, & consensu fuisset sancitum, cum  
nemo

---

a) Ex apogr. Autographum vero dicitur in regni Tabulario exstare. Cum Ordines fateantur, se *veritatem* præposuisse *animositati*, satis aperte indicant, Carolo jus ad successionem propinquius, quam Wenceslao, vel Ottoni, competuisse.



nemo jure aliquo privari possit, nisi id prius habuerit. Ita Bela IV. filium Stephanum, oborto inter utrumque bello, jure hoc excludere, constitutum habebat, teste Ladislao Chuno: *cum prædictus avus noster*, inquit, *transmissa armatorum multitudine, primum nos, & dominam reginam, matrem nostram, & sorores nostras, charissimas, de castro Patak eduxit fecerat, & exinde patrem nostrum investigari fecisset, machinans eum privare jure genituræ, & regni diademate spoliare, &c. a).* Ordinem nascendi hoc loco indicari, ipse Stephanus, de quo hic sermo est, declarat his verbis: *b)* *quod, cum per transitum Belæ, illustris regis Hungariæ, patris nostri charissimi — ad nos gubernaculum regni devenisset, jure successionis, seu ordine genituræ &c. idque exteris quoque, velut rem antiquitus constitutam, fuisse cognitum, liquet ex rescripto Innocentii, Papæ III. ad Andream II. dum adhuc Dux Dalmatiæ esset, & patris votum exequi differret: ne, si onus, ita rescripsit, tibi a patre injunctum — detrectaris, — paterna te reddas successionis indignum, & hæreditatis emolumento priveris, — sciturus ex tunc, — te jure, quod tibi, si dictus rex (Emericus) sine prole decederet, in regno Hungariæ competebat ORDINE GENITURÆ,*  
pri-

---

a) Dipl. an. 1273.

b) Dipl. an. 1271.

~~privandum, & regnum ipsum, ad MINOREM~~  
 An. Christi. 880. *fratrem tuum — devolvendum. a)*

\*\*\*\* Proinde jus successionis hæreditariæ, secundum ordinem genituræ, jam ab ipso regni exortu, b) familiæ Arpadianæ congenitum, & continente usu, ut reges sibi succedebant, nisi factio, vel in ipsa familia regia ambitio exorta, intervenisset, c) confirmatum fuit. Hoc modo

- 
- a) Regest. epistolar. Innocentii III. pag. 5.  
 b) Id ex institutione Stephani I. ad filium, pluribus locis patet. ut cap. 1. n. 1. c. 2. n. 5. c. 3. n. 5. c. 4. n. 4 & 5. c. 5. n. 4. c. 6. n. 4. c. 8. n. 3 & c. 9. n. 2.  
 c) Id præcipue temporibus regum, Petri, Samuelis, & Andreæ I. evenit, cum partim intestinis factionibus, & concitata sub Stephano III. inter cognatos regios æmulatione, partim etiam exterorum, inprimis Henrici III. & Manuelis Comneni, orientis, & occidentis Imperatorum, cupiditate, Hungariam subjugandi, regnum misere quateretur, ut in loco memorabimus, & jus successionis hæreditariæ secundum genituram, non tam sublatum, quam interruptum fuisset. Quam ob causam, ut primum quies regno restituta erat, usus deinceps obtinuit, ut reges, ad jus suum successionis hæreditariæ declarandum, quemadmodum Geisa II. jam ante fecerat, publicis litteris, imo in Sigillis quoque exprimerent. Ita Bela III. postquam, Ladis.

modo Geisa II. successionem in regno, juri hæreditario inniti testatur: quod ego Geisa II. An. Christi.  
880.  
*secun-*

Ladislao. & Stephano IV. qui Manuelis Imp. auxilio adjuti regnum vi occuparunt, defunctis, fratri suo natu majori, sine hærede extincto successerat, ad tuendum jus suum hæreditarium, nomen patris sui, an. 1193. in Sigillo, hac epigraphe expressum voluit. *Bela Dei. Gracia. Geise. regis. Filius.* Similiter Andreas II. an. 1221. *Sigill. Secundi. Andree. regis. tercii. Bele. filii.* Item Emericus ejus frater in bulla aurea an. 1202. *Henricus. tercii. Bele. regis. filius.* Et Bela IV. *Sigillum. quarti. Bele. Secundi. Andree. regis. filii.* Stephanus autem V. dum rex, vivo patre fuisset coronatus, in parte adversa Sigilli, an. 1264. hac epigraphe: *Sigillum. Stephani. Dei. gracia. regis. junioris. Hungarie.* in averfa vero: *primogeniti. Bele. quarti. illustris. regis. Hungarie.* usus est. Eundem morem tenuit Ladislaus cognomento Chunus, an. 1273. *Sigillum. Ladislai. tercii. quinti. Stephani. regis. filii.* Quin ipsi etiam regum nepotes, jus hæreditarium in Sigillis, declarare solebant. Andreas III. quidem an. 1291. se refert ad avum paternum. *Sigillum. Andree. regis. tercii. nepotis. Andree. secundi.* Otto autem ad avum maternum. *Sigillum. primi. Ottonis. regis. Ungarie. nepotis. quarti. Bele. regis.* Hoc modo reges

**\_\_\_\_\_** *secundi Belæ regis filius, divina dispositione,*  
 An. Christi. *sceptra paterna, jure hæreditario obtinens &c.*  
 880.

a) quod jus non solum ad Hungariam, sed ad reliqua etiam regna, quæ adnexa Hungariæ erant, pertinebat, ut ex ejusdem Geisæ charta anni 1151. patet: *ego Geisæ II. secundi Belæ regis filius, sceptra paterni regni Hungariæ, Dalmatiæ, Croatiæ, Ramæque, jure hæreditario obtinens.* b) In eundem tenorem Bela III. quod nos Bela III. secundi Geisæ filius, arbitrati sumus congruere, ut, sicut prædecessorum nostrorum hæredes sumus in sanguine, & legitimi successores in solio, ita quoque cura per vigili debemus intendere, &c. c) Andreas II. quoque, immunitates Ecclesiæ Zagrabienfis anno 1217. confirmans, idem declarat, minas etiam successoribus intentans, qui illas violaret: *si fuerit de regali progenie, ait, paterna maledictione incomprehensibilis amaritudinis in perpetuum percutiatur, & nunquam ad coronam, quam hæreditario jure habere debebat, possit pervenire.* d) Eodem jure Belam IV. patri  
 suc-

---

reges stirpis Arpadianæ; jus hæreditariæ successione, & primogenituræ, publicis etiam documentis testatum voluere.

a) Apud Pétersi Concil. Hung. Tom. 1, pag. 127.

b) Apud Farlati Tom. 4. Illyrici Sacri, pag. 330.

c) Dipl. an. 1190.

d) Apud Kerchelich hist. Eccl. Zagrab, pag. 327.

successisse, affirmat Mathias Corvinus: *cum, rebus humanis exempto, (Andrea II) eodemque Bela rege coronam regni per successionem hæreditariam adipiscente, idem omnes perpetuitates — cæpisset revocare. &c. a)* De Stephano V. Belæ filio, jam supra, cum de jure *primogeniti*, egimus, dictum est. Hujus quoque filius, Ladislaus, ad eundem juris titulum se refert: *primum siquidem, inquit, succedentibus nobis in solium regni & regiminis gubernaculum, jure, & ordine genituræ, &c. b)* Similiter, qui huic successit, Andreas III. se in solium Hungariæ, agnationis jure, evectum declarat: *quod cum nos, domino Ladislao bonæ memoriæ, inclyto rege Hungariæ, patruele fratre nostro charissimo, rebus humanis exempto, jure successorio, sublimati fuissimus in regium solium, & coronam, &c. c)* Rursus, se ab obitu Ladislai, *affluentissimo Dei beneficio, ad regni Hungariæ summos apices, secundum jura agnativa, & natalitia, provectum, fatetur d).*

\*\*\*\*\*. Nec in Arpadiana solum, quamdiu hæc supersies erat, sed post electum Carolum, in hujus quoque familia, jus successionis hæreditariæ ab regni Ordinibus constitutum, firmatumque fuisse, Decretum Comiti-  
tiorum

---

a) Dipl. an. 1486.

b) Apud Péterfi Concil. Hung. Tom. 1. pag. 92.

c) Dipl. an. 1390.

d) Dipl. an. 1391.

An. Christi.  
880.

tiorum anni 1307. magis luculentum reddit, quam ut dubio locus esse possit, cum Ordines diserte fateantur, ad *conservandum bonum regni statum*, necessario requiri, ut, *SUCCESSIO REGALIS*, ad Caroli quoque *POSTERITATEM* derivetur, idque ea etiam ex causa, ut apparet, quod Ordines non ignorant, illum ex stirpis Arpadianæ linea feminea originem ducere. Hinc ipse Carolus, jus suum ad regnum, partim quoque ad naturalem propaginem, referre solebat. a) *a toto*, inquit, *tempore, quo divina opitulante gratia, regni Hungariæ gubernacula suscepimus jure genituræ, atque naturali propagine provenienti, &c.* In eadem fere verba alibi, b) *a toto co tempore, quo in regnum nostrum Hungariæ, jure, & ordine genituræ nobis debitum, intravimus &c.* Ludovicum quoque eadem juris prærogativa, patri successisse, testantur litteræ *adjudicatoriæ* Pauli judicis Curiae Regiæ: *ipsa lite inter partes ventilante, — inclytus Princeps, dominus Carolus, olim Rex Hungariæ — suum diem claudens extremum, — ac prædictus dominus Ludovicus Rex, in patrimonium regni Hungarici, jure, & ordine genituræ sibi debiti succedens &c.* c) Ludovico sine prole mascula •

vi-

a) Apud Roussel, supplement au corps diplomatique. Tom. 2. P. 2. pag. 158.

b) Dipl. anni 1324.

c) Litt. anni 1345.

vivis sublato, Maria natu major filia, se eodem jure patri successisse, in ipso Comitiorum An. Christi. 880.  
Decreto, quo Nobilium immunitates, ab Andrea II. & Ludovico patre stabilitas, confirmat, his verbis professa fuit: a) *serenissimo Principe Ludovico, Dei gratia, inclyto Rege Hungariæ, Poloniæ, Dalmatiæ &c. genitore nostro charissimo, volente domino cæli, cujus nutu omnia disponuntur, absque prole masculina, de medio sublato, nobisque successionis, & ordine genituræ, solium, & coronam dicti regni Hungariæ, ac sceptrum regni, ipsius genitoris nostri, feliciter adeptis, &c. Luculentius alio loco ita: domino Ludovico Rege, genitore nostro charissimo, nutu divino — absque hæredum masculinorum solatio, ab hac luce decesso, nobisque ex eo, jure genituræ ad solium ipsius regni nostri Hungariæ, ut FILIUS MASCULINUS,* b) *ipsius olim genitoris nostri, transcendentibus. c)*

Hinc

- 
- a) Decret. Comitior. anni 1384.  
b) Inde factum reor, quod illam Natio passim regis nomine appellaret, ut Laurentius de Monacis, Venetorum in aula illius internuncius, in carmine de cæde Caroli parvi testatum reliquit.  
c) Dipl. anni 1383. Similiter Hedvigis soror Mariæ natu minor, Regina Poloniæ, privilegia *Semovito*, Mazoviæ Duci confirmans, se Hun-

ga-

An. Christi.  
880.

Hinc quoque factum, ut Principes exteri, qui filias regum, nullo mare superflite, duxerant, quasi politica institutione, in stirpem regiam cooptati, ius successionis, uxorio titulo, consentientibus regni Ordinibus, participarent. Hoc modo Sigismundus, a) & Albertus, b) in solium Hungariæ evecti sunt, tum  
Fer-

---

gariæ hæredem scribebat: nos igitur Hedvigis, Dei gratia regina Poloniæ, & hæres Hungariæ &c.

a) Dipl. anni 1412. Perro ipso domino Ludovico rege — in perennis regni patriam — translato, & — serenissima Principe, domina Maria Regina, ipsius Nata, in solium paternum, vero hæreditatis jure, succedente, nobisque regni gubernacula adeptis, &c.

b) Dipl. 1438. Sigismundo Imp. socero nostro — ex hujus vitæ cursu, emigrato, nobisque, supernæ dispositionis arbitrio, in locum, & solium, ejusdem domini Sigismundi Imp. jure genituræ supra memoratæ serenissimæ Principis, Elisabethæ, consortis nostræ, feliciter succedentibus &c. quam regni Ordines in Decr. Comitior. anni 1439. art. 12. diserte hæredem regni vocant, & in epilogo, qui in Cod. jur. patrii deest, addunt: quam principaliter hoc regnum jure genituræ concernere dignoscitur.



Ferdinando, Archiduci Austriæ, cujus, hære Aa. Christi.  
880.  
 dumque illius potestati, ac imperio se regni Ordines in omne tempus adstrinxerant, a) idem successionis jus assertum, & serius dein, ob liberatam a jugo Turcico Hungariam, secundum nascendi ordinem, prærogativa ad primogenitum restricta, firmatum, b) postremo denique, ut intestinis motibus deinceps caveretur, ad lineam quoque femineam, extensum ita fuit, ut primum Caroli, tum Josephi I. ac demum Leopoldi I. si hæres masculus deesset, filiarumque posterum, possessionem regni adirent. c) Atque hoc modo, quantum ex factis colligere licet, mea quidem opinione, qua aliter sentientibus nihil præjudicatum velim, hæreditariam familiæ regis successionem, & jus primogenituræ, cum libera Ordinum electione, inviolato utriusque partis jure, sic satis commode reor copulari posse, ut, electo semel Rege, hæreditas regni ad ejus posteritatem spectet, hac autem extincta, jus electionis ad regni Ordines redeat. Hæc, quan-

---

a) Decr. Comitior. anno 1547. art. 5. §. 5. *Nam cum se se Ordines, & Status regni, non solum Majestati suæ, sed etiam suorum hæredum imperio, & potestati in omne tempus subdiderint, &c.*

b) Decr. Comitior. anno 1687. art. 2.

c) Decret. Comitior. anno 1723. art. 2.

An. Christi.  
880.

quantum ad primam Ducum paciscentium conditionem, attinebant.

§. IV.

Altera conditio, in quam Duces, in eligendo Arpado, coaluerant, hæc fuit: *ut, quidquid boni per labores eorum, acquirere possent, nemo eorum expers fieret.* Inde donationes fundorum, videntur originem ducere, pro Ducum tamen, &, qui his successerant, regum arbitrio, ac meritorum ratione. Quia vero donationes hæ, ob *labores bellicos* fiebant, suoapte consequitur illas, rationem *feudi* habuisse. Atque ex hoc fonte onus militiam profitendi, quo donatarii obstringuntur, nostri *Insurrectionem, & Exercitationem*, vocant, repetendum est. Hujus vero non eadem semper ratio, sed jam *particularis*, jam *generalis* fuit, a) & ex amplitudine fundorum, necessitate publica, ac regum, Ordinumque statutis, pendebat. b)

\* Ne-

a) Particularis describitur Decr. anni 1609. art. 65. & Decr. an. 1635. art. 88. generalis vero in Decr. Sigismundi regis anno 1435. &, ut videtur, secundum normam *Matriculæ Imperialium*.

b) Plura de legibus militiæ particulatim constituta, reperiuntur in Decretis Comitior. inde ab anno 1609 ad annum 1793.

\* Nemo, qui dono regum bona possidebat, cujuscunque status, ordinis, conditionis. An. Christi.  
880. ve esset, ab onere militiæ exemptus erat. Qui per infirmitatem, aliamve causam, in bellum proficisci non posset, aliam sibi debebat substituere. Militia hæc solum ad regni defensionem, suoque sumtu, adstricta erat, extra regnum vero, regiis impendiis militabat, a) & reversa ex protectione, nullius judicio obnoxia

B 2

fu-

---

a) Andreæ II. bulla aur. anno 1222. art. 7. *Si autem Rex extra regnum, exercitum ducere voluerit, servientes cum ipso ire non teneantur, nisi pro pecunia ipsius, & post reversionem, judicium exercitus super eos non recipiat. Si vero ex adversa parte exercitus venerit super regnum, omnes universaliter ire teneantur. Item, si extra regnum exercitum ducere voluerimus, & cum exercitu iverimus, omnes, qui Comitatus habent, pro pecunia nostra ire teneantur. Idem, paucis mutatis, Decreto an. 1231. statuitur. Nobis facientibus exercitum extra regnum, Nobiles nobiscum ire non teneantur, nisi Comites, & stipendiarii, & jobagiones castri, & quibus amplas concessimus possessiones. Si vero exercitus super regnum venerit, universi, & singuli ad defensionem patriæ contra inimicos se opponere teneantur, regresso supervenienti exercitu, pro vindicta, ipsos tenentur persequi.*

fuit. a) Qui, indicta profectione, ad signa  
 An. Christi. non venisset, aut serius ad condictum locum,  
 880. & diem comparuisset, vel non impetrata Ducis venia, ab exercitu se subduxisset, amissione bonorum puniri solebat. b)

\*\* Poterant tamen, tam Ecclesiastici, quam seculares, hoc onus militiæ, si iusta causa esset, numerato ære redimere, quin id in legem abiret. Exempla hujus exstant in libro proventuum, & expensarum, ærarii regii, sub Wladislao II. anni 1494. c) Unum, alterumve depromere satis fuerit. *Reverendus dominus Nicolaus, episcopus Vaciensis, ut per integrum annum non exercituaret, solvit Majestati regiæ, fl. 900. Item, dominus Andreas de Báthor, similiter ratione non exercituationis solvit Majestati regiæ, fl. 1000. Rursus: Gubernator Pechvaradiensis ratione non exercituationis solvit regiæ Majestati fl. 500. Item, Podmaniszky ratione non exercituationis, regiæ Ma-*  
 je-

a) Forte propterea, quod jam in ipso exercitu judicium in exerrantes ferri soleret, ut ipsa militaris disciplinæ ratio suadere, & ex litteris Pauli, Judicis Curiae Ludovici I. firmari videtur, quarum hæc subscriptio est: *Datum vigesimo secundo die, residentie exercitus regii versus Croatiam moti. Anno Domini 1346.*

b) Sigismundi Decr. anno 1435. art. 7.

c) Exstat is liber in Biblioth. Cæsar. Vindobon. inter hist. prof. Mss. Num. 487. fol.

*jestati solvit fl. 200. a)* Atque hæc, ut apparet, An. Christi.  
880.  
secundum amplitudinem bonorum, & qui ex  
his percipi solebant, proventum rationem,  
nemo tamen hoc onus redimere cogebatur.

\* \* \* Ingruente extremo periculo, omnes  
viritim, seu, ut nunc modus loquendi inva-  
luit, <sup>1</sup> in *massa*, circumlato per Comitatus cru-  
ento gladio, ad capeffenda in hostem arma,  
excire, mos fuit, ut liber erogationum regia-  
rum anni 1526. sub Ludovico II. perhibet. *Eo-*  
*dem die, Thomæ Zophka, adolescenti regiæ Ma-*  
*jestatis, ad Comitatus Strigonienfem, Trenchini-*  
*ensem, Zolienfem, Thurocz, Arva, & Lypto,*  
*& Capitulum Strigonienfe, cum litteris suæ Ma-*  
*jestatis, secundo ad dominos, & Comitatus ex-*  
*peditis, & in hanc sententiam, ut statim visis*  
*litteris ipsis, Comes cruentatum gladium circum-*  
*ferri faciat, & universi movere se debeant, con-*  
*fectis, misso, dati in bonis monetis b) per du-*  
*os, fl. 20.* Atque hoc modo alii quoque in  
diversos Comitatus cum litteris missi, quibus  
omnes armorum capaces in bellum, sine mo-

B 3

ra,

---

a) Videtur id in Comitibus eod. anno Szegedini  
habitis, quorum nulla in Cod. juris patrii  
mentio exstat, constitutum. Ita enim idem pro-  
ventuum liber: *dum regia Majestas Zegedini,*  
*in Dieta ibi celebrata constituebatur, tunc ci-*  
*ves Zegedinenses dederunt nobis fl. 2000.*

b) Hoc est, argentea moneta, quam sub hoc Lu-  
dovico valore æquabant duæ cuprææ.

An. Christl.  
88a.

ra, proficisci jubebantur. a) Eundem morem in Transilvania obtinuisse, testes sunt litteræ Joannis Zapolya, quas incumbente jam jugulis nostrorum Solymanno, per provinciam vulgaverat: ut igitur, ait, tantæ moli resisti possit, statuimus in Dieta Enyediensi, dominis Nobilibus, & Saxonibus ipsis indicta, ut universi & singuli, tam seculares, quam Ecclesiastici etiam viri, arma ferre valentes, per singula capita, in bello interesse debeant, demtis illis, qui juxta contenta articulorum, pro cura animarum domi manere debebunt, &c. Ex Zaz-Sebes, tertio die festi resurrectionis Domini. 1526. Viguit hæc circumferendi gladii sanguinari consuetudo etiam Ferdinandi I. tempore,

---

a) Præco, qui gladium cruentum circumferre solebat, etiam pallio cruento vestitus erat, ut patet ex epistola Rogendorffii, Budam, & in hac Zapolyam obsidentis, ad Comitatum Nitriens. in hanc sententiam data: vobis vero, Vicacomiti & Judicibus Nobilium, committimus, ut incolas Comitatus prædicti per pallium, & gladium cruentum, ut moris est, ubique potentatum concitare, dies, noctesque huc ad exereitum festinanter adducere debeatis, &c. Dat. ex Castris sub Buda positis, ser. 4. ante festum B. Martini. 1530.

re, a) donec instituta sensim stataria militia ~~etiam~~ etiam Hungarica, non quidem perlata lege, <sup>An. Christi.</sup> 880. sed ipsa desuetudine, obsolevisset.

## §. V.

Tertia conditio erat hujusmodi: *ut isti, principales personæ, qui sua libera voluntate, Almu (Arpadum) sibi Ducem elegerunt, quod ipsi, & filii eorum, nunquam a consilio Ducis, & honore regni priventur.* Hæc non obscure indicant formam regiminis monarchicam, ita tamen temperatam, ut duces electores, horumque posterii, in consiliis, & ministeriis rei publicæ, non item in suprema jurisdictione, & imperandi potestate, partem haberent, idque videtur æquitati consentaneum fuisse. Nam translata, cum prærogativa dignitatis, in unum dominandi potestate, quæ prius in plures Boebodos, seu duces, pari cuivis in suam Tribum potestate, divisa erat, ut hoc ipsum imperium, Arpado collatum, firmitus esset, nec in arbitrium sensum desineret, suis consiliis, & ministerio suffultum, & certis limitibus circumscriptum, voluere. Hac ratione videtur jam ab ipsis regni incunabulis,

B 4

il-

---

a) Litt. Andreæ de Báthor ad Thomam de Nádasd 1550. scriptæ: *circumfertur in regno undique gladius juxta morem sanguinarius, simul & promulgatur, ut coloni regni ad arma confurgant.*

~~————~~ illud monarchiæ genus obtinuisse, in quo uni-  
 An. Christi. us est summa potestas, libera voluntate eli-  
 880. gentium; eidem collata, quæ exinde in plu-  
 res inferiores, & ab illa prima profectas,  
 eique subjectas potestates dispergitur, jure  
 tamen, & prærogativa majestatis, illi solum,  
 a quo hæ potestates inferiores proficiscuntur,  
 propria.

\* Soli igitur duces electores, horumque  
 posterius, jus in principio, ad consequendos  
 regni honores, ex pacto habebant, qui se-  
 rius in regum chartis, *Principes*, *Optimates*,  
 & *Primates*, ex quibus fere regius senatus  
 deinde constabat, falsim dicuntur. a) Hæc  
 videtur *officiorum palatii*, apud nos origo esse,  
 inter quæ præcipua sunt, *Palatini*, & *Judicis*  
*curiæ regiæ*, aliorumque, qui *Baronum* b) re-  
 gni

---

a) Id falsim legas l. 2. Decr. Stephani regis,  
 capp. 14. 19. 20. 27. 29. & 35. Item Decr.  
 Ladislai l. 2. c. 1. & Colomanni in proloquio  
 §. 11.

b) Hodie reliquorum, post Palatinum, & Judi-  
 cem Curiae, Baronum regni, hæc fere ratio  
 obtinet. Banus Dalm. Croat. & Sclavoniæ, Ta-  
 vernicor. Janitor. Agazon. Dapiferor. Pincernar.  
 Cubiculariorum, & curiæ regiæ Magistri, quo-  
 rum ministeria aulica cum nihil differant a  
 ceteris Europæ aulis, supervacaneum esset,  
 recensere, petique possunt ex Caroli Belii *ar-*  
*chiep.*



gni nomine veniunt, ad hos enim præcipue post regem, vicaria, & adjutrix administrandæ rei publicæ cura spectat.

An. Christi.  
880.

•• Prima post regem dignitas est *Palatini*, qui velut conciliator, medium inter regem, & Nationem, locum tenet. Hæc, ut hodie reliqui magistratus, a solo regum arbitrio

---

*chiosficiis regni Hung.* tametsi hunc quoque multa hujus generis fugerint. His adjunguntur, Comes Posoniensis, & Prætorianæ militiæ Capitaneus, duo item coronæ regni custodes. Olim in subscriptione diplomatum, non idem semper, post Palatinum, ordo magistratuum servabatur. Huic quoque, regibus sanguine juncti, quamvis magistratu inferioris ordinis fungerentur, præponi solebant. Banus Dalm. Croat. & Sclavoniæ, crebro *totius Sclavoniæ* nomine veniebat, alias se junctim. Sub Bela III. an. 1183. Banus *marimarum partium*, diversus erat a Bano Dalmatiæ. Hunc olim ordine excipiebant Vajvodæ Transilvaniæ. qui simul Comites *Siculorum* erant, habebant utrique suos quoque vicarios. Sæpe etiam duos Vajvodas fuisse reperio, præsertim si alteruter alium præterea magistratum gessisset. Addebantur, cum res secundæ erant, alii etiam *Bani*, ut *Machoviensis*, *Zevarintensis*, & sub Ludovico I. etiam *Bulgariæ*. Aliquando duo quoque magistratus conjuncti erant, ut Dapiferor, & Pincernarum;

hic

An. Christi.  
880.

bitrio pendeat, & quasi ambulatoria fuit. a) Primus omnium Andreas II. videtur consuetudini huic, ex parte quodammodo derogasse. Id enim, nisi fallor, verba Decreti anni 1231. quo Nobilium, regnique immunitates denuo confirmat, non obscure indicant: b) *Si Palatinus interim male amministraverit negotia regis, & regni, supplicabunt nobis, ut utiliorem loco ejus, constituamus, quem volumus, & nos eorum precibus annuemus.* Mansit nihilominus etiam deinceps in regum arbitrio, ut Palatinum, quem vellent, sua duntaxat auctoritate constituerent, quin ad eum renunciandum Comitibus, ut hodie, opus fuerit. Constat, Sigismundum, dum Pragæ moraretur, Laurentium de *Hedervár*, defuncto Palatino Matthæo de *Palócz*, extra Comitiorum etiam tempus substituisse. *Ipsum* (de *Hedervár*) ita regis litte-

---

hic sub Bela IV. an. 1256. Magister *Bochariorum*, quasi a poculis, dictus est. Universe autem Baronibus regni, Comitatus administrandi credebantur, sæpe etiam duo, quamvis longe inter se disiti, quod serius deinde legibus vetitum fuit.

a) Fuere enim eod. an. sæpe duo, quin alteruter mortuus fuerit.

b) Exstat id in Biblioth. Vaticana, Armario 35. T. 18. pag. 273. integrum, sed variante aliquantulum lectione exhibetur in vestigiis Comitior. pag. 98.

*litteræ habent, ad honorem, & dignitatem Palatinatus regni nostri Hungariæ — fideli nostro, Magnifico Mattyus de Palócz, — de medio sublato, vacuum, eligentes, & promoventes, eundem honorem — simul cum omnibus suis fructibus, jurisdictionibus, prærogativis, — & privilegiis, quibus ceteri — Hungariæ Palatini, pro tempore constituti, — frui sunt, & gavis, eidem Laurentio — duximus conferendum, imo eligimus, promovemus, præficimus, & conferimus præsentium per vigorem &c. a) Sub Alberto rege tamen, Palatinus mutuo regis, & ordinum, consensu, ut secundum antiquam consuetudinem eligeretur, constitutum fuit. b)*

*\*\*\* Quamquam autem Palatini dignitas, a rege, prima sit, non tamen propterea, ut auctor juris publici Hungariæ contendit, auctoritas regiæ æqualis, c) cum nihil plus potestatis, jurisque ei competat, quam quod legibus, regum, ordinumque auctoritate eisdem concessum est. Illud quoque ejusdem auctoris, non invidiose solum, sed erronee etiam dictum est, cum ait, fuisse in Hungaria munus, idque aulicum, — cujus judicio stare oportuit reges. d) Confundit enim studiose personam*

---

a) Dat. Pragæ fer. 5. prox. ante fest. B. Georgii, an. 1437.

b) Decret. an. 1439. art. 2.

c) Fran. Grossinger, c. 2. n. 5. pag. 71.

d) Id. ibid. pag. 75.

## XXVIII NOTITIAE PRAEVIÆ.

An. Christi.  
880.

*nam regis, cum fundis ad eum spectantibus.* In illam, quæ nobis sacra, & inviolabilis est, nullum iudicium Palatino competit, de illis vero, si is sit in contentioso foro, cui Palatinus ordinarie solet præsidere, cum nec rebus rem alienam, jure naturæ, liceat habere, sententiam ferre solet: atque hoc modo, *fundi* quidem regii, non item *persona* regis, iudicio Palatini subsunt. Sin autem discordia inter regem, & regnicolas, alia de causa, oriatur, tum Palatinus non *judicis*, sed *mediatoris*, partes agit. a) Officia autem iudicis, & mediatoris, longe diversissima sunt. Redeo ad conditiones electionis.

### §. VI.

Quarta, hujusmodi fuit: *si quis de posteris eorum infidelis fieret contra personam Ducalem, & discordiam faceret inter Duces, & cognatos suos, sanguis nocentis funderetur, sicut sanguis eorum fuit fusus in juramento, quod fecerunt Almo (Arpado) Duci. Ex hoc capite,*  
jus

a) Id artic. 6. inter Palatinales, an. 1485. satis aperte declarat: *quod si quando differentiam, sive discordiam inter regem, & regnum oriri contingeret, Palatinus ex officio debet esse mediator, & se interponere, atque illos, adhibita omni diligentia — fideliter componere. Dignitate tamen, ut art. 5. præmittitur, & auctoritate regia salva semper remanente.*

ius vitæ, & necis, tum crimen læsæ majestatis, aliaque infidelitatis notæ, videntur originem habere, & in hæc crimina, pro delicti gravitate, potestas animadvertendi, Arpado, hujusque successoribus asserta esse.

An. Christi.  
880.

### S. VII.

Quinta denique conditio erat: ut, *si quis de posteris Almi, (Arpadi) Ducis, & aliarum personarum principalium, juramentum, statuta ipsorum infringere voluerit, anathemati subjaceat in perpetuum.* a) Quid nomine anathematis, in tam vario hu-

jus

a) Hactenus Belæ regis Notarius. Ad cujus vero Belæ ætatem referendus esset, diu disceptatum fuit. Nunc ex dipl. an. 1181. quod Cl. *Spiefs*, *archivische Nebenarbeiten, und Nachrichten, Halæ 1783. 1. Theil pag. 140.* vulgavit, mihi certum fit, illum sub Bela III. vizisse. Consentit Sigla P. præfationi præfixa, *Paulum* indicans, tum officium *Notarii*, seu, ut illo ævo mos erat, vicecancellarii, diserte verbis his exprimitur: *habito itaque super hoc consilio nostri, & episcoporum —, & Pauli, mei Notarii, nunc autem episcopi ultrafilvani &c.* Fidem scriptoris hujus, Cel. *Schlözer, Geschichte der Deutschen in Siebenbürgen. Kritische Sammlungen. Göttingæ 1795. pag. 2.* nimium elevare contendit, quod sua ex cantibus jocularum, & fabulis rusticorum sumserit, etsi is il-

lud

**\_\_\_\_\_** jus vocis significatu, hoc loco veniat, fateor,  
 An. Christi. mihi obscurum esse. Nec scio, an satis rite  
 880. aliqui

lud solum dicat, si quis sibi nollet credere, ut rusticorum cantus consulat, ex quibus sua quoque firmari reperiet; quod indicio est, illum alios, ex quibus suam historiam contexit, fontes habuisse, quam cantus rusticorum, præsertim, cum se variis historiographis usum fuisse testetur. Nec dubium est, quin pleraque ex libro *de origine Hungarorum*, mutuaverit, quem jam suo tempore exstitisse, *Luitprandus* Ticinensis Diaconus l. 2. de rebus Imp. & regum, pag. 25. c. 1. testatur. Ceterum, nec ego, vel alius, paululum critices gnarus, ea, quæ is ex hujusmodi lacunis summisse asseritur, nostra facimus, in quibus autem cum aliis probæ fidei scriptoribus consentit, nihil est, cur ei fides haberi non possit. Certe *Septem Duces* illius, cum *Boebodis*, & *septem gentibus* Turcorum, tum electio *Almi*, cum *Arpado* Porphyrogenitæ examissim consentiunt. Formam vero regiminis, quam in electione *Arpadi* constitutam fuisse memorat, non solum decreta sancti Stephani regis, si rite perpendantur, sed ipse etiam, qui apud nos deinceps continenter obtinuit, usus confirmant. Quemadmodum vero *Belæ* regis Notarium, ita quoque *Simonem Keza*, & *Thuroczium*, inclementer habet, & hunc præcipue, ut *Vorerinnerung zum 2. Stück.*  
 P.

aliqui clausulam bullæ, Andreæ II. anno 1222. statutam, inde deducant, qua subjectis libertas datur, regibus, si immunitatibus regi

An. Christi.  
880.

p. V. & VI. item pag. 166. chronicon illius vocat, Aſterchronik, die alles dichtet und über-  
treibt. & pag. 255. nicht einmal in den hirnlo-  
ſen Märchen des Thuroz. Rurſus, Vorerinnerung  
zum 3. Stück. p. V. Thuroz iſt kein Annaliſt  
ſondern ein Fabelmann. Et tamen iſtorum, ſic-  
ut & Notarii, auctoritate, tamquam proba-  
tis monumentis utitur pluribus locis. Tam in-  
ter ſe pugnantiæ, ſuſpicor, virum doctum, lon-  
ge diverſis temporibus ſcripſiſſe, & præ argu-  
mentorum, in quibus verſatur, copia, vix ha-  
buiſſe ocium, ut mentem ſemper ad priora re-  
flecteret, aut certe illorum, a quibus hæc ac-  
ceperat, fidei nimium tribueret. Verum quidem  
eſt, Thuroczium, aliosque chronographos no-  
ſtros, quædam habere fabulis proxima, ali-  
qua etiam exaucta, non tamen propterea  
continuo in fabulorum numero habendi, aut  
penitus rejiciendi ſunt, modo vera a fabulis  
cum delectu ſecernantur, alioqui nec exteris  
chronographis, qui iſdem vitiis ſcantent, etiam  
cum vera dicunt, uti liceret. Hæc occasione  
*Notarii Belæ regis*, quem poſt *Carthuitium*,  
cujus fidem alibi luculenter adſtruam, vetuſtiſ-  
ſimum ſcriptorem habemus, velut ob iter di-  
cta ſint.

—  
An. Christi.  
880.

gni derogarent, resistendi, & contradicendi;  
de qua alibi commodior differendi locus erit.

## §. VIII.

Peracta his, quas memoravi, conditionibus electione Arpadi, haud multo post, nova ad Hungaros accessio facta est. Exorto enim inter Chazaros bello domestico, magna eorum pars, qui *Cabari* dicebantur, & ceteris fortitudine praestabant, facta secessione, se Hungaris conjunxit, & octavam deinceps Tribum constituit. a)

\* Id necessario ante debuit evenire, quam Hungari a *Patzinacitis*, ex ditione penes Chazaros hactenus infessa, protruderentur. Nec enim, ut ex situs positu liquet, ratio posset reddi, quomodo Hungarorum pars, ut mox dicitur, ad fines Persidis venire, & *Cabari* se alteri parti Hungarorum, quae in Moldaviam se receperat, conjungere potuerint.

## § XI.

a) Porphyrog. l. cit. c. 39. An vero Hungari, dum penes Chazaros degebant, horum quoque *vasalli*, & *subjecti* fuerint, ut Cel. *Schlözer* cit. op. pag. 168. putat, est, cur magnopere dubitem. Alioqui Chaganus, dum eis auctor erat, ut sibi Ducem suprema potestate praeditum eligant, non satis provide egisset, se virium parte de industria privans. Quid, quod Leo Imp. Hungaros, *gentem ingenuam*, & *liberam* vocet? non igitur aliis subjectam.



## S. IX.

An. Christi.

880.

Post *Cabarorum* cum Hungaris conjunctionem, *Patzinacitæ*, qui hactenus incerti sedium ad Volgam colebant, ab *Uzis* inde eliminati, facto in Hungaros impetu, victos ex terris suis exturbant. Pars versus ortum, & meridiem rejecta, in finibus Persiæ confedit, pars, eaque major, cum *Arpado* in Moldavia, & Valachia constitit, a) minor vero cum *Lebedia* prætergressa *Kioviam*, ad montes Carpaticos adhæsit. b)

\* Porphyrogenita, ditionem, quam Hungari abhinc infederant, per fluvios designat. c) Inter hos *Pruthus*, & *Serethus* etiamnum sua nomina retinent. *Cuba*, verisimiliter est *Limana palus*, ad confluentem *Bogi*, & *Trullus*, hodie *Niefter*, quem Turcæ nunc quoque *Turtu* vocare solent. Atque hi quidem *Moldaviam*, cum parte *Valachiæ*, & *Bessarabiam*, satis aperte produnt.

---

a) Id. ibid.

b) Nestor, älteste Jahrbücher der Russischen Geschichte. pag. 33. & Belæ regis Notarius l. cit. c. 8, qui tamen *Cabares* confundit cum *Cumanis*, quos constat per id tempus, trans mare Caspium coluisse.

c) Porphyrog. l. cit. c. 38.

Vix aliquamdiu in Moldavia confederant, cum a Leone Sapiente, orientis Imperatore, contra Bulgaros, in auxilium accersiti, transmissis navibus Græcorum Danubio, semel, iterumque, ac tertium manus feliciter conferunt, victoque *Simeone*, Bulgarorum rege, actis spoliis ad sua revertuntur. a)

\* Hac occasione Leo Imp. equestrem Hungarorum militiam admiratus, libello de *Tactica* conscripto, huic quoque locum in eo tribuendum putavit. Juvat inde quædam, ad eorum, qui Hungaros illius temporis, militiæ rudes fuisse, sibi persuadent, opinionem convellendam, excerpere. *Sunt vero, inquit, Turcorum populi ad omnia sollicitè attenti, nec quidquam magis, quam sua consilia in arcu habent. — Temporum opportunitates, quam diligentissime observant, operamque dant, ut non tam conferta manu, copiisque, quam militari dolo, atque inopinatis aggressionibus, & rerum necessariorum interceptione, hostium copias fundant. — Excubias procul a castris alias, atque alias collocant, ut non facile subitis impressionibus possint opprimi, in ipsa vero pugna aciem omnem, non, ut Romani, trifariam partiuntur, sed in diversas turmas millenarias, quarum aliæ aliis turmatim connexæ, adeo modicis inter se intervallis distant, ut una continua*

---

a) Leo Grammaticus ad an. 3. Leonis Sapientis,

*tinua videatur esse acies: — Turmarum millenarum series, sive ordines, indefinita profunditate infraunt, quod profunditatis, quo acies sit validior, majorem curam gerunt. — Proeliis emissis commissis magis gaudent, deinde fruendis insidiis, & circuitionibus, cum scilicet, protaxa utraque ala, hostem circumvenire satagant, tam simulatis recessibus, & repentinis in hostem conversionibus, denique dispersis agminibus. — armantur verb francis, lanceis, arcibus, hastis &c. (a)*

Ap. Christi.  
888-89.

C. 2. . . . . s. XI.

a) Apud Kollar, amoenit. jur. cet. pag. 25. Non videntur igitur Hungari artem belli gerendi, a Transilvaniae Saxonibus, qui serius illo adven-  
25. nerant, didicisse, ut Lud. Gebhardi Geschichte des Reichs Hungarn, P. I. pag. 528. opinatur. Cujus opinionis, miror etiam Cl. Schlözer, cit. op. pag. 169. esse, cujus hæc sunt: *gerlich machte die Madjaren Orde (Horde), die im Osten vor Petscheingern zitterte, im Westen, eine lange Reihe von Jahren hindurch, daß gewaltige Germanien vor sich zittern, aber daran war in Wahrheit, nicht ihre innere Stärke, das ist, weder ihre Menge, noch ihre Tapferkeit, noch ihre Kriegskunst schuld. Si nec multitudo, nec virtus, nec ars bellandi Hungarorum, Germaniam fecerunt tremere, quid ergo illud erat? soll enim enthusiasmo, ut idem, ducto a Gallis exemplo, videtur existimare, id profecto tribui vix potest.*

Nam.

An. Christi  
892-93.

Victis Bulgaris, & didita inde eorum fama, ab Arnulpho, occidentis Imperatore, adversus *Zventibaldum*, quem nostri scriptores *Svatoplucum* vocant, Marahanorum regem, evocati, omnem illius regionem latissime populanter, a) qua occasione, regionis ubertate capti, jam tum ad eam occupandam, animum adjecisse videntur. Sed interea, dum illi Arnulpho suppetias, contra Marahanos venerant, Bulgari, acceptæ nuper cladis memores, captato tempore, initaque cum *Patzinacitis* armorum societate, illorum terras occupant, iis, qui domi cum *Liuntica* Arpadi filio, tuendis limitibus, relictis erant, partim cæsis, partim in fugam actis. b)

\* Hungari igitur Moldavia exacti, sedes deinceps in ea regione, quam *Tibiscus*, *Crysius*, *Temesus*, & *Tutes* interluunt, posuere. c) Quis fluvius *Tutes* fuerit, obscurum est, forte rescri-

Nam nec hodie solus enthusiasmus Gallis favit, sed occultus cum exteris nexus, proditiones, similitates belligerantium, & diversi, in principio belli, fines propositi, qui se nunc sensim evolvunt, in causa fuerunt.

a) Annal. Bertiniani ad annum 892. Schaffnaburgens. ad 893.

b) Porphyrog. cit. l. c. 49.

c) Idem ibid.

bendum sit *Alutes*. Nam Porphyrogenita, de hac migratione loquens, addit, *in hoc autem loco, ex quo Hungari exacti erant, antiqua quædam monumenta supersunt, inter quæ pons Trajani, — & Belegrada, quæ trium dierum itinere, ab ipso ponte distat.* a) Notum autem est, *Alutam* tot fere dierum itinere, Belgrado distare, & reliquias pontis Trajani non longe ab *Aluta* remotas esse.

Ann. Christi.  
892-93.

## § XII.

Cum autem hæc plaga tantæ multitudi-  
ni b) non videretur sufficere, cœperunt  
terras, quas olim Jazyges metanastæ cole-  
bant, sibi subdere, & ditionem versus Occi-  
dentem, C 3 sum,

a) Id. ibid.

b) De hac Thurocz Chron. R. II. c. 2. pluribus  
agit, dubitat tamen Cl. Schlözer, additque de  
*Keza*, cit. op. pag. 170. Die 857. über die run-  
de Tausendzal bestimmt M. Keza gar listig für  
die decuriones, und præfectos, bei jedem Heere.  
Si Hungari, ut paulo ante ex Leonis Sapientis  
Tactica notavi, aciem in turmas millenarias  
distribuere solebant, turma autem millénaria  
ab uno debite regi non possit, sed a pluribus,  
nihil fraudis *Keza* commisit, cum militiæ Hun-  
garorum suos *decuriones*, & *præfectos*, attri-  
buit.

sum, & Septemtrionem, latius sensim proferat  
An. Christ. re. a)

892-93. \* Per idem tempus, videtur illa Hungarorum pars, quam cum *Lebedia*, ad montes Carpathicos adhæsisse memoratum est, (§. 9.) superatis montibus, & adlectis in societatem Ruthenis, se rursus cum sociis Moldavia exactis, conjunxisse. Atque hæc sola ratio est, qua Belæ Notarius, qui Hungaros, ex *Halicia* in regnum memorat b) penetrasse, cum Prophyrogenita, qui illos ex Moldavia & Valachia educit, c) conciliari possit.

## §. XIII.

894-95. Dum hic rerum suarum satagunt, *Zventibaldus*, Marahanorum Rex, interea obiit, cujus filii dum inter se dissident, & alter alteri Principatum eripere conatur, Hungari tempore, & occasione hac usi, magnam Moraviam, illis disceptantibus, ingressi, præcipuam illius ditionem, & Pannoniæ partem, dissipatis, aut cæsis, subactisque incolis, suam faciunt, & post Arnulphi Imperatoris mortem, totam occupant, cui postea nomen Hungariæ inditum fuit. Hæc sub *Arpado* gesta, qui anno 907. e vivis excessit, hunc in regimi-

a) Belæ Notarius hæc fuisse persequitur.

b) Idem c. 12.

c) Prophyrog. cit. l. & c.



## §. XIV.

---

An. Christi.  
955.

Atque hoc temporis intervallo, Hungari, Ducum suorum auspiciis, sæpe in orientis, & occidentis Imperium procurrebant, vastitatem per Germaniam, aliasque provincias circumferentes, a) ut fere semper victores, ita nonnunquam alterna fortuna etiam usi, donec ab Ottone I. ad Augustam Vindelicorum anno 955. memorabili clade profligati fuissent. Abhinc, ad reparandas vires, domi aliquamdiu se continebant, formandæ sensim, & constabiliendæ rei publicæ intenti.

## §. XV.

Ex tot procurssionibus, præter immensa spolia, duo præcipue commoda videntur Hungari consequuti fuisse: primum, quod ex variarum Nationum captivis, quorum magnam

---

temporum exstat, ex quo pateat, illos Ducatum, ea potestate, qua Arpadus, Zoltan, Toxus, & Geisa usi sunt, adeptos fuisse.

a) Horum temporum res ab Hungaris gestas, cum in meris procurssionibus ad exterarum regiones consistant, nec quidquam ad constituendam rei publicæ formam pertinere videantur, hoc loco asserre, nihil attinebat, petique possunt, ex annalibus Francorum, Germanorum, aliorumque, quas in ordinem digestas, vid. apud Katona hist. VII. Ducum, & Pray annal. vet. P. III.



gnam copiam ex hostico fere solebant adducere, horumque consuetudine, cognitis Europæorum moribus, a ferocia militari sensim remitterent, alterum, quod ex iisdem captivis non solum Christianæ religionis notitiam hauserint, sed ad stabiliendam rem publicam, præter militiæ professionem, artes quoque, & agriculturam, cum prius rei solum pecuariæ cura haberetur, plurimum conferre experirentur. a)

---

An. Christi.  
955.

---

PARS

---

a) Agriculturæ enim in vita nomadica, qualem teste Imp. Leone Sapiente Majores nostri in principio ducebant, locus esse non potuit. Huic colendæ, post stabilitas semel sedes, captivi aliunde adducti, primum appliciti fuere, indeque olim servi *glebæ adscripti*, originem habebant.

## P A R S II.

*Constitutio regni limitum: terrarum partitiō: varietas provinciarum: quæ harum fuerit primum sub Ducibus, ac dein sub Regibus, civilis, & militaris administratio: quæ item ratio, judiciorum, proventuum, quæ hominum, servitiorumque classes?*

## §. XVI.

An. Christi.  
955.

**O**ccupata magna Moravia, placuit terrarum, quas armis subegerant, limites designare. Hos *Zoltanus* in vicinia Græcanici Imperii fixit, a) intra quos pars quoque Valachiae, ultra *Alutam* fluvium continebatur. *Porphyrogenita* enim affirmat, b) Hungaros ad orientem a *Bulgaris* separari *Danubio*. c) Reliqui deinde Duces, ut ditionem sensim proferebant, ita alios limites secundum fluvios, vel naturales montium positus, constituerant.

Hunc

a) *Belæ Notarius*, c. 57.

b) De administr. Imperii, c. 40.

c) Firmat id non modo locus de ponte *Trajani*, & *Belgrado*, supra jam adductus, sed biographus etiam *S. Gerardi*, temporibus illis si non proximus, certe non longe remotus, qui c. 8. refert, *Achtunum*, ei *Valachiae* parti, quæ ex oppositu *Vidini*, ultra *Alutam* tenditur, præfectum, a *Stephano* primo Rege, quod obedientiam detrectaret, victum fuisse,

Hunc in modum limes a meridie, partim *Dra-*  
*vo* definiebatur, partim quod inter hunc, & *Savum* interjacet, & *Danubio*, ad utriusque  
 confluentem vergit, complectebatur. a) A  
 Septemtrione montes *Carpatici*, & horum ex-  
 trema *Poloniæ* objecta juga, olim *Simina* b)  
 di-

An. Chriſti.  
 955.

a) Fidem hujus facit *Rado* Palatinus, in litt. an.  
 1057. his verbis: *monasterio meo S. Demetrii*  
*super Zavam fluv. quod multis laboribus bel-*  
*licis, cum tota provincia illa sanctæ coronæ*  
*rectificavi, & iterum acquisivi.* Fuit igitur jam  
 prius juris Hungarici facta, omnemque ditio-  
 nem Comitatum *Sirmionis, Poſſegani, & Val-*  
*kovianis* continebat.

b) Dipl. *Belæ* IV. an. 1256. nos quendam silvam  
 nostram regalem in districtu *Scepuſienſi*, ab  
 utraque parte fluvii *Poprad*, inter indagines  
 regni nostri, & confinia *Poloniæ*, & inter  
 montes *Simina* — existentem, donavimus &c.  
 Dipl. *Ludovici* I. an. 1347. Præterea in con-  
 finis *Bohemiæ*, per ipsam patrem nostrum con-  
 ſtitutus (*Stephanus Vajvoda Transilv.*) partes  
 regni nostri — per suas veras metas, per san-  
 ctissimum regem *Ladiſlaum* poſitas, & erectas,  
 recuperando assignavit. Ad litem enim inter  
 Hungaros, & Bohemos, limitum causâ ortam,  
 S. *Ladiſlaus* paulo ante mortem versus *Mora-*  
*viam* profectus erat. De *Auſtria* vero testan-  
 tur *Notula Aloldi* ad an. 972. Interim (*Geiſa*  
*Dux*)

An. Christi.

955.

dicta, ad *Popradum* amnem, terminus erant; ab occasu vero, limes hinc ad fluvium *Moravam*, illinc autem, etiam temporibus Geisæ Ducis, ad potiozem *Austriæ* inferioris partem, prolatus fuit.

\* Hodie iisdem fere, si *Austriæ*, & *Valachiæ* partem demimus, limitibus circumscribitur. Veram illius longitudinem, & latitudinem, quæ vel astronomicis observationibus universe definita, vel geodætice dimensa sit, nondum habemus, quo sit, ut etiam mappis rite constructis desituamur. Si tamen ea, quæ Serenissimo Archiduci Leopoldo Alexandro, regni *Hungariæ* quondam Palatino, dicata fuit, gradus accurate exhibet, tum *Hungaria* ambitu suo complectitur milliaria quadrata circiter 3040. aut paulo quiddam amplius. a)

\*\* Huic

---

Dux) *Osterricham* a Majoribus suis ex maxima parte occupatam non dimisit, sed constanter retinuit. Qui limes tamen sub S. Stephano Rege, pace cum Imp: Conrado II. confecta, ut suo loco dicetur, ad *Leitam* fl. & castrum *Hornstein*, reductus fuit.

a) Sunt tamen, qui 4290. alii 4033. alii rursus pauciora hujus dimensionis milliaria numerent. Sed de hoc argumento, sine astronomorum, & geodætaram ope, nihil certi, puto constitui posse.

\* \* Huic terrarum amplitudini, vis tamen responderet incolarum numerus, nec enim, calculo publica auctoritate inito, ultra septem milliones consentur, et pro ubertate soli, cœlique clementia, & crebro deductis aliunde coloniis, omnino pauci. Hinc multa adhuc plagæ, quæ alendis quidem numerosis pecorum gregibus utiliter serviunt, alterius tamen præterea culturæ patientes essent, propemodum vastæ jacent. Et quamvis, quodvis naturæ regnum omnia, quæ ad usum vitæ humanæ spectant, nobis abundanter præbeat, ipse etiam regni situs, ob fluviorum copiam, nec superatum, difficilem annuum corrivationem, opportunus sit, languent tamen commercia, vixque ultra boum, frumenti, lapæ, pallium, vinique, & quæ hujusmodi sunt, negotiationem porriguntur, eaque, ut plurimum, in Græcorum, & quos Rascianos vocamus, potestate sunt, reliquis mediocritate sua contentis. Quo fit, ut artes non quidem negligantur, ad eam tamen perfectionem, quæ artefactis cele-

An. Christi

955

e) Ex his sunt

Romano-Catholici . . . . .	4190000
Græci ritus uniti . . . . .	500000
— non uniti . . . . .	800000
Angli. & Helvet. Confess. . . . .	1500000

In hoc numero Judæi non sunt com-

prehenfi, qui anno 1787. censi

erant. . . . . 80894

Ann. Christi.  
955.

lebritatem apud alios conciliet, non perveni-  
ant, atque ita, quæ exteris parabili precio  
vendimus, duplicato, sæpe etiam magis ex-  
aucto, redimere cogamur, siue publica arti-  
um instituta, ad has latius propagandas, actu-  
endamque industriam nobis defunt, siue nos  
piget, aliarum Nationum solertiam, ad fa-  
cienda lucri compendia, imitari.

§. XVII.

Constitutis limitibus, ne, ut prius, vita  
Nomadum more, ageretur, a) e re publica vi-  
sum est, terram communiter partiri. Præci-  
pua[m] partem *Arpadus* sibi, suisque successo-  
ribus, asseruit, tum illis, qui eum sibi Ducem  
præstituerant, b) secundum pacta conventa,  
(§.

a) *Leo Sapiens* apud *Kollar*, l. cit. pag. 29.  
*Cumque incertis sedibus vivere sit solitu* (gens  
*Hungara*) labores omnes, & ærummas strenue  
perfert. — Comitatur eos animalium magna  
multitudo, equorum, equarumque, item boum,  
& vaccarum, tam escæ, tam lactis potus cau-  
sa. More nimirum ex Asia allato. Sedes in-  
certa, indicio sunt, terrarum divisionem, non-  
dum Leonis tempore factam, sed usum omni-  
bus communem fuisse.

b) *Id Belæ Notarius* indicat, capp. 15. 18. 24.  
31. & alibi passim. Nec tamen, ut aliqui  
sibi persuadent, privato cujusvis arbitrio, sed

Du-

(§. 4.) portio tributa fuit, ac hi rursus militibus, quibus præerant, certum terræ tractum, ex quo, stipendiorum loco, vitæ necessaria adjuncta sumerent, feudi instar, idque ad dies vitæ solum, designarunt, quæ feudi ratio, non tantum in Asia, sed in Europa etiam, per id tempus, passim obtinebat. a) Cum autem Hungari equitatu cumprimis valerent, plana ut plurimum loca infederant, Slavis Marahanis, qui remanserant, ad montana reclusis, qui hodie etiam utriusque gentis fere situs est.

An. Christi  
955.

\* Præcipuam partem in distributione terrarum, ad *Arpadum*, hujusque successores, Duces, regesque, proprietatis jure, pertinuisse, satis manifeste indicant amplæ donationi-

---

Duois auctoritate duntaxat, terræ divisæ erant, alioquin confestim in principio rem publicam interverti, & societatem dissolvi, oportuisset.

a) Exempla hujusmodi exstant apud du Cange in glossario mediæ ævi, ad articulos, *feudum*, *beneficium*, *allodium* &c. & apud Baluzium, in præfat. ad Capitularia regum Francorum, quædam etiam in Dissert. de *Missis dominicis*, seu regum nunciis. Ex quibus liquet, feudatarios, titulo militiæ, primum fuisse usufructuarios, tum sensim portionem fuisse excisam pro *allodio*, quod jure hæreditario possidebant, donec omne id, ex quo fructum capiebant, in idem jus transisset.

An. Christi.  
955.

tiones, quas Geisa exteris in Hungariam venientibus fecerat, & tot, ut nihil de Abbatibus, & plurium sacerdotiorum collegiis dicam, non solum conditi a sancto rege Stephano episcopatus, quos, teste Carthutio, amplissimis fundis dotaverat, sed posteriorum etiam regum, in viros sacræ; & profanæ rei publicæ profusa liberalitas. Nam crimen læsæ majestatis, & defectus seminis, ex quibus capitibus fundi aliis donati, in fiscum solent devolvi, aliisque, si regibus videatur, conferri, vix quidem eo tempore, aut certe rarissimum fuit.

\*\* Hinc Belæ Notarij locus, a) ubi Transilvaniam, postremo electorum *Tuhutum*, donatam memorat, illustrandus est. Cum enim ea provincia tertiæ parti Hungariæ, par fere sit amplitudine, vel non fuisset æqualis inter hunc, & reliquos electores divisio, ansamque præbuisset simultatibus, quod *Arpadi* prudentiam, a Porphyrogenita laudatam (§. 2.) minime in recens instituta re publica commendasset, vel, si ceteri quoque electores æqualem cum *Tuhutum* portionem sunt adepti, necesse est, ut *Arpado*, hujusque successoribus, ac regibus, minima pars obtigerit, cujus tamen contrarium, paulo ante ostensum est, &, vel ex ipsa ratione dignitatis, & potestatis, quam *Arpado* libera voluntate, tribue-

a) Hist. VII. Ducum, c. 49.



buerant, a vero prorsus abhorret. Itaque illud veri est similis, *Tuhutumo* Transilvani-  
am, *administrationis* solum titulo, partem ve-  
ro aliquam, ut reliquis electoribus, feudi in-  
star, collatam fuisse. a)

955.

## S. XVIII.

a) Idem Transilvaniā a *Tuhutumo*, jussu *Ar-*  
*padi* subactam memorat. Id Cel. Schlözer cit.  
op. Vorbericht, pag. V. inter fabulas censet.  
*Tuhutums* Eroberung scribit, ist mir ein Mär-  
chen. Sed, cur ita ei videatur, rationem, quod  
tamen ex lege critices, fieri debebat, nuspiam  
reddit. Mox subjungit: und später hin, ist mir  
*Stephans* Eroberung dieses Landes, keine Erober-  
ung in gewöhnlichen Bedeutung. Kursus: sei-  
ne Nachfolger waren nicht in Stande die Erober-  
ung zu behaupten, auch machte keiner die ge-  
ringste erweisliche Anstalt da zu. Der sichere Be-  
sitz des ganzen Landes ward erst 200. Jahre nach-  
her dem ungrischen Reiche, durch Deutsche, und  
ihre Bürger gewährt. Hæc, ne viri docti au-  
toritas aliis præjudicium creet, tantisper ex-  
ploranda sunt. Ac primum quidem, constat,  
Transilvaniā, teste Ademato Chabanensi ad  
annum 1002. a Stephano, Gyula Duce, cum  
uxore, & duobus filiis, capto, *ad fidem verita-*  
*tis, tam vi, quam amore conversam* fuisse. Idem  
affirmat annalista Hildesheimensis, qui, quem-  
admodum & Ditmarus, illius plane temporis  
scriptor, Gyulam, avunculum Stephani, & ab

§. XVIII.

An. Christi.

955.

Facta terrarum partitione, ut, quæ cujusvis in re publica partes, quæ subjectis cav-

ven-

hoc provincia exutum fuisse, perhibent. Cum autem itidem constet, Stephanum nulli unquam belli causam præbuisse, idque si gerere fuisset coactus, nec animo aliena rapiendi, sed sua solum conservandi, gessisse, necesse est consequi, Gyulam voluisse Transilvaniam, quam abavus illius *Tuhutum*, ab Arpado curandam acceperat, a jure Stephani, & ab Hungaria avellere. Deinde animum hanc retinendi Stephano fuisse, cum ipsa, post Gyulam cum familia sua in Hungariam ductum, provinciae administratio, tum religio quoque, quam induxerat, conservanda, certo documento esse possunt. Illud, quod idem addit, nullum episcopum Transilvaniae, ante annum 1103. memorari, nihil prorsus efficit, alioquin, cum nec Vaciens, ante an. 1055. nec Varadiens. ante an. 1103. nec Nitrien. ante an. 1133. episcopi memorentur, nec has plagas religioni Christianae prius fuisse initiatas, nec ad Hungariae jus pertinuisse, consequeretur. Fuit proinde Transilvania jam ante Stephanum, & sub reliquis deinceps regibus juris Hungarici, certaue possessio jam prius asserta, quam coloniae ex Germania advenissent. Nec enim inde a Stephani tempo-

re,

venda, vel agenda essent, quivis sciret, necessarium erat, ut leges, quæ tempori, & Nationis genio accommodatæ essent, conderentur. An. Christi. 955.

Arpadus igitur, convocatis Tribuum Præfectis, communi cum illis deliberatione, sicut per pacta conventum erat (§. 5.) *ne a con-*

*filio Ducis, & honore regni priventur, a) mo-*  
D 2
dum

re, ad Geisam II. Transsilvaniam, licet hanc hostes crebro, antè deductas ex Germania colonias, & postea quoque, erectis etiam *Saxonum Burgis* incurfarint, ab exteris subactam fuisse, ullus scriptorum prodidit. Et jam an. 1113. sub Colomanno Rege, *Mercurius* Transsilvaniæ Princeps, seu Vajvoda subscriptus legitur, non solebant autem magistratus, regum diplomatibus subscribi, nisi earum ditionum, quas re ipsa possidebant. Anni igitur 200. quos D. Schlözer, ad retinendam, & stabilendam Transsilvaniæ possessionem, statuit, mere arbitrarii sunt, nec, hanc Saxonibus deberi, evincunt.

- a) Belæ Notarius, c. 40. & *in hoc loco Dux, & sui Nobiles ordinaverunt omnes consuetudinarias leges regni.* Hoc est, ut reor, leges, quæ ad constituendam rem publicam necessariae erant, nam deinceps ex usu temporum, quædam additæ, aliæ autem mutatæ erant. Veri autem simile non est, omnes Nobiles, ut aliqui sibi persuadere possent, viritum adfuisse,

qui

An. Christi.  
955.

dum servitii, aliaque obsequia, ad rite stabilendam rem publicam, necessaria, criminum item, populus enim, teste Leone Sapiente, in principio, severitate regebatur, varias poenas, constituit, quæ ejusmodi fuerint, ex iis legibus, quas primi reges tulerant, & de quibus alibi commodius dicetur, facile conjectura capi potest. Atque hic quidem primus omnium, qui memoriæ proditus sit, gentis nostræ Conventus fuit, ex quo Comititia regni originem suam deinceps videntur duxisse.

\* Fuit autem Comitiorum non eadem in principio, quæ hodie obtinet, ratio. Primi reges, si quid statuendum in rei publicæ commodum erat, cum Episcopis & Nationis Principibus consultabant, a) quemadmodum inter se-

---

qui ad tuendas recens occupatas terras dispersi, in hostium conatus excubare debebant, proinde ii solum videntur intelligi, quos c. 5. speciali Nobilitatis prærogativa ornat: *isti enim, ait, septem principales personæ, erant viri Nobiles genere.*

a) Carthuius cit l. c. 1. *cum episcopis, & Primatibus Hungariæ, statutum a se decretum, manifestum fecit.* Et c. 4. *Contra quem (Imp. Conradum II.) Rex consultum habens Episcoporum, & Principum, ad tuendam patriam, armatos totius Hungariæ extraxit.* Idque primum vestigium est, *Insurrectionis, ut nostri vocant, generalis.*

septem principales personas, in electione Ar-  
padi, constitutum fuit. Episcopis, ut primus  
ante Principes locus est datus, a) ita jus quo-  
que Comitiorum, & suffragii tributum fuit, ut,  
si quid intervenire tractandum, quod religio-  
ni adhuc novitiæ, videretur adversum esse,  
episcoporum, ad quos res religionis, jam ab  
exordio institutionis illius pertinebat, iudicio,  
& sententia staretur.

An. Christi.

955.

\* \* Quando autem mos cœperit, ut, præ-  
ter Episcopos, & Optimates, etiam Nobiles  
jus Comitiorum, & in his suffragii obtine-  
runt, nusquam diserte expressum reperio. Sunt,  
qui id ad tempus regis Ladislai I. figant,

D 3

a)

a) Episcopis primum locum esse datum, patet ex  
S. Stephani Decret. l. 1. c. 3. & l. 2. c. 2. de  
quo Cl. Schlözeri cit. op. pag. 197. hæc est  
opinio: In seiner Ermanung an seinen Son  
Emerich, von deren Alter, und Artheit aber  
noch niemand Beweis geführt hat, wird ihm des-  
halb eine gelehrte Theorie, mit Bezug auf die  
Entstehung des Römischen Staats in den Mund  
gelegt. Sed nemo etiam suppositum hæcenus  
ostendit. Ceterum vetustatem illius, ex Car-  
thagio, quem Stephani temporibus proximum  
fuisse, deinde ostendam, facile discere poterat,  
qui c. 4. hæc refert: *ipso quoque (Stephanus)*  
*paternæ dilectionis ardore compunctus, libel-  
lum sibi (Emerico) de institutione morum com-  
pulsit &c.*

An. Christi.

955.

a) quod ego malim in medio relinquere, quam in partem alterutram hallucinari. Illud contra certum est, sub Andrea II. cuivis Nobili, qui vellet, concessum fuisse, ut Comitibus interesset. b) sed, cum ipsa copis, ut fit, ob diversitatem opinionum, & qui ex hac plerumque sequi solet, conflictum sententiarum, consultationibus officeret, primus omnium Bela IV. numerum ad duos, tresve ex quovis Comitatu restrinxit, qui mos hodie dum obtinet. c) Decreti verba sunt: *item ordinavimus, quod singulis annis, in festo sancti regis (Stephani) unus ex nobis, (hoc est, vel Rex ipse, vel alteruter ex filiis, Stephanus, aut Bela junior) Albam venire debeat, & de quolibet Comitatu, duo, vel tres Nobiles debeant convenire, ut in eorum praesentia, de omnibus damnis, & injuriis, per quoscunque datis, & il-*

a) Decret. S. Ladislai, l. i. prolog. §. I.

b) Bul. aur. art. 1. *Et si nos interesse (Comitiis) non poterimus, Palatinus, procul dubio ibi erit pro nobis, & omnes servientes, qui valuerint, libere illis conveniant.*

c) De Nunciis Comitatum ad Comitibus, qui plura volet, consulat Decreta annor. 1435, 1440, 1447, 1459, &c. quæ in Cod. jur. patrii exstant, qui autem præter Nuncios Comitatum, jus Comitiorum habeant, reperiet in Decr. an. 1698. Confer præter alios, Ignatii Steph. Horváth Biblioth. Juris consultor, Hung. Tom. III.

*Illatis, omnibus querulantibus satisfiat. a) Viden-*  
*tur autem olim omnes, suo, non item publico; An. Christi.*  
*sumtu Comitii interfuisse. b) Civitates regie, 955.*  
*quas liberae vocamus, primum sub Sigis-*  
*mundo, jus Comitiarum obtinere. c)*

## D 4

a) Dipl. as. 1267. quo Nobilium prerogativas  
 confirmat.

b) Videtur id innuere, Wladislai II. Decr. an.  
 1492. quo statuitur, ne quis, constituto jam  
 Comitii tempore, ultra quatuor dies expecte-  
 tur, moraue idcirco consultationibus injicia-  
 tur, causa hæc redditur, quod *Nobiles modio-*  
*axes, & pauperes de ipsa Dieta abscedere co-*  
*acti fuerint.* Idem in Decreto Ludovici II. art.  
 16. repetitur in hæc verba: *quoniam autem*  
*propter continuas Dietarum celebrationes, pau-*  
*peres Nobiles, adeo exhausti sunt, ut eorum*  
*multi, propter nimias expensas, bona sua im-*  
*pignoraunt, in perpetuum deveniant rusticita-*  
*tem &c.* quod non esset consequens, si sumtus  
 fuissent ex publico prebiti. Hinc Comitii olim  
 citius finire solebant. De sumtibus ex publico  
 præstandis serius post, Decr. 1647. art. 104.  
 Decr. 1655. art. 51. & Decr. 1715. art. 47.  
 constitutum fuit.

c) Decr. Sigismundi an. 1405. in exordio §. III.  
*Hinc est, quod convocatis, ex omnibus regni*  
*nastri Comitibus, & districtibus, civitatibus,*  
*oppidum, & liberarum villarum, regis ju-*  
*ris.*

Tempus, quod Comitibus præstitum  
 An. Christi. solet, quoniam hæc indicere, juris regis est,  
 955. a) nec certum in principio fuit, & crebro  
 etiam variabat. b) Illud solum jam ab exor-  
 dio regni videtur defixum fuisse, ut reges pos-  
 sessionem adituri, coronam suscipere, & jura-  
 mentum Ordinibus, de servandis regni immu-  
 nitatibus dicere soleant, vicissimque ab his-  
 dem fidelitatis sacramentum recipiant. His  
 Andreas II. illam quoque anno 1222. addide-  
 rat, qua, si Rex promissis, tempore corona-  
 tionis a se præstitis non staret, Nobilibus tam  
 sacri, quam profani ordinis, facultas, regi  
 contradicendi, & resistendi, datur. c) sed, cum  
 hæc

*risdictioni pertinentium, Nunciis, & Legatis,  
 auditis, & diligenter intellectis &c.*

a) Rege autem defuncto, si hæres non adsit, jus  
 Comitibus indicendi, ad Palatinum, & hujus ma-  
 gistratu vacante, ad judicem Curie pertinet.  
 Si vero, rege pupillo, Gubernator electus sit,  
 hic, præ Palatino, Ordines ad Comitibus con-  
 vocat.

b) Ut tempus, ita & locum Comitibus reges de-  
 signant.

c) Clausula bullæ aur. an. 1222. art. 31. §. II.  
 sublata est Ordinum consensu, an. 1687. art.  
 4. ea potissimum ex causa, quod, ut regis pro-  
 positio die 31. Oct. ejusdem anni habet: *divi-*  
*nis,*



hæc clausula generatim concepta, nullum in *contradicenda* modum, nec, intra quos limites *facultas resistendi*, se continere debeat, statueret, facileque occasionem præbere posset, facta regum, ceteroqui innocua, & rei publicæ utilia, in peiorem partem accipiendi, atque ita vinculo animorum, quod reges cum subjectis connectere debet, solvendo fucosam causam dare, idem Rex, anno post nono, dum rursus jura Nobilium, Sacramento a se, & filiis suis præstito, rata haberet, consentientibus regni Ordinibus, abrogasse, aliquamque priori substituisse videtur; qua, si immunitates regni imminutum esset, violaretque, Strigonjensi Archi-Episcopo facultatem tribuit, ut regem exerrantem, primum commo-  
nesaceret, & si id non satis esset, sacris etiam interdicat. a) Simili deinceps, post abro-

An. Christi.

955.

nis, humanisque legibus contraria, nec sine manifesto regis, & regni discrimine observari quiret, dum utque regnicolis pandit, regi, suo resistendi, flagitia quoque, & scelera licentiose patrandi, quod ipsum plurimum annorum experientia teste, tot motus intestinos, & externa bella, & quod majus, iram Divinam excitavit, totumque regnum ad fatale fere funus, & internecionem deduxit.

a) Decret. Andreæ II. an. 1231. Ut autem hæc nostris, & successorum nostrorum, temporibus

fir-

An. Chiffi.  
955.

bit, *Hunorum in Pannoniam ingressu, usque*  
*Carolus I. adeoque novem pene, & quod excu-*  
*rit, seculis, ne unum quidem Hungariæ Princi-*  
*pem reperio, qui sub regiminis aditum, in subdi-*  
*torum suorum conditiones, aut verba jurasset.*  
*Aassertum istud nunquam evertent adversarii, &c.*  
Ne rei, scriptori quidem huic, ignotæ, mon-  
stratu tamen, ut ex paulum ante memoratis  
liquet, facili multum immorer, afferam do-  
cumenta, ex quibus perspicuum fiat, reges  
etiam stirpis Arpadianæ, in aditu regiminis,  
juramentum de servandis regni immunitati-  
bus præstare solitos fuisse, adeoque scriptoris  
hujus assertum, nullo prorsus negotio enerva-  
ri. Honorius Papa III. ad Belam IV. regem  
juniorum, scribens, impense eundem horta-  
tur, ut patrem suum, ad irritandas donatio-  
nes superfluas induceret, causam in hæc ver-  
ba reddit: *cum teneatur, & in CORONATI-*  
*ONE sua juraverit, jura regni sui, & honorem*  
*coronæ suæ, illibate servare, &c.* a) Similiter  
Ste.

a) Regest. Honorii III. epist. 70. an. Pontificatus  
IX. Quid Pontifex *jure regni, & jure coronæ,*  
intellexerit, obscutum est. Forte, *regni nomi-*  
ne veniunt incolæ, inter quos, Status, & Or-  
dines, cives, & plebs, suo quique jure, & gra-  
dū censentur, *coronæ autem honore,* reges, &  
quæ horum prærogativis innexa sunt, *jura ma-*  
*jestatica,* inter quæ, præter jus vitæ, & necis,  
bel.

Stephanus, Belæ IV. filius, juramentum in coronatione a se Ordinibus dictum testatur: An. Christi. 955.  
 nos igitur, ait, in die coronationis nostræ, Ba-

ro-

belli, & pacis, fœderum, ac Legationum, tum  
 leges ferendi, & has confirmandi, conferendi bo-  
 na, bene de re publica meritos in ordinem No-  
 bilium cooptandi, item regni magistratus institu-  
 endi, feriundæ pecuniæ, aliaque ceteris regibus  
 communia, forte etiam referri possit jus indul-  
 gendi, & vetandi typographias, quæ, ut rei lit-  
 terariæ bono institutæ sunt, ita, cum sæpe  
 quidam quasi canalis fiant, quo opiniones, re-  
 ligioni non minus, quam rei publicæ, ac mo-  
 ratæ civitati noxiæ, in vulgus propagari so-  
 lent, merito Principes, si modo sui, suorum-  
 que, ut debent, curam habere velint, jus sibi  
 in has servarunt. Certe Rudolphus an. 1584.  
 d. 15. Aug. Praga rescribens, typographias in  
 Hung. sine facultate sua erectas, præter Te-  
 legdi episcopi, vetuit. *Nos volentes eundem*  
*episcopum — pro nostro rem litterariam curan-*  
*di, promovendique studio, de præfatu ipsius*  
*typographia, nobis grata, & accepta, sublatis*  
*jam antea, &, seriis nostris mandatis, pro-*  
*hibitis univèrsis, & quibusvis typographiis,*  
*quæ passim sine licentia, consensuque nostro,*  
*in regnum hoc nostrum Hung. receptæ erant,*  
*quas etiam vigore præsentis nostri diplomatis,*  
*serio interdiciamus, & prohibemus, securum,*  
*& quietum — reddere, &c.*

~~\_\_\_\_\_~~ *ronibus, & universis regni nostri Nobilibus, ju-*  
 An. Christi. *ramentum præstitum, infallibiliter volentes ob-*  
 955. *servare, &c. a) Quin, & a reginis, in prima*  
*regum periodo, id præstitum fuisse, veri-*  
*est simillimum. Certe Elisabetha, Stephani*  
*V. regis conjux, juramenti a se præstiti, his*  
*verbis meminit: unde, cum die appositionis*  
*coronæ capiti nostro, promiserimus juramento,*  
*quod jura Nobilium per antecessores nostros, in-*  
*debite alienata, — reddi faciemus, & restitui, &c.*  
*b) Fuit igitur hæc consuetudo etiam ante Ca-*  
*rolum I. contra, quam scriptor hic aliis per-*  
*suasum vult, apud nos usurpata.*

## §. XIX.

Arpadus in iisdem Comitibus, justitiæ ad-  
 ministrationem, ad stabiliendam rem publi-  
 cam, omnino necessariam existimabat, quæ  
 quidem in principio rudis admodum, & ipsi  
 etiam genti admensa erat, plus tamen rigo-  
 ris, quam temperamenti habens. c) Præcipuas  
 in hac partes tenebant, *Gylas, & Carchas,*  
 quæ officii, non item personarum, nomina  
 fu-

---

a) Dipl. 1270. V. Kal. Octobr.

b) Vid. Fray commentar. hist. de vetere reginas  
 Hung. coronandi more Pestini 1792. pag. 9.

c) Leo Sapiens, apud Kollár, amœnit. hist. vol.  
 1, pag. 25.

fuisse, Porphyrogenita monet. a) Quemadmodum Comitiorum, ita iudiciorum quoque, alia, atque alia olim institutio fuit. Postquam *Gylæ*, & *Carchæ* nomen obsolevit, Comites palatii, horumque vicarii, b) iudiciorum arbitri erant.

An. Christi.  
955.

\* Iudicia primitus per *sigilli missionem* c) fiebant: hoc *præcones* solebant deferre, & qui

a) De administ. c. 40. Nomen *Carchas* etiamnum, sed depravatum, exstat. Decr. S. Ladislai, l. 3. c. 2. ubi *iudicis Sarchas* nomen legitur.

b) Ibid. l. 3. c. 3. 25. & 26. Auctor jur. publ. Hung. pag. 75. censet, officium Palatini primum a S. Ladislao Rege institutum fuisse, propterea, quod nemo ad id tempus hac dignitate ornatus fuisse legatur. Sed venire ei in mentem debuerat, S. Stephanum Regem, in præf. ad Decr. l. 2. §. II. monarchiam suam ad normam Augustorum prioris, & sui temporis, instituisse. Cum igitur Imp. Occidentis suos *Comites palatii*, & Orientis *Curopalates* suos habuerint, dubium non est, quin Palatinum quoque instituerit, licet, defectu documentorum, nemo nominatim exprimatur.

c) Decr. Ladislai l. 1. c. 24. item Colomanni l. 1. c. 14. & 23. atque hoc unicum est, quod sub Petro Rege, ex legibus Bajoariorum, ad nos derivatum fuit, ut videre est apud Baluzium, in Capitularibus Francorum.

# LXIV NOTITIAE PRAEVIÆ.

An. Christi.  
955.

qui his præfuit, *Comes præconum* dicebatur.

a) Postea Judices Nobilium idem præstitere.

b) Vifo, cognitoque sigillo, ad diem dictum comparandum erat, qui renuisset, ære multatus est. Ceterum, ut de libris rectius cognosceretur, bis quotannis, ab Episcopis, & Comitibus Synodi habitæ, in quibus partes audirentur, c) forte hinc consuetudo manavit, ut omni anno ad festum sancti Stephani regis, Albam regiam Comititia pro celebrandis judiciis olim indicerentur. d)

\* \* Fuit quoque in usu *judicium ferri candentis*, quod in sede episcopali, vel constitutis ad id Præposituris majoribus, ut *Nitriæ*,  
&

a) Id patet ex sigillo, quod caput *Uri* refert, appensum litteris an. 1255. hac epigraphe: *Comes Tristanus me misit*: litterar. vero hoc initium est: *Nos Tristanus Comes præconum Domini Regis*. Et aliud Capituli Veszprimiensis, angelum exhibens, cum epigraphe: *sigillum citationis*.

b) Litt. an. 1346. *Nos — Vicecomes, Magistri Konya, & quatuor Judices Nobilium, damus pro memoria, quod Comes Theodorus, unus ex nobis quatuor Judicibus, & Stephanus —, quos ad faciendam inquisitionem, cum nostro sigillo transmisimus, ad nos reversi, sigillumque nostrum reportantes, dixerunt &c.*

c) Decr. Colomanni, l. 1. c. 2.

d) *Andræ II.*, bull. aur. art 1.

& *Posonli*, a) item *Budæ* veteris, b) præcipue autem *Paradini*; & *Orodini* c) fiebat.

An. Christi.

955.

Præter hoc, celebre etiam fuit *judicium duelli*, & jam a condito regno in usu, d) quod genti militari velut congenitum, ad tempora *Mathiæ Corvini* duravit, qui id, ob varias, quæ intervenire solebant, fraudes, condidit.

a) Decr. *Colomanni*, l. 1. c. 22. *Judicium ferri, & aquæ, in aliqua Ecclesia fieri interdiximus, nisi in sede episcopi, & majoribus Præpositis, ut Posonii & Nitriæ.*

b) Litt. *Andræ II.* an. 1214. *Prædium etiam, — quod tempore regis Emerici emerat (Boleslaus Vacienfis episcopus) totaliter cum habitatoribus, & terra, pro 82. marcis, a quibusdam mercatoribus de Ruscia, venientibus, qui in præsentia Curialis Comitis, — super spoliatione rerum suarum, in Budensi Ecclesia, ferri judicio convicerant &c.*

c) Exempla passim exstant, in ritu explorandæ veritatis per *judicium ferri*, apud *Matth. Bel*, *Decade monumentor. &c.*

d) Dipl. *S. Stephani regis*, an. 1024. quo *Abbatibus de Zala*, si bona illius ite impeterentur, constituit, ut tali casui obvietur, regia majestas, quoties locus, aut tempus se obtulerit, dictæ Ecclesiæ teneatur de pugili, de sua benignitate providere, & ipsum pugilem expedere.

*Pars I.*

E

~~—————~~ dita lege vetuit. a) Locus illi fuit in causis  
 An. Christi. dubiis. Litigantes aut per se, aut per con-  
 955. ductos pugiles, tempore, & loco, a Rege,  
 vel Palatino, aliove iudice designatis, con-  
 gredi solebant. Modus quoque dimicandi,  
 & armorum genus præscriptum; modo equi-  
 tes, b) modo pedites, ut iudices decreverant,  
 manus conferebant. Nonnunquam, præfer-  
 tim si de impacto alicui crimine lis esset orta,  
 pugili experto, oppositus erat tiro, c) & læsæ  
 majestatis reo, armatus nudo. d) Sententia  
 pro

a) Decr. 6. art. 18.

b) Dipl. Belæ IV. an. 1258. *Quod, cum in per-  
 sona Ompudini — pro Comite Dionysio, &  
 Laurentio, duellum in armis, & equis adju-  
 dicassemus &c.*

c) Litt. Nicolai vicejudicis, Wilfermi Palatini,  
 an. 1329. *Ipsæ Joannes — se super duello sub-  
 misit, — signo duelli, in instanti accepto. Un-  
 de nos — duellum equestre ordinavimus, tali  
 modo, quod 62. die datarum præsentium, dictus  
 Dominicus, pugile congresso, & Joannes pu-  
 gile incongresso — aut in propria persona, in  
 area duelli — dimicabunt. Episcopi, Capitu-  
 la, Abbates, & Præpositi, universe pro se  
 pugiles conducebant.*

d) Dipl. Belæ IV. an. 1246. *Ipsum (Fulconem,  
 qui tempore irruptionis Tartarorum prædas age-  
 bat) a pluribus super infidelitate, & de cri-  
 mi-*



pro victore lata est, & victus mulctam pecuniariam solvere debuit, quæ, si simplex erat, patrio vocabulo, *Birség*, si duplex, *Követség*, dicebatur. a) Qui ex pugilibus causam, projectis armis, prodidisset, omnibus fortune privatus, simul cum uxore, & prolibus jam natis, & deinceps nascituris, perpetuæ servituti addictus fuit. b) Poterant tamen litigantes,

An. Christi.  
955.

E 2

tes,

*mine læsæ majestatis, gravissime adnotatum, præsentibus Baronibus — nudum judicavimus ad duellum, prout super hujusmodi criminibus, regni nostri antiqua consuetudo requirit.*

a) Dipl. Andreæ II. an. 1228. *Item auctoritate regia, decrevimus, ut neutra pars (duelli causa) judicium dupli, quod vulgo Követség dicitur, solvere teneatur.*

b) Ibid. *Cum igitur pars utraque in terreno sibi assignatq., pugiles suos ad dimicandum, in nostram præsentiam constituisset, Achilles filius Csiba, qui pro parte dicti Hectoris, singulare certamen inire debuerat, & suo adversario viriliter, & fortiter resistere, nobis, nostrisque Jobagionibus præsentialiter inspicientibus, tam manifestam prodicionem in primo adgressione assultu, universis suis bellicis armis, hasta, clypeo, ambobus gladiis, baculo, nec non cultello, sponte, — & in instanti depositis, se nolle pugnare, publice proclamavit. Nos igitur, pro tam manifesta, & enormi traditione — communi sen-*

An. Christi.

955.

tes, ante pugilum dimicationem, persoluta tamen multa, amicorum interventu, conciliari. a) Si quis vero litigantium cum suo pugile, tempori, & loco designatis, non adfuisset, alter, qui se certamini stiterat, testimonium sibi a Iudice, de alterius absentia, dari petit, & obtinuit, b) causæque æquitas ab hoc stare credebatur.

\*\*\*

*tentia desinivimus, ut ipse, & uxor ipsius, nec non & liberi, tam masculini, quam feminei sexus, jam nati, & imposterum nascituri, in perpetuam servitutem reducti, cum omnibus rebus suis, tam mobilibus, quam immobilibus, cederent juri Hectoris Comitæ antedicti.*

a) Litt. Nicolai Palatini, an. 1376. Quod Petrus, filius Joannis de Panyla, solvit nobis unam marcæ pro dirfagio pacis duelli, cum Andrea, filio Iwan de Kallo.

b) Litt. Stephani de Báthor Jud. Curia regiae, an. 1476. *Damus pro memoria, quod — termino constituto, cum suo pugili, in curia regia, in area scilicet certaminis duelli — congregi — fuisset paratus, sed tamen — ad hujusmodi certamen, nec per se, nec per suum pugilem, comparuisset protestatione facta, præsentis litteras nostras testimoniales, — sibi dari debita instantia postulavit, quas eidem duximus concedendas, communi justitia suadente.*

\*\*\*\* Diverſum ab his fuit *judicium Palatiale*. Id ter in anno celebrari ſolebat, ver-  
no nimirum, æſtivo; & autumnſ tempore, a)  
idque in diverſis Comitatibus per ordinem,  
niſi neceſſitas forte aliud poſceret. Modus  
autem illius hic erat. Palatinus, acepto re-  
gis mandato, pluribus Comitatibus e vicinia  
in unum locum convocatis, primum ad lites  
cognoscendas ſe adfuturum ſignificabat, quod  
jam antea, ut, qui actionem habebant, ma-  
ture edocerentur, quotannis per litteras re-  
gias, ad Capitula, aliaque *credibilia* regni lo-  
ca, miſſas, vulgari ſolebat. b) Ubi ad præ-  
ſtitutum locum jam conveniſſent, primum cau-  
ſæ de *jure poſſeſſionario*; ſi quæ erant, venti-  
latæ; tum in criminum, ut furti, latrocini-  
i, cædium patratores, falſarios ſigillorum regio-  
rum, alioſque gravioris criminis reos, quæ-  
ſi-

An. Chriſti.  
955.

E 3

ſi-

a) Decret. an. 1298. nondum editum. *Statuimus etiam, quod Palatinus, caſtra tenendo, in campis, & conventibus, & non in villis, vel civitatibus, judicare debeat, vernali, æſtivali, & autumnali, & non in hyemali (tempore).*

b) Litt. Capituli Albens. ap. 1409. *Noverit veſtra Serenitas, quod, cum nos ſupremo honore receptis litteris veſtris annualibus, — ad citationes; inquisitiones, prohibitiones, nec non ad omnia alia, quæ talibus in proceſſibus, juxta regni veſtri conſuetudinem fieri conſueverunt, per anni circulum datis &c.*

An. Chrifti.  
955.

ſiſſiones habitæ ſunt, quorum bona, ſi convicti fuiſſent, aut ſemel, ac iterum, tertiumque vocati, non comparuiſſent, Palatinus vel ſibi aſſeruit, vel aliis, niſi cognati redimerent, aut intercederent, donare, aut vendere poterat. a) Idem Judici Curia regiae, ſi pro Palatino, aliis negotiis præpedito, has partes iudicii obiret, fas fuit. b) Inde, reor, veterem conſuetudinem manare, ut inter prærogativas Palatini, ius quoque cenſeretur, XXXII. ſeſſiones aliis conferendi.

Idem

a) Litt. Palatini Moys, an. 1273. *Cum nos ex præcepto domini noſtri Ladislai regis — ad condemnandos malefactores fuiſſemus ingreſſi, tandem in Comitatu —, furtorum rei, ter vocati addeſſe nollent, — unde dictos — in rebus, & perſonis — duximus condemnandos, & quia talium res, & poſſeſſiones, juxta regni conſuetudinem ad manum Palatini debeant devolvi, terram eorum — quæ nobis ceſſit legitime, non redimentibus cognatis eorum, nec contradicentibus, — Haholdo, precio pro condigno, usque in filios filiorum vendidimus in perpetuum.*

b) Litt. Belæ IV. an. 1263. *Si Nobiles Eccleſiæ Strigoniæn. in furto, vel ſpolio — ordine juris ſervato, interficiantur, poſſeſſiones taliter interfectorum, non ad Palatinum regni, vel Judicem Curia devolvantur, ſed in Eccleſiam.*

An. Christi.  
955.

Idem jus reperio etiam Johanni de Hungary, postquam pro pupillo, Ladislao posthumo, Gubernator electus est, certis tamen conditionibus adstrictum, ab regni Ordinibus tributum fuisse. Decreti hac de re conditi, a) verba sunt: *Item Dominus Gubernator, his, qui fideliter sacrae regni coronae serviunt, de illis possessionibus, quae deinceps ad sacram coronam, pure, legitimeque, sine cuiuspiam alterius jure, per defectum seminis, item propter delationem falsarum litterarum, propter cusionem falsarum monetarum, & fabrifactionem falsi sigilli, nec non propter inductionem extraneae potentiae in hoc regnum, ac positionem ignis, in eodem fuerint devolutae, in quibus scilicet possessionibus, 32. sessiones, & non plures, fuerint, vel fieri potuerint, & etiam in quibus infra eundem numerum 32. sessionum, vel fieri poterunt, facere valeat donationes. Si vero civitates, oppida, & possessiones ultra numerum praescriptarum 32. sessionum, etiam praescriptis modis, ad sacram coronam fuerint devolutae, illas parti, seu dividere in 32. sessiones non valeat, — sed hujusmodi omnes civitates, oppida, & possessiones indivisae, ipsi sacrae coronae referrentur. Item, Dominus Gubernator, si cui donationem praemisso modo fecerit, amplius eadem donare non valeat.*

E 4

\*\*\*\*\*

a) Decret. Comitior. an. 1446. d. 13. Jul.

An. Christi.  
955.

retur, regnum in varias provincias distributum fuit. Hæc nunc *Comitatus* vocamus, olim autem *Megæ*, ex quo patrum *Vármegye* ortum est, dicebantur. a) His coordinandis initium jam Arpadus fecerat, b) quem morem ceteri Duces, ut primum ditionem latius proferebant, sequenti sunt, atque hac ratione Comitatum numerus, secundum augmenta terrarum, sensim accrevit.

\* Numerus Comitatum varie, a variis recensetur, jam auctior, jam minutor. c) Sed hi partim solius Hungariæ, partim aliarum quoque provinciarum, quæ sensim regno assertæ erant, rationem habuisse videntur. Accedit, quod sæpe unus in plures divisus fuerit, ut Posonienfis, d) aut plures in

a) Colomanni Decr. l. 1. c. 12. & 37.

b) Belæ Notarius, capp. 15. 18. 31. & 40.

c) Rogerius in miserabili carmine, t. 10. numerat 72. Codex autem jur. patrii P. II. pag 217. censet 62. De Comitatibus Hung. ante alios erudite scripsit Samuel Timon S. J. sacerdos, Imago nov. Hung. c. 2. & seq.

d) Fuerunt enim olim duo, *minor*, & *major*; ille in insula *Csallóköz*, hic extra illam. Ita litt. Capituli Posonienf. an. 1394.: *in possessione Nemotheth vocata in districtu Csallóköz, in minori Comitatu Posonienfi existentia* &c. Item Capituli Strigonien. an. 1493. *quod, quia Si-*

in unum coaluerint, a) vel pars ex uno ex-  
 emta, nomine Comitatus fuerit dicta. b) Ho- An. Christi- 955  
 die cum Croatia, & Sclavonia, duos, & quin-  
 quaginta numeramus.

§. XXI.

Forma Comitatum, ut reliqua quoque  
 instituta, simplex admodum in primordio,  
 & genio Nationis militari, accommodata fuit.  
 Cuiusq; castro, a quibus fere Comitatus no-  
 men inditum erat, certus terræ tractus, suo  
 quisque limite circumscriptus, addebatur.  
 Huic vir militaris, verisimiliter ex iis, qui  
 Arpadum sibi, & genti præstituerant Ducem,  
 (§. 5.) aut ex horum posteris, & cognatis,  
 secundum pacta tempore electionis inita, di-  
 gnationis titulo, præfici solebat. Adjunctus  
 præ-

---

*gismundus Grof — capetias frugum in majori,  
 & minori Comitatus Pofoniensibus, ad sum-  
 mam 200. fl. auri — venderet &c.*

a) Hujus exemplum hodie etiamnum exstat, in  
*Kis, & Nagy*, seu minore, & majore Comita-  
 tatu Hontensi, olim autem etiam in *Jauriensi*,  
 & *Szolgyörïensi*.

b) Ita Comitatus *Solth*, olim erat pars Comita-  
 tus Albenfis, ut litt. Capituli Alben. an. 1435.  
 testantur: *vicinis, & commetaneis — dicti*  
*Comitatus Albenfis, sedis Solth &c.* idem re-  
 petitur an. 1409. & 1517. quando hæc pars  
 ab Albenfi Comitatu avulsa fuerit, incertum est.

~~\_\_\_\_\_~~ præterea certus militum numerus, publicæ  
 An. Christi securitatis causa, quorum servitiis pars cap-  
 955. tivorum ex hostico adducta, certo itidem  
 numero destinata erat, quæ partim ruri co-  
 lendo, partim rei pecuariæ curandæ adhibe-  
 retur. Hæc prima illa, & rudis, sub Ducibus,  
 Comitatum institutio fuit.

## §. XXII.

Postea autem ex regum ordinatione, pau-  
 tum alia ratio obtinuit. Castro regio præfe-  
 ctus, primum *Comes Parochianus*, a) serius  
 post, *supremus Comes* provinciæ dictus est. b)  
 Ab his locum proximum tenuit *Comes Curia-*  
*lis*, c) hodie verisimiliter *Vice-Comes*, no-  
 men

---

a) Bull. aur. Andreæ II. an. 1222. art. 5.

b) Supremi Comites in litt. Andreæ II. an. 1234.  
 hac formula exprimuntur: & aliis quam pluri-  
 mis castrorum Comitibus: cum alias hæc in  
 usu esset: & aliis quam plurimis regni nostri  
 Comitatus tenentibus, & honores. Proinde iidem,  
 qui olim castrorum, supremi etiam Comitatum  
 Comites, & castris affixi erant.

a) Dipl. S. Ladislai regis, monasterio de Szala,  
 privilegium concedens, Comitibus *Parochianis*  
 confestim subjungit Comites *Curiales*, qui pro-  
 ximum ab illis locum teneant. Quidam, istos  
 existimant serius deinde Comites *Curie re-*  
 gia



men jam sub initia regni cognitum. a) Hic additi erant *Biloti*, alias quoque *Bilochi* dicti, qui nunc Judices Nobilium b) sunt. Iſtis ob negotiorum ſenſim accreſcentium copiam, adjugebantur *Priftaldi*, ſeu *Præſtaldi*, utrumque enim in vetuſtis chartis legitur, qui in judiciis Comiti Parochiano, & Curiali, aſſidebant, & non raro donatarios in terræ poſſeſſionem inducebant, illos, ut noſtri Jureconſulti loquuntur, ibidem *ſtatuendo*. c) Sæpe

An. Chriſti.

955

giſſe fuiſſe, ſed hi *Magiſtrum* Curie regie, cum *Comite* Curiali confundunt.

a) Dipl. S. Stephani regis an. 1037. diſerte *Vicecomitis* meminit.

b) Bilochorum mentio ſit Colomanni Decret. l. 1. c. 37. & Andreæ II. bull. aur. an. 1222. art. 5. Præſtaldos vero memorat Decret. S. Ladislai l. 2. c. 40. §. 1. & 6. item Dipl. Andreæ II. an. 1231. Alii erant Regum, & Reginarum, alii epiſcoporum, & alii etiam Comitum, quorum in vetuſtis chartis crebra mentio ſit.

c) Ut donata poſſeſſio certa, & legitima ſit, *ſtatione* eget, intra anni ſpatium peragenda. Hanc homo regius cum Capitulari, in facie loci, vel, ſi ſit periculum, in proximo, convocatis vicinis peragit, contradictores, ſi qui eſſent, cauſam contradictionis reddituros, in præſentiam regiam vocando. Olim hanc homo ſolum regius ſolebat peragere, ubi dein Eccleſiæ.

An. Christi.

955.

pe. etiam hoc munere Ecclesiastici, sed rari-  
us in principio, fungebantur. a) Porro Comes  
Patochianus, tam juri dicundo, quam militum  
præerat, illud non solum populis castro suo  
adscriptis, sed etiam *servientibus regis*, in con-  
sortio Curialis Comitis, aliorumque, quos paulo  
ante memoravi, dicere solitus. Erant autem  
*servientes regis*, iidem, quos hodie Nobiles

VO.

fiarum Capitula, fidei credibilitatem obtinere,  
adjuungebatur etiam Capitularis, tamen non  
desunt *Exempla*, quæ doceant, statutionem a  
solo etiam Capitulari peractam fuisse. Existi-  
mabam in comment. hist. de vetere regibus  
Hung. coronandi more, pag. 28. me vetustis-  
simum *statutionis* vestigium sub Bela III. ad  
an. 1186. reperisse, sed multo antea exhibet  
Bela II. Dipl. an. 1139. ubi hæc disertis  
verbis leguntur: *Comes autem Curialis erat*  
*Jula, qui per Pristaldum suum, nomine Douk,*  
*idem prædium — prædicto cænobio statuit.*  
Illud mihi, velut ob iter, hic visum est mone-  
re, litteris regis donationum, post vastatam  
a Tartaris Hungariam, quod possessores par-  
tim cæsi, partim in captivitatem abducti es-  
sent, formulam hanc: *Salvo jure alieno*: addi  
solitam fuisse, ut suum cuique jus postliminii,  
indemne esset.

a) Dipl. Andreae II. an. 1234. *Prædicta igitur*  
*silva — a duobus Præstaldis, Jsov Canonico,*  
*& Martino Comite est statuta.*

vocamus, a) qui nomen ab eo Comitatu b) in quo degebant, univérse solebant gerere, & ex primæva sancti Stephani regis institutione, ad profitendam militiam & regni defensionem destinati erant, c) sub vexillo regio servientes, d) qui in vetustis chartis, veri,

An. Christi.  
955.

pri-

a) Dipl. Belæ IV. an. 1267. quo Nobilium immunitates confirmat: *Quod Nobiles Hungariæ universi, qui servientes regales dicuntur, ad nos accedentes, petierunt a nobis humiliter &c.*

b) Id sigillum litteris an. 1233. appensum docet, cujus hæc est perigraphæ: *sigillum. servientium. de. Szala. Sive Comitatus Szaladiensis.*

c) Decr. S. Stephani regis, l. 1. c. 4. *Illi enim sunt regni propugnatores, defensores imbecillum, expugnatores adversariorum, augmentatores monarchiarum &c.*

d) Dipl. Belæ IV. an. 1244. quosdam in insula Csallóköz, ex servitio castri Pösonien. in seriem Nobilium transfert, quatenus ea libertate gaudeant, qua fideles milites, & Nobiles regni nostri, & in nullo alio servitio servire teneantur, nisi in nostro exercitu generali, sub vexillo regio militantes. Item Ludovici I. an. 1356. *Ut sub vexillo regio, cum eorum proximis, & successoribus universis exercituantes, fidelia servitia nobis, & sacræ regis coronæ, temporibus opportunis, ad instar aliorum Nobilium regni nostri impendant.*

955 *primi, & naturales Nobiles, militesque de de-*  
*An. Christi. mo regia, a) p[er]s[er]im dici solent.*

955

S. XXIII.

Ac hi quidem, licet in decernendis liti-  
 bus, Comitem Parochianum, Judicem agno-  
 scerent, non tamen eidem, titulo militiæ sub-  
 erant, quam, ut dictum est, solum sub vexil-  
 lo regio profiteri debebant. *b)* Longe enim  
 alii ab his fuere, qui sub vexillo Comit[is] Pa-  
 rochiani merebant, *Jobagiones castrenses* pro-  
 pterea dicti. His terræ portio vel prope ca-  
 strum, vel non longe ab hoc disita, partim  
 hæ.

*a)* Dipl. Stephani V. regis adhuc junioris, an.  
 1265. *Ipsos, & ipsorum hæredes, hæredumque*  
*successores, a jobagionatu castri Bachlensis*  
*eximendos duximus, de nostra gracia speciali,*  
*adeo plene, quod de cetero, de domo regia, in*  
*numero servientium regalium computentur.* Pot-  
 erant tamen, obtenta a rege venia, ipsi de  
 suis collegis iudicium ferre. Ita *servientes* de  
 Szala, de quorum sigillo supra memini, litem  
 inter Ochuz Banum, quem unum ex nobis  
 vocant, & inter episcopum Veszprimiensem  
 terminarunt.

*b)* Litt. Ladislai Chuzi an. 1287. *Conferendo*  
*eis donum tam solemn[is] libertatis, qua veri,*  
*primi, & naturales servientes regales gaudent,*  
*sub vexillo regio militantes.*

hereditatis, a) partim usufructus solum titulo b) designata erat, constituebantque regum militiam ordinariam, & statariam, quæ post Comitum Parochianum, *Majori exercitus*, qualem quodvis castrum c) habuit, parebat. Inter hos, & *servientes regales*, medium quasi locum tenebant, *Jobagiones sancti regis Stephani*, qui & *liberi sancti regis* dicebantur. d) Simili cum his prærogativa gaudebant Proceres sancti Emerici e) Ducis, qui ceteris castris

An. Christi.  
955.

a) Litt. Domus Hospital. S. Stephani de Strigonia, an. 1250. *Quod Augustinus, Petrus, & Ambrosius, filii Chumb, jobagiones castri Neogradensis, terram eorum, 40. aratrorum, quam jure hæreditario possidebant, vendidissent — pro 10. marcis argenti.*

b) Litt. Caroli regis, an. 1327. quosdam a jobagionatu castri Honthenfis eximens, *omnes, inquit, terras, — quas usque modo coluerunt, deinceps titulo Nobilitatis, & hæreditatis habeant.*

c) Istorum crebra fit mentio in ritu explorandæ veritatis per ferrum &c.

d) Hos rubrica bull. aur. an. 1222. ad artic. 19. male inter rusticos censet.

e) Dipl. Stephani III. an. 1165. *Ego Stephanus Dei gratia rex Hungariæ, sublimis, ac triumphatoris Geisæ regis filius, paterno succedens folio, istos homines inter suburbanos*

An. Christi.  
955.

stri jobagionibus quidem gradu superiores, sed servantibus regalibus inferiores erant, ac hoc uno ab illis differre videbantur, quod facilius, quam jobagiones castrenses in ordinem a) Nobilium referri solerent; licet, priusquam ad hunc gradum traducti essent, regem, extra regnum belli causa proficiscentem, perinde ac reliqui jobagiones castrenses, comitari tenerentur. b)

\* Nobiles veri, primi, & naturales, quemadmodum in regiis litteris exprimi solent,  
vi-

---

*Pozoniensis castri existentes, — a castrensi servitio subtrahi, eo tamen tenore, ut inter ejusdem castri procures, filii sancti Stephani regis existant, ea videlicet causa, quod relictis suis omnibus, mecum ubique steterunt intrepidi.*

a) Litt. Andreæ II. an. 1217. fidelem *Urusz*, hodie *Orosz* dicimus, cum tribus fratribus, horumque posteris, decernit, a jobagionatu sancti regis de castro Szaladiensi penitus exemptum, cum prædiis hæreditariis, jure pertinentibus, aurea, & perpetua frui libertate, & inter servientes regis annumerari.

b) Dec. t. ejusd. regis, an. 1231. Nobis facientibus exercitum extra regnum, Nobiles nobiscum ire non tenentur, nisi Comites, & stipendiarii, & jobagiones castri, & qui ex officio tenentur, & quibus amplas concessimus possessiones.

videntur, ut ego quidem existimo, posterorum fuisse, qui egressi ex Asia militiam sub Ducibus professi, operam ad occupandam Hungariam navarunt, quosve Leo Sapiens, *ingenuos, & liberos* fuisse, affirmat. a)

An. Christi.

955.

F 2

Nec

---

a) Apud Kollar, cit. l. pag. 25. *Hæc igitur gens (Hungarorum) virorum copia florens, ingenua est, & libera.* Non piget me hæc repetere, quod sciam scriptores aliquos etiam hodie esse, qui instituta inter Hungaros, & Saxones Transilvanos, comparatione, illos prorsus incultos, & tantum non barbaros fuisse, immerito censent. Nam si gens Hungara, quam Leo Imperator cominus norat, illius opinione *ingenua, & libera* fuit, & ingenuitas barbariei opponitur, non erat profecto tam cruda, & barda, nec tam exiguo numero, ut eam veteres aliqui chronographi, longissime ab ea disiti, & quidam ex recentissimis scriptoribus, nobis exhibent. Si in principio piscatu, & venatu, vitam tolerabant, id commune illis fuit cum aliis gentibus, dum migrabant, & prius quam certas sedes, & in his stabilem civitatem constituisent. Si qui aliarum Nationum primordia voverint consulere, facile intelligent, quam iniquum de nobis iudicium, huiusmodi censores ferant. Hoc vitio plerumque ii scriptores laborant, qui veterum mores, ad nostram ætatem exigere solent.

An. Christi.  
955.

Nec tamen omnes hac prærogativa gavisos fuisse, suadet mos, in Asia olim, & hodie etiam receptus, ubi milites, ingentem fervorum, & calonum numerum solent in bellum ducere. Atque ex his quidem, regum tempore, non plurimos fuisse superstites, credibile faciunt, crebræ, quas Ducum tempore in hosticum suscepèrant, præcursiones, in quibus clades inferri, & reddi solent. Horum igitur defectus, per jobagiones castrorum, ex horum servitio eximendos, supplendus erat, ut eorum, qui ab incunabulis Nobiles erant, numerus augeretur.

\*\* Jobagiones autem hujusmodi, qui castris adscripti erant, a) reges non solum in iis, a quibus nomen Comitatus gerebant, sed in aliis quoque ad eorum proprietatem itidem pertinentibus, b) tum reginæ etiam, c) habuere. Similes item Archi-Episcopi, Episcopi, Capitula, Abbates, & Præpositi, dum  
res

a) Vox *jobagio*, vagi significatus erat; sæpe ipsi etiam regni Barones, alias coloni hoc nomine veniunt, discrimen ab adjunctis personarum, & officii sumendum est.

b) Hujusmodi erant, *Bouch*, *Cracou*, *Zonda*, *Talana*, *Turda*, &c. quorum hodie nomina vix exstant.

c) Litt. Capituli Buden. an. 1275. Inde — *versus occidentem sunt duæ metæ antiquæ, & una*



res integræ erant, nec non Barones regni, & qui amplas possessiones a regibus dono acceperant, a) quos attributo iis fundo, etiam pacis tempore, sub signis servabant, quibus, quod vexillo eorum adscripti erant, Banderii nomen inditum est, regesque in bello constari solebant. Hinc facile conficiamus, quantum olim militum numerus, si res publica poscebat, ex tot castrorum regionum, aliorumque jobagionibus, una cum servientibus regalibus, sub signa cogi potuerit, ad quem, si ingruente periculo, ut alias monui, оруентус gladius per Comitatus circumferebatur, quanta accessio facta fuerit, pronum est conjicere. Hæc veteris nostræ militiæ ratio, & consuetudo fuit.

An. Christi.  
955.

\* \* \* Quemadmodum autem jobagiones castrenses, a castri servitio, seu castrensi militia, ad altiorē gradum, nempe Nobilium, transferri solebant, ita non raro per aliorum invidiam ad inferiorem detrahi, rursus in priorem repositi sunt, b). Sicut videmus Nobiles tenuioris census, ob spem lucti, iterum ca-

F 3 — — — — — sten.

*nova, ubi metæ populorum reginalium exercituantium finiuntur, etc.*

a) Hos Andreas II. in Decr. an. 1232. diffuse exprimit.

b) Litt. Stephani V. an. 1269. *In compensationem servitiorum — ipsos — heredes ipsorum —*

frensem jobagionatum amplexi, & Nobilium prerogativa privati erant, ut adeo posteros illorum necesse fuerit, in pristinam Nobilium conditionem, per reges reponi. a) Bracipulam vero causam, cur jobagiones castrenses in Nobilium ordinem a regibus adsciscerentur, hanc fuisse, ut militum numerus augeretur, jam supra memoravi, & Andreae III. regis auctoritate firmari video: ad nostram, inquit, accedentes praesentiam, humiliter postulerunt, ut ob merita eorum servitorum — eos de pristina, & primaria conditione eorum eximeremus, & in numerum, & cœtum Nobilium regni

eximendo de numero — nostrorum speculatorum erant: hi in limitibus regni in hostium conatus excubantes, alias Székheii dicti) licet primitus jobagiones castri — fuerint, & per calumniam insiderint in numerum speculatorum, cum terra — qui eorum, in numerum servientium nostrorum Nobilium, duximus transferendos.

a) Littere ejusd. an. 1268. Cum Petrus, Jacobus, & Benedictus — jobagiones castri Bihoriens. qui quondam Nobiles fuerunt, sicut nobis confititur evidenter, sed per quemdam avum ipsorum, qui cupiditate fuerat imbutus, jobagionatum castri assumerat, — eosdem ac universos posteros eorum, per directam ab eisdem lineam descendentes, — in numerum servientium regalium duximus perpetualiter restituendos.

qui nostri transferre dignaremur, — Nos, ipsos —  
 ac per ipsos eorum hæredes, hæredumque succes- An. Christi.  
955.  
 fores, simul cum terra ipsorum hæreditaria, ut  
**NUMERUS BELLATORUM** augeatur, in  
 cætum, & consortium Nobilium regni nostri du-  
 ximus aggregandos, volentes, ut tam ipsi, quam  
 eorum hæredes, hæredumque successores, illa gau-  
 deant libertate, eoque potiuntur honore, quo veri,  
 pari, regni nostri Nobiles, sub vexillo regis mi-  
 litantes, gratulantur, nulla de cetero pristinae  
 conditionis macula remanente. a)

Ceterum, longe diversa eorum jobagio-  
 num ratio fuit, qui a castrensis regum jo-  
 bagionibus, seorsim vexillis Ecclesiasticorum  
 accensi erant. Horum numerus cum sensim  
 nimium accresceret, & dominis suis parum  
 utilitatis afferret, sæpe etiam oneri essent, ius-  
 su regum ad inferiorem conditionem reponi,  
 b) paucis demtis, qui id ignominiam suam

F 4

in-

a) Litt. an. 1209, quibus aliquos in insula Csallö-  
 köz, ex servitio Castri Posonien. eximit.

b) Litt. Laurentii de Hedervár Palatini; an.  
 1267. Quod, cum dominus rex, percepta, &  
 considerata magna, & inutili multitudine joba-  
 gionum equitum, monasterii sui de Tyhon, de-  
 quorum numerositate idem monasterium par-  
 vam, seu nullam utilitatem reportabat, advo-  
 cati ad præsentiam suam tam Abbate, &  
 conventu, quam universis jobagionibus prædi-  
 ctis,

An. Christi.  
955.

**interpretabantur, in priori ratione permitti solebant, ea conditione, ut porro etiam militiam profiteantur, & quotannis certam pecuniæ summam, dominis suis persolvant. a)**

\*\*\*

*atis, nobis sub vivæ vocis oraculo præcepisset, ut reductis omnibus eisdem jobagionibus, in conditionarios populos, quosdam paucos ex ipsis exceptos, numero scilicet 12. in jobagionatu, & officio equestri, secundum morem antiquum, relinquere deberemus. &c.*

a) *Ibid. Cum igitur hac regium præceptum, eoram Abbate, & quibusdam monachis — eisdem jobagionibus exposuissimus, ipsi iidem jobagiones a nobis, & per nos a domino rege, suppliciter petierunt, ut ne ad popularia, & conditionaria servitia ignominiose redigerentur, aliquam potius summam pecuniæ pro servitio debito, domino suo Abbati solverent annuatim. Ad quorum petitiones, mediantibus nobis, dominus rex inclinatus, ordinavit, & statuit, ut exceptis — 12. personis, super sua libertate, seu exceptione, domini regis, & nostras habeant litteras, omnes reliqui tam nunc existentes, quam qui ab eorum successoribus descenderint, in perpetuum per singulas mansones, singulis annis dimidium Fertorem, domino suo Abbati solvant in duobus terminis. — Hoc etiam adjicimus, quod dominus rex hanc cum eisdem jobagionibus fecit gratiam amplior,*

\*\*\*\* Ex hastenus dictis liquet, varios olim apud nos fuisse Nobilium gradus. Primi videntur ii fuisse, qui genus suum ad eos referebant, per quos Arpadus electus erat, (§. 5.) & jam tunc eam conditionem pacti erant, ne a consilio Ducis exclusi, honore regni priventur, quosve Belæ Notarius speciali Nobilitatis prærogativa ornat, primisque officiis in re publica adhiberi solebant. His proximi fuere *servientes regales*, vexillo regio adscripti, utrique quidem ab omni alio, si militiam demas, onere exempti, ac in ceteris immunitatibus pares, a) illi tamen dignatione, & externi characteris prærogativa, his superiores. Tertium genus Nobilium, istis inferius fuit, qui in *servientium regali* quidem cœtum recepti erant, sed non pure, & simpliciter, ut regum litteræ solent exprimere, cum, præter onus militiæ, servientibus regiis commune, quædam alia etiam onera, nisi regum beneficio diserte eximerentur, præstare de.

An. Christi.  
955.

---

*rem, quod ratione hujusmodi solutionis, libertati ipsorum, nequaquam generetur, — quin jobagionum numero censeantur, & exercituales ipsius domini regis sint, sicut hastenus existunt.*

- a) Has bulla aur. Andreæ II. an. 1222. & Decret. Belæ IV. an. 1267. & Andreæ II. Decr. 1231. complectuntur, quarum alias prolixior mentio fiet.

An. Christi.  
955.

debuerint. a) Atque hi, cum plerumque minoris annui census essent, sæpe fundos a potentioribus, in feudi morem colendos accipere solebant, cum onere solutionis, aut præstandi servitii, quemadmodum nempe per pacta utrisque convenerat. b) Hoc olim inter *servientes regales*, & alios Nobiles discrimen erat. Sed cum serius post, hujus causa, in-

a) Ladislaus Chunus an. 1274. Marcum presbyterum B. Martini de Scepus, & hujus fratrem Michaellem, inter Nobiles cooptans, addit: *præterea, si extra regnum Hung. nos exercituare contingeret, ex tunc ad ipsum generalem exercitum nostrum, unum armatum nobiscum mittere teneantur, eximientes etiam eosdem ab omni exactione, seu collecta, exponentes nihilominus, ex gratia speciali, ut nos ad opus castrî nostri de Scepes, nos ad danda victualia teneantur.*

b) Litt. Ludovici I. an. 1357. *Quod religiosus vir, Frater Prodimus, prior cruciferorum S. Joannis Hierosolymitani per Hungariam, & Sclavoniam, constitutus, & Frater Denatus — viceprior, — nobis detexerunt, quod plurimi Nobiles, prædia, & possessiones, titulo feudali, ab ipsis conservantes, pacta servitia, & solutiones, quas, & quæ tenerentur exhibere ratione earundem, non curarent, eisdemque prædiis, & possessionibus uterentur juxta libitum voluntatis. &c.*

An. Christi.  
955.

inter utrosque similitudines, & dissidia, rei publicæ noxia, fuissent orta, sensim usu ipso sublatum fuit, omnesque nunc, cui cœtui Nobilium accensentur, iisdem prærogativis gaudent. Nomen, & genus *Armaliſtarum*, serius invaluit. Hoc nomine ii veniunt, quibus, dum in societatem Nobilium recipiuntur, Inſigne, quod plerumque facti egregii, cujus causa in hunc cœtum recepti fuerint, symbolum est, in ipsis regum litteris depictum, addi solet, quem morem, puto, vix ultra Sigismundi regis ætatem referri posse. a) Huc revocari quadamtenus possunt, *Prædialiſtæ*, b) & *Nobiles caſtrenſes*. c) Primi generis, Ar-

a) Hujusmodi enim arma an. 1405. Kalend. Maji contulit familiæ *Théthén*.

b) Litt. Pauli Judicis curiæ regiæ, an. 1251. *Quod inter cetera dominus Benedictus archiep. Strigonien. per modum querimoniæ, eidem domino Belæ regi significare curasset, quod quidam Nobiles, jobagiones Ecclesiæ Strigonien. exeroitantes — a servitio ipsius Ecclesiæ fugientes, liberis Nobilibus se conformassent &c.*

c) Horum vix ulla exſtat memoria, niſi forte in Scepſio, inter *Lanceatos*. Hujusmodi olim etiam in Halicia erant, ut, quas subjungo, litteræ teſtiantur. *Nos Szandzytvogius, Palatinus Haliciensis. — Quod conſiderantes fidelis ſervitia Nobilis dilecti Sylvanis Podmanſzky,*

**Archi-Episcopi, Episcopi, Capitula, Abba-**  
 tes, & Præpositi regulares habebant, & sub  
 horum vexillo militabant. Utrisque aliqua  
 quidem cum servientibus regiis sunt com-  
 munia, hoc tamen ab his differunt, quod per  
 Comitatus, in quibus degunt, taxari possint. a)

## §. XXIV.

Hæc, quantum ad servientium regaliū,  
 & jobagionum castrensiū, militiam, & utrius-  
 que discrimen, attinebant. Cuivis præterea  
 castro additus erat *Castellanus*. Hic non mo-  
 do rerum, quæ castro necessariæ erant, sed  
 terrarum etiam, quarum præcipua fere por-  
 tio, in quovis Comitatu, castro regio (§. 17.)  
 ad.

---

*szky, quibus sacra coronæ Hungariæ, nobis-  
 que, sollicitus est per ipsum, suosque dietonus  
 conari cum duabus hastis servire, — cum con-  
 sensu, ac propria voluntate inclytissimi Prin-  
 cipis Sigismundi regis Hung. — ab una ha-  
 sta prædicti serviminis, ipsum Sylvanis, suos-  
 que legitimos successores, absolvimus, quita-  
 mus, & liberamus &c. Dat. & aat. Tharno-  
 viae fer. 6. prox. post Pentecosten, nostri sigil-  
 li sub appensione. 1399.*

a) Dipl. Mathiæ Corvini, an. 1467. quo lucrum  
 Camerae in tributum Filci regalis convertit:  
 alii autem omnes solvant, sive sint Nobiles ca-  
 strenses, seu Prædiales Ecclesiarum, qui non  
 habent privilegium Nobilitatis, a regibus.



adscripta, & regibus propria fuit, administratio, spectabat, a) & ne quid inde avellatur, vel ex alieno, cum alterius injuria accederet, invigilabat. b) In his regum œconomia, & pars proventuum sita erat, proinde varias quoque hominum classes, varium item servorum genus, oriri necesse fuit. Vilissimum erat, *mancipiorum*, c) quæ, ut plurimum ex hostico adducta erant, & in foro venum proflare olim

An. Christi.

955.

a) Vetères donationum chartæ, solebant nominatim terram ex proprietate castri regii exemptam, & in proprietatem donatarii translatam, exprimere. Nemo autem donare potest, quod suum non est.

b) Litt. Sigismundi an. 1417. *quæ possessiones tempore quondam illustris Principis, dominæ Margaretæ, Purgravissæ Nurmbergensis, sororis nostræ carissimæ, aut Castellanorum castri nostri Comaromiensis, ipso domino — archiepiscopo Strigoniensi, de dominio earundem indebite excluso, ad prædictum castrum nostrum Comaromiense, occupatæ, & annexæ existissent &c.*

c) Præter mancipia ex hostico adducta, quorum jam S. Stephanus rex, in tabulis fundatæ an. 1015. Abbatia, de radica montis ferrei, seu Pécsvaradien. meminit, etiam alias liberi homines in servitutem redigi poterant, ob causas in decretis S. Ladislai, & Colomanni expressas.

**\_\_\_\_\_** olim solebant. a) Atque hi erant servi *perfectæ*  
 An. Chriffi. *servitutis*, qui nec rerum, nec personæ domini-  
 955. um habuere, quorum aliqua vestigia adhuc  
 seculo XIII. exstabant. Ab his erant servi *gle-*  
*bæ adscripti*, qui cum terrâ alienari poterant.  
 b) Melior erat conditio servorum *castrensiū*,  
 qui cuivis castro ab obsequiis fuere. c) *Udvor-*  
*nici* ad aulam inprimis regiam pertinebant,  
 ob servitia varii generis, *jobagiones Udvornici*,  
 dicti, d) qui ut ministeria vel in ipsa aula,  
 vel extra hanc obibant, ita in varias quoque  
 classes divisi, sua quique nomina sortiti sunt,  
 ut *Tavernici*, qui supellectilis mensalis, *Oro-*  
*zones*, qui atrii regii, e) *agazones*, qui rei  
 equa-

---

a) Litt. Ladislai Chuni, an. 1288. *Item vendi-*  
*tor servorum, & ancillarum, dat* (in foro  
 Strigonienfi) 40. denarios usuales.

b) Litt. Andreæ II, an. 1214. *Prædium — item*  
*contulit, quod tempore regis Emerici emerat*  
*totaliter cum habitatoribus, & terra pro 82.*  
*marcis.*

c) Litt. Belæ IV. an. 1236. & 39. item Ladislai  
 Chuni, an 1274. quas, quod nuda solum no-  
 mina contineant, piget exscribere.

d) Litt. Belæ IV. an. 1263. Hujusmodi etiam Epi-  
 scopi, & Magnates ab obsequiis habere so-  
 lebant.

e) Horum crebra fit mentio in libro proventuum,  
 & erogationum Ludovici II. an. 1526. eratque  
 il-

equariæ curam habebant, atque ita de ceteris. Qui his præfecti erant *Comitis* titulum An. Christi 955.  
gessere, ut Comes *Tavernicorum*, *Oroxonum*,  
qui serius postea *Magistri* *Tavernicorum*,  
*Janitorum*, id enim vox *Orox* notat, dicti  
sunt. Hinc *Baronum* regni, a præstandis regi  
in aula ministeriis verisimiliter initia. a)

Aliud erat genus *conditionariorum*, qui  
arbitrio domini variis servitiis cum domi, tum  
foris adhibebantur. Hi quoque cum fundis do-

---

illorum officium, palatii regii atrium custodire,  
ut patet ex epistola, cujus pericopen hic adnecto:  
*ex antiqua regni consuetudine, incolæ posses-*  
*sionis, sacræ regni Hung. coronæ, Orozsalu*  
*vocatæ — juxta eorum privilegia, majestati*  
*regiæ servire, & atrium suæ majestatis, præ*  
*foribus exterioris palatii custodire debebant,*  
*ex quorum numero cum & ego sim &c. Barna-*  
*bas Oroz de Orozsalu.* Hos quidam male con-  
fundunt cum *Oroszonibus*, seu *Ruthenis*, hi  
enim vilioribus servitiis addicti erant, ut cit.  
liber erogationum Ludovici II. testatur: *eodem*  
*die Ruthenis regiæ majestatis, qui tentoria suæ*  
*majestatis, in sepultura Judæorum distenta,*  
*dies & noctes custodiunt, ad usum ipsorum*  
*dati sunt per duos, fl. 6.*

n) Hoc modo reliqui *Baronatus* regni, videntur  
orti esse, ut *cubiculariorum*, *pincernarum*, olim  
*Comites Buchariorum* dicti, an ex Italico *bich-*  
*ere*, an ex Hungarico *pohár*, nolim disceptare.

An. Christi.  
955.

donari, alienarique poterant. a) Ad conditionarios pertinebant quadamtenus etiam *Udvornici* regii, b) quos, insciis regibus, nefas erat, inter Clericos cooptare. c) Praeter hos erant *Libertini*, qui ex mancipiorum classe quidem exempti, non tamen manumissi fuerunt. Horum genus duplex fuit: *majoris*, & *minoris* libertatis. Illi fere ad militaria, velut honestiora, hi ad domestica, & viliora ob-

se-

a) Litt. Belæ IV. an. 1239. *Item donavimus eidem Ecclesiae — quasdam terras — cum suis servitoribus conditionariis, retiferis, scilicet, & falconariis &c. postremi, ne quis erret, servi erant, qui dominis suis fœnum subsecare statis diebus solebant, non item, qui aucupio Falconum adhibebantur.*

b) Ejusd. litt. an. 1263. *Salvo eo, quod udvornici, & Tavernici, ac ceteri servilis conditionis homines, regiae, & reginali majestati subiacentes, & ad certa servitia deputati, id facere non possint.*

c) Decret. Andreae II. an. 1222. quo privilegia Clero Hung. confirmat. *Istud tamen auctoritate regia firmiter præcipimus, quatenus, nullus udvornicorum nostrorum — ad tonsuram clericalem ab aliquo Prælatorum admittatur.*

sequinā adhibiti. a) Hos quoque alienare fas erat. b) Atque hi omnes generatim *servorum*; An. Christi, 955.  
sed *imperfectæ servitutis* nomine veniebant, quales, exemplo regum, Episcopi, Abbates, Præpositi regales, Magnates, & qui amplos fundos possidere, ab obsequiis habere solebant.

Diversa fuit *Hospitum* conditio, quæ nomine non solum ii, qui aliunde in regnum, figendi domicilii causa venerant, sed Hungari etiam, qui penitus manumissi, ad alios dominos migrabant, indicantur. c) Hi potissimum villas, castris regiis adlitas incolabant, alias quoque *urbani*, vel *burgenses*, & *civiles* dicti. d) Villas autem hujusmodi, reges, quod privatum

a) Ejuſd. litt. an. 1214. *Libertinos contulit minoris libertatis, quorum officium est, stare ad omnem nutum Præpositi, vel Fratrum.*

b) Charta an. 1150. *Libertes vero, quos emit Comes Martinus a Budrugienſibus, qui vocantur, Grab, & Odunat, &c.*

c) Litt. Belæ IV. an. 1240. *Quod accedentes ad nostram præſentiam hospites nostri tam Hangeri, quam Teutonici, in suburbio caſtri de Bors commorantes, nobis humiliter supplicarunt &c.*

d) Litt. Geiſæ I. an. 1075. *Itam dedi sex domos civium de Borsu, — dehinc per medios agros urbanorum Albenſium — ubi ſiniuntur partes Cseringradenſium civium, inter Zounuk &c.*

**955.** **An. Christi.** tim eorum esset peculium, sensim liberas; facta immunitate a) rerum quarundam, declararunt. Inde verisimiliter civitatum, quas *liberas, regiasque* vocamus, incunabula. b) His in territorio regio prope castra, fundi jure proprietatis attributi, quorum titulo varia servitia, & census regibus, vel libera horum dif-

a) Hæc plerumque sita erat in libera electione judicis, & jure patronatus. Eximebantur a jurisdictione ordinariorum judicum regni: aliquando etiam, sed rarius, jus duelli, & gladii, concessum. Sententias tamen de criminibus, quæ mortem merebantur, reges ad se potissimum referri volebant.

b) Jam S. rex Ladislaus in Litt. an. 1082. meminit, *liberæ villæ* sancti regis. Hanc autem *Albam regalem* fuisse indicant, numi S. Stephani regis cum hac epigraphe: *civitas regia*. Hinc posteriores reges, si quam villam ex suis, in seriem civitatum liberarum referebant, exemplo Albæ regalis, plerumque fecerunt. Bela IV. an. 1248. villam — *suorum servitorum in retributionem — de benignitate regia inclinati, ipsis, & eorum successoribus, perpetuo Albensium civium dedimus libertatem*: hæc prærogativa ornavit. Alias etiam exemplo Budensium, Cassoviensium, & Pofoniensium civium eadem libertas concessa. Ceterum existant etiamnum pagi, qui olim in numero civitatum liberarum fuere.

dispositione, vel ex pacto, præstandus erat, a) ~~\_\_\_\_\_~~  
 cui colligendo primitus præcones, qui simul An. Christi.  
 mandata Comitum castrensiū per provincias 956.  
 circumferebant, præpositi erant. b) Postea  
 autem usus obtinuit, ut ipsi civium magistratus,  
 censum regium inhrent, proque numero  
 incolarum augerent. c)

Por.

a) Imperatus communiter certus militum numerus, augmentum census pro ratione majoris, minorisve territorii, & incolarum numero, idque, ut Maria regina in litt. an. 1383. testatur: *ut ab ipsis, utilitatis, & honoris materia, lucrumque fructiferum, regiæ proveniat majestati.* Sæpe etiam munera honoraria, quotannis exhibenda, præscribi solebant. Litt. Caroli regis, an. 1324. *Hoc non prætermittimus, quod — tria munera, — quanto poterunt honestiora, annuatim in tribus terminis, nobis præsentare tenebantur, in aliis autem omnibus iisdem libertatum prærogativis, quibus cives nostri Budenses gratulantur, æque gaudeant, & fruuntur.* Omitto minutiora, ut, regem, si veniat, prandio, vel cœna excipere.

b) Decret. Colomanni l. 1. c. 79.

c) Serius deinde census per *Portas* iniri solebat, portam autem Carolus Decret. §. 9. definit, per quam currus sæni, vel frugum invehī potest. Sec. XVII. quatuor colonorum, inquilinorum vero duodecim domus, portam consti-

**955.** Porro regii proventus, & tributa, olim secundum publicas regni necessitates, & diversam temporum rationem, tam crebro variabant, ut certi aliquid de iis constituere, arduum sit. Quæ in vetustis regum, aliorumque chartis reperi, in hanc fere seriem cogi posse videntur.

\* Proventuum omnium, præter *regalia*, quæ vocamus, ut sunt auri, argenti &c. *salis fodinæ*, a) & thesauri, fortuito sub terra re-

---

tuebant, 3. fl. æstimatam, tametsi in hoc quoque crebro variatum sit. Nunc quiddam ideale est, & consistit in partitione *quantæ*, ut nostri loquuntur, *portionalis*, quod in regni Comitibus decerni solet, & mutationi obnoxium est.

a) De fodinis minerarum vid. Ludovici Decret. art. 13. Sigismundi Decret. 3. art. 13. Wladislai II. Decr. I. art. 30. Salis vero pretium in Comitibus solet constitui. Olim cum rarior esset moneta, etiam regni Barones partim hac, partim in sale stipendia sua accipiebant. Exemplum ex libro erogationum Wladislai II. excitasse, satis fuerit. Anno 1494. d. 29. Martii — D. Stephanus Zapolya, C. Scepusiensis, creatus est Budæ in Palatinum, cui pro annuo salario — ordinati sunt fl. 4000. eidem in salibus fl. 2000.



reperiti, a) qui olim pleno jure ad fiscum regium pertinebant, ex terris, quæ ad castra regia in quovis Comitatu spectabant, duæ partes regum, tertia Comitum castrensiū, non tamen ex omnibus redditibus, erant, b) ex reliquis vero juris itidem regii fundis, proventus, rex suos fecit, parte aliqua illis, qui eos colebant, vel ex conventionē, vel arbitrio suo relictā. Proventus autem hi partim ære, partim rebus, quas natura, accedente hominum industria, ad alimoniam, reliquasque vitæ necessitates profert, quotannis pendendo, consistebant, c) de quibus præstandis cum

An. Christi.

955.

G 3

ne-

a) Ritus explorandæ veritatis per ferrum candens, §. 348. *traxit in causam — quod fures essent regis, eo, quod thesaurum inventum, cum deberent, regi non indicassent*: alioquin de furto postulari non poterant, nisi similes thesauri olim ad jus regium pertinuissent. Nunc trifariam dividi solent, pars fisco, altera inventori, tertia fundi domino obvenit.

b) Decret. Colomanni l. 1. c. 78. & Andreæ II. an. 1231. *Comites jure sui Comitatus sint contenti, cetera ad regem pertinentia, scilicet, cybriones, tributa, boves, & duæ partes castrorum, ad regis voluntatem, cui volet, distribuantur.*

c) Litt. Belæ IV. an. 1249. *Quod nos in nostra aula — decem, & septem homines, quorum sex*

An. Christi.

955.

necessario etiam variorum hominum operæ destinatæ fuerint, verisimiliter ordinandis sensim *urbariis* occasionem præbuere, quemadmodum ex fundis castro regio adscriptis bona, quæ *coronalia* vocamus, probabiliter originem sumserint, a) quorum alia regum, alia vero reginarum b) erant, & ne unquam alienari possent, regni Ordinibus, tamquam fideicommissum, credita fuere.

\* \* Tributorum genus, præter id, quod jam ab exordio regni, ex omni foro juris regii

---

*sex singuli, 50. hydrias vini annuatim nobis persolvere tenentur, habere dignoscimur. Et sic de aliis rebus ad aulæ necessitates pertinentibus. Item charta Martini Comitis an. 1150. A festo S. Martini morantur apud dominum suum cum securi, usque ad Sabbath. Pasce, domino suo domos parant, unus eorum semper est hebdomadarius, in hebdomada 3. diebus fœnum falcant, tempore mæsis, 3. diebus metunt. &c. Hæc ipsa urbariorum deinceps norma fuit.*

a) Id videtur ex rescripto Honorii III. ad Belam IV. regem juniorem colligi, ut §. XVIII. supra memoravi.

b) Vid. Pray comment. hist. de vet. reginas Hung. coronandi more. Pestini 1792.

gii erat, a) multiplex, & instabile fuit. Tres præcipuæ classes videntur posse constitui.

An. Christi.  
955.

1. *Collecta victualium*, quæ olim *Zulusma* dicebatur. b) Hæc consuetudo vetustissima fuit, regnoque ipsi cœva. c) Alia item fuit

G 4

col-

a) Decret. Colomanni I. 1. c. 34. *Si quis de propriis, & domesticis rebus quid in foro vendiderit, lego S. Stephani, tributum reddat.* Similia Belæ III. dipl. an. 1193. & Ludovici I. an. 1365.

b) Litt. Ladislai Chani, an. 1276. *Quod populi iphus — collectam victualium, quæ vulgari-ter ZULUSMA dicitur, solvere debentes, — expediti sint, & exempti.* Vox *Zulusma* videtur Illyricæ originis esse.

c) Dipl. S. Stephani regis an. 1024. quo Abbatiam de Zala fundat: & etiam a gravaminibus per collectores tam victualium, quam denariorum, seu quarumlibet aliarum exactionum, tam in præsentī, quam futuro, Cameræ, & fisco regali exigendarum, quæ eis possent imponi, penitus sint exempti. Idem S. Ladislaus rex iisdem fere verbis confirmat: ita & à vexatione, molestiis, & gravaminibus, quæ per collectores tam victualium, quam denariorum, seu quarumlibet aliarum monetarum, possent eis imponi, & mandari, prædicti Abbas, & Conventus, eorundemque populus, expediti habentur, & exempti. Ut adeo, vel ob hanc

con-

~~\_\_\_\_\_~~ florenum auri æquabant, a) quod vetera no-  
 An. Christi. vis conferendo, incertam plerumque compu-  
 955. tationem reddit. Invenio etiam apud nos ar-  
 gentum *staterale* in usu fuisse. b) Fueritne au-  
 tem *Stater*, moneta Græcis usitata, an in-  
 sectum argentum, quod *statera* librari solet,  
 non habeo, quod pro comperto affirmem.  
 Porro collecta *denariorum* ter quotannis, stato  
 tempore fieri solebat, c) quæ, ut *victualium*  
 etiam, modo *universalis*, modo *particularis*,  
 d) erat; ab illa nec *servientes regales* excipie-  
 ban-

a) Ex diversitate denariorum necesse quoque erat,  
 valorem fl. auri mutari. An 1342. valebat  
 90. & an. 1405. 100. rursus an. 1458. 200.  
 An. dein 1462. & 68. denarios 100. totidem  
 ab an. 1490. ad an. 1514.

b) Hieronymus Abbas de Tihan, an. 1270. con-  
 ditionarios homines sui monasterii, a servitiis  
 alias præstari solitis, ea conditione eximit, ut  
*per singulos annos, septem pondora stateralis*  
*argenti nobis, & nostris successoribus per sin-*  
*gulas mansiones solvere teneantur.*

c) Litt. Andreæ II. an. 1212. *Ut nullus in re-*  
*gno Comes — a populo dietæ domus (Sancti*  
*Sepulcri) illos denarios, qui colliguntur in tri-*  
*bus festis, videlicet, nativitate Domini & Pa-*  
*sca, & in festo sancti regis, exigat.*

d) Litt. Ladislai Chuni, an. 1283. *Declaramus,*  
*ut universi populi, cujuscunque conditionis,*

ho-

bantur, a) Andreas II. tamen, villas Ecclesiarum, & servientium regalium *prædia*, ab utraque collecta, b) Bela IV. autem, populos servientium ab his oneribus liberavit, c) tamen postea utrumque rursus inductum fuerit,

An. Christi.  
955.

a)

*hospites liberi, vel conditionales, ipsius Ecclesiæ Strigoniensis, ad archiepiscopatum videlicet, & Capitulum pertinentes, ab omni omnino collecta regali tam denariorum, quam victualium, quacunque occasione, seu quacunque causa in regno nostro, GENERALITER, & PARTICULARITER indicenda, liberi — penitus sint, & exempti.*

a) Litt. Belæ IV. an. 1243. *Statuimus, quod nullus ipsorum aliquam collectam, vel aliquam exactionem solvere teneatur, nisi ipsa collecta ad servientes regis, & alios quoslibet Nobiles fuerit generalis.*

b) Bulla aur. Andreæ II. an. 1222. artic. 3. *Item nullam collectam, nec libras denariorum (sed ex hactenus dictis puto rescribendum esse, nec liberos denarios) colligi faciemus super prædia servientium, — super populos etiam Ecclesiarum — nullam penitus collectam faciemus.*

c) Decret. Belæ IV. an. 1267. *Statuimus — quod collectæ, vel exactiones ratione Camerae, vel alia ratione, de populis Nobilium, nullo unquam tempore recipi debeant, nec victualium &c.*

## CVIII NOTITIAE PRAEVIÆ.

~~\_\_\_\_\_~~ a) ut adeo utraque collecta, pro varietate,  
An. Christi. & necessitate temporum, in arbitrio regum  
955. videatur fuisse.

2) *Lucrum Camerae*. Hujus crebra in codice juris patrii fit mentio, & non postremum inter proventus regios locum habuit, b) *monetagium* exteris dictum. Erat id contributio quædam ob monetæ cusionem, per Comites Camerarum, quotannis prius, quam in defuetudinem abiret, exigi solita. c) Prima illius, quod sciam, mentio fit, in Decreto Andreae II. anno 1231. quo immunitates Nobilium denuo confirmât. d) Ad solutionem illius adstringebantur omnes regnicolæ, nisi speciali privilegio exempti fuissent. Itâ Bela IV. populos Nobilium liberos ab hoc onere qui-

a) Id patet ex litt. Ladislai Chuni, an. 1283. paulum ante excitatis.

b) Du Cange Glossar. latinit. medii ævi, ad hunc artic. Qui *Monetagio* præerant, Comites dicebantur. Hoc modo an. 1437. Leonardus, Joannes, Bardo, & Jacobus Onoffry, Nobiles de Baymbcz, Cusionis monetarum per regnum Hung, Comites fuere.

c) Decret. Caroli Roberti, an. 1342. §. 18.

d) *Item nullam collectam, nullam exactionem, nec lucrum Camerae quocunque nomine (in vestigiis Comitior. male substituitur, numero) possit censi, occasione aliqua super homines cuius-*

quidem declaravit, *c)* verum Carolus Robertus ad omnes rursus extenderat, voluitque in quovis Comitatu a singulis Portis, *b)* seu Curiis, & selsionibus integris, XVIII. Denarios, seu tres Grossos, totidem denariis æstimatedos exigi. *c)* Eundem morem Ludovicus I. retinuit. *d)* Dein vero, ubi minoris valoris moneta *e)* cudi cœpit, XX. denariis, lucrum

Ann. Christi,  
955.

Ca-

*juscunque nationis, vel conditionis colligi faciemus, exceptis illis, qui fisco regio in debito censu tenentur.*

*a)* Decret. an. 1267. Statuimus itaque &c. ut prius memoratum est.

*b)* Decret. an. 1342. §. 18.

*c)* Ibid. & seq. §.

*d)* Decret. an. 1351. art. 4.

*e)* Jam sub Andrea II. ut ex ejus litt. an. 1232. patet, mos deterioremonetam, si vetus defecit, cudendi invaluit. Eadem ratio, postquam Tartari Hungaria exceſſerant, sub Bela IV. qui primus etiam ex cupro monetam feriundam curaverat, obtinuit, ut ejus litt. an. 1255. testantur. *Item tempore novæ monetæ, dum celebris est ipsa moneta, de mensura quatuor garlarum, unum denarium recipiant, (tributi collectores) cum autem denarii incipiunt decrescere, pro tribus garlis unum denarium. Excipimus autem fabros nostros de Strigonio illos, qui tempore novæ monetæ domi laborant,*

**\_\_\_\_\_**  
An. Christi.  
965\*

Camera redimi oportuit, qua ratione lucrum Camerae a quinque *Portis*, erat florenus auri, sub Carolo, & Ludovico, nonaginta, postea autem, ubi vilior moneta erat, centum denariis æstimatus. a) Nemo a Caroli tempore ab hoc lucro pendendo immunis erat, nisi pauperes, quos solvendo non esse, publico constabat, *conditionarii* item regis, & reginae, tum Ecclesiarum actuali servitio occupati; Civitates etiam reginae, alique, qui peculiari privilegio gaudebant, ea tamen conditione, ut monetas a Trapezitis regis cambio expositas, præscripta argenti quantitate, vel, si rudi argento carebant, lucrum Camerae, ex huiusmodi cambio quæsitum, numerata pecunia redimere cogerentur, b) idque singulis annis, dum novæ monetae cussio instabat, in more fuisse positum, documenta, quæ supersunt, extra dubitationem ponunt. c)

Non

*si cum uxore, & familia sua in castro (montis Pestienfis, nunc Budensis arcis) superius morabuntur: cum autem ab opere prædictæ monetae fuerint expediti, statuimus, quod de mamonis suis tributum solvant, sicut alii.*

- a) Decret. an. 1545. art. 40. item Decret. an. 1566. art. 16. & an. 1569. art. 16.
- b) Decret. Caroli alias jam cit. §. 19. & 29.
- c) Litt. Stephani V. an. 1271. VIII. Kal. Dec. Indictionis XIV. anno regni 2. quibus privilegia ho-



Non modica hinc ad proventus regios An. Christi.  
955.  
accesio facta est, verum, ubi res monetaria  
hominibus lucri cupidis, quemadmodum ab  
Andrea II. Judæis, credita fuit, a) nec raro  
lucrum Camerae quæstuosius, quam boni pu-  
blii ratio sineret, locaretur, multique se ab  
hoc onere immunes prætexerent, caveri non  
po-

---

hospitibus Saxonibus de Scepus, confirmat,  
hæc lego: *Deinde singulis annis, in Ramispal-*  
*marum, monetam nostræ Camerae regiæ, cum*  
*omni reverentia suscipere tenebuntur, & so-*  
*lemniter currere secundum jus, vigorem, &*  
*lucrum Camerae regiæ cambiare universaliter*  
*tenebuntur, ita, quod Comes Camerae, vel sui*  
*officiales, quos ad hoc deputaverit, altero di-*  
*midio mense, sive sex hebdomadas, plenam pot-*  
*estatem habeat, cambiandi jus & lucram Ca-*  
*mære prosequendi, de qualibet marca in cujus-*  
*libet fori vel emtionis titulo recipiendi unum*  
*pondus. Volumus etiam, monetam quintæ esse*  
*combustionis: finito autem tempore sex hebdo-*  
*madarum expresso superius, Comites Camerae*  
*surgent de cambio, cessante omni vigore eorun-*  
*dem, ipsa moneta nihilominus currente per to-*  
*tum annum, usque ad revolutionem novæ mo-*  
*netæ &c.*

a) Litt. Andreae II. an. 1233. de abusibus tollen-  
dis. *Judæos, Saracenos, sive Ismaelitas de*  
*setero non præficiemus nostræ Camerae mone-*  
*tariæ, salibus, collectis &c.*

potuit, quin abusus, & fraudes, non minores  
 ærarii regii, quam incolarum, damno irrepe-  
 rent. Malo huic Mathias Corvinus mederi  
 An. Christi. 955. volens, anno 1467. consentientibus regni Or-  
 dinibus, abolito lucro Cameræ, tributum *fisci*  
*regalis*, i) quo a quinque selsionibus integris,  
 nullius fundo, cuiuscunque conditionis esset,  
 ne

a) Litt. Mathiæ ad Comitatum Posonien. an. 1467.  
 fer. 4. prox. post festum Resurrectionis, ex Cod.  
 MS. biblioth. Capituli Posonien. N. 80. *Animad-*  
*vertentes id, quod haftenus lucrum Cameræ*  
*vocabatur, in maximam diminutionem, & ab-*  
*usum decidisse, ob innumerabiles hominum im-*  
*munitates tam veteres, quam novas, illud*  
*concorditer — statuerunt, (regni Ordines) ut*  
*memoratum lucrum Cameræ, sicut jam dudum*  
*ultra maiori ex parte depravatam, ita dein-*  
*ceps — totaliter, & in perpetuum aboleatur,*  
*annuletur, & cassatur. — Verum loco omnia*  
*quædam exactio est unanimiter constituta, tri-*  
*butum fisci regalis in æternum appellanda, ita*  
*scilicet, ut — super singulis 5. Portis non plus*  
*nisi unus fl. tantum semel in anno ubique ex-*  
*igatur de omnium regnicolarum nostrorum,*  
*tam Ecclesiasticorum, quam secularium, imo*  
*etiam de nostris propriis Comitatibus, & bo-*  
*nis quibuscunque, nec aliquis superinde ullo*  
*unquam tempore exemptionis privilegio frui*  
*possit.*

ne regio quidem excepto, florenus auri quotannis Fisco regio penderetur. Quod institutum etsi quidem Ordines perpetuo duraturum constituerint, ab obitu tamen regis, paulatim videtur defuisse, aut certe, cum nemo popularium, sub Wladislao II. hujusque filio Ludovico, ad disciplinas *montanisticas* facile animum adjecerit, rursus lucro Cameræ ad pristinum morem reducto, cura fodinarum, & res monetaria, exteris conductoribus, majore istorum, quam regni, lucro, locata fuit. Hinc *Fuggerorum*, & *Thurzonum*, quondam divitiæ. a) Regno deinde ad stirpem, & Domum Austriacam traducto, iterum lucri Cameræ sub Ferdinando I. & Maximiliano II.

An. Christi.  
955.

a)

a) Hi metalla Hungarica ut plurimum apud externos liquare, & magna inde lucri compendia ex his conficere solebant. *Thurnschwam* in suis Mss. memoriis hæc de utroque memorat. Und die Herrn *Thurzo* und *Fugger* haben in Pohlen bey *Erotau* eine Hütten gehabt, — auch haben sie bey *Ehrfurt*, und *Thüringen* eine *Seigerhütten* gehabt zu *Hochkirchen*, mehr eine *Seigerhütten* in *Eischland*, — allda haben die Herrn *Fugger* etlich ungarische schwarzgeflissen Kupfer verseigert, und verschmidt, und in *Welschland*, und *Venedig* verschliffen.

An. Christi.  
955.

a) memoria recurrit, quod quamdiu durarit, incertum est, nec enim deinceps in posteriorum regum decretis quidquam de eo consignatum reperio. Fortasse, cum Ordines anno 1563. flagitarint, ne lucrum Camerae iis annis, quibus ceteroqui subsidia decerni contingeret, exigatur, b) nullus autem facile annus postea abierit, quo subsidia in bella Turcica, vel intestinos motus non decernerentur, verisimillima conjectura sit, hoc tributi genus sensim penitus obsolevisse.

3. Præter lucrum Camerae, etiam *vicefima decimarum* ex vetusta consuetudine, ad regios proventus pertinebat. c) Idem de *decimis* ab Andrea II. aliquamdiu usurpatum, sed rursus antiquatum reperio. d) Uberrimus quo-

---

a) Decret. Ferdinandi I. an. 1545. art. 40. & Maximiliani II. an. 1567. art. 15. & an. 1569. art. 16.

b) Decret. an. 1563. art. 9.

c) Dipl. Stephani V. an. 1270. XII. Cal. Decembris. *Totam vicefimm decimarum in toto Comitatu Suprunienſi nobis provenientem in frugibus, & in alijs, contulimus Abbati, & Fratribus ordinis Cisterciensis de monte sanctæ Mariæ.* Idem confirmat Ladislaus Chonus an. 1272.

d) Dipl. Andreae II. an. 1231. *Præter vicefimm, quam, ab antiquo reges habent, decimas non exigemus,*

quoque ex decima *porcorum* a) erat proven-  
 tus, isque juris regii. Aliud tributi genus ex  
*cybrionibus*, b) & *bobus* sumebatur: c) illud  
 ad vineas pertinebat, ex quibus certus vini  
 amphorarum, *urnas* vocamus, d) numerus  
 H 2 quot.

An. Christi.  
 955.

a) Ejusd. Dipl. an. 1212. *Nullus in regno nostro Comes — a populo dictæ Domus (sancti Sepulcri) decimas porcorum exigat.* Decimam enim illorum regi alias obvenientem, cœnobitis donaverat. Hinc ingentem eorum numerum fuisse oportuit, ut adeo iis pascendis necesse fuerit, greges in silvas, & prata Nobilium crebro immittere, quod dein occasionem dedit legi condendæ, quæ in bulla aurea num. 22. est. *Item porci nostri in silvis, vel pratis servientium non pascantur, contra voluntatem eorum.* Vetus admodum mos hic fuerit, ut videtur ex Geisæ I. litt. an. 1075. confici, ubi hæc: *legem — constitui, ut quocunque porcus regis ad pastum ierit, illuc eant & porci Abbatis.*

b) Bulla aurea Andreæ II. an. 1222. art. 29. *Cybriones, tributa, boves, & duas partes castrorum rex obtineat.*

c) Ejusd. Decret. an. 1231. *cetera ad regem pertinentia, scilicet, cybriones, tributa, boves, — ad regis voluntatem, cui vult, distribuuntur.*

d) Dipl. Andreæ III. an. 1291. *Ordinavimus, & concessimus, de vineis ipsorum — ut nullum de-*

An. Christi.  
955.

quotannis regi pendebatur : quæ autem in contributione boum ratio obtinuerit, non memini, me post Andream II. uspiam vestigium reperisse; nec ausim, documentis destitutus, id genus tributî, ad classem *decimarum* referre. Certiora sunt, quæ in Transilvania, apud Siculos, seu *Székhelyios*, olim in præstatione boum, usitata fuisse, invenio. Hi, cum ob professionem militiæ, a certis exactionibus, regi præstandis, liberi fuerint, quoties rex coronari solebat, aut nuptias celebrare, vel primogenitus erat editus, toties etiam bovem a quovis colono solebant exigere, regique honorarium donum offerre, quem signo ustionis impresso, a reliquis secernere moris fuit.

a) Ex his partem sibi etiam *Vajvodæ Transil-*

---

*debitum, scilicet Akonis (nobis urnam notat) ullo unquam tempore dare, & solvere teneantur.*

a) Litt. Ferdinand. I. an. 1554. *Quod singuli eorum (Siculorum) tempore coronationis, ac nuptiarum, nec non primogeniti filii regum Hung. unum bovem regi destinassent, idque ratum habens, addit: quod ea omnia, quæ divis olim regibus Hung. — in boum per singula capita (familiarum intellige) connumeratione, vel, ut vulgo dicitur, ustione — præstiterunt, semper præstare nobis debeant.*

silvaniae, & horum vicarii vendicare consueverant. a)

Anno Christi.  
955.

Alia item tributı clasıs, erant *Marturinae*, sive, ut in vetustis chartis crebro vocantur, *Mardarinae*. Id tributum in principio ad Transilvaniam, & Hungariam pertinebat, b) a

H 3

Co.

a) Litt. Maximiliani, an. 1555. d. 3. Jul. ad Cameram Posonien. Scribunt — *Vajvodæ Transilvani, antiquitus receptam, & approbatam consuetudinem semper fuisse, ut, quotiescunque pro divıs quondam Hung. regibus, boves inter Siculos urerentur, ex ustione illa, 200. pro Vajvodis, 100. vero pro Vicevajvodis, cederent. Cujus quidem consuetudinis hic apud nos prorsus ignota, Majestas sua certiozem cupit habere cognitionem, & propterea vos hortamur, — ut, quod vobis de ista ustorum boum pro Vajvodis participatione constat, — nos primo quoque tempore certiores facere debeatis.*

b) Dipl. Belæ II, an. 1138. *In ultraşilvanis partibus sunt homines, qui debent per annum dare ducentos martures, centum corrigias, & unam pellem ursinam, & unum cornu bubalinum. Et mox ibid. In Gron — debent dare septuaginta quinque martures: Rursus: in villa Mathe-la — debent dare annuatim 30. martures. Cum martures jungantur pellibus, & corrigiis Jubium non est, quin hoc tributı genus in pellibus quoque Martis animalis fuerit præstitum.*

An. Christi.  
955.

Colomanno autem in Sclavoniam quoque tractum fuit. a) Præstari id solebat in pellibus *Martis* animalis, unde & nomen ei inditum. Serius post, cum id genus animalium sensim deficeret, nec ex his solita pellium præstatio, nisi magno temporis dispendio exigi posset, in tributum pecuniæ conversum fuit. b)

Atque hæc, ut quid inter vetera, & hodierna hujus generis instituta intersit, ne ignorentur, memoranda esse putabam. Nunc regii proventus, ex auri, argenti, æris cyprii, ferri, aliorumque metallorum fodinis, auri item fluviatilis lotura, sale, & bonis, quæ *coronalia* vocamus, aliisque, quæ ex defectu seminis, & nota infidelitatis, læsæque majestatis, ad fiscum devolvi solent, Teloniis, Tricesima, cursus publici emolumento, urbiumque regiarum annua pensatione, sum-

a) Bull. aur. Andreæ II. art. 27. *Marturinae juxta consuetudinem a Colomanno rege constitutam solvantur.* Videtur Sclavonia olim his animalibus abundasse, cum in ipsis regni Insignibus, duos Martes, cum stella cognomine, etiamnum gestet.

b) Decret. Andreæ II. an. 1231. *Pro singulis marturinis, 4. pondera persolvantur, quantumcunque inde provenerit, tertia pars domino fundi, & duæ partes domino terræ persolvantur.* Hunc regem interpretor, illum fundi proprietarium.



muntur. Qui autem, quantive quotannis esse soleant, licet exteri scriptores quiddam in hoc genere conati fuerint, vix tamen certo constitui potest, & forte ex politica etiam ratione interfit, hæc ab exteris ignorari. Ceterum, cum proventus hujusmodi, ab uberitate fodinarum, œconomiae, & mercimonii augmento, civium affluentium, aliorumque, qui jus domicili obtinent, numero, & industria, ut plurimum dependeant, certa eorum constansque ratio, & status, vix iniri potest. Magis defixum est, tributum annuum, quod vulgo *portionale quantum* dicitur, idque regis, regnique Ordinum consensu, in Comitibus, decerni solet, proinde mutationi quoque obnoxium est. a)

An. Christi.  
955.

\* De *portionali quanto* scriptum olim Leopoldo I. post liberatam a jugo Turcico Hungariam, porrectum fuit hoc titulo: *Modus Hungariam conscribendi, in ordine ad proportionem contributionum*. Adhæsit tamen, incertum qua de causa, in ipso conatu. Rursus alterum: *De noviter constituenda rei publicæ Hungariæ administratione, quantum legibus patriis minus disconveniret*. Scripti hujus materiam auctor bisariam dispescuit. Prior pars *contributionem* in varias classes distributam

H 4

com-

- a) Id nunc in Hung. eique adnexis provinciis, demta Transilvania, fere medium quintum millionem efficit.

An. Christi.  
955.

complectitur; altera *politica gubernationis* administrationem cuius. Dicafterio designat. Et hoc neglectum, vel rejectum fuit. Ex posteriori tamen parte, quædam sub Carolo VI. ad formandum Consilium, quod *Locumtenentiale* vocamus, desumpta, iisque, quæ jam Ferdinandus I. olim statuerat, simillima sunt. Juvat, ex hujus statutis, notitiæ causa, quædam excerpere. a)

„ Inprimis dominus Locumtenens, autoritate nostra, præsit in Consilio nostro, alii Consiliarii nostri, b) ordinarie quolibet die, si necessitas, & rerumstrarum magnitudo postulaverit, bis convenient apud Locumtenentem, mane & post prandium, horis inferius præscriptis.

„ Quo-

---

a) Dat. Vien. an. 1549. d. 1. Januar.

b) Constituti erant, Strigoniens. archiep. simul Locumtenens; cui ex statu Ecclesiastico adjuncti fuerunt, Jaurinen. Veszprimien. Nitrien. & Vácien. episcopi, tum Paulus Bornemisza, Præpositus Buden. Ex statu civili, Franciscus Révai Locumtenens Palatinalis, Emericus Balassa, Michael Mérei, Gregorius Sybrik, & Paulus Istvánfi. Hi stabilem sedem Posonii habebant; reliqui officiis aliis distenti, ut Comes Nicolaus a Salmis, Thomas Nádasdi, Franc. de Batthyán, Andreas de Báthori, seu vocati, seu non vocati Posonjū venissent, quisque pro dignitate sua locum in Consilio occupavit.

„ Quocunque autem die quispiam præ-  
 „ dictorum Consiliariorum, horis inferius de-  
 „ signatis, non comparuerit, ejus diei salario  
 „ privetur, si mane non comparuerit, dimi-  
 „ dio, si post prandium, item dimidio, si per  
 „ totum diem, totius diei salario.

„ Quod si quis illorum quæpiam negotia  
 „ extra Posonium domi curanda habuerit, do-  
 „ minus Locumtenens poterit illi concedere  
 „ unum, aut alterum mensem, per totam an-  
 „ num, ad quem perinde solvendum ei erit,  
 „ ac si præsens esset. Si quis verò sine licen-  
 „ tia Locumtenentia discederet, vel etiam  
 „ ultra prædictos duos menses ei concessos  
 „ abesset, privetur salario, sive provisione  
 „ sua tanto tempore, quanto abfuerit.

„ Volumus autem, ut Præfectus Came-  
 „ ræ a) pro ea fide, quam nobis debet, cum  
 „ suis Consiliariis, præsentiam, & absentiam  
 „ quotidie notare debeat, ipso vero Camerae  
 „ Præfecto, aliquo casu, absente, secretarius  
 „ regiminis nostri, hoc ipsum fideliter curare  
 „ debebit.

„ Mandamus etiam, ut in Consilio nostro  
 „ servetur bonus ordo, Consilarii exhibeant  
 „ debitam reverentiam, & observantiam do-  
 „ mino Locumtenenti nostro, quisque eo-  
 „ rum per ordinem confideat in suo loco, pro  
 „ sta-

a) Id indicio est, Cameram Consilio fuisse con-  
 junctam.

An. Christi.

953

„ statu, & conditione sua; nec eorum quis-  
 „ piam ibi deambulet vel susurret, vel cla-  
 „ mores concitet, aut fabulas inanes narret,  
 „ sed omnes tacite, & reverenter de rebus,  
 „ & articulis per dominum Locumtenentem  
 „ propositis, meditentur, & tractent.

„ Nullus eorum irrequisitus suam opinio-  
 „ nem proferat, sed dominus Locumtenens  
 „ in rebus, de quibus quaestio fieri debet,  
 „ eorum sententiam per ordinem roget, &  
 „ quisque, ut fuerit rogatus, aut requisitus,  
 „ ex fide, & jurejurando nobis debito respon-  
 „ deat. Id autem servetur usque ad ultimam  
 „ vocem.

„ Quod si aliquis ipsorum Consiliariorum,  
 „ prolatis prius, ut praemissum est, uniuscu-  
 „ jusque opinionibus, aliquid replicare, vel  
 „ novi consilii, aut opinionis, in quaestione  
 „ proposita, in medium proferre vellet, quod  
 „ prius non dixerit, patienter audiatur; &  
 „ postea dominus Locumtenens noster, secun-  
 „ dum sententiam, & opiniones plurimum, &  
 „ majorum partium, concludat negotium,  
 „ quod in quaestione vertitur.

„ Haec autem consultatio diebus feriāli-  
 „ bus quotidie fiat, tempore aestivo, ab ho-  
 „ ra 6. usque 9. & si iterum magnitudo po-  
 „ stulaverit, a prandio, ab hora 3. usque 6,  
 „ hiemali vero tempore, ante prandium con-  
 „ veniatur hora 7. usque 10. post prandium  
 „ ab hora 3. usque 6.

„ Si

„ Si aliquid ardui negotii vel ex com-  
„ miffione noſtra, vel aliunde contigerit, pro  
„ quo extraordinarie, & extra horas præ-  
„ ſcriptas conveniendum eſſet, ad requiſitio-  
„ nem, & vocationem domini Locumtenen-  
„ tis, prædicti Conſiliarii mox obedienter con-  
„ venire debeant.

„ Quod ſi aliquid in negotiis noſtris, vel  
„ regni emerſerit, pro quo curando dominus  
„ Locumtenens aliquos, vel aliquem ex præ-  
„ dictis Conſiliariis, in legationem mittere de-  
„ bebuit, parere omnino ipſi, & negotia noſtra,  
„ vel regni, fideliter, & diligenter excqui te-  
„ neatur.

„ Ut autem omnia honeſte curentur, de-  
„ beat etiam dominus Locumtenens cuique  
„ Conſiliariorum noſtrorum, ſuum debitum  
„ locum, & honorem tribuere, nec eorum  
„ aliquem injuria afficere nulla ex cauſa, aut  
„ aliquid aliud facere, quod non conveniat  
„ dignitati, & autoritati noſtræ, & ipſius quo-  
„ que propriæ exiſtimationi, ſub pœna in-  
„ dignationis noſtræ.

„ Si vero ob contingentem ægritudinem  
„ dominus Locumtenens aliquando conſiliis  
„ intereſſe nequaquam poſſet, conſtituat ex  
„ primis Conſiliariis noſtris aliquem, qui in  
„ ſententiis rogandis & conſilio agendo ſuas  
„ partes obeat, ne tractatus, & conſultatio-  
„ nes neceſſariæ, ob ejus ægritudinem negli-  
„ gantur, nihilominus quoque ſententia ipſi-

„ us

us D. Locumtenentis in arduis negotiis —  
 An. Christi. „ ante conclusionem requiratur.  
 955.

Hæc fere præcipua sunt, quæ occasione scripti Leopoldo I. porrecti, ab oblivione vindicanda existimabam; reliqua, quæ magis genio illius, quam nostri temporis accommodata erant, prudens, volensque prætereo. a)

## PARS

a) Cujusmodi erant, ne quis Consiliarius sit a religione Catholica alienus, tum ipsa etiam stipendiorum annuorum ratio: Locumtenens enim 2500. Præfectus Cameræ 800. Consiliarii, 400. Secretarius primus 200. alter 160. & Director causarum 384. fl. habuere.

P A R S III.

*Religionis Christianæ, & litterarum tenuia initia, quæ illius, & harum fuerit occasio, & progressio: Ducum dignitas in regiam conversa: & hinc externa forma rei publicæ mutata, sensimque ad Europæam accommodata.*

§. XXV.

**G**eisa, quem Toxo ad annum 972. successisse (§. 13.) dictum fuit, ut primum summam rerum adeptus est, diversam a suis decessoribus, in administranda re publica, rationem sibi incundam proposuit. Cum enim illos in procurSIONIBUS ad alienas terras, & spoliis domum referendis, vim omnem posuisse, eadem vero ratione ob acceptas sæpe clades, militiam, populumque sensim quoque diminui observasset, ut vix ditionibus, quas in majorem Austriæ partem hactenus protulerant, tuendis par deinceps esse videretur, suos confestim in principio, ab hoc genere hostilitatis avocandos, & ad amicitiam cum vicinis populis colendam suscepit, a) quod non

An. Christi.  
972.

---

a) Notulæ Aloldi ad an. 972. *Hunc (Geisam) gratia Dei prævenit, ut prudens consideraret mala maxima, quæ sua gens tot aliis regionibus intulit, & crudeles strages, quas ipsa videret.*

An. Christi.  
972.

non modo uberiores ex hac, quam armis, fructum in rem publicam redundaturum, sed Nationem quoque ipsam, a macula, quam ei tamquam barbaræ, a) exteri asperferant, liberari posse, sibi persuaderet. Hoc animo cum esset comparatus, edictum vulgavit, quo exteris liberum, tutumque in Hungariam aditum deinceps patere voluit. b) Qua occasio-  
ne

---

*cissim. passa est, & ideo in pace majorem spem habuit, — & — suavitati genti suæ, ut arma deponeret. &c. Similia Carthuius in vita S. Stephani regis, c. 1. Cum omnibus circumquaque positarum provinciarum vicinis, de pace cæpit attente tractare.*

a) Hoc nomine Hungaros, ut ceteras quoque Nationes peregrinas, compellere, exteris scriptoribus illorum temporum pene familiare erat, nemo tamen, ut Cel. Schlözer, illos cit. op. p. 170. feriis silvestribus, comparare ausus est. Wie schänes Wild fluchteten sie abermals vor diesen allgewaltigen Petschenigen her, und in das von ihnen verwüstete Pannonien zurück. In fugam quidem acti sunt, sed fuga poterat, certe debebat humaniore vocabulo exprimi, hac præsertim, quam vivimus, ætate.

b) Carthuius l. cit. *Statuit insuper præceptum, cunctis Christianis, Ducatum suum intrare volentibus, hospitalitatis, & securitatis gratiam exhiberi.* Cum biographus hic opus su-

um



ne Otto I. Imperator ufus, Brunonem, epifcopum Verdenfem, Legatum ad Geifam miffit, ut hunc cum gente fua, fibi, & Germaniæ, cui hactenus infeftiffima erat, amicum red-

An. Chrifti.

972.

um Colomanno regi dicaverit, difceptatum hactenus fuit, ad cujus Colomanni, regisne Hung. an Galiciæ, Belæ IV. fratris, ætatem pertinuerit. Sed dubium jam fublatum videtur, ope Chronici, quod *Martinus Gallus* de rebus Polonicis conſcripfit, & Gedani 1749. editum fuit. Inchoat is opus ſuum ab an. 840. & deſinit in an. 1109. idque an 1118. dicavit Martino, Gneſnenſi archiepiſcopo. Vixit igitur autor tempore *Boleslai III.* qui Ducatum an. 1103. inivit, quem ſibi etiam in ſcribendo hortatorem fuiſſe, verbis illis pag. 94. indicat: *inſuper etiam copioſa bellorum materia, — ipſiusque Ducis Boleslai probitas, & magnanimitas, audendi fiduciam miniſtraverat.* Idem hic auctor, l. 1. p. 76. ſe ad vitam S. Stephani regis diſerte refert: *hoc autem ait, — certiffimum eſt, quod dicimus, quia — in vita beati Stephani regis Ungariæ ſcriptum invenimus.* Agit autem hoc loco de legatione a Miecislao Duce, pro impetranda corona, Romam miſſa, quam Pontifex deinde Stephano Hungariæ Duci miſit. Cum igitur deſinat in an. 1109. debuit vita S. Stephani regis jam ante hunc, vel certe ante an. 1118. exſtiſſe, & quia

hac-

## XXXVIII NOTITIAE PRAEVIÆ.

redderet. d) Nec is humanitate se vinci passus, ipse etiam Legatos, cum muneribus,   
 An. Christi. quæ velut testes ineundæ amicitiae essent, ad   
 973. Ottonem misit. Adfuere *Quedlinburgi*, cum   
 Im-

---

hactenus alia, quam Carthuitii, a nemine producta fuit, necesse est, ut hanc Colomanno Hung. regi, qui eodem tempore vivebat, ante dictos annos dicaverit. Proinde ætatem illius, etsi, cujus sedis fuerit episcopus, ignoremus, certam habemus. De fide autem illius, & rerum, quas complexus est, vix, puto, dubium obmoveri posse. Cum enim in præfat. fateatur, se jam fuisse *decrepitum*, & hæc ætas plerumque 70. aut plurium annorum esse soleat, si hos vel ab ipso an. 1109. antrorsum computemus, oportuit Carthuitium an. 1039. proin ab obitu S. Stephani regis anno altero, quin, cum Martinus Gallus non eodem an. 1109. quo Chronicon suum finit, etiam scribere cœperit, vivo quoque Stephano rege natum, itaque res sub illo, hujusque patre gestas, utpote in recenti omnium memoria positas, jam tunc litteris complexum fuisse, cum multi, qui Stephanum norant, adhuc superstites fuere. Hæc, ut scriptorem, omnium, quos habemus, vetustissimum, ab injuria, & conviciis aliorum vindicarem.

e) Epist. Ottonis ad Pilgrinum Patavien. episcopum, apud Mabillon, Acta SS. ord. S. Benedicti, Sec. VI. P. I. pag. 81.

Imperator dies Paschæ isthic ageret. a) Accepti erant liberaliter, & Imperatore paulum post, Nonis Maji defuncto, ab hujus filio, confirmata amicitia, domum remissi.

Abhinc exteri, inter quos multi ex Germania, Italia, aliisque regionibus, nobilitate, & militiæ laude insignes, b) certatim in Hungariam confluebant, adducto secum non temnendo militum, & volonum numero, quos Geisa liberaliter acceptos, ut plures sensim in suam ditionem pelliceret, possessionibus locupletabat. Atque horum exemplo, & Ducis humanitate, allecti quoque Clerici, ac Monachi, propagandæ religionis causa, frequentes advenerant, c) quibus suos etiam Pilgrinus Pataviensis episcopus subsidio miserat, quorum studio, brevi effectum est, ut ex Nobilioribus Hungaris, utriusque sexus, prope quinque millia, sacro fonte abluerentur,

---

An. Christi.

974-

---

a) Lambertus Schafnaburgen. ad an. 973. *Otto Imperator senior cum juniore venit Quedlinburg, ibique, celebravit Sanctum Pascha, X. Cal. April. illuc venerunt Legati Italarum, Ungarorum, — cum magnis muneribus. Similia Saxo annalista, Chronicon Hildesheimense, alique.*

b) Horum nomina Simon Keza, & Thurocz, in suis Chronicis prolixè recensent.

c) Carthuius l. cit.

*Pars I.*

I

tur, & captivis Christianis, qui ex variis regionibus olim adducti erant, prolesque suas hactenus furtive solum Deo consecrare audebant, jam liberius cultui divino vacare, ædesque sacras, non invitis dominis, exstruere liceret. a)

An. Christi.  
979.

Inter has religionis progressionis, ipse quoque Geisa, suscepto ex Sarolta, Gyulae Præfecti Transilvaniae filia, Stephano, Christiani-

a) Piligrini epist. ad Papam. *Ad quos (Hungaros) dum transmitterem satis idoneos viros ex monachis, Canonicosque presbyteros, atque de singulis Ecclesiasticis gradibus Clericos, — tantum divina gratia fructum statim ministravit, ut ex eisdem Nobilioribus Ungariae utriusque sexus, Catholica fide imbutos, atque sacro lavacro ablutos, circiter 5000. Christo lucrarentur, Christiani autem, quorum major pars populi est, & ex omni parte mundi illuc tracti sunt captivi, quibus nunquam soboles suas lisuit, nisi furtive, Domino consecrare, modo certatim, nullo obstante timore, offerunt eas baptizare, & gratulantur, — quod Christiano more oratoria audent construere. — Ipsi enim barbari — quorum licet adhuc gentilitate quidam detenti, nullum tamen ex illorum subditis vetant baptizari, nec Sacerdotibus inhibent, quocunque libet, proficisci, — Factum est ergo, ut pene cuncta Ungarorum Natio sit prona ad percipiendam fidem sanctam.*

Riana Sacra amplexus est, sed adhuc neophytus, non pauca ex avitis ritibus, religioni Christianæ admiscens, a) ut adeo, quem admodum biographus sancti Adalberti, Pragensium antistitis, prodidit, b) *intermiseretur cum paganismo polluta religio*, donec ipse Adalbertus partim per nuncios in Hungariam missos, partim suo adventu post baptizatum filium Stephanum, patrem quoque in fide nutantem confirmasset. Hunc in modum Christiana religio, & cum hac etiam litteræ paulatim radices in Hungaria fixere.

An. Christi.  
994.

\* Non deerant, qui Christianæ religionis initia, maluerint a Græcis, quam Latinis, accersere, c) sed horum opinioni, quæ levibus admodum, & longinque quæsitis conjecturis nititur, convellendæ, non vacat immorari, quod hanc alioquî jam ante me plures domestici scriptores, diversæ etiam religionis, erudite, solideque confutarint. d) \*\*

a) Ditmarus Chronici l. 7. & Carthutius l. cit. c. 1. de Geisa. *Seyerus quidem, & crudelis, veluti potentialiter agens in suos, misericors autem in alios, & præcipue in Christianos, ritu paganismo licet adhuc quidem obvolutus.*

b) Apud hagiographos Antverpien. Tom. III. SS. mensis April. ad d. 23.

c) Godefridus Schwarz. Halæ Saxoniæ. 1740.

d) Stillingus Acta SS. ad d. 2. Septemb. Franc. Adamus Kollar, de jure patronatus regum Hung.

An. Christi,  
 994.

• • Litterarum vero fors non alla apud  
 nos in principio erat, quam quæ post collap-  
 sum Imperium Romanum, & migrationem  
 gentium, apud alias Nationes innutritas ar-  
 mis solebat esse, quo tempore apud Clerum,  
 & monachos, quibus fere unis veterum mo-  
 numenta ab interitu vindicata debemus, pro-  
 fessio litterarum, & scientiæ vigeant, ludis  
 litterariis sub initium in Capitulis, & cœno-  
 biis ut plurimum constitutis, in quibus prima  
 linguæ Latinæ rudimenta, cum primis vero re-  
 ligionis adhuc novitiæ, institutiones tradeban-  
 tur. Serius deinde Sec. XII. & XIII. paulo  
 latius quidem litterarum studia jam pertine-  
 bant, ad condiscendas tamen severiores di-  
 sciplinas, in Italiam, vel Galliam migrandum  
 fuit. Hactenus igitur quasi in diluculo res  
 litteraria apud nos hærebat.

Plenior aliquanto lux postea Sec. XIV.  
 & XV. affulsit, cum variæ scientiarum Aca-  
 demix, accersitis undique viris, qui doctrinæ  
 laude alibi floruerant, instituerentur, quin-  
 que ecclesiis quidem a Ludovico I. Budæ a Si-  
 gismundo, & Mathia Corvino, cujus biblio-  
 theca per id tempus celeberrima inter Euro-  
 pæ-

---

1. 1. c. 1. Jos. Benczur, Hung. semper libera, c.  
 1. alique, qui serius de rebus Hungaricis com-  
 mentati sunt.

pæas habebatur, a) tum Pofonii etiam a Jo-  
anne Strigoniensi archiepiscopo, ut adeo jam  
domi haberetur, quod alias foris operose  
quærendum erat, tametsi nec hæ stabilitatem  
habuerint, & ob frequentia bella hostiumque

An. Christi.  
994.

13

in-

a) Multi tamen libri ex hac sub Wladislao II.  
hujusque filio Ludovico, partim mutuo dati,  
& non redditi, partim quoque donati, & ven-  
diti etiam fuere, ut instar summæ raritatis sit,  
ejusmodi codicem in Hungaria hodie videre.  
*Conringius* magnum ex his numerum in biblio-  
thecam Guelpherbitanam, dum de hac pag. 119.  
agit, illatum testatur. *In quorum*, ait, *conqui-*  
*sitione, etiam illam felicitatem sibi contigisse,*  
*impenſe lætatur Princeps optimus, quod, dum*  
*ardua serenissimæ domus negotia, Rudolphum*  
*II. & Ferdinandum II. Impp. Vindobonæ adi-*  
*re compulissent, in Hungaria lætiniæ celeberrimæ*  
*quondam bibliothecæ Muthiæ Corvini, sibi*  
*comparare, quamvis magno ære, concessum*  
*fuert. Deprehendere vero in illo Mss. ordinæ*  
*licuerit tibi simul incomparabilem thesaurum,*  
*& in Germania quidem nusquam antehac vi-*  
*sum, prope 200. & quidem magnam partem*  
*spissorum, omnique pagina plenissimorum, —*  
*primæ magnitudinis voluminum, de arcanis ne-*  
*gotiis, ac rebus præcipuis, non duntaxat Germa-*  
*niæ universæ, aut hujus inclyti Ducatus, sed*  
*Galliæ etiam, allarumque rerum publicarum Eu-*  
*ropæ &c. Tanti res nostras exteri æstimant!*

~~—————~~te sub Wladislao II. & Ludovico, scholarum,  
 An. Christi. 994- quæ aliquid celebritatis habuissent, vestigia  
 exstant, nec alia facile incitamenta discenti-  
 bus suggesta reperio, quam quod ad aulam re-  
 giam nonnunquam admitti, post exhibitum  
 industriæ specimen, non penitus indonati  
 abirent. a)

Itaque, si quis paulum litteratior esse,  
 & haberi vellet, ad externas ditiones, *Bono-*  
*niam* inprimis, *Viennam*, & *Cracoviam* con-  
 cedere iterum cogebatur, idque tum præci-  
 pue, cum aditus variis religionibus in Hun-  
 gariam sec. XVI. patuit, & cum his magistri  
 partim Germani, partim Hungari quoque,  
 & Transilvani, qui studiorum causa in  
 Germania morabantur, domum reversi, scho-  
 las vel desertas occuparent, vel novas eri-  
 gerent, atque hoc modo, cum litteris, etiam  
 doctrinæ suæ placita propagando, doctri-  
 næ laudem adeo sibi jam vendicarent, ut  
 non

---

a) Exempla hujusmodi plura exstant in libro ero-  
 gationum an. 1494. sub Wladislao II. Ita ad  
 d. 19. Jul. *Eodem die scholaribus recordanti-*  
*bus Budensibus videlicet, & Pestiensibus, ad*  
*relationem Bradach, dati sunt fl. 1. & medi-*  
*us.* Et ad d. 6. Aug. *Ad relationem Wer,*  
*parvuli suæ majestatis, scholaribus recordanti-*  
*bus ad diversas scholas in festo Transfiguratio-*  
*nis Domini, dati sunt fl. 1. & medius.*



non pauci quoque Catholici proles suas, illis instituendas crederent.

An. Christi.

994.

Ea res cum regni ordines magnopere sollicitos reddidisset, ne specie eruditionis captandæ, juvenus Catholica sensim etiam religioni magistrorum consuesceret, regem Ferdinandum I. vehementer obtestati sunt, vellet, juberetque, ad instaurandam pristinam, avitamque religionem, bona monasteriorum, quæ deserta erant, in erigendas scholas, & alendos viros probos, doctosque convertere, qui juventuti præessent, eamque litteris simul, & orthodoxa religione imbuerent. a) Percom-

I 4.

ci-

a) Decret. XI. an. 1548. art. 12. *Præterea bona, & proventus monasteriorum, & claustrorum, ac Capitulorum desertorum — ad instauracionem, & erectionem scholarum particularium, earundemque magistrorum, qui docti, & probi sint, intertentionem, & denique ad bonæ spei, ac indolis juvenum, & adolescentum, ut bonis litteris operam dare possint, promotionem, & auxilium applicentur, & convertantur, quo tali ratione, boni, & docti viri alantur, & nutriantur. Idem Parochis optabant præstari, & causam utriusque hanc reddunt: ut populum in veteri, orthodoxa, vera, Catholicaque fide, & religione conservare, & si qui ab ea desciverunt in hoc regno, ad eam reducere studuant.*

An. Christi.

994.

cidit, quod octennio ante, Ordo Clericorum regularium Societatis Jesu, qui ex instituto utrumque hunc finem sibi præfixerat, auctoritate Pontificum confirmatus, aliquot colonias, a Principibus expetitas, jam in varias ditio- nes, ipsamque adeo Viennam deduxerit. *a)* Hinc primum Tirnaviam, ac sensim in varia regni loca dimissis, Ferdinandus, ejusque successores, ac imprimis Rudolphus II. bona, & proventus desertorum Claustrorum, *b)* tum  
ar-

*a)* Viennæ quidem jam an. 1561. præter assertio- nes theologicas, quæ summa religionis capita, eaque cumprimis, quæ eo tempore in contro- versiam vocabantur, continent, etiam logicas, physicas, mathematicas, & metaphysicas, tum linguarum Latinæ, Græcæ, & Hebraicæ, publi- ce disputandas, in Collegio Cæsareo proposue- re, quæ Vien. eod. an. editæ etiamnum pro- stant.

*b)* Longum esset, beneficia regum stirpis Austria- cæ, in hunc Ordinem collata, singulatim refer- re. Quemadmodum ampla erant, ita invidiæ etiam, & litibus occasionem serius postea, præ- cipue an. 1646. præbuere, cum *jus possidendi* a variis impeteretur, quod quidem eod. an. solide vindicavit libellus, qui Vien. apud Co- smerovium prodiit hoc titulo: *Declaratio juri- um societatis Jesu, quæ in regno Hung. atque etiam in Transylvania habet, ad bona stabilia possidenda*.

archiepiscopi, & episcopi, nec paucae Magna-  
tum familiae, de suo liberaliter tribuerant, An. Christi.  
cum ut religionem, tum scientias quoque, 994.  
quae sustentandae illi necessariae sunt, instaura-  
rent. Eandem ob causam, & ex eadem insti-  
tuti ratione, ut pluribus locis juventuti aditus  
ad discendas litteras pateret, Clerici quo-  
que regulares piarum Scholarum, jus domi-  
cillii in Hungaria obtinuerunt. Quo autem suc-  
cessu utrique in promovenda, & conservanda  
religionis integritate, quoque etiam instituendae  
in omni genere scientiarum, juventutis emo-  
lumento, versati fuerint, & postremo etiam-  
num laudabiliter versentur, res hujus tempo-  
ris, ut puto, satis ab se loquuntur. Atque  
haec universe, nec enim historiam Ecclesiasti-  
cam, vel litterariam scribendi, ipsa, quam  
mihi praestitui, argumenti ratio patitur, de  
initiiis, ac progressu religionis, & litterarum  
per Hungariam, perstrinxisse sufficiat. De  
hodierna enim institutione, nihil attinet di-  
cere, quae, si tamen, quod sentio, fas est pro-  
mere, videtur mihi, agro, cui diversi gene-  
ris semina, ita confertim ingeruntur, ut aliud  
ab alio praefocari necesse sit, multum consi-  
milis esse.

#### §. XXVI.

Religio Christiana, nuper regno inducta,  
non eum, qui sperabatur, & ex prima sui  
institutione facere debebat, successum in prin-  
ci-

An. Christi.  
994.

incipio habuit. Quamvis enim Geisa hanc jam professus, & pollicitus præterea fuisset, se gentem quoque suam ad eam adducturum, a) mores tamen magnopere dissentiebant. b) Accessit illud etiam, quod, cum religio Christiana, omnes æquali animo complecti præcipiat, is tamen in advenas benignus, in suos autem severus, & pene crudelis esset, c) dumque præterea morbis præpeditus, a re publica abstinere cogeatur, conjux, quam, defuncta *Sarolta*, d) duxerat, e) pro viro fere im-

a) Carthuitius l. cit. c. 1. *Credidit ipse (Geisa) cum familiaribus suis, & baptizatus est, & omnes ditioni suæ subditos se pollicens Christiano nomini mancipaturum.*

b) Ditmarus in Chron. apud Leibnitz, Tom. III. scriptor. rer. Brunswic, pag. 517. *Hic (Geisa) Domino omnipotenti, variisque deorum illusionibus immolans, cum ab antistite suo, ob hoc accusaretur, divitem se, & ad hæc facienda satis potentem affirmavit.*

c) Carthuitius l. paulo ante cit.

d) Stemma maternum Stephani, secundum Belæ Notarium, hoc est.

Tuhutum.

Horca

Gyula.

Zombor.

Sarolta.

Gyula.

Stephanus.

Bue, & Bucne.

e) Cromerus l. 3. c. 2. alteram Geisæ conjugem, Ad-

imperitaret. Hæc apud primores gentis, ritibus avitis adhuc deditos, & feminei dominatus perinde, ac religionis Christianæ impatientes, invidiam primum in advenas concitabant, tum ineundis inter se consiliis, quæ non obscura exacerbati animi, & futuræ seditionis indicia præferebant, occasionem præbuere. Neque id Geisa clam erat, qui non tam sui, auctoritate enim suos in metu continebat, quam filii causâ sollicitus, de uxore eidem collocanda, cœpit cum Ottone III. agere, ut conjugis futuræ parentela subnixus, adversariorum conatus, si qui a suo obitu futuri essent, reprimere posset. Imperator, ut Geisam, nuper jam inita cum Ottone I. amicitia, Imperio utcunque jam conjunctum, affinitatis etiam vinculo sibi magis connecteret, autor ei fuit, ut *Giselam*, Henrici Bavarorum Ducis, postea Imperatoris, sororem, filio sponsam legeret. Placuit consilium, & *Gisela* non multo post, Stephano in manus venit:

a) Eadem de causâ filiam *Juditham*, Poloniæ  
Du-

An. Christi.

994.

995.

---

*Adleidam* tribuit, quam *Ditmarus Belegne-*  
*nam* vocat, tametsi non desint, qui eandem cum  
*Sazolta*, sed diversis nominibus compellatam  
fuisse existiment.

- a) Herman. Contractus ad an. 995. & *Ade-*  
*marus Chabanensis* apud *Labbé* gov. *Biblioth.*  
*Mss.* T. II. pag. 168.

Duci collocaverat, a) & alteram b) Ottoni *Vrseolo*, Venetorum futuro Duci destinavit, ut plurimum Principum, qui Hungariæ finitimi erant, affinitate, filio consuleret. Nec hac re, quamvis successio hæreditaria, Majorum sanctione (§. 3.) constabilita esset, filio satis provisum existimans, prius, quam obiit, Primates Nationis convocavit, habitoque cum iis consilio, filium successorem renunciens, ut ei sacramentum fidelitatis præstarent, exegit. c)

Au. Christi.

997.

## §. XXVII.

a) Cromerus l. cit.

b) Dandulus in Chronico ad an. 1009. de Ottone *Urseolo* agens, erat quippe, ait, *Dux annorum octodecim, quo tempore Hungarorum regis (Ducis) filiam, & sororem Stephani successoris traduxit uxorem, mulierem utique generositate serenam, facie facundam, & honestate præclaram. Ex hac deinde Petrus, Stephani successor editus. Præter has, filiam quoque Saroltam fertur habuisse, quæ postea Abæ seu Samueli regi nupta fuit.*

c) Carthuitius l. cit. c. 1. *convocatis pater suus, Hung. Primatibus, eum ordine sequenti per communis consilium colloqui, filium suum Stephanum post se regnaturum populo præfecit, & ad hoc corroborandum a singulis sacramentum exegit.*

## §. XXVII.

Nec supervacaneam hanc Geisæ curam fuisse, ex eventu patuit. Ab ejus enim obitu *Cupa*, Simeghienfis provinciæ Præfectus, religionis Christianæ, & advenarum acerrimus osor, contempta Stephani ætate, res novas moliri cœpit. Hinc inter Hungaros *Cupæ*, & Germanos *Stephano* addictos, orta primum dissidia, mox in apertam seditionem prorupere. a) Dux factionis palam ad tyrannidem aspirans, coacto sub signa non temnendo plebis, ad avitas superstitiones pronæ numero, cædibus late grassatus, obfessoque Veszprimio, apertum bellum Stephano indixit, spe fretus, se, si victoria potiretur, regni possessionem adepturum. b) Contra evenit. Stephanus mature collectis copiis, opique cœlesti confusus, & advenarum, inprimis Wencelini ducis, consilio adjutus, rebellem, conferto prælio vicit, & seditiosum vulgus, cæso duce, ad obedienciam reduxit.

An. Christi.  
998.

a) Id ipse Stephanus in litt. fundatæ Abbatix, S. Martini in monte Pannoniæ, an. 1001. testatur: *ingruente namque bellorum tempestate, qua inter Teutonicos, & Hungaros, seditio maxima excreverat &c.*

b) Ibid. *Cum civilis belli ruina urgeret, volente quodam Comitatu Simegiensi, paterita me sede repellere &c.*

**998.** \* Quidam existimant, *Cupam* cognatione *Stephano* conjunctum fuisse, ambiisse præterea viduæ defuncti *Geisæ* nuptias, & post prælium, ut exhibito severitatis exemplo, reliqui a simili ausu absterrentur, quadrifariam fuisse sectum. Verum de cognatione nihil solidi momenti, præter suspiciones in medium afferunt, cum veri sit similis, illum ex posteris eorum fuisse, qui *Arpado* duce electo, sibi, posterisque suis partem honoris regni, & in consiliis, (§. 5.) servatam volebant. Nec ambitus nuptiarum viduæ suaderi potest, quod *Cupa* religionis causa bellum moverit, illa autem Christiana esset, & *Geisæ* ad hanc conservandam hortatrix, quin, ut aliqui malent, a) ut hanc amplecteretur, præcipua etiam causa fuerit, ut nihil de eo dicam, quod femina, quæ jam prius pro marito rem publicam administraverat, nunc viro dominandi cupido, qui illam in ordinem reduxisset, vix nuptura fuerit. Sectio denique corporis quadrifariam, de qua *Carthuitius*, ætati illi proximus, nihil memorat, a moribus *Stephani* magnopere abhorret, de quo *Ditmarus*, eisdem synchronus, scribit: *nunquam audiui quem-*

a) *Cromerus* l. 3. c. e. *Ea* (*Sarolta*) mortua sororem ei (*Geisæ*) suam *Adleidam* *Mæxissius* in matrimonium collocarat, a qua persuasus *Geisæ*, cum *Ungaris* suis Christianam & ipse religionem, quinto post *Polonos* anno suscepit.



*quemquam victis tantum parcere, a) quanto igitur magis jam in prælio cæsis.*

## §. XXVIII.

An. Christi.

999.

Sopito, quod religionis causa, ortum erat, civili bello, Stephanus tanto majore studio ad eam constabiliendam incubuit, quanto solertius adversarii hanc oppressum ibant, nihil enim magis ad continendum in officio subjectum sibi populum conferre posse existimabat, quam si religio latius per regnum propagata, solidiores radices figeret. Quare monachis ordinis S. Benedicti, quorum opera hactenus in propaganda religione cumprimis enituit, cœnobium à patre inchoatum, in monte Pannoniæ, ad summum fastigium perducere conatus est, ut votum, quod ante pugnam cum *Cupa* initam, voverat, b) gratus exsolveret, tum de condendis episcopatibus, & , Ottone III. hortatore, de sumenda regia corona, cogitationem suscepit, c) cum ut reli-

a) Chronici l. 8.

b) Litt. Stephani cit. an. 1001. *Votum vovi Sancto Martino, quod si de hostibus interioribus, & exterioribus, ejus meritis victor existerem &c.* Simul decimas rerum omnium eidem cœnobio addixit ex Simeghienfi Comitatu.

c) Ditmarus Chron. l. 4. *Imperatoris autem prædicti (Ottonis III.) gratia, & hortatu, gener*

An. Christi. 999. **ligionem novitiam episcoporum consilio, & studio magis firmaret, tum ut corona insignitus, majorem sibi, pro more illius ætatis in Europa usitato, apud suos auctoritatem conciliaret, ipsamque gentem hac ratione cum aliis Nationibus pedetentim sociali vinculo magis connecteret.**

\*Episcopatus quidem jam hoc tempore a Stephano designatos, non item omnes eodem fuisse erectos, suadent cum ipsi erectionis diversi anni, Csanadiensem enim prope finem vitæ condiderat, tum ipsa etiam civilis, cui Ecclesiastica in designatione limitum, conformanda erat, institutio. Injecerit quoque moram illud, quod, cum non modica Hungariæ portio, jam prius ad *Juvaviensis*, seu *Salisburgensis*, & *Pataviensis*, nunc *Passaviensis*, episcoporum jurisdictionem pertinuerit, res ante cum Pontifice transigenda esset, quam, quod animo destinarat, opere ipso perficeret. Fuisse autem, quos sensim erexerat, præter *Strigoniensem Ecclesiam*, quam ceterarum matrem, ac magistram, & archiepiscopali prærogativa ornata esse voluit, episcopatus, *Agriensis*, *Bachi-*

---

*Henrici Ducis Bavariorum Waic (id est, Stephanus) in regno suomet episcopales cathedras faciens, coronam, & benedictionem obtinuit. Bohemis, ut Balbinus indicat, Waic Adalbertum notat. Utrumque igitur nomen in baptismo sortitus fuerit.*

*thiensis, a) Csanadiensis, Colocensis, Jaurinensis, Quinqueecclesiensis, Transylvanus, & Veszprimien-*  
*sis,* qui communi scriptorum consensu, sua ini-  
 tia Stephano debent. De *Vaciensi, & Varadi-*  
*nensi,* solum lis est, tametsi veri sit simillimum,  
 utrumque Stephano quoquetribuendum esse.  
 b) Zagrabiensem vero, Nitriensem, Bosnen-  
 sem, & Sirmiensem, constat serius fuisse con-  
 ditos. c)

An. Christi.

999.

## S. XXIX.

a) Hic postea in archiepiscopum conversus, & se-  
 rius Colocensi unitus, nunc nomen Colocensis  
 archiepiscopatus obtinet.

b) Vid. Pray, Diatribe in dissertat. Ant. Gano-  
 czy, de S. Ladislao, episcop. Varadinen, fun-  
 datore.

c) Apud Pray, Hierarch. Hung. P. I. & II. De  
 episcopatibus Hung. plures scripsere, de Strig-  
 onien. & Agrien. Nic. Schmitt e Soc. J.  
 de Quinqueeccles. Jos. Kollar. ejusd. Ecol. Ca-  
 nonicus, de Varadien. Ant. Ganoczy ibid. Ca-  
 non. de Jaurinen. Alexan. Károly, Canon.  
 ibid. de Veszprimien. Jo. Bap. Róka, alias Fuchs,  
 de Colocen. Mikhael a SS. Trinitate, de Va-  
 cien. Innocent. Desericzky, uterque e Pils Scho-  
 lis. His dein Aug. Mar. Theresia novos quinque,  
*Albensem, Neosolien. Rosnavien. Sabarien. &*  
*Scepusen.* adjecit.

An. Christi.  
1000.

Quare, cum ita jam animo comparatus esset, ut opus maturaret, *Africum*, quem Colocensi sedi destinaverat, Romam misit, id præcipue apud Silvestrum II. acturum, ut is gentem, & regnum nuper religioni Christianæ initiatum, in Ecclesiæ gremium reciperet, a)  
de-

a) Id Gregorio VII. & aliquot deinde Pontificibus occasionem præbuit, ut jus in Hung. sedi Apostolicæ a Stephano collatum fuisse, putarent. Gregorii ad Salomonem Hung. regem, hæc sunt: *nam sicut a Majoribus patriæ tuæ cognoscere potes, regnum Hung. S. R. Ecclesiæ proprium est, a rege Stephano olim B. Petro, cum omni jure, & potestate sua vblatum, & devote traditum.* Carthuisi autem l. cit. c. 2. quæ Gregorio proximus, hic enim decessit an. 1083. ille vero, ut alibi ostensum est, an. 1109. jam decrepitæ ætatis, & Gregorio probabiliter cœvus saltem aliquanto tempore, erat, hæc solum de legatione *Astrici* memorat: *quibus auditis, valde gavisus Romanus Pontif. eunota, prout fuerunt postulata, benigne concessit. Crucem insuper anteforandam regi, velut in signum Apostolatus misit, ego, inquit, sum Apostolicus, ille vero, merito Christi Apostolus, per quem sibi tantum populum Christus convertit. Quapropter dispositionem ejusdem,*  
pre-

designatos a se episcopatus, auctoritate sua confirmaret, & sibi pro regia inauguratione coronam mittere, non gravetur. Commode Otto Imperator, qui Stephano petendæ coronæ autor fuit, tum in Italia erat, cujus

An. Christi.  
1009.

K<sub>2</sub>

con.

---

*prout divina gratia ipsum instruit, Ecclesias Dei simul cum populis, nostra vice jure ordinandas relinquimus. De regno autem jure proprietatis sedi Apostolicæ oblato, ne verbum quidem, qui quod non paucos, qui Stephano convixerant, nosse potuerit, id ex horum fide, ut reliqua illius acta, memoriæ prodidisset, cum nihil causæ, cur id reticeret, habuerit, sedi Apostolicæ ceteroqui apprime addictus. Si vel litteras Stephani ad Papam datas, aliquas certe in tam gravi negotio datas fuisse, credibile est, vel Legati verba ad Pontificem habita, ab aliquo consignata haberemus, tum facile esset, certum in alterutram partem judicium depromere. Quamquam de hoc rursus redibit sermo. Ceterum, sunt, qui ex hac legatione, *jus Patronatus* regum Hung. in Ecclesias repetant, quorum opinioni non refragor quidem, malim tamen id ex comuni jure, *cap. a nobis de jure: repetere, patronus afficitur quis Ecclesiam fruens.* quod Stephano episcopatum fundatori, jure, meritoque competit.*

An. Christi.  
1000,

consilio, & cœlesti admonitu, a) Pontifex permotus, coronam, b) quam Duci Poloniæ alias destinaverat, per Nuncium Apostolicum, c) Stephano, in comitatu Africi, transmissit, facta eidem potestate, ut sui vice Ecclesias regni sui ordinaret, & crucem ante se in signum Apostolatus, præferri curaret.

\* Occasione hujus legationis, celebris illa epistola, quam Pontifex ad Stephanum misisse dicitur, scriptores nostros in partes diffraxit. Quidam penitus suppositam esse, alii

a) Id Angelico monitu factum, Carthuius, & Martinus Gallus memorant. Inde reor, morem mansisse, ut insigniis regni duo angeli, instar Telamonum, utrinque adungerentur, qui in sigillis majestatico, Mathiæ Corvini, an. 1475. relictis, in Vladislai II. autem an. 1490. statim visuntur.

b) Scriptores quidam hujus ætatis, coronam, quod inscriptiones aliquot Græcas exhibeat, ex Græcia, non item Roma allatam fuisse existimant. Verum hanc litem RR. Jos. Koller Canonicus Quinque-Ecclesiën. peculiari commentario, *de sacra regni Hungariæ coronâ* an. 1800. ad vivum refecit.

c) Hunc vetus documentum, apud Bernard. Pez, Cod. dipl. epistol. P. 3. p. 232. ita exprimit: *corona autem regni Hung. per Apostolicum, nomine de Vetta est in Hungariam, per Africum — transmissa.*

alii omnino genuinam, rursus alii, missam quidem, sed serius postea, ab aliquo, parum honoris, & juris regii studio, interpolatam, existimant. a) Ac istorum quidem opinionem, veri simillimam reddit sequens pericope, litteris Pontificis inserta: *regnum, & Nationem Hungaricam, præsentem, & futuram, sub protectionem S. R. Ecclesiæ acceptantes, prudentiæ tuæ, hæredibus, & legitimis successoribus tuis, habendum, tenendum, regendum, gubernandum, & possidendum reddimus, & confirmamus; qui quidem hæredes, & successores tui quicumque, posteaquam per Optimates legitime electi fuerint, teneantur similiter nobis, & successoribus nostris, per se, vel per Legatos, debitam obedientiam, & reverentiam exhibere, seque S. R. Ecclesiæ — subditos exhibere. Ut enim nihil dicam, quantopere hæc lacinia a veteri simplicitate styli*

Ann. Christi.  
1000.

K 3

a)

a) Litteras aliquas Roma fuisse missas, ipse Stephanus in Tab. fundatæ Abbatæ de Bakonbél, an. 1037. videtur indicare illis verbis: *Sicut habui potestatem, ut ubicunque, vel in quocunque loco, vellem Ecclesiās, vel monasteria construerem, ita nihilominus a Romanæ sedis supremo Pontifice habui auctoritatem, ut quibus vellem Ecclesiis, seu monasteriis, libertates, & dignitates conferrem. Hujusmodi autem prærogativa non solet vivæ vocis oraculo, sed scripto conferri.*

An. Christi.  
1000.

a) Romanorum Pontificum illius ævi abhorreat, jam illud veritati minime consentit, quod successionem hæreditariam, cui jus *primogenituræ* adnexum esse, alias ostensum fuit, (§. 3.) cum libera optimatum electione conjungat. Et quis sibi persuadebit, Stephanum, qui jus successionis hæreditariæ, quæ electionem excludit, pragmatica Majorum sanctione firmatam, contra *Cupam* armis tuendam suscepit, nunc nulla de causa voluisse eo, se jure, magno successorum præjudicio, & injuria, privare, regnumque extraneo dominio subicere? quid, quod ipsi Pontifices, huic parti epistolæ, quantum ad electionem attinet, aperte refragentur? certe Innocentius III. ut supra memoravi, ad Andream II. cum patris votum exequi differret, in hæc verba rescriptit: *ne, si onus, a patre injunctum, detrectaris, paterna te reddas successionem indignum, & hæreditatis emolumento priveris.* Et Bonifacius VIII. ad Albertum, Rudolphi Imperatoris filium, Hungariæ regnum affectantem: *Hungariæ regnum, inquit, successionis jure pervenit, electionis arbitrio non defertur: quæ adductis Silvestrinæ epistolæ verbis prorsus opposita sunt,*

---

a) Redolet enim stylum nostrum diplomaticum Sec. XIII. quo possessiones conferri solebant, formula illa usitata: *damus, donamus, conferimus, imo dedimus, donavimus, & contulimus perpetuo habendam, tenendam, & possidendam,*



\_\_\_\_\_

Aa. Christi.  
1000.

sunt, & vim omnem enervant. Proinde illud fere certum videtur, dictam pericopen, cetera enim ejusdem epistolæ, quæ ad religionem spectant, nihil est, cur amplecti non possimus, ab imperito rerum nostrarum serius intrusam, & Pontificibus nullum aliud, quam quod religionis causa in omnes fideles habet, jus in Hungariam, unquam fuisse. De jure autem, quod Imperatores Germaniæ sibi in Hungariam olim arrogabant, cum res, & locus monebit, dicetur.

### §. XXX.

Rebus in hunc modum Romæ ex sententia confectis, Astricus rediit, & Stephanus, paulum post Strigonii, a) ritu solenni inauguratus, solium, eodem, quod a Majoribus

K 4

su-

- 
- a) Stephanum fuisse Strigonii coronatum, Ladislaus Chonus in litt. an. 1274. diserte prodidit, & firmare videtur vetustissimum Strigonien. Capituli sigillum an. 1141. quod archiep. Strigoniensem, coronam utraque manu tenentem, & regem nudato capite adstantem, exhibet. Hinc jus coronandi reges Hung. a primis regni temporibus, inter prærogativas archiepiscoporum Strigonien. censetur. Ceterum locus coronationis ordinarius, dum res Hung. integra erat, Alba regia fuit, postea Posonium, nunc, ut temporis adjuncta poscunt, in regum arbitrio est.

**\_\_\_\_\_** suis acceperat, hæreditario jure cum titulo  
 An. Christi. 1000. a) regis Apostolici, Pontificis Romani auctoritate obtento, ad posteros transmisit.

\* Abhinc mos obtinuit, ut reges ab aditu sui regiminis, eadem corona incingantur, fuitque hæc consuetudo genti nostræ tam sacra, ut, si regis filium, vivo patre, coronari contigisset, is ab hujus obitu, cum regnum capesseret, rursus coronaretur, alioquin, quidquid ante statuisset, nisi iterum confirmasset, b) infectum haberi solebat, ut adeo jurisdictio

a) An hoc titulo legatus regis Hung. specialem inter alios legatos in publicis congressibus locum teneat, cum hujusmodi prærogativæ, ut plurimum a ratione politica, & initis conventionibus, pendeant, non habeo, quod pro comperto affirmem. Olim ut Codex Ms. ceremoniarum sub Julio II. Pont. an. 1504. conscriptus, fol. 369. exhibet, hæc series Legatorum servabatur. Imperatoris, Regis Romanor. Franciæ, Hispaniar. Arragoniæ, Portugalliæ, Angliæ, sed, ut additur, discors cum tribus prædictis, tum Siciliæ, Scotiæ, Ungariæ, huic cum priore lis erat de proedria an. 1479. Cypri, Bohemiæ, Poloniæ & Daciæ, seu Daniæ.

b) Hoc modo Bela IV. & Stephanus V. donationes, quas, cum juniores reges essent, fecerant, rursus ab adito post patrem regno,

ctio regia, coronationi videatur innexa esse, quemadmodum Sigismundus, litteris Budæ anno 1388. VI. Idus Decembres editis, testatum reliquit, *a plurimis retro actis temporibus, in quorum memoriam humana mortalitas non novit recordari, ex approbatissima regni consuetudine, hactenus illibate observata, eorundem illustrissimorum regum veri successores per manus — domini archiepiscopi almæ Strigoniensis Ecclesiæ, pro tempore constituti, sacro regio diademate, juridice debent sublimari. a)*

An. Christi.  
1000.

At-

confirmarunt. Mathias quoque Corvinus anno 1464. an. coronationis primo, donationes prius a se factas, denuo ratas habuit, cetera autem, quæ ad publicam administrationem necessaria sunt, ut constitutos magistratus, factam amnestiam, &c. non item.

- a) Apud Pray Hierarch. Hung. P. I. pag. 109. Similia Carolus Robertus ante Sigismundum, an. 1315. apud eund. ibid. *Solium regale conscendentes, ipso novo diademate exstitimus coronati, & licet hujusmodi coronationis modus sufficiens fuisset, ut opinioni tamen gentis Hungariæ satisficeret, & ut scandalum de medio vulgi tolleretur, recuperata — ipsa sacra corona, — observataque solemnitate consuecta — solium — conscendimus.* Supervacaneam igitur operam ii locant, qui, *utrum in ipsa corona aliquod jus regium lateat?* quærunt. Non quidem in ipsa coronæ materia,

sed

An. Christi.  
1000.

Atque hæc, quo fieri poterat compendio prius in ordinem cogenda erant, quam res sub regibus gestas, seu illæ intra domesticos limites confiterant, seu cum exteris nexum habebant, harumque causas, eventus, & conversiones, persequeretur. Ceterum in tres Epochas opus discrevi; quarum prima a divo Stephano ad Andream III. altera a Wenceslao ad Ludovicum II. & tertia a Ferdinando I. ad Augustam Mariam Theresiam, reges complectitur.



S. STE-

sed in ipso coronationis actu, cui gentis nostræ mos, regni perpetua consuetudo, & regum jam inde a regni primordio consensus, hanc vim, & prærogativam inesse volebant.



## S. STEPHANUS.

*Ab anno 1000. — 38.*

I. Stephanus, cum post repressos nuper factiosos, res domi pacatas haberet, & affinitate Ottoni III. Occidentis, amicitia autem Basilio, Orientis, Imperatoribus conjunctus esset, proinde nihil utrinque metuendum videret, si quod periculum ingrueret, ad ea, quæ dudum ante secum exegerat, studia sua post inaugurationem convertit. Nam religio Christiana recens inducta ut firmiores radices ageret, aliam quodammodo, quam sub decessoribus, gentis indolem, & regiminis constitutionem poscere videbatur. Sub Ducibus enim Natio universæ Asiatico more, servorum pene instar, metuque magis, quam amore, regebatur, a) quod cum mansuetudini Christianæ parum consentiens esset, & ob nuper nam seditionem periculo apud gentem armis deditam non vacare intelligeret, concitis episcopo-

---

1000.

---

a) Leo Sapiens apud Kollár cit. vol. 1. pag. 25.

*Hæc igitur gens, utpote quæ unius imperio regitur, graves, acerbæque Præfectis suis dat pœnas, & timore magis, quam amore, continetur.*

1001.

scopis, & Primatibus regni, habitoque cum illis consilio, perpetuum fœdus cum universa Natione pepigit, nominisque subscriptione firmavit. a) Quo constabilito, ut suos moribus Europæis sensim consuefaceret, cœpit formam paulo aliam monarchiæ b) indere; eamque iis legibus c) munire, quibus domi, forisque securitas, & necessaria inter imperantem, & subjectos, animorum consensio stabili-  
liretur. Quare tempeiato, quo Duces utebantur, rigore, genti universæ immunitates d),  
quæ

a) Carthutius in vita S. Stephani regis, c. 2. *Post acceptum regalis excellentiæ signum, — cum episcopis & Primatibus Hungariæ statutum a se decretum, manifestum fecit, — & subscriptione fœderis non pereuntis posteris suis reliquit stabilitum.* Id intercuisse, est, cur doleamus: supersunt tamen in decretis S. regis præcipua, quæ huc pertinent, fragmenta.

b) Decret. l. 2. in exordio: *idcirco nos quoque, ait, Dei nutu nostram gubernando monarchiam — statuimus genti nostræ &c.*

c) Ibid. c. 5. Leges sua auctoritate se condidisse disertim indicat: *decrevimus*, inquit, *regali nostra potentia*; quæ regi soli, & uni competit.

d) Ad has regni Ordines se referunt in bulla aurea Andræ II. an. 1222. rursus in ejusd. Decreto an. 1231. & in Decret. Belæ IV. anno 1267.

quæ culvis hominum classi, & conditioni a) 1001.  
admensæ essent, concessit, quo membra licet  
inter se disparia, iusto tamen ordine sibi in-  
nexa, in unum corpus solide coalescerent.

II. Antè omnia autem ad ea, quæ poli-  
ticam regni administrationem propius spe-  
ctant, animum advertit, & antiquos, sui-  
que temporis Augustos imitatus, quod optimum  
utrobique ei visum est, gentis indoli attem-  
perans, delegit. Itaque exemplo e Germa-  
nia accersito, primum palatio præfecit Comi-  
tem, qui *Palatinus*; & *Magnus Comes*, postea  
dictus est, b) regisque lateri in tractandis  
negotiiis aderat, curarum, & consiliorum par-  
ticeps, primique post regem subsestii, idem-  
que inter hunc & subjectos arbiter, sigilloque  
re.

a) Non solum Nobilibus, sed diversæ etiam con-  
ditionis hominibus immunitates aliquas fuisse  
concessas testatur Andreas II. in bulla aurea  
anno 1222. *concedimus tam eis (Nobilibus)*  
*quam aliis hominibus regni nostri libertatem a*  
*sancto rege concessam.*

b) Decret. l. 2. in exord. *antiquos, & moder-*  
*nos imitantes Augustos, statuimus &c.* Palati-  
ni in Decr. S. Ladislai crebra sit mentio. In  
Germanicis documentis sub Ladislao posthumo  
dicitur, *Groß Graf*; hinc corruptum illud;  
*Nadur Ispán*, in *Nagy Ur* vertendum est, quod  
Cinnamus scriptor Græcus, voce depravata  
*Urumi* reddit.

regio, a) & dicundo juri præfectus, tum Comitem Curialem b), & Fiscum regium: c) ille primum litibus curialium componendis præerat, serius autem postea ordinarius regni iudex renunciatus est; hic Camera, & proventuum regionum curam gessit, quæ ministerii pars deinde *Thesaurario* credita fuit. d) His reliquos, more Europæarum aularum ministros, *Baronum regis* nomine cognitos, adjunxit, quorum numerus pro servitiorum copia, & aulæ pompa, apud successores sensim accrevit, officiorumque ratio certis legibus præscripta fuit. e)

## Præ

- 
- a) Decr. S. Ladislai I. 3. c. 3. & Andreæ II. bull. aur. an. 1222. art. 1. §. 1.
  - b) Charta Belæ II. an. 1136. memorat, quemdam *Kujdr*, fratrem *Obonqus*, fuisse Curialem Comitem S. Stephani regis.
  - c) Camera, & Fiscus nomina in tabulis sacrarum fundationum crebro occurrunt.
  - d) Olim *Comes Tavarnicorum*, a Magistro Tavarnicorum diversus, etiam dicebatur.
  - e) De his vide Comment. Andreæ Belii de archi-officiis regni Hung. item Samuel. Timon S. J. Imagin. novæ Hung. c. 9. & Christiani Beck specimen II. jur. publ. Austr. cum notis Benczurii, editum ab Ignat. Steph. Horváth Tab. Transdanub. Judic. District. Assessore, Bibliothec. Jurisconsult. T. IV. Vien. 1790.



Præ his tamen, episcopis tamquam religionis custodibus, primum locum tribuit, quem sub idem tempus apud omnes nationes Christianas per Europam tenebant. Hoc institutionis modo tres classes hominum secrevit, qui ad conservandam rem publicam, cum usus ferret, lociam ei operam locarent. Primam eorum, qui religionis, sine qua fluxa regni compages est, curam haberent, alteram eorum, qui primos regni magistratus gererent, &, attributa sibi auctoritate, tranquillitati publicæ invigilarent, tertiam denique illorum, quorum opera ad propulsandos hostes uteretur. Ita tres regni status, *Praetorum, Magnatum, & servientium regalium*, seu Nobilium orti sunt, a) quorum diversa cum esset ratio, nec eadem omnibus, secundum designati muneris partes, statio esse posset, natura autem communis administrationis, & negotiorum copia, ac varietas posceret, ut aliqui, cum quibus curas partiretur, regi constanter adessent, hos ex Episcopis, & Magnatibus, qui ætate, rerum usu, consiliique gravitate ceteris præstabant, delegit, ex quibus *Senatum regalem*, b) quo in rebus arduis uteretur, constituit.

## III.

a) Horum indicia existant Decr. l. 1. c. 3. & l. 2. c. 2.

b) Senatus, & Consilii regalis mentio fit, Decr. l. 2. c. 14. 19. 20. 27. 29. & 35.

1001.

III. Hæc prima, & a decessorum institutō  
 diversa, moribusque Europæis accommodata  
 regiminis œconomia fuit, ad posteros dein  
 propagata. Mox in militiam, cujus magnum  
 plerumque in utramvis partem momentum  
 in re publica esse solet, curas convertit. In  
 hac *servientes regales*, nobiliorem partem con-  
 stituebant, a) quos tamquam præcipuos in in-  
 testinis motibus, & contra hostes externos,  
 regni propugnatores, b) iis prærogativis or-  
 navit, ut militiam solam professi, a ceteris  
 subeundis oneribus, quæ alias ad conservan-  
 dum commune bonum, cuivis secundum vi-  
 res ferenda sunt, immunes essent, & regibus  
 arotiore nexu, fideque jungerentur. c) Reli-  
 quæ militiæ alia a priorē itidem præscripta  
 ratio. Cum enim hæc antea in turmas mil-  
 le-

a) Decr. l. i. c. 4. *Nobiles, & Milites* dicuntur.

b) Ibid. *Illi enim sunt regni propugnatores, de-  
 fensores imbecillium, expugnatores adversario-  
 rum, augmentatores monarchiarum: paucis  
 verbis omnes dotes, & onera Nobilium com-  
 plexus.*

c) Decret. Belæ IV. an. 1267. *Quod Nobiles  
 Hungariæ universi, qui servientes regales di-  
 cuntur, ad nos accedentes petierunt a nobis  
 humiliter, & devote, ut ipsos in libertate a  
 sancto Stephano rege statuta, & obtenta di-  
 gnaremur, conservare, ut ipsi tanto nobis &*

lenarias, a) per octo Tribus diremta, castro ~~-----~~  
 cujusvis provinciae adscripta esset, b) illorum- 1201,  
 que Praefecti potentia sibi credita abusi, fere  
 parem cum Ducibus, praesertim sub Gella,  
 auctoritatem sibi arrogassent, & inter ipsas  
 Tribus, ob emulationem simulas facile ori-  
 ri posset, his in unam nominis communicati-  
 onem conflatis, militiam in plures turmas  
 segregavit, ut, quo pluribus capitibus esset  
 obnoxia, eo minor ad res novandas esset  
 occasio, qua ratione Comitibus castrorum de-  
 tractandi imperii facultas succisa, & potestas  
 in plures divisa fuit. c) Cuivis enim Castren-  
 si militiae praeterea *Majorem* exercitus adjun-  
 xit, cui minoris ordinis Praefecti, & his cen-  
 turiones, alique secundum diversos gradus  
 suberant. In his, ut in quavis provincia fixam  
 stationem habebant, regni robur situm erat,  
 quod ut ab hostium insurrectionibus tutum red-  
 de-

---

*coronae tenerentur fidelius, & affectuosius fa-  
 mulari, quanto proximioribus nos libertatibus  
 dignaremur. Hinc Servientes regales diceban-  
 tur olim esse de domo regis, ut causam hujus,  
 suam quoque facerent. Vide Notit. praev. §. 22.*

a) De his actum in Notit. praev. §. 10. 1202.

b) Consule Notit. praev. §. 23. in 22.

c) Abhinc enim nullae Tribuum memoria, sive  
 apud domesticos, sive ceteros scriptores, oc-  
 currit.

*Par. I.*

**L**

deret, limitibus *Marchiones*, qui postea *Comites limitanei* dicti sunt, praefecit. a) His additum speciale militum genus, *Speculatores*, *h* & *velaces*; dicti illi in omne, quod ab exteris imminebat, periculum intenti excubabant; istorum autem pars, eo intellecto, celeribus itineribus per vicinas provincias hostis famam divulgavit, c) pars vero jam ingruentem tam diu velitationibus detinebat, donec alii ad propulsandum periculum iusto numero confluerent. d)

IV.

a) Principum, Marchionum, & Majorum exercitus nomina passim leguntur, in lib. de ritu explorandae veritatis, &c. Centuriones & Decuriones memorat Decr. S. Ladisli. l. 2. c. 17. & l. 3. c. 1.

b) Lit. Stephani V. an. 1269. & Car. Roberti an. 1328. patrio vocabulo, ut est Decr. l. 2. c. 17. memorato *Ewrii*, & sub Bela IV. *Szekelyi* dicti.

c) Lit. Ladislai Chani an. 1283. Serius postea in illorum loco *invaluit* mos, ut gladius cruentus per Comitatus circumferretur, quo signo admoniti, omnes armorum capaces in bellum proficisci debebant.

d) Nisi militia in hunc modum a Stephano fuisset instituta, vix potuisset tam subito militiam totius regni, Contado Il. Imp. epponere, ut Carthutius l. cit. c. 4. testatur: *contra quem*

IV. Vix dum hanc rei publicæ formam designaverat, cum res novæ ex Transilvania 1002. afferebantur, quam Præfecti abhinc, quam *Tuhutumus* ab Arpado ei curandæ fiduciario jure erat præpositus, a) sensim instar patrimonii usurpabant. Præfuit per id tempus provinciae *Gyula Stephani* avunculus, qui partim religionis Christianæ odio, partim *Cupæ* exemplo permotus, Hungariam infestabat. Frustra commonito, ut ab inferenda injuria desisteret, & Christianæ religioni se pateretur initiari, sine qua videbat nihil unquam pacati ex Transilvania sperari posse, bellum invitum obmovit, victumque cum uxore, & prolibus in Hungariam abduxit, & provinciae partim lenitate, partim armorum metu ad fidem adductæ, Episcopum ad res sacras, & ad civiles regio nomine curandas, Præfectum dedit. b) Bello hoc defunctus, aliud, quod no-

L 2

Sri

---

*rex consultum habens episcoporum, & Principum, ad tuendam patriam armatos, totius Hung. extraxit.*

- a) Vid. Notit. præv. S. 17.
- b) Ademar. Cabanen. *Stephanus autem rex Ungriæ bello appetens Ungriam nigram (Transilvaniam) tam vi, quam amore ad fidem veritatis totam, illam terram convertens, moriuit. Provinciae præfecti dicebantur olim Arpades. Vetusta documenta, sed non satis certa, fidei hos*

stri *Bulgaricum* vocant, re ipsa autem *Patriciacitum* erat, contra *Keanam* gerere coactus est, quo feliciter quoque confecto, *Brunonem* 1004. episcopum Augustanum fratri Henrico Imperatori conciliavit, cujus gratia filium biennio post a *Gisela* editum, Henricum nominari voluit, Hungaris deinde ex usu gentis Emericum dictum, pro quo munere ut se Deo gratum exhiberet, nam filios, quos ante sustulit, in ipsa infantia amiserat, a) studium omne ad consolidandam fidem Christianam convertit, non solum episcopatus dotando, b) sed accersitis etiam aliunde Clericis, & monachis, quorum opera religio latius propagaretur, variis sacerdotum Collegia, c) & cœnobia, a)

1001

hos produunt: *Kutest* an. 1080. *Kopulch* an. 1093. *Akustos* an. 1094. *Tabar* an. 1140. Non raro etiam filii, & fratres regum provinciae praeerant.

a) Carthuitius l. c. *Judicio æterni* — quamdam examinationem in filiorum obitu sibi sensit immittere verbera, quos in ipsis infantibus gradibus infantes, quos dedit, abstulit.

b) Exstant tabulae fundationis de episcopatu *Veszprimiensi* an. 1008. de *Quinque-ecclesiensi* an. 1009. item *Jaurinen*. reliquorum nusquam hactenus repertas memini.

c) Capitulum Budense fertur an. 1012. condidisse, Romanum vero tit. S. Stephani *Papstomariensis* 1012.

a) erigendo, quæ amplis fundis non minus, quam immunitatibus auxit. Incertum tamen, utrum religionis causa, quod nostri scriptores memorant, Romam protectionem susceperit, cum & Natio in fide nondum satis firmata, & recens instituta rei publicæ forma regis præsentiam domi magis necessariam fecerint, quam ut tam longinque a regno abesse posset.

1015.

V. Utrique enim, ne, si in principio remissior videretur, sensim defluerent, providendum erat. Jam ab obitu parentis usu compererat, quam arduum esset, ut populus tot linguarum, & diversæ indolis in societatem animorum conspiraret, multaque universim Nationi ex crebris in hosticum procuratoribus adhæsisse, quæ ipso tempore corroborata, vitiis continuum quasi fomentum dabant. Qua-

1016.

L 3

re,

a) Abbatia Pécs-Varadiæ. alias de radice montis ferrei dicta, licet ante inchoata, primum an. 1015. finem accepit. Nec viris solum, sed feminis etiam cœnobيا condiderat. Præcipuum erat in valle Veszprim, Græcis monialibus cultum. Diploma Græcum vide apud Pray in vita B. Margaritæ, Belæ IV. filiæ. Fuit autem eo tempore Græca Ecclesia Latine unita. Alterum in Diœc. Varadinensi, de *Tormova* vocatum, de quo Geisa I. an. 1075. in diplom. hæc: *In piscina, quæ Vojozer vocatur, dedi duas partes, nam pars tertia est Abbatissæ de Tormova in confinio Bihor civitatis.*

1016. re, ut his mature mederetur, conventum regni coegit, collatoque cum Episcopis, & Primatibus consilio, leges condidit, &, ne quis excusationi locus esset, per provincias vulgari fecit, a) quarum pars Ecclesiasticæ, pars vero civilis institutionis sunt. Illæ huc fere redeunt: ante omnia, ne religionis ministri alienis a proposito suo curis distinerentur, statuit, ut rex fundos Ecclesiis attributos ab aliorum rapacitate, tamquam suos, tueatur; horum invasores non solum sacris omnibus interdicti essent, sed indignationem quoque regis experirentur, tum si quis palatinalium regi consilium, eos ab Ecclesiis averruncandi, suggereret, confestim ab aulæ ministerio removeatur; Episcopi decimas rite perciperent, quas si quis pendere renuisset, nonam in mulctæ locum solvat: iidem populos sibi creditos secundum Ecclesiæ instituta regant, hi vicissim illis obtemperant, refractariis in  
or-

---

a) Sunt, qui leges has anno quidem 1016. conditas, sed primum an. 1035. vulgatas existiment. Non est autem credibile, regem prope finem vitæ tam necessarium formandæ rei publicæ institutum distulisse. Illud veri est simile, regem habito sæpius regni conventu, leges temporis opportunas sanxisse, quæ dein a compilatore, ut distortus materiarum ordo indicat, temere in unum confusæ fuerint,



ordinem cogendis Comites Paochiani auxilio sint, & ne Ecclesiasticorum fama, nominisque exifimatio, sacro ministerio apud gentem in fide novitiam pernecessaria, malevolorum obtrectioni pateat, nulli Laico testimonium adversus illos præbere fas sit, si quid tamen litigii inter hunc & Clericum intercederet, id iudicio Ecclesiastico dirimatur.

a) Hæc legum, quæ ad politiam, & immunitatem Ecclesiasticam spectant, summa erat, reliquæ vero, quæ ad morum disciplinam pertinent, & partim tempori, partim genio Nationis in principio accommodatæ erant, fero post penitus abolitæ, vel ab Ecclesia immutatæ fuere. b)

VI. Par in condendis civilibus studium, & curam posuit. In his ferendis nihil consultius ei visum, quam ut fundorum possessionem, quæ a prima terrarum partitione, c) instabilis erat, & fere Ducum arbitrio definitiebatur, certa lege firmaret. Hac enim ratione futurum videbat, ut, quo quisque illius, quod publica sanctione cuique proprium fieret,

L 4

ret,

---

a) Decret. l. 2. c. 1. 2. 3. 12. & 52.

b) Hujusmodi illa l. 2. c. 28. fuit, quæ uxoribus, si mariti e regno fugissent, libertatem dat, cui vellent, nubendi, hanc contra maritis, si redissent, negat.

c) Recole, quæ in Notit. præv. §. 17. dicta sunt.

1016.

ret, certior redditur, eo minus cupiditate in  
 hosticum procurrendi ageretur, & arma ad  
 communem salutem, ut suum, tamquam bo-  
 ni publici partem, tueatur, conversurus esset.  
 Hac de causa inductus, petitioni senatus, qui  
 Nationis interpret erat, consensit, a) ut quis-  
 que

a) Decr. l. 2. c. 35. *Consensimus igitur petiti-  
 ni totius senatus, ut unusquisque dominetur  
 priorum, similiter & donorum regis, dum  
 vivit, excepto, quod ad Episcopatum pertinet,  
 & Comitatum, & post ejus vitam filii simili  
 dominio succedant, nec pro nullius causa rea-  
 tus, detrimentum bonorum suorum patiatur  
 quis, nisi consiliatus mortem regis, aut tradi-  
 tionem regni fecerit, vel in aliam fugerit pro-  
 vinciam, tunc vero bona illius in regiam ve-  
 niant potestatem, filiis innocentibus remanenti-  
 bus. Facultas dominandi priorum a rege  
 concessa, necessario arguit, hanc prius non ex-  
 stitisse, alioquin ridiculum fuisset, id sanctione  
 publica concedere, quod jam antea cuivis pro-  
 prium erat; quo fit, ut, quæ prius possessa  
 erant, feudum fuerint cum jure solum usufru-  
 ctuario. Quare cum rex monarchiam suam ad  
 normam Augustorum instituerit, horum quoque  
 morem imitatus, fenda, quæ prius *vitalitia*  
 erant, in *hereditaria* convertit, non abolito  
 tamen feudi onere militiam profitendi, qui mos  
 apud Francos labente seculo IX. in Germania*

que eorum, ex quibus antea usumfructum habuerat, & quæ dein a rege obtenturus esset, 1016.  
 tamquam rei propriæ posthac dominetur, eodemque jure filii parentibus succedant, nec ullus bonis privari unquam possit, nisi quis mortem regi machinatus fuerit, vel regnum proderet, aut in aliam provinciam fugeret, tum bona primum rursus in regiam potestatem, filiis tamen innoxiiis, venirent. Atque hinc concessa Nobilibus proprietas possessionum hæreditaria, & statuta crimini læsæ majestatis, ac notæ infidelitatis pœna, originem habent. Quemadmodum autem utilitati non minus, quam securitati Nobilium, ut sibi eos magis obstrictos redderet, providit, ita fundis quoque regiis, & Ecclesiarum consulens, *regalium* proprietatem sibi immunem a) servatam voluit, vetuitque, ne quis inde quidquam surripere ausit, neve ullus favorem regis ad aliquid ex his obtinendum, importune aucupetur. b) Comites Castorum proventibus regiis præfecti, siquid per fraudem ex his suum fecissent, non modo repetundarum damnati sunt, sed duplum quoque illius, quod in-

---

seculo X. sub Conrado I. alibique invaluit. Vid. Baluzium in *Missis Dominicis*. Du Cange art. *feudum*, *allodium* &c. in Glossar. medii ævi.

a) Confer Notit. præv. §. 17.

b) Decr. l. 2. c. 6.

1016.

interverterant, reddere debebant. a) Ad hæc, ut animorum consensio inter regem, & subiectos, quo nullum fortius ad servandam rem publicam vinculum esse potest, firmior esset, assentatores, qui, versutis mendaciis ultro citroque diditis, id solvere niterentur, partim pecunia, partim lingua mulctari iussit. b) Atrox quidem pœna, qua tamen satis caveri non potuit, quin apertæ inter reges, & regum familiam, tum subiectos etiam crebro simultates, & ex his tristitia subinde bella orirentur.

VII. Ne autem vitia impunitate latius in rem publicam manarent, leges pœnales pro varietate delictorum, præsertim homicidiis, & furtis, constituit. Utrumque enim hoc malum, postquam excursionibus in hosticum, & quæ ex hoc referre solebant, spoliis, modus fuisset positus, pene in morem jam abierat, cum non deessent, qui jacturam hanc domi ex alieno sarcirent, & in servos suos cædibus grassarentur. Ab his igitur ut suos detereret, quoniam religio Christiana nondum eis ita illuxerat, ut hujus ductu gravitatem illorum rite agnoscerent, severitate utendum censuit. Qui cædem imprudens patrasset, ne impunitas aliis exemplo esset, duodecim *pen-  
sas*

---

a) Ibid. c. 42.

b) Ibid. c. 53. & 54.

*fas* auri solvit, a) si liber servum e vita sustulit, vel alium servum domino debuit reddere, vel lis depenso precio transacta est, b) qui prudens, volensque necis auctor fuit, centum, & decem pensas auri solvere debebat, ex his quinquaginta fisco regio obvenerant, decem causæ arbitris numeratæ, reliquum trucidati parentibus datum. c) Nonnihil mitius cum viris primi ordinis actum: Comes necem uxori inferens, quinquaginta, Nobiles vero decem, & plebejus quinque juvencis, mulctati sunt. d) Postea tamen, cum hæc indulgentia infirmum frænum videretur, nulli, qui reus homicidii erat, veniæ locus datus, sed mors dictata est: e) qui alterum membro mutilasset,

1016.

---

a) Ibid. c. 13. In quem locum editor Codicis juris patrii hæc addit: *penſa dicitur fuiſſe numus aureus denariorum 40.* alii malunt *penſam* auri eſſe unciam, quemadmodum *penſam* argenti. Si autem *penſa* auri ſit æqualis unciae, non unus numus aureus, ſed plures uni unciae reſpondent.

b) Decr. l. 2. c. 13.

c) Ibid. c. 16.

d) Ibid. c. 14.

e) Ibid. c. 46. vel ex hoc loco patet, Decreti L. 2. ex pluribus diverſo tempore habitis regni conventibus compilatum fuiſſe, nec enim veriſimile eſt, eidem crimini in eodem conventu  
tam

1016. **set**, pœnam talionis subiit, a) si evaginato gladio alium vulnerasset, etsi vulneratus confanatus fuisset, integram homicidii pœnam, si nullum vulnus inflixit, dimidiam luit. b) Furtum universe gravissime vetitum: mulier semel, iterumque id patrans, a marito redimenda fuit, si tertium id commisisset, venumdanda, servi & rem sublatam reddere, & quinque juvencos addere debebant, si neutrum præstare possent, nasum, si rursus patrassent furtum, aures, si tertium, vitam amifere. c) Liberi contra, si damnum ex furto ortum ære non poterant pensare, venumdati sunt, si post eodem crimine tenerentur, iisdem, quibus servi, pœnis scelus luebant. d) Hæ fere sunt leges, quas plectendis criminibus, bono reipublicæ idoneas existimabat. Crudæ quidem illæ primo obtutu videri possunt, sed si quis temporis illius rationem habeat, si præterea indolem gentis cum novella religionis plantatione volet contendere, ita necessarias fuisse fateri cogetur, ut tunc nihil magis

---

tam diversas pœnas fuisse dictatas, ut nihil dicam, quantopere sacra profanis sine omni nexu permixta sint.

a) Decr. l. 2. c. 47.

b) Ibid. c. 48. 49.

c) Ibid. c. 39.

d) Ibid. c. 41.

gis opportunum condi potuerit, a) quæ ipsæ  
tamen serius postea secundum eam fere ratio- 1016.  
nem, qua religio majora sensim incrementa  
sumserat, & morum culturâ ab Asiatica con-  
suetudine recessit, etiam mitigatæ fuere. b)

- VIII. Ut legum observantia suos coercitos  
voluit, ita non minorem mancipiorum cu-  
ram habendam esse existimabat. Constituta  
enim utcunque jam religione, indignum cen-  
suit, ut captivi Christiani, qui olim ex variis  
Europæ nationibus bello capti erant, inter  
mancia censerentur. Libera dominorum in  
eorum vitam potestas jam lege quidem con-  
stricta erat, sed cum durius tamen haberentur,  
quam ipsa ceteroqui humanitas sineret, ratio-  
nes secum inibat, ut hæc quoque parte tolera-  
biliorem vitæ conditionem eis reddat. In liber-  
tatem penitus asserere, postquam cuique rerum  
suarum proprietatem decreverat, & divitiæ  
plerorumque in captivorum numero consiste-  
rent,

a) Hæc si D. Sacy *hist. générale de Hongrie* T.

I. pag. 362. perpendisset, non has velut in-  
justas, absurdas, & contradictionum plenas ju-  
dicasset, quarum fere plerasque in Capitulari-  
bus regum Francorum, alibique reperire pote-  
rat. Sed scriptor hic, dum vetera ad sui tem-  
poris mores exigit, Hungariam nobis exhibet,  
qualis esse potuerit, non item qualis fuerit.

b) Compilator Decreti regis Colomanni in ex-  
ordio

rent, nec æquum, nec consultum videbatur. Itaque, ne possessores de damno, injuriave queri possent, omnes, quos quidem nancisci poterat, 1016. iis solum, qui Ecclesiarum servitio addicti erant, exceptis, numerato precio redemit, servisque suis *conditionariis*, a) accensuit, addita rerum, quas sibi extra servitii tempus, industria sua compararent, proprietate, unde æs colligere, & se in libertatem asserere aliquando possent. Precium redemptionis, conjugato cum prolibus, centum, cælibi autem, viginti quatuor Byzantii, b) constitutum fuit, poterat tamen horum defectus diuturniore servitio compensari, c) addidit deinde legem, qua vetuit, quemquam liberum posthac in servitutem redigi. d) Reliquorum, qui Christiani

---

a) Confer Notit. præv. §. 24.

b) Moneta aurea Græcis usurpata, quæ nomen ab eo Imp. cujus effigiem referebat, obtinuit. Occurrit crebro apud nos in vetustis chartis emtionum, & venditionum. Nondum enim apud nos eo tempore moneta aurea regum in usu erat.

c) Chronic. Simonis de Keza circa finem, ubi de *Udvornicis* agit.

d) Decr. l. 2. c. 20. *Quoniam igitur Deo dignum, est, & hominibus optimum, unumquemque in suæ industriæ libertate vitæ cursum ducere, secundum regale decretum statutum, est.*



ani non erant, & Nobilibus obnoxii, fors erat deterior, qui perpetuam servitutem cum futura generatione servire cogebantur, mitius tamen hi quoque habiti, postquam religioni Christianæ initiati fuissent.

IX. Non minor ei advenarum cura fuit, 1017.  
inter quos etiam regi sanguinis Principes, Edmundus, & Eduardus, Angliæ regis filii, erant, quos, cæso a Danis eorum patre, in Sæciam primum, postea in Hungariam delapsos benigne accepit, & desponsa quoque Edmundo filia sua, instar filiorum liberaliter habuit, a) Qua benevolentia multi ex Italia, Germania, aliisque Nationibus, qui omisso 1019.  
maritimo itinere, Stephani indultu, per Hungariam alias profecti in Palæstinam b) erant, uber-

*ut nemo Comitum, vel militum posthac aliquant liberam personam servituti subdere audeat, &c.*

a) Actus apud Hagiogr. Tom. III. SS. mensis Junii ad diem 18. Bromptonus, scriptores conscripsi.

b) Horum exemplo etiam Hungari sacra loca frequentare ceperunt, quorum gratia Constantinopoli Ecclesiam rebus necessariis provisam, & Jerusalem quoque addito cœnobio fundavit, quemadmodum eadem de causa Romæ collegium XII. Canonicorum extruxerat. De Jerusalemitano vide documentum apud Pray Dissert. de S. Stephano rege. pag. 148.

1019.

ubertate soli, & regis liberalitate allekti, in regno domicilium figere cupiebant. Gratum id erat Stephano, & rebus suis opportunum, quod hac ratione non solum accessio ad populum, crebris in hosticum procurfionibus alioquin diminutum, fieret, sed sensim etiam artes a) aliunde regno invehrentur. Itaque sponte advenientes benevole accepit, & ab aliis iussit hospitaliter haberi: b) his, qui ingenuis artibus, vel opificiis, & mercatui dediti erant, locum in villis, quæ castris adsitæ, & regii juris erant, c) tribuit, qui autem militia, cujuscunque Nationis essent, inclaruerant, apud se retinebat, cum ad aulæ splendorem maxime pertinere arbitraretur, fi

a) Artificum hujus temporis memoria passim occurrat in tabulis sacrarum foundationum, præcipue aurificum, quorum opera calices, aliaque sacra vasa, quæ cultui divino destinata erant, ex auro, & argento confecta legimus. Panorum subtilium ipse rex in donatione cœnobio S. Adriani de Szala facta mentionem facit: mercatum autem prædunt vestes, sacræ Ecclesiarum gemmis & unionibus turgentes, credo, Venetorum opera, qui tunc fere soli mercato orientali florebant, allatos, etsi aliqui suspicentur non vane, olim etiam in quibusdam Hung. lacubus uniones repertos fuisse.

b) Decret. l. 2. c. 22.

c) Recole, quæ in Notit. præv. §. 24. dicta sunt.

R plures, ut linguis, ita consuetudinibus, & 1019.  
 genere armorum, horumque tractatione di-  
 versos in regno suo haberet, quorum exem-  
 plo, crebroque cum aliis usu, suos exteris  
 magis sociales redderet, eorum vero, qui  
 Nationem ob relicta olim apud se hostilia  
 monumenta, odio, & despiciatui habebant,  
 arrogantiam reprimeret, & inveteratam de  
 Hungarorum ferocia opinionem, animis eo-  
 rum paulatim eximeret. Reliquos, qui ex  
 vulgo, & majore numero advenissent, rei-  
 que agrariæ, ac ruralium negotiorum gnari erant,  
 in vastis, & infrequentibus provinciis collo-  
 cavit. Regina mariti exemplum imitata, ipsa  
 quoque colonias ex Germania in Hungariam  
 deduxit, a) & in promovenda religione nil  
 inferior rege, qui per idem tempus familiæ  
 divi Benedicti cœnobium de Szala, amplis  
 fundis dotatum, condiderat, b) suam in or-  
 nandis, & locupletandis Ecclesiis munificen-  
 tiam exeruit. Ita utriusque studio regnum po-  
 pulo auctum, religio latius firmari cœpta, in-  
 vecta artium, & mercimonii notitia, & usus,  
 pro-

---

a) Teste Andrea II. in litt. an. 1230. quod nos  
 — hospitibus Teutonicis de Zathmar Neme-  
 thy, — qui se dicebant, in fide dominæ regi-  
 næ Keyslæ ad Hungariam convenisse, talem de-  
 dimus. — libertatem &c.

b) Károna hist. regg. Hung. Tom. I. pag. 313.  
 Pars I.

propagata agricultura, & Natio, advenarum consuetudine, sensim ad civilem Europæorum, antiquata, quam ex Asia attulerat, institutionem traducta fuit.

---

1020. X. Coordinato in hunc modum, legibusque firmato regno, filium Emericum jam in adolescentia progressum, quem hæredem unicum habebat, sensim, ut regimini idoneum redderet, formare cœpit; permultum enim referre existimabat, ut successorem, qui suis vestigiis inhærens, ea, quæ ipse hactenus operose cœperat, eodem studio pertenderet, post se relinquat. Ante omnia igitur, quoniam religioni adhuc teneræ consultum quam maxime cupiebat, amorem fidei Catholicæ, ejusque, quantum in se esset, incrementum ut procuraret, tum episcopis, quæ fidei quædam quasi columnæ sunt, debitum honorem impendat, hortatus est, voluitque inprimis, ne eorum, qui ab Ecclesia Catholica dissident, consiliis, quibus nova Ecclesiæ plebs a pietatis cultu defluere, vel dissipari posset, memor exempli paterni, aures unquam præbeat, persuaderetque sibi, religionem illud esse vinculum, quod subjectos firmissimo nexu cum imperante connectit. Et, quia regni salus non solum religione, & potentia, sed salubribus etiam consiliis, tamquam suis fulcris inititur, suavit, ut, memor se ejusdem cum iis, quibus præfuturus esset, humanæ conditionis esse, Principum, Baronum, Comitum ac Nobilium, quo-

rum

rum sit, regem, & regnum contra quosvis  
 hostes tueri, animos conciliet, & patrum, 1020.  
 fratrumque loco habeat, quæ seniores da-  
 rent, præferret consiliis juniorum, tametsi  
 nec horum, si usus ferret, & rebus opportuna  
 essent, aspernanda censeret, jus omnibus sine  
 partium studio, & ex æquitatis legibus dice-  
 ret, denique universim meminisset, ne suis  
 superbe imperitaret, nec quemquam servi no-  
 mine compellet, vel in servitutem redigat.  
 Ad hæc, exterorum quoque, si in regnum ve-  
 nirent, peculiarem curam haberet, quorum  
 consuetudo, armorum peritia, artesque regno  
 non solum ornamento, sed utilitati etiam es-  
 sent, proinde id præcipue daret operam, ut  
 regnum novis semper hominum accessionibus  
 augeret. a)

XI. Imbuto his documentis filio, spon-  
 sam sensim parare, & aliunde deligere con- 1021.  
 stituit, ut vicinorum parentela, regnum ab ex-  
 terorum incursionibus tutum ei relinqueret,  
 essetque ab obitu suo, qui moris paterni te-  
 nax, designatam ab se regni constitutionem,  
 & novitiam religionem, sanguinis nexu exte-  
 ris illigatus, conservare, ac tueri posset. A  
 Germania quidem, quod Henrico cognatione

M 2

jun-

a) Hæc toto Decreti libro 1. qui potius liber  
 monitorum ad filium, quam Decretum, dicen-  
 da est, uberius persequitur.

1024. junctus, & Adelhais a) ex sorore sua, Ducis Venetorum conjuge neptis, Adalberto Austriae duci, hoc anno nuptui locata esset, b) nihil inimicum hac parte metuendum videbat, cum repente mors Imperatoris Henrici intervenit. Itaque cum ob hanc causam, tum quod non pauca, quae ad stabiliendam religionem coeperat, perficienda essent, altero abhinc anno, de conjuge filio decernenda, deliberationem resumpsit. Lecta est virgo ex regali prosapia, Petri Crescimiri, Croatorum regis filia, moribus sponso simillima. c) Qua conjunctione non solum vicinae gentis amicitiam sibi, regnoque conciliaverat, sed spem quoque optimam posteritatis suae concepit. Verum Emericus, quamquam ducta uxore morem patri gesserit, quia tamen eo imprudente voto castimoniae se olim obstrinxerat, d) non invita, quod post mortem cognitum est, conjuge, thorum illibatum servavit, exemplum Henrici

Im-

a) Alii *Froizam* dicunt; verisimiliter ex vetusto Germanico *Fronwe* domina, nomen proprium effingentes.

b) Alqldus ad h. an.

c) Joan. Tomco Marnavicsius in fecunditate sanctitatis Illyricianae pag. 231. se ad monumenta Dalmatica refert, quae si promississet, forte aliis etiam rebus lucem allatura erant.

d) Biograph. S. Emerici apud Pray Dissert. de S. Emerico. p. 92.

## S. S T E P H A N U S.

Imperatoris, avunculi sui, aut credibile est, imitatus. Hoc uno spem patris, & Nationis, juvenis cetera moriger, & a quo optima quæque expectari poterant, frustratus est.

XII. Hactenus, quod pari cum Germanis, 1027.

Græcis, & Polonis studio pacem coluerit, omnia inde a Transilvanico bello regi pacata fuere, & tempus coordinando regno impensum, at utroque tam occidentis, quam orientis Imperatoribus, & Boleslao Polonorum rege, defunctis, quies paulum post intercepta fuit. Occasionem præbuere, qui per Hungariam magno numero Jerosolymam proficisci solebant, quos Stephanus, cum inter hos etiam ex sacro, & profano ordine primarii viri essent, honorifice acceptos, muneri-  
busque donatos, ab se dimisit. a) Hac ejus liberalitate dum plures allecti idem iter frequentarent, Bajoarii specie peregrinationis usi, limites Hungariæ populari cœperant, quibus rex vicissim, militia Bavarie immissa, talionem reddi iussit. Hac prima, sed a Bavaris data belli instantis causa erat. b)

Mox altera a Werinhario Argentino episcopo, 1028.  
quem Conradus Imperator Constantinopolim legaverat, oblata fuit. Cum enim is simulato Jerosolymam itinere, missionis suæ causam

M. 3

a) Ademarus in Chron. ad h. art.

b) Wippo scriptor synchronus in vita Conradi Salici.

**1028.** tegeret, & majore numero, quam ceteroquā Legatis mos sit, in Hungariam veniret, Stephanus, sanxeretur, ne Conradus adversum se apud Romanum Argyrum, qui Basilio interea successerat, aliquid moliretur, sive metueret, ne tantus comitatus, qui castrorum fere speciem referebat, exemplo Bavarorum, hostilitatem in regno exerceret, Legatum, quod nulli oratorum hactenus fecerat, porro proficisci vetuit. a) Hac repulsa Conradus suam dignitatem læsam ratus, contemptum bello vindicare statuit. b) Itaque, ut primum a

Ro-

**1029.**

- a) Idem ibid.
- b) Alcidus, Bavarie hereditandae causa bellum utrinque exortum esse videtur, quasi Stephanus pro filio suo Emerico Baviariam repetierit, quod erroneum esse constat ex Adelboldo Trajectensi episcopo, qui Baviariam eo tempore non successione, sed electionis jure gubernari solitam perhibeat. Alii contra malunt mortuo Bavarorum Duce, Emericum nostrum quorundam Procerum suffragiis, Brunone Augustano episcopo subornante, electum fuisse. Id minus credibile est. Cum enim præter Emericum alius Hungariae necessarius hæres non superesset, Germani autem Baviariam Hungariae nunquam conjungi passuri fuerint, inanis ea electio, constitutionibus Imperii Germanici adversa, & Hungariae ob continua, quæ obmovenda erant, bella, etiam noxia erat futura,



Romano itinere Ratisbonam rediit, facto necessario apparatu, copias sequente anno Hungariæ infudit, vastitatem ad Arrabonem fluvium circumferens. Neque Stephanus ad arcedum hostem moratus, contractis universis copiis, & indictis toti regno supplicationibus, ac jejuniis, a) Imperatori obviam profectus est, qui cum ob densos saltus, & fluvios ultro progredi non posset, incendiis late grassatus, spoliisque onustus in Germaniam rediit. Stephanus, qui suæ solum tueri, non aliena impetere, cupiebat, receptu Imperatoris usus, maluit hostem amica compositione sibi conciliare, quam armis lacessere. Qua de causa Legatos ad eum misit, quo absente, & infcio, Henricus ejus filius, ex Principum Germaniæ consalto, pacem cum rege confecit. b) Quæ conditiones fuerint, incertum est, verisimile tamen, regem ea parte Austriæ, quam Geisa illius pater adhuc tenebat, c) limite ad *Hornsteinium* d) constituto, decessisse, magis e re publica, & commodò Hungariæ futurum ratus, id, quod considerata Imperii Germanici ditionum constitutione,

M 4

ali-

---

a) Wippo l. c.

b) Carthuius in vita S. Stephani. c. 4.

c) Recole ea, quæ in Notit. præv. §. 16. de præcipua parte Austriæ dicta sunt.

d) Ibid. de limite *Zerukow* per S. Stephanum constituto.

aliquando reddendum erat, amitti, quam regnum, quod ad sui stabilitatem durabili pace egebat, continuis vicinorum infestationibus objici.

1031.

XIII. Bello hoc defunctus, regno se abdicare, hujusque administrationem in filium transferre cogitabat, a) ut eum sub suo ducatu sensim regimini aptaret, videretque, qua ratione institutis suis, & paternis vestigiis olim inhæsurus esset, cum optimi parentis destinationem mors filii, IV. Nonas Septembris, b) intercepit. Non poterat regi, dum spem posteritatis suæ in illo sibi succisam vidit, magis acerbum vulnus infligi, ex quo moerorem animi, pauloque post, cum ceteroquin jam antea valetudo ejus tentaretur, etiam morbum contraxit. Accesserat præterea sollicitudo de successore, cujus fidei, ac prudentiæ religionem, quæ nondum satis firmas in gente radices egerat, & qui regnum iis institutionibus, quibus filium informaverat, regeret, satis tuto posset committere. Supererant plures regii sanguinis Prin-

---

a) Thurocz. P. II. c. 33. & Dandulus apud Muratorium scriptor. rer. Ital. Tom. XII. pag. 234. *Multis nationibus subjugatis, cogitavit renunciare seculo, & filio Almerico, æque litterato, & sancto committere gubernacula regni.*

b) Hunc annum emortuale Chron. Hildesheimense, alique, diem autem Calendarium Missal. initiantis seculi XIII. notant.

Principes, *Vaxul*, seu *Basilus*, *Michael*,  
*Geisæ Ducis* fratre, natus, tum ex patre 1031.  
*Ladislao Calvo filii*, *Andreas*, *Bela*, seu *Adal-*  
*bertus*, &, ut non nullis videtur, *Leventa*, a)  
 ac denique *Petrus* ex sorore nepos. Quem ex  
 his deligeret, concitis episcopis, & regni  
 Primatibus consultabat. *Basilus*, quem ob  
 licentio rem vitam, Nitriæ in custodia tenebat,  
 nec firmandæ religioni, nec sustinendis regni  
 curis idoneus, ceteris autem *Petrus*, quod  
 regi nexu sanguinis propior, & in regione  
 dudum ad religionem Christianam traducta,  
 natus, & educatus esset, præferendus vide-  
 batur. b) Hunc igitur ad se evocatum, militiæ præ-

c) Hoc nomine rex *Andreas* fratrem suum in dipl.  
 anni 1056. compellat: *ego autem Andreas rex,*  
*& frater meus Dux Adalbertus — prædictas*  
*ordinationes suscipimus, & fieri permisimus &c.*

d) Sunt enim, qui hunc cum *Bela* eundem esse  
 putent. Certe *Aloldus* illius temporis scriptor,  
*Andreas* semper *Leventam* conjungit, *Belam*  
 vero nusquam memorat, quem *Albericus mo-*  
*nachus*, quoties illius meminit, semper *pugi-*  
*lem* vocat. Sic ad an. 1061. in *Hungaria* re-  
 gnavit *Bela pugil*, annis quatuor, & ad an.  
 1078. in *Hungaria* regnavit *S. Ladislaus Belæ*  
*pugilis filius*. Vox enim *lebentare* medio ævo  
 significabat proferre, Hungaris etiam olim  
 usitata. Vid. *Pray Dissert.* de *S. Ladislao* pag.

præfecit, quo certiores & regni possessionem,  
& mores Nationis paulatim familiares redderet.

1032.

XIV. Filium non multo post consecuta est mater Gisela, regis soror, Ottoni Venetorum Duci olim nupta, sed ob seditionem populi in exilium acto, & Constantinopoli defuncto in Hungariam ad fratrem reversa. e)

Ab

102. III. Sunt etiam Turcis Luctatores, quos *Le-senti* vocant. Conf. Nicolai de Nicolaya, les navigations, peregrinations &c. en la Turquie &c. Antverp. 1577. pag. 161.

a) Conjecturæ hujus, nec enim aliud est, æquum est, ut rationem reddam. De matrimonio inter Gisellam regis sororem, & Ottonem Venetorum Ducem, & de hoc per seditionem in exilium acto, scriptores Veneti, Dandulus, & Laurentius de Monacis, consentiunt, iidem Constantinopoli illum obiisse memorant. Itaque hoc illum cum familia, quid enim exulij uxor inter mariti inimicos faceret? venisse certum est. Frater illius Joannes uxorem habebat Basilii Imp. neptem, Argyreoli Patricii filiam, qui Ottonem, ut Sagomius scriptor cœvus in Chron. Veneto, pag. 113. memorat, Constantinopoli olim liberaliter habuit, & muneribus donatum ab se dimisit. Apud hunc igitur tutum cum familia perfugium obtinuit, eodem hoc agente Imperator Romanus Argyrus apud Ve-

ne-

Ab hujus adventu Proceres in partes distrahi  
cœpere, quorum contrariæ molitiones etiam  
eos, 1032.

netos effecit, ut Otto ab exilio revocaretur,  
sed ante, quam Legati pro ea reducendo adese-  
rent, obiit. Mortuo marito, quo vidua, &  
Hungara, se conferret, nisi in Hungariam, ubi  
fratrem regem, filium militis Præfectum, &  
in vicinia Austriæ Marchionem generum habebat?  
Hæc sola ratio superest, quæ domesticorum  
scriptores cum exteris, qui tam contraria  
de Gisela regina narrant, conciliari possint. Illi  
hanc, quam alias a pietate laudant, in cognatos  
regios sævisse Petri causa referunt, hi contra,  
ut Hermannus Contractus scriptor syn-  
chronus, *pietatis operibus intentam, & Bero-*  
*mannensis, in Hungaria consensuisse*, perhibent. Dis-  
sentit autem Albericus monachus, cujus hæc  
sunt: *sed illa Gisela regina, ut dicunt, multas*  
*malitias in terra illa (Hungaria) fecit, & ex-*  
*tremum post mortem S. regis, meritis exigen-*  
*tibus, interfecta fuit.* Quæ cum uni, eidem-  
que personæ convenire non possint, duæ Gi-  
selæ secernendæ sunt, una, quæ *piis operibus*  
*intenta consensuit in Hungaria*, altera, quæ *ab*  
*multas malitias interfecta est*, illam Stephani  
conjugem, hanc vero ejus sororem fuisse oportet,  
quæ filii causa, ut ei regnum firmaret, in  
Vazulem, & regios cognatos sævierit, illa nul-  
lam sæviendi causam habuit, parum enim illius  
post

1032. **cos, qui ex familia regis spem successionis habebant, pene in exitium adduxerant. Pars enim illorum, qui Petrum velut exterum avversabantur, Basilio, pars contra voluntati regis obsequenti, Petro studebant. His mater ipsius se conjunxerat, quæ, ut filii æmulum regimini ineptum redderet, emta perfidorum opera, illum oculis privari jussit. Nec deerant e palatinalibus, qui, incertum, a quo, & qua de causa subornati, regis ex morbo decumbentis vitæ insidiarentur. Forte atrox facinus etiam perpetratum fuisset, nisi is, qui id in se receperat, dum ingruentibus tenebris cubile regium subiit, gladio in terram prolapso proditus esset. Deprehensus in attentato scelere procidit in genua, detectisque complicibus veniam rogavit, & impetravit.**

1033. **Ex ceteris habita quæstione, poena sumpta est. a) Regis periculum, & occæcatus Basilius, reliquos regis familiæ cognatos admonuit, ut securitati suæ consulèrent. Andreas igitur cum fratre suo, ne impotentis feminae ambitioni occasionem in se quoque sæviendi præberent, conscio, aut suadente Stephano, in**

Po-

---

post Emerici filii mortem intererat, Petrusne, an alter regii sanguinis Princeps regno potia-  
tur. Vide Pray Dissert. de S. Ladislao pag.  
130. & Dan. Cornides, genealog. regum Hung.  
pag. 299.

a) Carthuius l. c. c. 5.

Poloniam ad Regem Miecislaum se subduxerant, qui cum per id tempus expeditionem in Pomeranos defectionem molientes pararet, Bela, ut erat præ fratre suo armorum cupidior, se eidem adjunxit, & Duce Pomeranorum, singulari certamine cum eo congressus, interfecto, plurimum momenti ad victoriam contulit, præmiumque fortitudinis, filiam regis *Richezam*, addita Pomerania, obtinuit, matrem olim duorum Hungariæ regum, Geisæ, & Ladislai, futuram. Inde Bela ob militarem virtutem, ex qua ei *Pugilis* nomen a) inditum, magni apud Polonos præ Andrea fieri, qui laudem fratris natu minoris suam vilipensionem interpretatus, in Russiam, matre enim Russa uterque prognati erant, secessit. b)

1033.

XIV. Interea autem, dum illi apud exteros perfugium quærent, Stephano domi belum cum *Achtumo* obortum fuit. Præerat is pla-

1034.

---

a) Jam supra memoratum est ex Aloldo synchrono, & Alberico monacho, Belæ, jam *Pugilis*, jam *Leventæ* cognomen promiscue datum fuisse, hinc verisimiliter factum, ut posterioris ævi scriptores, *Leventam* a Bela distinxerint. De filia regis Poloniæ, ei in conjugium data, Thurocz P. II. Chron. c. 38. Cromerus hist. Pol. l. 3. & Schier regin. Hung. pag. 64. memorant.

b) Thurocz. l. c.

1034. plagæ illi, quæ a Tibisco in Valachiam ultra *Severinum* porrigitur, & cujus pars hodiernum *Banatium* Temesiensem efficit. Qui postquam baptismum *Vidini*, Græcum ritum sequutus, susceperat, paulatim imperium cum suis detrectare coepit. Rex veritus, ne ob vicinam Græcanici Imperii, ea pars sensim a regno avellatur, neve hanc refractarius ob fidei communionem sibi afferens in clientelam Græcorum concederet, ad obedientiam revocandum censuit, non tam religionis causa, hanc enim ut repererat, jure civitatis frui permisit, quam ut jus in eam ditionem a Majoribus suis acquisitum a) tueretur. Missis igitur copiis, resistere ausum instaurato prælio vicit, quo in pugna cæso, & pacata provincia, episcopatum in urbe *Morifena*, hodie *Csanadinum* dicunt, quemadmodum dudum ante animo conceperat, erexit, b) eique Gerardum, quem Venetiis olim appulsum, ob præclaras virtutes, filio suo Emerico moderata-

1035.

- c) Porphyrogen. de administr. Imp. c. 40. Bela Notarius c. 57. & S. Gerardi biograph. his verbis: *serviebat namque eidem viro (Achtuno) terra a fluvio Keres, usque ad partes Transilvanias, & usque in Budin, & Zeren.* Recole dicta in Notit. præv. §. 16. Nam ab eo tempore ad Stephani ætatem, nemo memorat, hanc partem ditionum ab Hung. avulsam esse.
- d) Biogr. S. Gerardi c. 8, & 11.



rátorem quondam dederat, æique sedè jam alias designaverat, præfecit. a). Abhinc re- 1035.  
gem ægritudo animi, quam ex filii morte contraxerat, & diuturnus corporis languor tribus reliquis vitæ annis, continenter fere lecto affixerat, nec tamen propterea quidquam eorum, quæ seu ad civilem, seu sacram rem publicam pertinere videbantur, intermisit, b) postremo, ubi mortem sibi sensit instare, convocatis ad se episcopis, & Mâgnatibus, quos præ ceteris religioni addictos norat, Petrum, nepotem suum, regni successorem declaravit, c) gravique oratione eos cohortatus est, ut, si regnum salvum cuperent, ante omnia fidem Christianam auctoritate sua, qua in vulgus plurimum valerent, tuerentur, tum instituto-  
rum

---

a) Idem. ibid. Ceterum de victo Achtuno, & erecto Csanadien. episcopatu certa chronotaxis figi. non potest, id unum ex biographo videtur posse effici, utrumque ad postremos regis vitæ annos referendum esse.

b) Anno enim 1036. Hungaris Romam peregrinaturis hospitium Ravennæ erexit. Apud Kátona hist. reg. Tom. I. pag. 432. Anno 1037. Cænobium Bakonbeellense. Vide Pray Dissert. de dextra S. Stephani. pag. 145.

c) Chron. Mellicense. *Primum tractavit de substituendo rege pro se, Petro videlicet, sororis suæ filio, quem in Venetia genitum ad se vocatum, jam dudum exercitui suo præfecerat Ducem &c.*

1038.

rum suorum, quæ alterum servandi regni sal-  
 crum essent, memores, ea instar depositi fi-  
 deliter custodirent, positisque partium studiis  
 mutuam inter se, & cum advenis concordiam  
 alerent, universe autem populo justitiam,  
 quam ipse post religionem, inter regiminis  
 curas primo semper loco habuisset, secun-  
 dum æquitatis leges administrarent. Obiit  
 XVIII. Kalendis Septembris, Albæ regiæ in  
 condita ab se Divæ Virginis Ecclesia, magno  
 omnium luctu, & totius regni concursu tu-  
 mulo illatus.

Inter reges sui temporis, qui populis,  
 diuturna consuetudine, jureque pactorum in-  
 ter se jam antea conjunctis, præerant, unicus,  
 qui conditoris monarchiæ, & Legislatoris no-  
 men obtinuit. Huic Hungaria debet, quod sen-  
 sim reliquis Europæ regnis nexu politico jun-  
 geretur, gens autem ipsa moribus, lingua, cul-  
 tu, religione, habituque a ceteris diversa, &  
 a primo sui ex Asia adventu ob crebras ho-  
 stilitates aliorum provinciis illatas, fere ex-  
 ota, deterfis gentilibus nævis, & temperata  
 armorum ferocia, exteris Nationibus paula-  
 tim socialis fieret. Huic illud etiam acce-  
 ptum referre debet, quod, ut erat Princeps  
 natura perspicax, in rebus deliberandis mi-  
 ræ prudentiæ, & in statuendis providus, in  
 semel constitutis autem firmus, constansque,  
 eam regno, perlatis legibus, formam dederit,  
 ut singula civium membra, licet certis limi-  
 ti-

tibus discreta, iusto tamē inter se æquilibrio, cum imperantē connexa, personarum, & rerum securitatem, domi, forisque, mutua opera sibi præstarent. Hanc ille normam posteris, tamquam hæredium, reliquit, a qua quoties deinde recessum est, toties quoque æquilibratam turbare, & hac turbata, subiectos inter se, & cum regibus, certo semper rei publicæ detrimento, collidi, necesse fuit.



## P E T R U S.

*Ab anno 1038. — 1041.*

1038. **I.** Stephano non invitis quidem regni Ordinibus successerat, sed nec ea, qua ille, rerum gerendarum prudentia, nec in suis auctoritate, animique moderatione praeditus, patuitque confestim in principio, quam male expectationi de se conceptae responsurus esset. Gisela enim defuncti viduam, quam Optimates ei consiliorum moderatricem adjunxerant, a) vixdum elapso ab obitu mariti
1039. anno, illiberaliter habitam, in custodiam dedit
- b) Proceres indignum facinus execrati, regem officii, & episcopi datae fidei, admonere. Obsarduit ad haec ille, a Budone quodam, e palatinalium numero, subornatus, quod ut ab iis cognitum est, & rex poenam ex eo
- se-

a) Joan. de Gvercse, apud Kerchelics Notit. Praelimin. Dalmatiae. &c. pag. 101.

b) Brunerus annal. Boic. P. II. l. 5. ex Chronico Altahensi. Si conjectura, quam supra de Gisela Petri matre depromsi, locum habet, credibile est, hanc praecipue in causa fuisse, cur vidua Stephani in custodiam daretur; quod existimaret, sibi, velut defuncti regis sorori, & Hungariae, jureque materno magis competere, ut filio in administratione regni adjutrix esset.

sumere negligeret, assentatorem frustillatim concidunt, & viduam reginam in libertatem vindicant, quæ, ne inter regem & subjectos porro dissidii occasio daretur, vitam deinceps privatam agens, piisque operibus intenta, consenuit, a) ab obitu Veszprimii condita. b)

II. Dissimulatione hac, quam in sumenda poena, alieno plane tempore, & irritatis animis, adhibuerat, autoritas regia paulatim minui, mox, cum inquitur Stephani, qui exteros quidem benigne haberi, suos non item contemni voluit, immemor, alienigenas domesticis in publica rerum administratione, præferret, etiam vilipendi cœpit. Accessit paulum post ad contemtum dignitatis regię etiam odium in personam conceptum, quod contraria omnia moribus Stephani illum agere viderent, ejusque, ac familiarium suorum vagam libidinem averfarentur, ut adeo sensim exacerbati, de eo exauctorando consilia inter se conferrent. Id ille subodoratus, stultitia

N 2

dia

a) Hermanus Contractus. *Hujus (Henrici Imp.) soror Gisela, Stephano regi Ungarorum — in conjugium data, elemosynis, ceterisque bonis operibus inibi intenta, consenuit.*

b) Teste lapide sepulchrali apud Pray Diatribe in Dissert. de S. Ladislao rege &c. pag. 124. Fabulæ proximum est, Passavii Abbatissam sanctimonialium fuisse. Id. ibid. pag. 168. — 210.

dia illorum alio avertere cogitans, copias, ut Bretislao Bohemiæ Duci, contra Henricum Imperatorem, auxilio esset, & militiam prædarum spe, sibi conciliaret, in Noricum duxit. a) Interea autem Optimates absentia ejus usi, *Abam*, qui Stephani sororem in conjugio habebat, regem optarunt, cui cum Petrus ab expeditione redux, impar resistendo esset, ad Henricum Imperatorem, precariam opem quæsiturus, confugere statuit, cui, studio affinis sui, Alberti Austriæ Ducis, conciliatus est. b)

---

1041.

SA-

---

a) Hermann. Contractus ad hunc an. & Hildesheimenses annal. ad seq.

b) Hermann. Contract. *Primo ad Marchionem — Adalbertum, sororis suæ maritum profugus venit, indeque ad regem Henricum veniens, pedibusque ejus provolutus veniam, & gratiam imploravit, & impetravit.*

## SAMUEL, alias ABA.

Ab anno 1041 ad 1044

**I.** **H**enricus, Petri sortem miseratus, & gratiam pro maleficio referens, suppeticas, quamprimum bello Bohemico defunctus esset, se ei laturum sponderat. Samuel vero, qui, quid in Germania Petrus moliretur, non ignorabat, non tam in eo erat, ut sibi possessionem regni apud suos firmaret, hostemque, si quid moveret, positus opportune ad limites praesidiis, aditu prohiberet, quam inconsulto proposito, bellum in Austriam traduceret. Consilium, ut temere, & ad irritandum hostem coeptum est, ita exitum quoque infelicem habuit. a) Ex hostico magna suorum jactura rejectus, multum, de existimatione nominis domi amisit. Inde sensim tepere, avertique multorum ab eo animi, quod non solum in Petri fautores, sed primores etiam gentis, quorum potentia se de solio deturbari metuebat, crudeliter saeviret. b) Itaque, dum Im-

1041.

1042.

N 3

pera-

a) Idem ad an. 1042. Aloldus contra ad seq. & Schaffnaburgensis ad 1041. Certior tamen Hermannii chronotaxis est.

b) Biograph. S. Gerardi apud Hagiograph. ad d. 24. Sept. *heu! sanctis quadragesimae diebus honestissimos sui consilii viros, sudibus, & palis, voluit immunda animalia, interficere ausus est.*

1042.

perator Petrum reducens, cum exercitu Hungariæ ingrueret, & post Hamburgum, & Posenium occupatum, vastitatem ad Gramum amnem circumferret, plerisque suorum diffidens, non ausus congredi, & ex eventu pendens, de retinendo regno anxius hærebat, quod Hungaros quidem in recipiendo Petro non consentire Cæsari, sed ejusdem consilio inductos, in Principem, qui ex Stephani avunculi posteris a) apud Bohemos exulabat, inclinare videret. Non tamen removendi hujus etiam obicis spem omnem ponebat, quod multos adhuc suis partibus addictos haberet.

Eventus spei respondit.

1043.

II. Vix enim Cæsar militem in Germaniam reducerat, cum nihil moræ interponendum ratus, collectis, ut poterat, subito copiis, rivalem suum Bohemiam repetere coegit. b) Quo exacto, ne Cæsari occasionem rede-

a) Ditmarus apud Leibnitium T. 1. Scriptor. Brunsvicens. l. 8. p. 420. affirmat, Stephani avunculum, & nomen *Procnui* ei fuisse. Sed cum alium Stephano avunculum, præter *Gyulam*, quem bello Transilvanico cum filiis captivum abduxerat, non fuisse constet, hunc autem ad hoc tempus supervixisse, vix credibile sit, veri est simillimum, Principem hunc, vel ex ejusdem filiis, vel nepotibus fuisse.

b) Herman. Contractus ad hunc an.



redeundi in Hūngariam præberet, & ut ipse, eo sibi conciliato, suos, nec enim satis tutæ res domi erant, in officio continendi tempus nancisceretur, Legatos Goslariam misit, qui cum Henrico de pace ineunda transigerent. Obstabat Petrus, qui Cæsarem, ne se deserere vellet, obtestabatur, spemque non obscure ostentabat, se, si dimissis re infecta Legatis, rerum potiretur, Hungariam jure fiduciario ei subditurum esse. Credidit Cæsar, constitutionum, in quas Natio, jam a primo sui in Hungariam adventu, mutua stipulatione consenserat, ignarus, & rursus infestus Hungariæ incubuit. Rex, cum & ipse imparatus, & optimatum plerique factionibus inter se distracti essent, non ad vim propulsandam, sed pacandum Imperatorem, animum convertit, iterumque Legatos cum muneribus ei obviam misit, qui conditiones pacis proponerent; inter quas illa præcipua erat, qua Germanos, qui captivi erant, gratuito se dimissurum, & quos reddere non posset, ære pensaturum, præterea eam Austriæ partem, quæ usque Leitam fluvium, adhuc Hungarici juris erat, sponte cessurum, receperat. Conditiones juramento firmatas Cæsar ratas habuit, acceptisque obsidibus in Germaniam reversus est. a)

N 4

III.

- ) Idem ad an. 1043. *Henricus rex iterum Pannonias petens, ab Ovone vix pactum, satisfactio.*

1044.

III. Pax tamen diuturna non fuit, quod nec captivi Germani ex pacto dimissi essent, nec Austriæ pars reddita. Conditione igitur non servata, bellum necessario instabat, ad quod gerendum, cum ipse Imperator ob non impletam a rege fidem, tum a Proceribus, Petro addictis, qui ad eum transfugerant, incitatus, ultro ferebatur, iterumque in Hungariam profectus, regem, superato Raba fluvio, cum ingenti exercitu obviam habuit. Mox confertæ manus, diuque pugnatum, sed, dum in medio certaminis æstu, regem magna suorum pars desereret, Cæsar III. Nonas Julias victoria potitus, & rex in fugam conjectus est, quem Petrus non multo post e fuga retractum, ne sibi deinceps turbas conficeret, decollari iussit. a)

PE-

*ctionem, obfides, munera, regniue usque ad Litha fluvium, partem accipiens, discessit.*

a) Herman. Contractus, Schaffaaburgensis, & Chro. Augustanum.

## PETRUS RESTITUTUS.

*Ab anno 1044. — 1046.*

I. **V**ictor Cæsar, restituto in solium Petro, & relicto eidem securitatis causa militari præsidio, postquam dissidentes a rege animos composuisse sibi visus est, ex regno excessit. Simulata tamen potius, quam vera, conciliatio erat, nec idem omnium de restituto rege sensus, & Proceres ipsi, ut in alterutram partem studiis suis ferebantur, spem inter & metum pendebant. Non latebat id regem, qui, ut animos inter se distractos magis in fræno continere posset, Cæsarem sequente anno honoris causa in Hungariam invitavit, re autem ipsa, ut, quod antea ad illum transfugiens pollicitus erat, regnum clientelari jure ei subderet. Venit Cæsar ad diem Pentecostes magno stipatus comitatu, acceptusque a rege honorifice, muneribus, inter quæ lancea quoque cæsi Samuelis, spoliū e prælio relatum, erat, a) excultus fuit. Mox ei Hungariam fiduciario jure obnoxiam fecit, &  
ab

1044.

1045.

a) Hanc Cæsar postea Pontifici donum misit. Id deinde errori occasionem dedit, quasi Hungaria juri Pontificio obnoxia fuerit reddita.

1045.

ab eodem, Proceribus, qui aderant, fidelitatis juramentum edentibus, vicissim ad dies vitæ gubernandam recepit. a) Cæsar, his peractis, dataque universam lege Bajoarica utendi potestate b) in Germaniam reversus est.

1046.

II. Nihil tamen magis pacatam Hungariam reliquit. Potiores Optimatum, Petro jam ante infensi, nunc vero, cum viderent, sibi extraneum etiam jugum esse impositum, penitus ab eo aversi, de injuria Nationis libertati illata palam querebantur. Iusta forte que-

a) Hermann. Contract. & Marianus Scotus ad h. an. Hinc apud Scriptores Germaniæ opinio invaluit, quasi Hungaria sit feudum Imperii Germanici facta. Verum quidem est, regnum Cæsari a Petro oblatum, verum item, Proceres, qui actui huc intererant, fidelitatis juramentum præstitisse, sed non erat consensus omnium communis, quod tamen ad legitimum homagium requirebatur, ut Notit. præv. §. 5. statutum fuit, nec in Petri arbitrio id situm erat, cum enim Hungaria fuerit regiæ familiæ hæreditaria, ut in Notit. præv. §. 3. dictum, ex hac autem superfuissent Andreas & Bela, horum consensus præcipue necessarius ad hunc actum fuisset.

b) Aliqua, ut in judiciis Sigilli missio, quemadmodum ex decretis S. Ladislai, & Colomanni patet, a Bajoariis ad nos pervenere.

querela erat futura, nisi ipsi, institutorum Stephani regis immemores, dissensionibus suis occasionem præbuisent. Cum sensim querelis suis plures in suas partes pertraherent, consilia de Andrea, ad quem ex Principibus regii sanguinis jus successionis pertinebat, accersendo, & tradendo eidem regno inter se conferebant. Hac de causa clam Legatos ad illum in Russiam misere, qui ei regnum offerrent. Cujus ut primum Petro indicium ab exploratoribus factum est, non modo auctores, quos nancisci poterat, immaniter excruciarî jussit, sed, dum Cæsareo Germanorum præsidio immodice confideret, in omnes nullo habito discrimine desæviit. Tanto magis sibi acceleravit exitium.

Conjurati enim magno numero ad Andream, qui de eventu dubius in regni limitibus hærebat, confluxere, sensimque pluribus catervatim accurrentibus, primum Csanadinum, mox Pestinum iter arripiunt. Huc ubi ventum, quid animo destinassent, planius, quodam *Vatha*, homine nocentissimo, duce usi, Andree declarant, se non aliter cum eo adversus Petrum pugnatuuros, nisi abolita religione Christiana, & advenis neci traditis, avita sacra restitueret, seque pristinis moribus sine ret vivere. Arduum erat insanienti turbæ resistere, quæ, si id diserte negaretur, quidvis patratura erat. Itaque, ut tempori serviret, dissimulandum tantisper putabat, quod vetare

1046.

taré non potuit, certus animi, se, ubi rerum potitus fuerit, opportunam malo medelam positurum. Illi taciturnitatem ejus, consensum interpretati, promiscue in Christianos, præcipue Sacerdotes, inter quos Gerardus Csanadiensis antistes cum duobus aliis episcopis, erat, tum in advenas, & Hungaros Petri assecclas, cædibus grassari, templa diruere, sacraque omnia profanare cœperunt, qua barbarie multi deterriti a religione defecerant, & Petrus, qui se inprimis designari videbat, fuga in Austriam evadere meditabatur, verum præventus a conjuratis, e fuga retractus, Albamque ductus, mox oculis privatus, misere dein in carcere contabuit. a) Mira tam exigui temporis intervallo, nec enim integri novem anni, ab obitu Stephani abierant, sub duobus regibus Hungariæ vicissitudo, quam tamen consequi necesse erat, quod neuter institutorum illius, quibus religionem cum re publica, domesticos cum exteris, ad regni felicitatem, & augmentum, sapienter copulaverat, fidelis custos, nec ea, qua ille, in gerendo imperio prudentia, nec in formandis subjectorum, & flectendis eorum animis dexteritate præditus esset. AN-

---

a) Thuroczius Chron. P. II. c. 39. & 41. Lambertus Schaffnaburgen. Chron. Augustan. & Australe. Hac occasione videtur Gisela Petri mater, velut malorum omnium causa, per tumultum occisa fuisse, ut Albericus monachus scribit, cujus verba ad an. 1032. Not. a excitavi.

# ANDREAS I.

*Ab Anno 1046. — 1061.*

I. Sopito sensim tumultus, ut seditionem ab adito regno penitus comprimeret, auctores illius, ne impunitas eorum aliis exemplo esset, undique conquistos, supplicio addixit, tum gravissimo edicto statuit, ut, qui ad pristinos gentis ritus transissent, sine mora ad religionem Christianam reverterentur, & secundum Stephani regis instituta vitam, moresque conformarent, ni facerent, tergiversationem, & pervicaciam poena capitis luant.

a) Habuit mandato suo obsequentes, sive priorum poenitentia, sive, quod creditu pronius est, metu poenae permoti essent. Ita rebus domi utcunque compositis, ad pacandum Imperatorem, quem non dubitabat Petri causa in Hungariam rediturum, studia sua convertit. Etsi quidem sciret, nihil propterea, quod Petrus regnum ei obtulerit, juri suo, qui consensum suum non praeuisset, derogatum esse, ne tamen Hungariam, quæ, ad consanandum vulnus, tempore egebat, novo rursus bello objiceret, per Legatos eidem nunciavit, se communi omnium voluntate regnum adiisse,

sum-

1047.

---

a) Aloldus ad hunc an. & biographus S. Gerardi,  
c. 21.

sumfisse de conjuratis, qui Petrum exactorarunt, supplicium, si qui adhuc superessent, se illius potestati traditurum, censum præterea annuum, ut scriptores Germani perhibent, a) pollicitus.

1048.

II. Cum exitus Legationis incertus, & domi plus negotiorum esset, quam ut iis expediendis regi tempus suppeteret, fratrem *Belam*, militiæ laude clarum, e Polonia accersit, cum ut curas cum eo partiretur, tum ut ejus opera, si bellum a Cæsare instaret, uti posset. Ut primum aderat cum sua familia, Ducis illum titulo, attributa Hungariæ tertia parte, ornavit, quæ beneficentia, ut ad conciliandam fratri auctoritatem in principio spectabat, ita deinceps, cum sensim usu roboraretur, perpetuum fere semen discordiæ inter regiam familiam jecit. Interim Legati nihil pacati a Cæsare afferebant, qui, quod res in Lotharingia, Flandria, & Hollandia componendæ essent, interea Adalberto, Marchioni Austriæ, in mandatis dedit, ut collecta militia Hungariam infestaret, sed, cum illum

1049.

rex, communis regni limitibus, aditū prohiberet, spacium interim nactus est, Cæsarem iterum legatione conveniendi, necdum enim res domi a nuperna seditione satis firmæ videbantur. Misit igitur, qui rursus annuum censum Cæsari pollicerentur, modo a bello absti-

---

a) Herman. Contractus ad an. 1047.



tineret, sineretque Hungaros jure suo frui. 1050.

Frustra & hic conatus erat. Cæsar obfirmato in bellum animo, Gebhardum Ratisbonensem episcopum, sequente anno arma in Hungaros sumere jussit. Nec hic magis faventem fortunam expertus est. Regni quidem fines, Hungaris sponte cedentibus, ingressus, prædā abegit, verum, ubi reditum parabat, discedentem aggressi, prædā excutiant, & in Bavariam procurrentes, ingentem captivorum numerum reducant. a) Cæsar parum fe-

lici suorum successu irritatus, ipse gerendi belli curam suscepit, mandavitque, ut Gebhardus cum Bretislao Bohemiarum Duce, ubi Hungariam ingressi fuerint, Septentrionalem Danubii ripam interea populentur, dum ipse per Carinthiam profecturus, se illis jungat. b) In tam propinquo periculo Bela regi autor fuit, ut, corrupta in limitibus pabulatione, interstos ad occasum amnes præsidio militari communiret, quo hostis ipsa diuturnitate, & annonæ penuria fractus, sponte recederet, pugnae autem copiam omnino negaret. Ratum habuit rex consilium, prius tamen adeundum per Legatos censuit Leonem 1051.

Pon-

a) Thurocz Chron. P. II. c. 42. ad an. 1048.

Aloldus ad an. 1049. Herman. Contract. ad an. 1050.

b) Idem ad an. 1051.

1052.

Pontificem, cujus intercessione sperabat, Cæsarem ad mitiora consilia flectendum esse. Non abnuitt Pontifex, missoque Hugone, Cluniacensi Abbate, in Hungariam, suadebat regi, ut censum a Petro promissum, Cæsari penderet, a) ita futuram, ut pax facile coalescat. Non alienum quidem se a pendendo censu rex futurum responderat, si Cæsar bello abstineret, sineretque Hungaros jure suo frui; diversam enim Hungaris regni constitutionem, a Germanorum sanctionibus, esse, apud quos dignitas regia jure electionis nitatur, apud Hungaros contra ex Majorum instituto, b) hæreditaria regie familiæ esset, cujus jura violare, aut alienare, se, & fratrem suo, majorique regni Ordinum parte, non consentientibus, Petro nequaquam integrum fuisset.

## III.

a) Wibertus S. Leonis IX. biographus apud hagiogr. Tom. II. act. 55. ad 19. Apr. *Non modicus ei (Leoni IX.) inerat fervor in augenda re publica. Idcirco Hung. Principes a Romano nuper Imp. dissidentes, multiplicibus Legatis adierat, ne detrectarent, solita subjectione, Imperatori prisca persolvere tributa, quod & consenserant, si præteritorum commissorum eis concederetur indulgentia.*

b) Vide Notit. præv. §. 3.

III. Reverso cum his responsis Hugone, 1052.  
 Cæsar irritatus, ad instaurandum bellum se  
 rursus accinxit. Pontifex vero, qui probe  
 intelligebat, Hungariam ad religionem, quæ  
 nuper intestinis factionibus non leve discrimen  
 adierat, consolidandam quiete egere, ipse munus  
 pacificatoris suscepturus ad Cæsarem profectus  
 est, ut eum ab inferendo bello abstraheret, sed  
 Cæsar magis suorum, quam ejus consilio obsequutus,  
 deductis in Hungariam copiis, & commeatu, quod  
 omnia in limitibus vasta fuisse reddita comperisset,  
 secundo Danubio navibus subvecto, Posonium  
 obsedit, quo si potiretur, bellum in regni mediterranea  
 traducere parabat. Verum, cum & obsessi locum  
 fortiter tuerentur, & naves annonariæ urinatoris  
 ope submersæ fuissent, soluta obsidione redire  
 coactus est. Rursus igitur Pontifex pacis ineundæ,  
 & tributi, quod rex quotannis pendendum  
 promiserat, acceptandi consilium ingerebat. a) Non  
 abnuit Cæsar, sed Andreas nec tributum quidem,  
 Cæ-

---

a) Si quod unquam jus sedi Apostolicæ in Hungariam  
 fuisset, Pontifex certe nunquam tanto studio  
 acturus erat, ut rex tributum Cæsari pendat;  
 ex quo liquet sequentium deinde Pontificum  
 prætensionem in Hungariam nullo fundamento  
 niti.

**1052.** Cæsar prius respuisset, mentionem jam susti-  
nuit, qua re Pontifex se delusum arbitratus,  
parum aberat, quin regem sacris interdiceret,  
nisi & Cæsar tot expeditionibus frustra succe-  
ptis, & rex iis propulsandis, defessi, suapte  
animum ad pacem adiecissent, quæ, etsi hanc  
Conradus Baviaræ Dux in Hungariam profu-  
gus interturbare conaretur, in has conditio-  
**1053.** nes sequente annò coaluit: rex cessionem il-  
lius partis Austriæ, cui Aba nuper renuncia-  
verat, ratam haberet, & Cæsari in bello,  
demta Italia, socius armorum esset: Cæsar  
vicissim nihil sibi deinceps juris in Hungariam  
arroget, &, ut fœdus firmiore vinculo necte-  
retur, filiulam suam regis filio Salomoni,  
quem non ita pridem sustulerat, desponde-  
ret; quibus utrinque mutua stipulatione im-  
tis, rex Legatos ad Cæsarem, qui Tribunus  
de filio suo nondum trimulo sibi in successo-  
rem designando agebat, cum amplissimis mu-  
neribus misit, qui conjugii sponsonem firma-  
rent. *a)* Hunc in modum Hungaria, si quid  
juris in eam Germaniæ ex Petri cessione ali-  
quando accessisset, in pristinam libertatem  
asserta, *b)* & rex ocium nactus est, ut, con-  
stabi.

*a)* Hermann. Contractus ad an. 1052. & 53. Alol-  
das ad an. 1052.

*b)* Wibertus Scriptor synchronus in vita Leonis  
Papæ IX. c. 8. apud. Hagiogr. Antverpiens. T.

stabilita pace, curas suas in regni emolumentum deinceps converteret, tametsi parum abfuerit, quin hanc importunus Conradi Bavariae Ducis in Hungariam adventus rursus interciperet, qui, cum a Cæsare Ducatu privatus esset, vindictæ actus studio, nihil non egit, ut Hungaros ad resumenda in Cæsarem arma concitaret, quod cum regi, conciliato recens fœdere, non solum æquitati parum consentiens, sed dignitati etiam suæ indecorum esse videret, neque tamen extorri, suæ olim fortis memor, deesse vellet, partem copiarum, ut iis suo periculo uteretur, concessit, quibus ille adjutus, & in Carentanos movens, provinciæ quidem illius partem subegit, non tamen retinuit, brevi Cæsaris subornatione, veneno per coquum cibus ingesto extinctus, a) cujus obitu una orituri rursus belli suspicio evanuit.

1054.

IV. Rex hospite, si victurus erat, sibi periculoso liberatus, cogitationes omnes ad reparandam rem publicam, quæ sub utroque decessore vitium acceperat, convertit, in eam

1055.

O 2

præ-

2. April. ad d. 19. sed quia factione quorundam Curialium — sunt Augusti aures obduratæ, ideo Romana res publica subjectionem Hungariæ perdidit.

a) Annal. Hildesheimens. & Marianus Scotus ad h. a.

1055.

præcipue curam intentus, ut constitutam a Stephano regni compagem, civilibus motibus luxatam, redintegraret. A religione igitur, cui ipse in principio indulgentia sua vulnus inflixisset, Stephani exemplo auspicatus, viros religiosos, conditis *Tyhonini*, & *Vissegradi* cœnobiis in regnum accersit, qui collapsam religionem doctrina, & exemplo instaurarent, & hac instaurata domi quies stabiliretur. a) Tum ut securitati quoque suorum ad limites Moraviæ consulere, nam versus Germaniam, confecta nuper pace, res satis tutæ erant, Wratislaum, Bretislai defuncti natu minorem, quem natu major Spi-

1056.

tigneus Bohemorum Dux Moravia exuerat, data ei in matrimonium filia suæ Adelheide fratri conciliavit. b) Restabat ea pars, quæ inter Savum, & Dravum sita, turbis domi exortis, a Crescimiro II. Croatorum rege avulsa erat, rursus Hungariæ asserenda. Id negotium Palatino *Radoni* datum, qui eductis copiis brevi eam provinciam recuperans, c)

Croa-

a) De Tyhon exstant Tabb. fundat. an. 1055. & de Wissegrado memorat biogr. S. Gerardi.

b) Cosmas Pragens. & annalista Saxo.

c) In dipl. fundat. an. 1057. *monasterium meum S. Demetrii super Savam fl. quod multis bellis laboribus cum tota provincia illa sanctæ coronæ rectificavi, & iterum aquisivi &c.*

Croatos ultra Bacuntium omnem retrusit, & ne deinceps liti esset obnoxia, cœnobium S. Demetrii in eodem, quo Syrmium olim stetit, loco, jurisdictioni Quinqueecclesiensis episcopi subjectum condidit, & Rex sequente anno in regni conventu Albæ celebrato ratum habuit. 1057.

a) Indixerat hunc, cum ut rerum proprietatem, si quæ fors tempore disidii domestici, rapacitate aliorum distractæ essent, cuivis affereret, tum ut jus successionis posteritati suæ firmaret, b) nec enim ullus decessorum, filium, qui ex Stephani, c) & Majorum constitutione, d) hæres regni esset, supersitem reliquerat. Hac de causa filium Salomonem,

O 3

non-

a) In eod. dipl.

b) Ibid. rex confirmans donationem Palatini addit: *maledictionem — incurrant omnes nostri successores regiae posteritatis &c.* qui donationem irritam facerent. *Posteritas regia* ex se se indicat successionem hæreditariam, ut regni OO. an. 1307. publico decreto statuerant. Vid. Notit. præv. §. 3. conditione. 1.

c) Filium enim suum Emericum Decret. l. 1. c. 1. sibi successorem verbis illis designavit: *quando summa concedente potentia post me regnabis.* Rursus c. 3. §. 3. 4. & c. 4. §. 4. item c. 6. §. 4. filio de Hungaria loquens semper addit; *regnum tuum.*

d) Vid. Notit. præv. §. 3. condit. 1.

1058. nondum septem annos natum, exemplo Henrici Cæsaris, qui filium quadrimum Germaniæ regem dederat, anno insequente inaugurari, & matrimonii sponsonem cum Sophia Henrici III. filia olim initam, rursus cum Henrico IV. in confinio Hungariæ conveniens firmari voluit. a)

1059.

V. Rebus in hunc modum cum regni Ordinibus, & Cæsare compositis, spes erat, Hungariam sensim respirare, & ad eum, quem Stephanus designaverat, statum reponi posse, nisi Bela regis frater, qui prius cum filiis Geisa, & Ladislao, coronationi Salomonis consenserat, malevolorum suggestione in transversum actus, regnum sibi præ infante deberi existimasset. Inde simultas primum, dein, cum alter ambitione, suspicionibus alter agitaretur, etiam odia inter fratres orta, quæ mox in apertum bellum erupere. Bela enim insidias veritus, has enim sibi a rege strui, susurratores in vulgus sparserant, in Poloniam evasit. Perculit regem fratris fuga, vidensque bellum rursus civile instare, ne gemino premeretur, nam Græci quoque pacem violatam questi, arma parare nunciabantur, Isaac cum Comnenum missa legatione pacatum, ab Hun-

---

a) Schaffnaburgensis, Aloldus, & Annalista Saxo.



Hungaria avertit. a) Hoc periculo liber, cum in fratris molitiones intentus, comperisset, illum finibus Hungariæ, Polonorum auxilio suffultum, appropinquare, ipse etiam copias contraxit, & filio securitatis causa Melicium cum thesauro domestico ad Ernestum Marchionem Austriæ transmissis, b) suppetias a Cæsare flagitavit. Neque is fororis, Salomoni desponsæ, causa moratus, Wilhelmum Thuringiæ Marchionem, & cum Eppone Citiensi episcopo, Ducem quoque Bohemiæ, addito Bavarico exercitu, in Hungariam, ut regi auxilio essent, properare iussit, qui, ne expectato quidem Bohemo, magnis itineribus profecti, postquam se regi conjunxerant, transmissis Tibisco, ad quem Bela cum suis confluxit, cum eodem congressi, magnam in principio stragem edidere, sed, ubi Bela fessis recentes identidem substituit, multique ad eum confugerent, magna clade victi, & obsepto reditu, aut cæsi, aut capti sunt. Rex in medio prælii æstu equo delapsus, ægreque fratris iræ subductus a suis, non multo post obiit, Tyhonini tumulto illatus. c)

1060.

1061.

O 4

BE.

a) Scylitzes. pag. 633. & Zonaras l. 18. pag. 270.

b) Aloldus ad h. a.

c) Schaffnaburgensis. Annalista Saxo. Thurocz P. II. Chron. c. 44.

## B E L A.

*Ab Anno 1061 — 1063.*

1061.

I. **V**ictor a pugna eo plures ex Hungaris sibi faventes habuit, quo magis militare in eo animum suspiciebant, nec quidquam in mora fuit, quin eum, licet Salomon legitimus hæres esset jam coronatus, & superstes, eique Tutor ob sanguinis nexum esse debuisset, regem salutarent. Hoc uno fortasse usurpatoris labem detergere possit, quod confestim a consensu solio ad coordinandam rem publicam, quæ multiplex vitium traxerat, studium omne contulerit. Rem agrariam imprimis, quæ per civiles discordias neglecta squalibat, instaurare, rerum venalium precia defigere, suum publico foro constituere diem, mercatorum avaritiam, & nummulariorum scenerationem comprimere, monetæ feriundæ justius priore pondus constituere, Byzantinis aureis aditum ad regnum aperire, omnia denique, quæ lapsa erant, cura sua complecti cœpit, quodque mirum videri potest, eorum, qui Salomonem in Austriam comitati sunt, fundos ab injuria immunes præstitit. Quo quidem factum, ut regnum respirare aliquantum videretur, nec tamen propterea, ut patrii scriptores

res volunt, a) ad eam felicitatis statum pervenerit, ut vicinis regionibus potuerit anteferri. 1061. Nec enim regna intestinis dissidiis, & externis bellis diu agitata, triennio non integro ad priorem felicitatis statum reponi solent, aut possunt.

II. Religio quoque, quæ dissidiorum tempore propemodum collapsa erat, illum non leviter sollicitum habuit, sed remedio ad eam reparandam usus est, quod a lenitate Christiana prorsus abhorrebat. Cum enim in hunc finem, pagatim duos, qui ætate, & consilio aliis præstabant, Albam coire iussisset, b) ut cum Episcopis, & Primatibus ea de re communiter deliberaret, illi autem pristinos ritus, & sacra reduci non tam peterent, quam postularent, rex tridui spacium, si forte ad se reversi, collatis inter se consiliis, mentem mutarent, indulgit, quo elapso, cum illi in sententia persisterent, immisso, quem interea adesse iusserat, milite, refractarios promiscue cædi, & qui fuga evadere non poterant, in eos flagris animadverti imperavit. c) Triste ex-

---

a) Thurocz. Chron. P. II. c. 45.

b) D. Gebhardi. hist. Tom. I. pag. 460. putat, plebem hac de causa accitam esse, ut eam in regiminis consortium rex admitteret, quod huic, qui Salomonem, legitimum regem solio excluderat, nec in mentem venire potuit.

c) Thurocz. P. II. Chron. c. 46.

1061. exemplum, quod sola illius temporis cruditas excusare queat. Quæ sævitia, ut regno ob tumultuantem plebem utilis erat, ita religioni parum commodabat, quod hanc plebique deinceps ob metum simulate magis, quam vere, profiterentur.

1062. III. Plebe ad officium revocata, ut suis posteris, si quid Imperator Salomonis causa moveret, regni possessionem firmaret, exterorum Principum amicitiam nuptiis sibi conciliare studuit. Id in causa erat, cur Jojadam filiarum alteram, quam anno priore Wilhelmo Thuringiæ Marchioni desponderat, hoc e vivis sublato, Udalrico illius cognato, Carantanorum Marchioni, a) alteram vero Helenam Zvonimiro, præpotenti Toparchæ, & Bano Croatiae, postea autem regi, collocavit. b) Neque sic tamen securitati suorum satis consultum putabat, quamdiu Salomon cum præcipuis Nobilibus apud Ernestum Marchionem in Austria morabatur. Hac solitudine ut se liberaret, armis rem agere decre-

---

a) Schaffnaburgensis ad an. 1062. & Annal. Saxo ad eund.

b) Parum refert, Helenane, an Leppa, vel Sophia fuerit vocata, de quo disceptatio est inter Dan. Cornides genealog. reg. Hung. p. 343. & Steph. Katona hist. reg. T. I. p. 186. &c. Satis est, aliquam Belæ filiam Zvonimiro nuptam

crevit, ut vel successione spem Salomoni succideret, vel Marchionem, ad tradendum sibi æmulum cogeret. Ipse copias in Austriam ductabat, verum ab Ernesto, cujus tutelæ Andreas filium crediderat, non sine clade repulsus est. Inde bellum ex Austria in Hungariam traductum, perrupti, quos Bela munierat, aditus, & Mosonium ab Hungaris, qui Salomonem comitati erant, quibusve alii se conjunxerant, assultu captum. a) Quod ubi regi, qui per id tempus conventum in Demes agebat, nunciatum est, ulcisci injuriam parabat, in ipso tamen hoc conatu, domus, vel, ut alii malunt, solii ruina oppressus, sequente anno obiit. b)

1962.

## SALO.

ptam fuisse, ut Joan. de Gvercse apud Kerchelic Notit. prælim. p. 101. Dlugossus hist. Polon. l. 4. & Thurocz. Chron. P. I. c. 56. testantur, qui etsi tempore multum distent, credibile tamen est, illos hæc ex vetusto documento sumisse.

a) Aloldus ad an. 1062.

b) Id. ibid. Filios Geisam, Ladislaum, & Lampertum reliquit.

## S A L O M O N.

Ab an. 1063. — 1074

**I.** Bela extincto, Geisa ejusdem filius, le-  
 1063. niore, quam pater fuerit, ingenio, æquita-  
 tisque amantior, ne ambitione Hungariam  
 novis calamitatibus involveret, missa ad Im-  
 peratorem Legatione, solum legitimo hære-  
 di Salomoni, consentientibus regni Ordini-  
 bus, se cessurum nunciaverat, fidelitatem pol-  
 licitus, si modo parem natalibus honorem  
 sibi, & fratribus tribueret, malleque se fide, &  
 charitate in Patriam, quam armis, cum eo  
 contendere. Accepta est benigne Legatio,  
 & Henricus cum exercitu in Hungariam pro-  
 fectus, Salomonem, cui sororem suam jam  
 pridem desponsam, nunc conjugem dederat,  
 Albam regiam deduxit, & rursus corona in-  
 cinctum, paterno solio restituit sublatis omni-  
 bus impedimentis, quæ regi, regnoque deinceps  
 præjudiciū creare, & malum accersere  
 possent. a) Cæsare in Germaniam rever-  
 so,

a) Schaffnaburgensis ad h. a. *Heinricus* — *Salomonem* in solium patris restituit, juncta ei in conjugium sorore sua, ablatisque omnibus, quæ regi scrupulum movere, vel regni statum labefacta-

fo, concordia inter regem, & Duces non diu  
 constitit, quod non deessent, præcipuus ex  
 his *Vidus* erat, qui regi crebro ingererent,  
 quanta cum injuria, Ducum pater eum folio  
 privaverit, vix meliora ab ejus filiis sperari  
 posse, si majori natu eorum, cum titulo Du-  
 cis, tertiam Hungariæ partem cesserit, hoc  
 patri illorum vires, & animum adjecisse, ut  
 arma in fratrem, & legitimum regem corri-  
 peret. Credidit adolescens, nondum artes  
 palatinalium expertus, & utrumque contra,  
 quam ex pacto conventum erat, Geisæ nega-  
 vit, qui, quo res tandem evasura esset, in-  
 telligens, cum fratribus mature in Poloniam  
 se subduxit. Rex cognatorum sortem mise-  
 ratus, copias, quas in Russos paratas habe-  
 bat, illorum gratia in Hungariam duxit, ubi  
 cum

1063.

1064.

*factare poterant, in pace remeavit ad Gallias.*

Hinc liquet, Henricum patris sui renunciatio-  
 nem juris feudalis, quod sibi antea in Hunga-  
 riam arrogaverat, solenniter confirmasse. Ita  
 locum illum accipi oportere, res ipsa loquitur.  
 Aliter tamen D. Gebhardi hist. Hung. T. I. p.  
 462. censet. Mir scheint es, daß diese Stelle sich  
 auf die Hintwegschaffung der verdächtigen Perso-  
 nen, und einiger Fehler in der Verfassung, die  
 zum Zwist zwischen den König, und den Stän-  
 den Anlaß geben konnten, beziehet. Nihil magis  
 citato loco dissonum dici potuit.

**1065.** cum plures ei se ex Hungaris cunxissent, rem prælio decreturus erat, nisi episcoporum opera pax coaluisset. Geisæ titulus Ducis cum tertia Hungariæ parte tributus, utque concordia stabilior esset, sequente anno Jaurini, præsentibus regni Ordinibus, velut fidejussoribus, confirmata est. Geisa tamen veritus, nequid suspicionis adhuc in animo regis resideret, illum Quinqueecclesias deduxit, coronamque ei imponens, sinceræ, quantum in se erat, conciliationis testimoniam exstare voluit. a)

**1066.** II. Stabilita utrinque concordia, facilius & cura rei publicæ domi suscepta est, & foris hostibus obviam itum. Ac hujus quidem occasio paulum post se obtulit, cum rex Croatiae in Carentanos ob avulsam a suo regno Marchiam movens, re improspere gesta, suppetias ex Hungaria flagitaret. Nihil finitimo, ac pacato ceteroquin regi negandum Salomon censuit: misit cum necessariis auxiliis Geisa, & Ladislaus, qui brevi, recuperata Marchia, Carentanos ad sua reverti coegerant. b) Pari felicitate tertio post anno contra Moravos, qui Trenchiniensem plagam populabantur, res gesta, &, retruso hoste, damnum populatione vicissim Moraviæ illata pensatum. c)

Ma-

a) Thurocz, Chron. P. II. c. 47.

b) Chron. Carinthiæ I. 7. c. 32.

c) Thurocz cit. I. & c.



Majore periculo cum Cumanis. Requente anno dimicatum. E Moldavia erumpentes, utraque Samusium amnem progressi, ferro & igne late omnia vastabant. In hos ipse rex, cum utroque Duce movens, quinto post die, jam cum copiosis spoliis receptum parantes reperit, eosque, licet securitatis causa, montem infecissent, difficili certamine victos, excussa omni praeda in fugam egit. a) Victoriæ præcipua laus penes Duces, præsertim Ladislaum fuit, qui dominus hosti congestus, quatuor neci dederat, magnam inde fortitudinis opinionem in exercitu consequens. Verum communis hæc de utroque Duce virtutis existimatio, regis animum tacite visa est exedere, & sensim novam discordiam seminem jecit.

1070.

III. Non ante tamen in aperta prorupit, quam altero abhinc anno Bisseni, transmissa Savo, ingentem hominum, pecorumque vim ex Hungaria abegissent. Rex injuriam ulturus, coactis ad signa copiis, cum utroque Duce Savum trajiciens, Belgradum obsedit. Jam in tertium mensem producta erat obsidio, cum obsessi, urbe, & arce conflagentibus, vitam, & libertatem pacti, deditionem fecere. Dimissorum potior pars, licentiam militum veriti, Geisæ, & Ladislai, pauci contra regis, fidei se crediderant. Id causam præbuit invidiæ. Accessit mox altera, dum

Græ.

1072.

Græcorum Imperator varius, ne Hungari occupato Belgrado, sensim illius etiam ditioribus propinquarent, misso in Hungariam Legato, Geisæ amicitiam imprimis ambiret. Salomon præteritum se, minorisque a Græco, quam Geisæ fieri videns, consilium de eo, fratribusque illius perdendis iniit. Utrumque igitur, instigante Vido, adesse iussit, ut victoriæ superioris anni fructum, in Serviam secum profecturi, prosequerentur, re ipsa autem, ut eos in sua potestate haberet. At illi rem subodorati, id consilii, inter se inierant, ut Geisæ quidem cum copiarum parte ad regem in bellum profisceretur, Ladislaus vero cum alia, & Lamperto, in Hungaria resisteret. Hæc cautela Duce servavit. Rex nihil in Geisæ, qui fratres vindices domi reliquerat, ausus statuere, ultra Belgradum cum eo Nissam profectus, postquam ab incolis ejus urbis muneribus excultus, eam Servie partem, quæ ad Moravam fluvium procurrit, juri Hungariæ asseruisset, a) animo non minus, quam ante, a Ducibus alieno, reversus est. b) Exstantiora erant hujus indicia, quam

ut

a) Hujus causâ sæpe dein regibus Hung. cum Orientis Imp. armorum collatio fuit, ut in rebus gestis Geisæ II. & Stephani III. memorabitur. Certe Cinnamus non diffitetur, Stephanum III. a Desê Despota Servie *suum dominum* fuisse appellatum. Sub Bela III. quoque fl. Morava limes fuit ditionis Hungariæ, ut suo loco dicetur.

b) Thurocz. c. I. c. 52.

ut Geisam diu latere potueriat, qui, postquam ad vim, si inferretur, propulsandam, aliunde opem conquirendam necessarium esse videret, Ladislaum in Rusiam, Lampertum ad Polonos, auxiliorum causa, misit, Rex vicissim ex Germania suppetias exspectabat. Ex his molitionibus dubium non erat, quin res ad civile bellum spectare videretur, cum episcopi, missis ultra, citroque nunciis, delecta ad conciliationem adita Strigonio insula, dissidentes rursus pacarunt. *a)*

1073.

IV. Opportunum id rebus Geisæ fuit, qui parum spei, ob consultorum, qui Salomonem obsederant, machinationes in hac concordia reponebat, tempusque interea nactus est, ut Ladislaum, qui vacuus a Russis redierat, ad Bohemos pro auxiliis mitteret, quibus tanto celerius egebat, quanto occultius sibi insidias a Vido, qui regem in omnem partem versabat, firui, certis nunciis comperit. Cum homini nequissimo dolus, quo Geisam inter venandum intercipere cogitabat, non succelsisset, ad alias artes conversus, primos militiæ illius duces, auro corruptos, in suas partes pellexit, eo consilio, ut, si prælium conferendum fuerit, cum turmis sibi creditis, deserto domino, ad regiones deciderent. His sibi conciliatis, non desinebat regem urgere, ut prius, quam Ladislaus rediret, nec enim clam erat, cur

1074.

ad

*a)* Thurocz. P. II. Chron. c. 52.

1074.

ad Bohemos missus fuerit, arma in Geisam corripit. Persuasit tandem, & ipsa hyeme prope Tibiscum ad manus utrinque ventum. In ipso praelii initio perfidi ductores cum suis, elevato clypeo, id signum proditiōis erat, ad regios transfugerant, a quibus, quod tessera proditiōis ignota illis esset, pene omnes deleti sunt. Geisa proditum se videns, magnae suorum parte mulctatus, Tokainum, fratrem interea praestolaturus, se recepit. Ade- rat opportune, cum pugnam devitans Tokai- no Vacium se conferret, & rex euntem e ve- stigio sequeretur. Vix tantum temporis su- pererat, ut se cum Ladislao, & quos addu- xerat, Bohemis conjungeret, cum acre prae- lium collatis signis exortum, & pari utrinque pertinacia productum est, ad extremum caesi maximam partem regii, inter quos Vidus quo- que, discordiarum seminator, fuit, aut capti sunt, fugientibus tamen, ne tot civium sanguis funderetur, parsum. Rex, ubi conclamatum esse vidit, primum ad matrem, & conjugem Mosonium, mox Posonium se subduxit, a) fero consilia palatinalium damnans, quorum artes, quas ab obitu Stephani in alenda in- ter reges, & subiectos discordia ad faciendam lucri compendium adhibere solebant, si ei per aetatem nosse licuisset, nec regno privandus, nec vita deinceps extorri agenda fuerat.

GEI-

---

a) Idem ibid.

## GEISA I.

*Ab anno 1074. — 1077.*

**P**rofligato Salomone, quam moderato animo esset, palam fecit, cum regnum faventibus, quin cogentibus etiam regni Ordinibus, pene invitus acciperet, & causas delati sibi regni ad Pontificem Gregorium VII. perscribens, serius postea, rogatusque se coronari pateretur. Interea Salomon jacturam regni ægre ferens, nec matris, ac conjugis, quæillum, ut instaurata cum cognatis amicitia, assentatores ab se removeret, hortabantur, consilio aquiescens, crebris nunciis ab Imperatore Henrico auxilium semel, iterumque flagitabat, annuam tributi pensionem; & sex munificentissimas regni urbes, in argumentum fidei, se in ejus potestatem daturum pollicitus. a) Caesar assensu calamitatem miseratus, congregato exercitu in Hungariam movit, quem ubi Geisa appropinquare cum Salomone intellexit, eodem, quod pater suus Andree consilium dederat, usus, quidquid in limitibus alimentorum, & pabuli fuit, ne hostibus usui essent, ad mediterranea conveni jussit, qua providentia id consequutus est, ut Henricus percussa inter Danubium, & Vagum usque

1074.

P 2

NL

---

w) Sahasfaburgens. ad an. 1074.

1074.

Nitriam regni parte, magnam suorum fame, & pestilentia enectorum jacturam passus, nullo, præter vastitatem, insigni facinore patrato, redire cogeretur. a)

II. Vix Cæsar, re, cujus causa in Hungariam venerat, infecta redierat, cum Gregorius VII. Pontifex, quæ interea vicissitudo Hungariam exagitaverit, ex Geisæ litteris edoctus, gravem epistolam ad Salomonem dedit, qua illum erroris admonet, quod regnum a Germanorum rege, velut regulus beneficiarius receperit, cum ignorare non possit, id olim a Stephano rege beato Petro oblatum, Ecclesiæ Romanæ proprium esse, b) id ipsum

a) Idem ad ap. eund.

b) Dat. Romæ V. Kal. Nov. Indict. XIII. Lib. 2.

epist. 13. *Nam sicut a majoribus patriæ tuæ cognoscere potes, regnum Hungariæ, sanctæ Romanæ Ecclesiæ proprium est, a rege Stephano olim beato Petro cum omni jure & potestate sue oblatum, & devote traditum. Id Pontifex vel non genuino sensu accepit, vel certe ignoravit, quibus conditionibus Natq. supremam potestatem in Arpadum, hujusque familiam transtulerit. Neque enim proprietas, si quæ Ecclesiæ Romanæ in Hungariam fuisset, cum jure successionis hæreditariæ nostrorum regum, quod a Natione acceperant, & ipsi deinde Pontifices agnoverant, componi potest, nec*

Ste-

sum quoque Henricum Imperatorem, postquam Petrum solio restituerat, corona, & lancea a) Romam missis fuisse testatum, proinde, si tuto, diuque regnare cupiat, Hungariam apostolicæ, non item regiæ, majestatis beneficium agnosceret.

III. Eadem de causa sequente anno semel, iterumque ad Geisam, velut regni usurpatorem scribens, Ducis solum, non regis nomen ei tribuit, b) monetque, Hungariam, quemadmodum alia quoque regna, libertate sua frui oportere, nullique regi alterius regni, quam Ecclesiæ Romanæ obnoxiam esse, interea tamen, cum rerum

1075.

P 3

nunc

---

Stephanus regnum sine successorum suorum, quin & Nationis præjudicio, Ecclesiæ proprium offerre, & tradere potuit. Alioquin, cum idem Pontifex ad Philippum I. Galliæ, & Alphonsum VI. Castiliæ, reges in eadem fere verba scripserit, ut est apud Harduin Collect. Concil. Tom. VII. & X. consequens esset, Galliam, & Castiliam jure proprietatis ad Ecclesiam Romanam spectare. Nulla igitur alia hic subjectio intelligi potest, quam qua reges Catholici, velut membra Ecclesiæ, summo illius capiti obstringuntur.

- a) Lancea, quæ Samueli regi in prælio adempta fuit, non erat signum regni protestativum, & corona, quoniam Andreas postea, quin ea redita fuerit, coronatus est, alia esse debuit ab ea, qua reges nostri coronari solent.
- b) Dat. Rom. X. Kal. Apr. & 18. Kal. Mæji. apud Harduin. Tom. VI. Concil.

**1075.** ~~\_\_\_\_\_~~ nunc potiat<sup>ur</sup>, diligentem Ecclesiarum, & religionis curam gereret, se daturum operam, ut lis inter illum, & Salomonem secundum æquitatem componatur, cupere præterea, ut, quo in Ecclesiam animo esset, opere ipso testatum faciat. Utrum hac testificatione Pontifex clientelæ professionem a Geisa Ecclesiæ Romanæ præstari, an aliud, voluerit, incertum est, illud contra minime dubium, Salomonem, cum ab Henrico, qui simulato ad eum in Hungariam reducendum itinere, in Saxones moverat, a) nulla spes regni recuperandi affulgeret, Geisæ hac conditione conciliatum fuisse, ut ipse quidem urbes in limitibus regni versus Austriam possideret, Geisæ autem regnum pleno jure cederet. Facta in hunc modum conciliatione, uxor Salomonis in Hungariam rediit, & Geisa, quod hactenus, Salomone invito, religioni sibi duxerat, coronatus, Ducatu in fratrem translato, regnum jure adiit.

**1076.** ~~\_\_\_\_\_~~ IV. Non diu tamen pacato ei esse licuit, quod Salomon, ut erat animi inconstantis, haud multo post facti pœnitens, res novas moliri inciperet, ad quem refrænandum, ne quies publica rursus interciperetur, missus Ladislaus, dum illum castro Posoniensi inclusum obsidet, concordia studio Desiderii Colocensis episcopi, iterum bono rei publicæ coaluit, quæ

a) Schaffnaburgensis ad an. 1075. & 76.



quæ ut stabilis deinceps esset, & regnum, quod a Petri tempore turbis intestinis exagitatum erat, respirare posset, Geisa regia se dignitate abdicare constituerat, quod dum per nuncios ad Salomonem missos agit, morte præventus, Hungariam paulo minus quidem, quam sub decessoribus ab obitu Stephani fuerit, infelicem, non in eo tamen, in quo sub illo erat, statu reliquit, a) malo jam abhinc, quam tertia regni pars cognatis regiis obtigerat, sensim invalescente, quod, inconsulto hoc in familiam studio, non solum potentiam, & cum hac auctoritatem regiam tertia sui parte diminui oportuerit, sed occasio etiam palatinalibus utriusque partis data sit, ut gratiam contrariis utrinque studiis captando, familiam quoque regiam in partes distraherent.

1077.

P 4

S.

- a) Thurocz. Chron. P. II. Filios se habuisse, ipse an. 1075. in Tabb, fundatæ Abbatæ de juxta Gron testatur apud Pray Hierarch. Hung. P. I. pag 335. quos tamen patri præmortuos fuisse, veri est simile, eosque ex prima conjugē, cujus nomen incertum, sustulisse. Altera fuit *Synadene* Græca, ex sorore Niceph. Botoniatis, postea Imperatoris, edita, quam Scylitzes pag. 678. edit Venet. *Crali* Hung. collocatam esse scribit. Vid. Dan. Cornides geneal. reg. Hung. pag. 33. Steph. Katona hist. reg. Hung. Tom. I. pag. 282. Pray Dissert. de S. Ladislao pag. 88. ejusd. Diatrib. in Dissert. de S. Ladislao &c. pag. 108.

## S. LADISLAUS I.

*Ab an. 1077. — 1095.*

1077. I. **G**eisa extincto, regnum ad Salomonem, legitime coronatum, ex instituto Majorum pertinebat, id sine dubio etiam consequuturus, nisi regni Ordines votis suis in Ladislaum, defuncti fratrem conspirassent, sive metu adducti, ne Salomon injuriarum memor, vindictam sumeret, sive existimarent, regno ad pristinum statum reducendo, opus esse viro, qui prudentia, & fortitudine, quæ in Ladislao enitebant, labefactam rei publicæ molem a ruina servare possit. Quidvis horum fuerit, Ladislaus certe coactus, nec alia de causa regni gubernaculum suscepit, quam ut restituta domi, forisque tranquillitate, id legitimo hæredi cederet. Hoc animo se comparatum, missa ad Pontificem Legatione, significaverat, <sup>a)</sup> a quo dum interim responsa venirent, ipse religioni, quæ tot bellis a pristino vigore non parum defluerat, studium omne impen-

1078

a) Id videtur confici ex epistola Pontificis ad Nehemiam Strigonien. archiep. data, apud Harduin collect. Concilior. T. 6. col. 1269.

pēdit, laudatus propterea sequente anno a Pontifice, data ad eum proluxa epistola, non *Ducis*, ut quondam Geisæ, sed *regis* nomine inscripta, a) quo satis declarasse videtur, se Ladislaum, deserta Salomonis causa, legitimum regem agnoscere, & a prosequendo in Hungariam prætenso alias jure, omnino destitisse. Supererat Henricus Cæsar, quem, ne, si Salomonis patrociniū susciperet, regnum novis belli calamitatibus iterum premeretur, Legatione, sed irritò b) conatu, pertentandum censuit, quod is gravissimo inter se, & Pontificem orto dissidio, mentem aliorum convertere opus haberet, nec Salomonis causa, cui toties frustra opem tulisset, vires, alibi magis necessarias, distrahere vellet.

1079.

II. Cæsare igitur bello partim apud Saxones, & Thuringos occupato, partim novis iterum cum Pontifice difficultatibus implicito, cum nihil ab occidente negotii regno futurum videret, curas in orientem convertit, ubi cum de Imperii summa inter Nicephorum Bottoniatem, & Alexium Comnenum orta esset contentio, & Michael Ducas, inter utrumque medius, ad recuperandum solium, Duces Apuliæ Rogerium in auxilium vocasset, atque hac occasione urbes juris Hungarici trans

1080.

a) Apud eund. T. eod. col. 1416.

b) Chron. Augustan. ad a. 1079.

1081.

trans Savum, defectionem molirentur, Ladislaus superato cum copiis flumine, usque Nissam progressus, Syrmium transylvanicum, a) cum urbibus Istro aditis rursus in potestatem redegit. b) Reversus ab expeditione, Boleslaum, Poloniae Ducem, sanguine sibi conjunctum, ad se confugientem hospitio accepit, & liberaliter aliquamdiu habuit, subvereri tamen coepit, ne sibi, quod hominem, quem Pontifex Sacrorum communionem interdictum Ducatu exauctoraverat, apud se retineret, negotium conficeretur, cum illum hospes ipse paulo post amentia correptus, mortemque sibi consciscens, hac solitudine liberavit. Tristi hoc casu, & Polonorum praeterea, ac Germanorum factionibus, quorum illi, expulso legitimo domino, in partes scindebantur, hi autem Henrico Caesari Rudolphum opposuerant, admonitus, ne Hungaria simili-

---

a) Geminum fuit olim Syrmium, unum cis, alterum trans Savum, ut patet ex litteris Gregorii IX. an. 1229. d. 3. Martii, apud Pray Dissert. V. in annal. vet. Hunnorum p. 84.

b) Cinnamus l. 5. *Hungarorum gens saepe Romanos fines incursevit, & paulo ante, quam imperaret Alexius Comnenus, Syrmium cepit multis trans istranis urbibus expugnatis, Naisum usque pervenit. Coepit autem Alexius Comnenus imperare an. 1081.*

simili malo rursus corripere, abdicare se regia dignitate, regnumque Salomoni redde-  
re constituerat, nisi Optimates variam hujus indolem veriti, iterum obstitissent, concordia tamen, si posset, inter utrumque ut conciliaretur, agebant. a)

1081.

III. Vixdum studio Antistitum coaluerat, cum rursus inconstantia Salomonis abrupta est, qui cum insidias Ladislao struxisse compertus esset, ne quid ultra vitæ illius nocere posset, ipsoque tempore mitesceret, Wissegradi in custodiam datus, nec prius ex hac dimissus est, quam sequente anno Legatus Apostolicus, ad Stephani, & Emerici, qui prodigiis late jam inclaruerant, levanda corpora, in Hungariam veniens, utrumque cœtui Sanctorum adscripsisset. b) Liber e custodia cum rege in Hungaria aliquamdiu moratus, Ratisbonam ad conjugem abiit. Quo animo rex sine regno ab ea acceptus fuerit, c) primum est conjicere. Rejectus igitur, variisque erroribus actus, ad Cumanos in Moldaviam pervenit, hujusque Ducem, spe obtinendæ Transilvaniæ, ad arma Hungariæ inferenda concitabat, verum acceleratione

1082.

1083.

1084.

1086.

La-

a) Thurocz. Chron. P. II. c. 56.

b) Pray Dissert. de S. Stephano rege, & de sacra dextra ejusdem regis.

c) Berthold, Constantiens. ad a 1084.

1067.

Ladislai factum, ut amissis pluribus Cumanorum millibus, in fuga salutem quærere cogeretur. Hac clade irritatus, animoque in desperationem jam præcipiti, arma in Bulgariam altero mox anno, iisdem fociis, intulit, sed & hic a Græcis victus, a) periculoque tegre subductus, videri deinceps desuit. b) Inter

a) Thurocz. l. cit. & Anna Comnena p. 150. Venet. edit.

b) Domestici Scriptores, Simon de Keza, & Thurocz, serius postea in Hungaria illum visum esse, memoriæ Polanæ autem in Istria sanctimonie fama clarum obiisse perhibent. Vid. Pray Dissert. de S. Salomone rege Hung. Contra vero Berthold. Constantiens. & annalista Saxo, in prælio cum Græcis commisso, casum memorant. Verum Anna Comnena, quæ eodem tempore vixit, & res in vicinia gestas, melius, quam illi, scire poterat, nihil de casu Salomone, licet illum prælio interfuisse scribat, meminit, solius Tzolgu, Scytharum Ducis cædem refert. Hinc, dum fama de infelici pugnae exitu, casoque Scytharum Duce ad Germanos penetravit, hujus vero nomen ignorarent, scirent autem Salomonem prælio interfuisse, hunc illi erronee substituerunt. Quare, cum communis opinio de cæde Salomonis in Germania obtineret, facile ejus conjux persuaderi potuit, ut Wladislao Poloniæ Duci nuberet.

ter hæc, cum in Germania res, mortuo etiam Gregorio VII. non meliore, quam ante, loco essent, & Principes Imperii indicto colloquio cum Cæsare agerent, ut cum Ecclesia in gratiam rediret, Ladislaus quoque missis illuc nunciis, se eorum, qui cum legitimo Pontifice sentirent, partes amplexurum, & viginti millia equitum, si opus esset, in hunc finem subsidio missurum pollicitus est. a)

IV. Ut grata erat Imperii Principibus subsidiorum pollicitatio, ita, cum hæc in aliud tempus differenda judicarent, regi, ob vicinae Croatiae motus, domi peropportuna, Obierat Croatarum rex Zvonimirus, relicta vidua Ladislai sorore, b) qui cum nullum marem hæredem haberet, Stephanus, regia itidem progenie editus, regium titulum cum potestate sumsit. Hoc quoque brevi defuncto, Optimates tyrannidem affectantes, ut quisque altero potentior erat, ita regnandi cupidine abrepti, alios oppressum ibant.

Ex

a) Berthold. Constant. ad. a 1087. Nostri hac occasione Imperium Germaniæ Ladislao oblatum scribunt, quod tamen Scriptores Germani temporibus illis proximi ignorant.

b) Quidam Helenæ, alii Leptæ nomen illi tribuunt. Vid. Thurocz Chron. P. II. 56. Anton. Ganczy Dissertat. de S. Ladislao, pag. 99. Steph. Katona hist. reg. Hung. Tom. II. pag. 186. Dan. Cornides, genealog. reg. Hung. pag. 343.

**1089.** Ex his, qui illorum injuriis præcipue patuit, cum sponte, tum viduæ Zvoimir, ut videtur, consilio adductus, Ladislaum adit, quo loco res Croatiæ, & viduæ sint, aperit, modum illius occupandæ explanat, persuasit denique, ut, collecto exercitu, Dravum flumen transiret. *a)* Occupata, per quam iter erat, Sclavonia, superatisque, quas ferreas vocant, alpibus, in Croatiam promovens, cum Principes populi se se mutuo attulerent, confertis aliquot præliis victor, partem regni mediterraneam in potestatem redegit. *b)* Maritimam quoque tentavit, *c)* sed, accepto nuncio, Cumanos in Hungariam irrupisse, viam relegens, magnis itineribus ad Te-

*a)* Dipl. Andreæ II. an. 1217. Cum S. rex Ladislaus, primus transferat Dravæ fl. & partes sibi Sclavonicas, regno primum occupavit adjecto &c.

*b)* Archidiacon. Spalatens. c. 17.

*c)* Id videor mihi conjicere ex vita S. Christophori apud Farlati Tom. V. Illyrici sacri, pag. 231. in qua legitur, tempore Arbenfis episcopi Domanae, qui circa hæc tempora vivebat, ingens Unagrorum gens — manibus ejusdem urbis (Arbe) appropinquasse, eamque expugnasse. In Unagris, reor Ungaros latere, licet scriptores Veneti velint ex iis Nortmannos, vel Croatas, formare. Quam violente!



Temesum fluvium contendit, ubi, dum ho-  
stem sui securum reperit, nihil tale opinantem  
subito aggressus, maiorem partem delevit, a)  
ceteris, quos in captivitatem redegerat, ut re-  
gnum populo augeret, Rationem in Cituorum  
insula defixit. b) Cumanis repressis, mox Bel-  
fi altero anno Hungariam invaserant, &  
actis spoliis, magnaue virorum, ac mulie-  
rum copia abacta, reditum parabant, cum  
illos rex eadem celeritate, qua ante Cumanos,  
consequutus, eademque felicitate, & recepta  
præda, internecione prostravit. c)

1090.

Vas Trakici bello, eoque diversis parti-  
bus intra breve temporis spacium feliciter ge-  
sto, defunctus, Croatia, a qua inopertune  
avocatus erat, moderandæ Almus, ex Lam-  
perto fratre nepotem suum, regem præfecit,

1091.

a)

a) Thurocz l. c. c. 57. Archidiac. Spalaten. c. l.  
c. 17.

b) In dipl. S. Ladislai, quod Andreas II. an. 1223.  
transmisit, fit mentio terræ monasterio S. Mar-  
tini monis Pannoniæ donatæ, cum suis metis  
in Cituorum insula, ubi hæc: *inde vadit ad  
sepulcrum Paganorum, & ibi habet metas &c.*  
Bela IV. alibi vocat *sepulcrum Cumanorum*,  
hodie *Pogán érok* audit.

c) Dandulus l. 9. c. 8. Thurocz Chron. P. II.  
c. 57.

1091.

a) & anno insequente, ut religionis non minor, quam rerum civilium, cura haberetur, condito Zagrabiae b) episcopatu, antistitem, linguae gentis gnarum constituit, qui populum ignorantia adhuc laborantem regeret. Croatia hoc modo coordinata, ut res etiam Hungariae, diuturno intestini dissidii, ac bellorum tempore labefactas, repararet, convocatis primum Szabolcaam, postea ad montem Pannoniae, Episcopis, & Optimatibus, leges, partim a Stephano conditas, instauravit, partim his novas adjecit. Tres libri earum supersunt, c) primus ad externam religionis disciplinam, reliqui ad civilem institutionem pertinent. Illo, quod non sit hujus instituti, qmiso, hoc solum, quoniam habitum illius temporis, morumque quandam imaginem

a) Lucius de regn. Dalm. l. 2. c. 1. Cod. Ms. Thuroczii. Biblioth. Vatican. apud Lucium *Memorie istoriche di Tragurio &c.* pag. 88. in additam. Aluum diserte filium Lamperti Ducis vocat.

b) Kereselich hist. Eccles. Zagrabien. Pray Hierarch. Hung. P. II. pag. 327.

c) Liber primus diserte an. 1092. exhibet, reliqui non item, ob argumenti tamen similitudinem jungendos putavi, cum facile eodem anno tres conventus, pacato regno, celebrari potuerint.

nem exhibent, operæ precium est, summam delibare. Cum furtorum, & cædium licentia; etsi his jam Stephanus graves pœnas statuerit, magistratum negligentia, passim ita invaluerit, ut ne Clerici quidem immunes essent, e bono rei publicæ visum est, paulo gravius in hæc crimina animadvertere.

VI. Communi igitur voluntate sancitum est, ut, si quis proximus Principum furti reus esset, nisi in Ecclesiam, aut regis curiam confugisset, recte enecetur, nec aliter vitæ data venia, nisi fidejussorem haberet, cujus imprudentia, vel locordia si fur evasisset, utroque exteris vendito, bona fisco regio obvenere. Servus in primo furto comprehensus, nasum amisit, sola fuga ad Ecclesiam, Curiam regiam, vel episcopum, pœnæ quidem moram fecit, sed ex loco perfugii deinde retracto fauces elisæ sunt. Gravius cum liberis actum, qui, etsi commisso furto ad Ecclesiam salutis causa confugissent, inde tamen educti, non solum oculis privati sunt, sed filii etiam, filiæque eorum, si decennium superabant, in servitutem redacti, bona amisere. In minore furto, tam liberi, quam servi, jactura unius oculi scelus luebant. Nec iudicibus parsum: qui fures, seu hi liberi, seu servi fuerint, pœna consueta non affecere, amissis rebus omnibus venumdati sunt, filiis tamen, & filiabus, nihil detrimenti propterea illatum. Nobilis, si a parentibus furti causa captus est, custodiæ

1092.

tradebatur: in Clericos minoris furti reos, magistri virgis domi animadvertabant, maioris autem furti notatos, episcopi gradu suo dejectos, iudicibus tradidere. *a)* Perinde graviter in cædium patratores animadversum. Qui alium gladio jugulasset, carceri mancipatus est, & bona illius trifariam divisa, ex his duæ partes cognatis jugulati tributæ, tertia filiis, & uxori cædem patrantis relicta est, si bona tanti non fuere, libertatem amisit. Nobilis, vel miles, domum alterius Nobilis invadens, si, pugna commissa, uxorem illius flagellasset, duas omnium, quæ habebat, partes amisit, tertia uxoris, & prolium erat, si tantum non aderat, ut trifariam dividi posset, raso capite per forum publicum ductus, flagellisque cæsus, ac demum venditus est. *b)*

VII. Ut autem regia mandata univérse inviolata manerent, pœna pro varia hominum conditione statuta est; episcopis iudicio regis dictabatur, Comites, & Centuriones, præter amissam dignitatem, quinquaginta *pen-sas* solvebant, totidem milites, sive Nobiles, si quid adversum egissent, neve excusationi locus esset, quasi mandata regia sero nimis ad provincias perferrentur, cursores placuit constituere, quibus obvio cujusvis equo, præter

---

*a)* Lib. 2. Decr. capp. 1. 2. 6. 9. 12. & 13.

*b)* Decr. l. 2. c. 11.

ter eorum, qui ad episcopi, vel Comitis curiam ibant, sed non ultra tertiam villam, utendi facultas data: qui cursorem, injecta in fratrum manu, retardasset, decem, qui verberasset, quinquaginta penfas numerare coactus est. a)

Judiciorum quoque paulum alia, quam quæ ante erat, ratio præscripta. Hæc, quemadmodum fere in aliis Europæ ditionibus per id tempus obtinebat, ut plurimum in candentis ferri, vel aquæ ferventis periclitatione, coram tribus testibus, juramento obstrictis, sita erat. Inter judices primas tenebat Palatinus, dum in Curia regia erat, extra hanc solum in eos, qui ex genere *udvornicorum* fuere, quæstionem habere ei licuit, indultum quoque, ut sponte ad se venientium lites discernat, alioquin si contra fecisset, quinquaginta quinque pensæ solvendæ erant: nec duces militiæ, vel Comites parochiani, aliis, quam qui eis suberant, jus dicere ausi sunt. Inferioris ordinis judices arctiori lege tenebantur, qui causam ultra triginta dies cognoscere distulisset, vapulabat, falsam vero sententiam ferens, duplum illius, de quo lis agebatur, reddere, & decem præterea penfasolvere debebat. b) Diem dicere, Sigilli mis-

Q 2

sione,

a) Decr. l. 3. c. 3.

b) Ibid. c. 23. & 24.

1092.

sione, moris fuit, idque solum ex lege Bajaziorum, quam sub Petro Hungariæ inductam, memoratum est, reliquum fuit. Qui, exceptis, Clero, & Comitibus parochianis, illo viso, judici non paruit, persolutis quinque penhis, causa cecidit; idque toties, quoties vocatus venire renuisset: judicis Sigillum negligenti, centum nummi erant pendendi, si tertium id fecisset, amissa causa tonsus est. a)

Ad hæc, cum per frequentia bella, equi jam rarefcerent, & pacis tempore magnam eorum copiam, quod celeritate, & durabilitate exteris præstarent, mercatores e regno eduxissent, nec minus ob boum paucitatem res agraria negligeretur, edictum omnibus est, ne equum, vel bovem in regni confinio vendere, emereve audent, fas tamen esset, equum expeditioni bellicæ, & boves colendis agris necessarios comparare: qui contra edictum vendendos equos sine regis venia ad limites adduxissent, iis amissis in carcerem, furum instar, conjecti, & Comites, qui id dissimularent, dignitate, custodes autem limitum libertate privati, & qui his præerant, rerum omnium amissione puniti sunt. Eos, qui aliunde in Hungariam equorum, aliarumque rerum emendarum causa venire, ad regem adduci oportuit, a quo, quid, quantum

ve

---

b) Ibid. c. 26.

ve fas effet emere, præscriptum, nec tamen, obtenta etiam venia, hoc iis integrum erat, nisi, quem rex adjunxerat, testis adesset. a) Atque hæc, quæ ad civilem institutionem pertinent, præcipua legum capita fuere.

VIII. Parta domi, forisque quiete, cum Germania interim factionibus scinderetur, neque auxiliares copiae, quas ante Imperii Principibus subsidio se missurum promiserat, peterentur, ipse expeditionem, ad quam se olim voto obstrinxit, b) in Palæstinam suscipere cogitabat. Confirmabat illum in proposito Petrus eremitæ ex ea relictus, qui regum aulas oberrans, miro omnes studio ad perfectionem incendebat. Ipse Pontifex Urbanus II. partim litteris Patriarchæ Hierosolymitani, partim Imperatoris Byzantini regatu, motus, cum alias ob causas, tum, ut Christianis barbarorum iugo pressis succurreretur, Concilium sequente anno Placentiam indixit. c) Angli, & Franci omnium primi, soluto Concilio, necessarios ad hanc expeditionem

1093.

1094.

Q 3 — — — ap.

a) Decr. l. 3. capp. 15. — 18.

b) Biogr. apud hagiogr. Tom. V. Jun. ad d. 127.

c) Quidam hoc Concilium ad sequentem an. locant, Chron. Malleacense vero apud Coletum Coll. Concilior. Tom. XII. col. 826. ad an. 1094. Similiter Cod. Lamberti Atrébat. episc. apud Baronium.

1094.

apparatus fecere, &, quia Græcorum etiam causa, major itineris pars terra, quam mari, conficienda, ac per Hungariam eundum, erat, quo tutius, commodiusque id fieret, missis oratoribus, Ladislaum, qui armorum gloria apud externos inclaruerat, profectionis Ducem designarunt. a) Hoc ille tamen honore frui non potuit. Cum enim in Bohemiam ad sopienda dissidia, quæ inter Conradum

1095.

Ducem, ejusque cognatum orta erant, movet, in itinere morbo correptus, cum se ad extrema deduci sentiret, secundum Ecclesiæ instituta rite procuratus, in ipso reditu IV. Calendas Augusti obiit. b) Quo doloris sensu nuncium de ejus obitu in regno acceptum sit, illud indicio esse potest, quod Natio luctum sibi in triennium indixerit. Corpus Varadinum deductum, & in Ecclesia Beatæ Virginis, c) quam, adjecto Sacerdotum Collegio, crexerat, conditum est, prodigiisque deinceps illustratam.

Si

a) Laudatus supra biogr. apud eosd. T. eod. & Thurocz. Chr. P. II. c. 59.

b) Idem l. c. annalista Saxo, & Hildesheimens.

c) Ad discrimen Ecclesiæ Cathedr. dicebatur: *Mariæ minoris*, vel *juxta portum*, nempe fluvii Cryfii. apud Pray epist. exegit. in disputation. Ant. Ganoczy, p. 109. — 113. eratque Ecclesia Collegiata. & in castro condita, ut patet



Si res gestæ illius abhinc, quam inita cum Sa-  
lomone concordia, regnum jure adiit, specten- 1095.  
tur, Princeps erat, qui ut corpore, statura enim  
& externa specie omnibus eminebat, ita animi  
dotibus ad regendum, suos quoque post Ste-  
phanum decessores longe anteivit, quorum  
plerique cum fere omnia ex suo, & assentā-  
torum ingenio agerent, regnumque externis,  
& intestinis bellis involverent, id ille, insti-  
tutorum Stephani mēmor, reducto pristino  
more, curas rei publicæ cum Optimatibus,  
quos ætas, & confirmata usu ipso prudentia  
commendaverat, parvitus, domi pacatum adi-  
tionibus auxit, & adversus exterorum, im-  
primis Henrici Cæsaris, & Pontificis præsum-  
tam opinionem, quin sibi propterea quidquam  
cum Germanja negotiū conficeret, aut de ob-  
servantia in Pontificem à se desiderari patere-  
tur, tutum præstitit, juris sui regis non minus,  
quam regni defensor, & vindex.

Q 4

Uxō-

---

patet ex Collect. decimæ Pontificæ sub Carolo  
Roberto, apud Pray cit l. p. 110. &c. Atque  
hic ille Conventus Varadien. est, cujus men-  
tionem facit, ritus explor. verit. &c. pag. 264.  
— 68. Inde error illorum ortus, qui episco-  
patum Varadien. Ladislao conditori tribuunt.  
Vid. Pray Hierarch. Hung. P. II. pag. 128. &c.

1095.

Uxorem habuit a) nomine Adelhaidem,  
 b) Rudolphi *Anticæfarts* filiam, c) ex qua Co-  
 lomannum, d) Pyrifcam, seu Prifcam, Joan-  
 ni Comneno orientis Imperatori, Græcis *Ire-  
 nen*

a) Domestica Chronica cœlibem fuisse memorant,  
 ipse tamen rex conjugem se habuisse testatur  
 apud Pray Hierarch. Hung. P. I. pag. 272. *In  
 prædio Merena, quod uxor nostra concessit —  
 & aq̃tra voluntate. &c.*

b) Hoc nomen ei lapis sepulcralis Veszprimij Sec.  
 XV. adhuc profans, sed in *Olhayt* detortum,  
 tribuit. Vid. Pray Dissert. de S. Ladislao pag.  
 93. Magis sincere id rex Emericus in dipl. an.  
 1204. exprimit: *cum in prædio quodam, no-  
 mine Merena, quod gloriosa regina Adulhayt,  
 uxor videlicet bene memorie regis Ladislai  
 Ecclesiæ B. Michaelis de Veszprimio contulit. &c.*

c) Pray c. I. pag. 91. & Dan. Cornides geneal.  
 reg. Hung. pag. I. seq. existimabant: fuisse fi-  
 liam Bertholdi Zaeringensis, sed errorem dete-  
 xit Celf. S. R. I. Princeps, & Abbas S. Blasii  
 in *Silva nigra*, edito opere de Rudolpho Sue-  
 vico &c. & pag. 133. luculente evincit, hujus  
 Rudolphi filiam fuisse.

d) Id antiquissima Nota hist. Salonitanæ T. III.  
 Script. rer. Hung. pag. 634. testatur his ver-  
 bis: *Colomannus filius Wladislavi regis Hung.  
 stans in regno, loco patris sui.* Adde Dan.  
 Cornides geneal. reg. Hung. c. 5. & 6.

nen dictam, a) tum Sôphiam, primum Ulrico Carentanorum, postea Magno, Saxonum, Ducibus, nuptas fufculit. Colomannum adhuc vivens fuccefforem regni designavit, b) cum ut jus hæreditatis, Majorum fâctione pragmatica conflitutum, fed cujus ordo partim inteflinis motibus, partim ipfius etiâ. familiæ regiæ immodica ambitione perturbatus erat, ftabiliret, tum, ut eo ftabilito, anfam regni Ordinibus præcideret, deinceps in partes difcedendi, regnumque, quod propterea in aditu mifere convulfum reppererat, a fuo obitu tranquillum relinqueret, c)

1095.

CO-

---

a) De hac Cinnamus hift. l. 1. ita: *quippe tam uxorem duxerat Joannes (Comnenus) Bladislabi filiam Eirenen. &c. de Sophia autem teftis eft monachus Weingartens. apud Leibnitz T. I. pag. 785.*

b) Hinc fabellam illorum facile refellas, qui illum antea epifcopum Varadienfem, vel Agrienfem faciunt.

c) De Ecclefia perinde, ut de regno, bene meritus. Nam præter epifcopat. Zagr. conditum, & Collegiatam Varadini, ut dictum, Ecclefiam, auxit dotem Eccl. Vefzprimien. Pray Hier. P. I. pag. 265. & fundavit Abbatiam S. Egidii. Idem Diff. de S. Ladislao pag. 47.

---

## COLOMANNUS.

*Ab anno 1095. — 1114.*

---

1095.

**I.** Peracta Varadini parentatione, tameti-  
jam designatus successor fuerit, rursus tamen  
corona incinctus est, quod postea, quoties filii  
vivi patribus coronabantur, in morem abiit.

---

1096.

a) Vix regni possessionem adierat, cum pro-  
fectioni in Palæstinam, quæ vivo Ladislao  
decreta erat, ex variis Europæ partibus ini-  
tium datum. Quinque agminibus, alii post  
alios, Hungariæ appropinquabant. Primum  
Gualterus ductabat, qui impetrato libero com-  
meatu ingressus, postquam transmissis Savo ad  
Moravam fluvium, venisset, ob rapinarum  
licentiam, primum ab Hungaris, mox, supe-  
rato Morava, a Bulgaris male habitus, ægre  
in

---

c) Colomannum domestica Chronica tam defor-  
mem pingunt, ut monstro similior, quam ho-  
mini, fuisse videatur. Pilosum enim, luscum,  
gibbosum, claudum blasumque fuisse perhibent,  
Albericus contra, decretorum regis compila-  
tor, & Godofredus Abbas Zoborienfis, qui il-  
lum norant, nihil istorum sciunt, quin potius  
eum collaudant, apud Cornides geneal. reg.  
Hung. pag. 103.

in Thraciam evasit. Hunc Petrus cum secundo agmine consequutus, & a rege liberaliter acceptus est, sed tantæ multitudini regendæ impar, cohibere suos non potuit, quin, ubi ad Malevillam ventum est, cæsis quatuor Hungarorum millibus, urbeque direpta, cladem primo agmini illatam ulciscerentur, metu tamen subsidiorum, quæ rex suis miserat, Nissam fuga se subduxerant. Turpius tertium agmen, cui Godescalcus præerat, se dedit. Abusi, quæ eis data erat, emendi licentia, passim cædibus, rapinis, & violatis aliorum thoris, per iter grassati, ut Belgradum venire, specie Legationis ab Hungariis delusi, maximam partem cæsi sunt. Rex latrocinantium magis, quam peregrinantium mores execratus, quartum agmen, quod ad Mezeburgum, hodie verisimiliter, Ovarinum, confiterat, ultra proficisci vetuit. Id illi injuriam suam interpretati, urbem obsidere parabant, cum advolantium Hungarorum metu perterriti, in fuga plerique trucidati, regnoque exacti sunt. Quintum agmen, quod mente Augusto Godefredus Bullionius adduxerat, aliorum exemplo admonitus, cum itineris rationem, missa Legatione, datisque obsidibus jam multo antea iniisset, non modo liberum aditum, sed rerum omnium, qua ibat, copiam a rege obtinuit, qui, ne quid injuriarum suis per iter inferretur, cum exercitu Ducem

1096.

comitatus, ubi ad regni limites ventum, ob-  
sides secundum datam fidem, Duci restituit.<sup>a)</sup>

II. Interea, dum cruce signati Hungariam  
fere inundabant, & rex, ne quid detrimenti  
regno per eos inferretur, militiam domi va-  
riis locis dispersam servare cogeretur, Croa-  
tæ temporis opportunitate usi, Petro quodam,  
qui Bani dignitate inter illos eminebat, Duce,  
res novas moliri cœpere. Cum Almus resi-  
stendo impar esset, & periculum ipsa mora  
videretur crescere, Colomannus accelerato  
itinere in Petram profectus, eo in pugna cæ-  
so, non solum, quod ex mediterranea Croa-  
tia amissum erat, recuperavit, sed maritimam  
quoque, in qua Belogradum, portu opportu-  
no situm erat, in potestatem redegit. Con-  
specto mari, unoque velut obtutu, quæ inde  
commoda regno olim accedere possent, com-  
plexus, reliquam quoque ditionem, si iusta  
causa se offerret, adjicere, in animo consti-  
tuerat. Id Veneti, qui se maris Adriatici do-  
minos ferebant, & honorabili titulo Ducum  
Dal-

---

a) Wilhelmus Tysen. archiepiscop. hist. L. 1. c.  
18. & l. 2. c. 1. Bernardus Thesaurarius apud  
Muratorium script. rer. Ital. Tom. VII. pag.  
671. & seq. Petrus Tudebodus, apud Du Che-  
ne, script. rer. Francic. Tom. IV. pag. 777.  
& seq.

Dalmatiæ, ac Croatiæ a) utebantur, subodorati, ut tam potentem vicinum, bellique cupidum alibi occuparent, facile regi persuaserant, possessionem maritimam non satis ei tutam fore, nisi Nortmannos, qui hæc litora crebro infestabant, junctis secum viribus, ab hujusmodi incursionibus cohiberet. Assensus

1096.

- a) Titulo hoc primus omnium usus est Phaledro an. 1094. apud Muratorium script. rer. Ital. Tom. XIV. pag. 254. *Vitalis Faletro de divinae gratiae largitate, Venetiæ, Dalmatiæ, & Croatiæ Dux, Imperialis Protosebastus*. Sed quod ad *Dalmatiam*, & *Crodtiam*, attinet, titulus solum usurpatus, non item a Græcis concessus, erat. Luculente id firmat Anna Comnena, in *Alexiade*, seu patris sui historia l. 6. pag. 129. edit. Venetæ. *Duci Venetiarum*, ait, post relatam de Nortmannis victoriam, *Protosebasti dignitatem cum congruo censu annuo contulit*. Nihil præterea. Obtinuit autem ab Alexio Comneno Imp. dignitatem *Protosebasti* an. 1084. qua plures deinde Duces uti cœpere, sed solum ad dies vitæ, ut Sansoninus hist. Ven. l. 11, testatur, sine *Dalmatiæ*, & *Croatiæ* titulo, quo aliqui postea uti sponte desierunt, ut videri potest in libro Venetiis an. 1564. edito, hujus tituli: *Volumen statutorum, legum, ac jurium D. Venetorum*, pag. 2. — 141.

1096. ~~\_\_\_\_\_~~ sus utili, ut ad speciem videbatur, consilio, percussoque fœdere, partem suorum militum navibus Venetorum impositam, transfretare in Apuliam passus est, qui captis Brundisio, & Monopoli, relictoque in iis præsidio, post trimestre victores rediere. a)

## III.

b) Dandulus Chron. c. 10. p. 11 apud Murator. Tom. XIII. & Laurentius de Monacis Chron. l. 5. item Thurocz Chron. P. II. c. 62. Mira hac occasione, de icto inter Colomannum, & Venetos fœdere, Lucius de regno Dalm. l. 3 c. 3. in hæc verba refert: *in fœdere inter Colomannum, & Venetos — icto, — cautum, ne ob Dalmatiæ titulum, quem Veneti Duces jam usuceperant, uti Dalmatiæ iusti possessores — ulla quæstio moveretur, donec fœdus duraret, ne ob inane tituli nomen communis defensio posthaberetur.* Verum de hac cautione nec Dandulus, nec de Monacis, quidquam memorant, patet tamen hinc, Venetos metuisse, ne Rex, occupata Croatia maritima, sensim etiam animum ad Dalmatiam adjiciat. Ceterum, si Veneti erant *iusti possessores Dalmatiæ*, non erat sumtus ab ea titulus *nomen inane*; vel si erat *nomen inane*, Veneti hactenus ad ætatem Colomanni non fuere *iusti possessores Dalmatiæ*. Alterutrum enim consequi necesse est. Sed de jure Venetorum in Dalmatiam alias sæpius.



III. Occupata maritima Croatia, rationem de ea conservanda &, si occasio esset, 1097.  
 proferendis quoque illius limitibus, diligenter secum inibat. Græci terra vicini, Veneti sinu Adriatico quidem sejuncti, sed mari potentiores Græcis erant. Utrunque igitur, si aliquando ditionem hac parte latius proferre vellet, hostes sibi paratos videbat, quibus ut mari etiam par esset, nam Croatæ chelindris solum, & myoparonibus utebantur, de parando sibi amico, & armorum socio, qui classe potens esset, sollicitus erat. Proximi trans Adriaticum Nortmanni, maritima Apuliæ littora, & Siciliam colebant; præerat his Rogerius, bello navali cum Græcis, & Venetis, ad Dyrrachium alias inito, celebris. Hunc sibi fœdere conciliandum statuit. Erant ei, filiæ duæ, Emma, & Bussilla, illa Roberto Arvernix Comiti nupta, hæc adhuc virgo. Hanc sibi, missa Legatione, cui Harduinum Jaurinensem episcopum præfecerat, conjugem petiit. Non abnuit Rogerius, sed, an res serio ageretur, dubitans, nec enim captæ ab Hungaris anno superiore Brundisium, & Monopolis animo exciderant, ipse quoque Legatos suos in Hungariam misit, quos ubi firmatis juramento a se, Almoque, & Ordinibus regni, nuptiarum pactis, liberaliter donatos rex dimisisset, sponsa cum splendido comita-

tu ad portum Belogradensem, a) tum in Hungariam mense Majo adducta, regi, constituta dote, in manus venit. b).

1099.

IV. Celebratis nuptiis, &, remisso, qui sponsam adduxerat, cum sociis, Lescastrensi episcopo, ne amoribus novæ conjugis irretitus rem publicam negligere videretur, Bretislaum Bohemiæ Ducem in regni limitibus convenerat, & datis, acceptisque mutuo numeribus, foedus utriusque ditionibus opportunum, cum eo instauravit. c) Convocato dein anno sequente, episcoporum, & Optimatum concilio, leges a decessoribus latas secundis curis cognosci, partim etiam illustrari, &, sicubi severiores essent, quam ut Nationi ad Europæos mores magis jam consuefactæ, vide-

1100.

a) Malaterra coævus, apud Muratorium Tom. V. L. 4. c. 25. de comitatu sponsæ: *qui navibus apparatis, puellam cum multis sponsalibus, — velis vento commissis, — per æquora feruntur, usque dum in portum Albæ, qui JURIS REGIS Hungarorum est, impune applicant. Hic Vincurius, Comes Beligratæ missus cum 5000. armatorum obvius fuit, eamque — ad regem perduxit. Per totam Pannoniam nuptiæ regis præconizantur, &c.*

b) Id. ibid.

c) Cosmas Pragen. apud Mencken Tom. I. col. 2079.

derentur congruere, mitigari, vel antiquari penitus voluit. Quæ ad præsens argumentum 1100. pertinent, huc fere redeunt. Cum arduum fuerit, ex diversis regni provinciis curiam regalem pro lite decernenda semper adire, placuit, synodale iudicium in quovis episcopatu semel, iterumque quotannis, initio mensis Maji, & in fine Septembris celebrari, quo Comitibus, aliisque magistratibus comparandum erat. Hic lites eorum, qui ad Regis, & Ducis aulam spectabant, Comitum quoque & Abbatum a Synodo, eorum vero, qui dignitate his minores erant, a iudice inferioris ordinis cognoscebantur. Vetitum etiam, ne profanus Clericum sigilli missione in iudicium vocet, sed, si huic cum illo res esset, ad iudicem ordinarium, sin vero illi cum Clerico, ad episcopum causæ cognitio pertineat. Si rex in Comitatu adesset, duo iudices provinciales, dissensionem populi, si quæ esset, componant: qui litem in Synodo judiciali, semel, iterumque, ac tertium non finisset, ne prorogatio in alterius damnum vergat, porro audiri prohibitus est. Iudicium ferri candentis, & aquæ ferventis, solum ad sedes episcoporum, & Præposituras majores, ut Posonienſis, & Nitrienſis erant, restrictum. a)

Pos.

---

a) Decr. 1. 1. c. 1. & 2. — 64.

1100.

Pœnas quoque pro criminibus plectendis, hactenus a decessoribus statutas, temperare visum est: delicta ut plurimum vel numerata pecunia, vel arbitrio episcoporum castigabantur. Membrorum item mutilatio abolita, nisi fur sceleris convictus fuisset, tum quidem oculis privatus est, & uxor, si conscia fuit, una cum filiis, si quindecim annos superabant, in servitutem redacta. Mancipiorum, servorumque conditio, aliquantum a priore, lenior reddita: servum gente Hungarum, aut in Hungaria natum nefas omnino fuit, vendere: &, ne regnum incolis destitueretur, cautum, ne quis sine sigillo Comitis telonio præfecti, limites egredi audeat: Judæis mancipium Christianum, ob perversionis periculum, ne quidem ad colendos agros, aut ab obsequio domestico, habere concessum: Ismaelitis, erant hi hominum aliunde venientium, & sectæ Mahometanæ addictorum coluvies, graviter vetitum, filias viro suæ gentis, sed Hungaro, nuptui collocare, ut viro- rum consuetudine sensim ad religionem Christianam adductæ, parentibus ad eandem amplectendam incitamento essent; qua de causa eisdem imperatum, ut in quavis villa Ecclesiam ædificent, eique dotem constituent, qui, hac ædificata, pergerent a carne porcina abstinere, & ablutione corporis, ceterisque sectæ suæ ritibus uti, ab aliis extra villam

se-

recernantur. a) Hæc religionis causa, quem admodum & alia ad disciplinam Ecclesiasticam pertinentia, episcoporum rogatione constituta erant. b)

1100.

Quædam etiam de iis, quæ ad bonorum proprietatem, hæredum successionem, & proventus regios spectant, aliter constituta sunt. Jus in fundos a Stephano donatos, utriusque sexus legitimis hæredibus confirmatum; non item in illos, quos alii reges contulissent, horum enim proprietas solum ad filios, qui si deessent, ad defuncti germanum fratrem, huiusque filios pertinebat, si autem fratre careret, ad regem rediit. Hæc in avitis bonis servata ratio: de iis autem, quæ precio comparata erant, si emtionem legitimo testimonio firmaret, libera cuivis disponendi facultas

R 2

tas

---

a) Decr. l. 1. Capp. 46. 47. 48. & 56.

b) Ex his præcipua sunt: ut Presbyteri bigami, aut viduarum, vel repudiatarum mariti, ab officiis divinis removeantur; nec fas sit episcopis, conjugatos sacris Ordinibus initiare, nisi uxoribus consentientibus, & castitatem voventibus. Præterea, ut matrimonium in Ecclesia, præsentem sacerdote, testibus, & consensu partium iniretur, alioquin irritum esset. Itaque matrimonia clandestina bene quadringentis annis ante Concilium Tridentinum, in Hungaria jam prohibita erant.

1100.

tas permissa. Ecclesiis quoque, & monasteriis bona, a quocunque rege collata fuissent, integre relictas, piscinas solum superfluas adimere libuit. a) Ad proventus regios, præter tributum fori, quod jam a condito regno univèrse constitutum erat, reddituum in quovis Comitatu duæ partes regis, tertia Comitum parochianorum, in suo, cui præerant, Comitatu, fuit: Colligebantur autem centuriatim, & Strigonium ad III. Calendas Octobres deferrebantur: si quis, quod tribuendum quotannis erat, non præbuisse, duplum præstare debebat. b) Iisdem Comitibus, præsertim qui

li-

a) Lex pro piscinis habet *pistrinas* errore scribarum. Re enim vera, legendum est, *piscinas*. Hoc autem nomine subaudi, piscationem præsertim acipenserum, five Husonum, quæ erat juris regii, ut patet ex litteris Andreæ II. an. 1223. præterea, ait illic, *renovamus confirmantes donationem S. Stephani monasterio S. Martini, secundum quod inspeximus in serie privilegii regis Geisæ, quæ in temporibus Colomanni, & filii sui Stephani regum subtracta fuerunt, sed Geisa rex, intuitu divinæ remunerationis restituit plenarie, videlicet, tertiam partem Husonum, qui capiuntur Geurini, in pertinentiis ad Comitatum, & regiam dignitatem &c.*

b) Decr. I. 1. c. 79.

limitaneis provinciis præfecti erant, mandatum, ut, si famam, quæ momenti alicujus esse videretur, e vicinia afferri, & crebrescere audirent, mutatis quater equis, etsi hoc cursu perire contingeret, regem celerrime edoceant, quo mature, si quid periculi subesset, regno consuli possit. a)

V. Dimisso Concilio, rursus ingens cruce signatorum numerus Hungariæ appropinquare ferebatur. Res prospere ab iis, qui primi in Palæstinam profecti sunt, gestæ, plurium animos concitabant. Alii per Carinthiam, per Austriam alii progressi, ubi emensa indultu regis pacifice Hungaria, Bulgariam attigerant, partim ab incolis, partim a Græcis, qui Palæstinam Latinorum viribus sibi asserendam putabant, male mulctati, ægre, iique paucissimi Hierosolymam pervenere. b)

Rex his digressis, ob novas Croatarum molitiones, procurato exercitu, ad Dravum, a quo non longe ipsi etiam suas copias habebant, profectus, rem primum prælio experiri cogitabat, salubriore tamen postea con-

R 3

filio

a) Ibid. c. 36. si magna fama Marchiam intraverit &c. Marchiam aliqui erronee in monarchiam convertunt. *Marchia* enim medio ævo limitem notabat.

b) Conradus Urspergensis ad an. 1101. & Albertus Aquensis l. 8. c. 34.

1102.

filio usus, missa legatione, animos illorum pertentandos censuit. Accepta est præter spem, a primoribus duodecim Tribuum liberaliter, qui non multo post, inito communi consilio, se regi his pactis dedidere: ut cuius res suæ salvæ, integræque maneant, nec ullo censu obstringantur, in cuius loco, si hostes Hungariam invaderent, & rex posceret suppetias, quælibet generationes Tribuum, decem armatos equites in bellum profecturos mittant, qui usque Dravum propriis, ultra hunc autem regis sumtibus alerentur, nec ante eis fas sit a signis discedere, quam bello finis esset impositus. b) Prospero hoc eyentu incitatus, copias Spalato admovit, misitque in urbem nuncios, qui, ut cives sponte se dedant, peterent, nisi facerent, vastitatem agrorum, & urbis ruinam minarentur. Illi obfirmato quidem animo defensionem parabant, sed, ubi viciniam flammis collucere viderunt, suasu Crescentii episcopi deditionem fecere, pactisque initis, & juramento firmatis, se posterosque suos, in regis, ejusque successorum Hungariæ regum fide mansuros polliciti sunt. Spalatenium exemplo, Tragurienfes, & Iadrenses se paulum post regi quoque subdiderant, quibus postquam immunitates suas confirmasset, regio diademate Belogradi incin-

---

a) Archidiac. Spalatens. hist. Salonitanæ p. 635.



einctus, sumtoque regni Croatiae, ac Dalmatiae titulo, utrumque regnum juri Hungariae. asseruit. a) Arbam quoque, sed irrito conatu, tentavit, cum jactura rejectus, quam sequentis tamen anno, occupata Rama, seu Bosnia, cujus titulum ceteris quoque adjece- rat, b) cum spemque refarsit. Haec, ut acces- sione utriusque regni ob maris, & commercii opportunitatem, Hungariae magnopere com- modabant, ita, quod Venetis in Palaestina absentibus gesta fuissent, serius dein inter re- ges, & Venetos frequentem litibus occasio- nem dedere, quod hi jus in Dalmatiam, & Croatiam, ex permissione Basilii, & Con- stantini Imperatorum Orientis, c) tum ex do- no Alexii Comneni bulla aurea roborato, jam

R 4

multo

a) Archidiac. Spalatens. l. cit. pag. 556. & Lu- cius de regno Dalm. & Croat. l. 3. c. 3.

b) Farlati Illyr. Sacr. T. V. pag. 223. & Luc. l. cit. l. 6. c. 4.

c) Dandulus Chr. l. 9. P. 15. & 16. & Lauren- tius de Monacis Chron. l. 4. sed utrumque er- roris convincunt documenta Dalmatica apud Lucium, *Memorie istoriche di Tragurio, ora detto Trau* pag. 192. — 94. quae Dalmatiam & Croatiam annis 908. & 986. Graecis paruisse testantur, quemadmodum serius, etiam ad an. 1067. ut videre est, apud Lucium de regno Dalm. & Croat. l. 2. c. 8. 9. 15. &c. Abhinc autem re-

ges

1103. multo ante se habuisse prætulerent, d) ut;  
cum eo ventum fuerit, memorabitur.

## VI

ges Croatiae rerum potiebantur, ut diplomata, quæ longum esset exscribere, apud Lucium si-  
dem faciunt.

- a) De bulla aurea Alexii Comneni: Scriptores Veneti crebrò quidem memorant, sed nunquam, quod sciam, in apertum produxerunt. Scriptores Græci contra nihil de donata Dalmatia norunt. Juvat Annam Comnenam, Alexii illius, ad quem se Scriptores Veneti referunt, filiam audire. Hæc sunt illius, Alexiados lib. 4. *Venetos quoque — concitare adversus Robertum (Nortmannorum Ducem) studuit (Alexius) oblatione, promissioneque donorum, ab eis contendens, ut nauticum omnem suum apparatus quamprimum educerent — Dyrrachiumque peterent, — pugnamque navalem cum Roberti classe committerent, certis sibi in quovis eventu suis præmiis — eadem se representaturum, quæ polliseretur. Quod si quæ præterea superent, quæ salva republica concedi possent, facillimum in annuendo se futurum, concessionibusque firmitatem æternam bullarum aurearum expeditione adjuncturum. Quis autem sibi persuadest, Dalmatiam, & Croatia, salva re publica, potuisse Alexium Venetis donare? Post obtentam autem Venetorum de Roberto*

VI. Redux e Dalmatia, ductaque post **1104.**  
*Buſſilæ* mortem *Predeſlava*, Principis Ruſſiæ  
 filia, eaque dein ob filium Borichium ex  
 adulterio ſuſceptum, magnasque olim tur-  
 bas in Hungariâ daturum, repudiata, ite-  
 rum in Dalmatiam ob Jadrenſium defectio-  
 nem proficiſci coactus eſt. Cum urbem fru-  
 ſtra obſidione premeret, maluit cives be-  
 nivolentia, quam vi, ad officium revocare,  
 quod non inanis ſuſpicio eſſet, eos non tam  
 ſponte ſua, quam Venetorum ſubornatione;  
 obe-

victoriam, ſubjungit Anna lib. 6. Ducem Ve-  
 netorum titulo Protoſebaſti, & annuo cenſu  
 fuiſſe ab Alexio donatum, Melphenſium, qui  
 Conſtantinopoli erant, officinas feciſſe vecti-  
 gales Eccleſiæ S. Marci, præter magnas;  
 ut addit, *immobilium largitiones tum Conſtan-*  
*tinopoli, tum Dyrrachii, tum ubicunque ali-*  
*bi illi petierunt, quodque maximum omni-*  
*um fuit, mercimonia ipſorum cuncta, quo-*  
*vis portorio, aut vectigali decrevit immunia*  
*in omno tempus eſſe in cunctis Romanæ ditio-*  
*nis locis.* Dalmatia, & Croatia certe inter  
 res immobiles ſunt, atqui neutrius inter *largi-*  
*tionem* uſpiam fit mentio, nec libera merci-  
 monia fuiſſent omnium maximum, ſi Dalmati-  
 am, & Croatiam Venetis donaſſet, cum due  
 regna ſemper pluris æſtimanda ſint, quam li-  
 bera mercimonia.

1105. **obedientiam detrectasse. Valuit, quo hactenus bone semper eventu usus est, consilium, propositæ civibus honestæ conditiones sunt, iisque utrinque firmatis, Urba, interprete Tragurienti episcopo, in fidem recepta. a) Arbenfes quoque, quos prius frustra tentaverat, & nunc quoque urbem cum insula strenue tuebantur, viso Jadrensi exemplo, regis potestati se permisere. Ita omni Dalmatia cum insulis potitus, se dominum maris Adriatici ferebat. b)**

1106. **Has armorum progressionibus, simultas inter regem, & Almu Ducem, qui illo absente in Germaniam se subduxerat, impontuno plane tempore intercepti, mox tamen regi conciliatus, in Hungariam rediit, tametsi concordia haud diuturna esset, quod alter alteri insidiari, assentatorum mendaciis circumventi, sibi persuaderent. c) Itaque Almus securita-**

---

a) Archidiac. Spalaten, l. cit. pag. 556. Lucius de regno Dalm. l. 3. c. 3.

b) Farlati Illyr. sac. Tom. IV. pag. 313. & Kerchels Notit. prælimin. pag. 114.

c) Thurocz Chron. P. II. c. 60. Aliqui renunciationem investituræ episcoporum ad hunc an. referunt, illis epistolæ Paschalis II. ad Colonicensem, ut creditur, archiepiscopum datæ verbis: *quid super episcoporum translationibus loquar, quæ apud vos non auctoritate Apostoli-*  
li.

tatis causa, rursus fuga ad Imperatorem Henricum V. evasit. Et si rex facile intelligeret, quas ille sibi apud exteros turbas posset conficere, non tamen propterea curas stabiliendæ sibi Dalmatiæ posuit. Iterum ad Dalmatinos profectus, urbesque in fide confirmans, Tragarinis immunitates, edito juramento, largitus est. Hæc earum capita erant: cives perpetuo immunes a tributo essent, vectigalium tamen, quæ exteri pendere solent, duæ partes

1107.

1108.

*lica, sed nutu regis præsumuntur? verisimilius tamen videtur esse, epistolam hanc non in Hungariam, sed Angliam fuisse scriptam. Vid. Pray Hierarch. P. II. pag. 14. Si tamen Colomannus investituræ renunciavit, certe successores eam sibi rursus arrogasse conficitur ex verbis Geisæ II. institutionem (ait) videlicet quod depositionem, seu translationem episcoporum non facerent, vel fieri permetterent, confirmamus, & tam in nobis, quam in posteris nostris — inviolabiliter duraturam censemus. — Hæc autem omnia de consilio gloriosæ reginæ matris nostræ, & archiepiscoporum, episcoporum omnium, electorum Præpositorum regaliū, atque Abbatum, Comitum omnium Procerum, & aliorum Principum stabilita, & firmiter corroborata nascantur. Actum Waciz anno 1159. Ex Cod. Ms. Membran. Tabul. Vaticani Num. 2040. f. 56.*

tes regi, tertia Urbis Comiti, & decima episcopo cederet: hujus, & illius optio in populi, confirmatio autem in regis sit arbitrio, Hungarus, exteriusve, jus domicilii ne habeat invitis civibus, quibus, si vellent, cum familia, & rebus alio impune migrandi facultas esset.

a) Morantem adhuc apud Dalmatas, nuncii de Henrico cum exercitu in Hungariam adventante, domum revocarunt. Susceperat Imperator Almi b) patrocinium, & vocato in armorum societatem Svatoplugo Bohemorum Duce, Posonium obsederat, Bohemos vero, ut Hungarorum vires distraheret, interea ditionem inter Vagum, & Danubium incurfare iussit. Sed cum obsidio lente procederet, & Poloni præterea cum Borivorio, quem Svatoplugus antea regno privaverat, in Bohemiam ir-

---

a) Lucius I. 3. c. 4.

b) Annal. Hildesheimen. ad an. 1108. Quidam scriptores Germani, & inter hos annalista Saxo, suscepti ab Henrico belli causam, non tam Almi patrocinium fuisse existimant, quam quod Colomannus fines regni Imp. in locis maritimis invaserit, quod a vero prorsus abhorret. Etsi enim Carolus M. armia in Istriam, & Liburniam protulerit, maritimas tamen Dalmatiæ urbes Nicephoro Orientis Imp. ob amicitiam, & junctum cum eo fœdus, permittit, ut Eginhardus in vita Caroli M. cap. 15. testatur.

irrupissent, pace confecta, & Almo regi iterum conciliato in Germaniam rediit. a) Almus tamen, siue non satis post Cæsaris discessum, regi fideret, & si placabilem huius animum crebro alias expertus esset, siue voluerit omnem de se male suspicandi occasionem vitare, Ierosolymam proficiscendi veniam petiit, & obtinuit. Commodum rex Legatos Constantinopolim missurus erat, qui suo nomine

1108.

pa-

---

a) Otto Frisingen. apud Urstisium Tom. I. col. 621. & Dodechimus ad an. 1108. Ad hunc quoque an. Polonici scriptores Dlugossus l. 4. & Cromerus l. 5. referunt colloquium Colomanni cum Boleslao Pol. rege, quo communes sibi amicos, & hostes fore stipulati sunt, fœdusque affinitate sancitum fuisse, vi cujus Juditha Boleslaj filia Stephano Colomanni filio desponderetur, quæ in dotem Scepusium aquirat. Sed nec Juditha unquam Stephano in manus conuenerat, nec Scepusium unquam ditionis Polonicæ fuisse patet ex dipl. Emerici regis an. 1198. quo decimas terræ Scepusiensis archiepiscopo Strigoniensi his verbis confirmat: *sicut per sanctos reges erant donatæ*: quo nomine cum præcipue Stephanus, episcopatum conditor, præcipue Strigoniensis, veniat, consecrarium est, Scepusium jam sub illo Hungariæ ditionis fuisse, cum decimæ in alieno fundo donari non possint.

1109.

pacificationi inter Alexium Imperatorem, & Boamundum Antiochiæ Ducem, ineundæ, testes adeflent, & pactis conventis subscriberent. a) Cum his profectus, iter porro in Palæstinam pertendit, Rex vero, memor injuriarum, quas Bohemi, dum Cæsar Pofonium obsederat, interamnensi ditioni intulerant, vicissim Moraviam hostiliter invasit. b)

VII. Sed hoc vindictæ genus magis ad irritandum, quam in officio continendum, hostem valuit. Svatoplugus, ut vicem redderet, ipsa sequentis anni hyeme, cum exercitu inopinus ad urbem Nitriam constitit, & succenso suburbio, omnemque late viciniam populatus, ingentem jumentorum, ac ceterarum rerum prædam abduxit. c) Dissimulanda hæc regi erant, curæ Ecclesiarum tam Hungariæ, d) quam Dalmatiæ intento. Hactenus enim ab hac occupata, civium dumtaxat jura, & immunitates partim confirmavit, partim novas indulserat, nunc vero, ut Dalmatiam Hungariæ magis connecteret, non solum privilegia Arbenfis Ecclesiæ, quæ a Crescimiro rege olim obtinuerat, rata habuit, sed reliquas etiam universim Dalmatiæ Ecclesias,

iis-

1111.

a) Anna Comnena Alexiad. l. 13. in fin.

b) Cosmas Pragens. ad an. 1108.

c) Id. ad an. 1109.

d) Vid. Pray, vita B. Margaritæ, Belæ IV. filię pag. 222. S. Stephani dipl. Græcum, & Colomanni Latinum.



hisdem immunitatibus, quæ Clero Hungariæ erant concessæ, uti, præque voluit, & tam Palatini Hungariæ, quam episcoporum, Procerumque utriusque regni testimonio firmari. a) Jam abhinc, quam occupato portu Belogradensi, maritimam Croatiam, & deinde Dalmatiam sui juris fecit, eam animo destinationem conceperat, ut utrumque regnum confimili, quoad fieri posset, legum, ac iurium communione, Hungariæ conjunctum, uni deinceps capiti pareret. Id in causa fuisse videtur, cur Almo, quem Ladislaus regem mediterraneæ Croatiae renunciaverat, Ducatum in Hungaria attribuerit, ipse autem utramque Croatiam cum regio titulo sibi afferuerit. Inde simultatis, & dissidii utrinque origo, cum ille se Ducem ex rege factum, ægre ferret, rex contra majorem boni publici, quam sanguinis, rationem habens, vereretur, ne non Croatia, si huius partem Almo relinqueret, sensimque diversam familiæ regis stirpem conderet, aliquando ab Hungaria penitus avellatur.

VIII. Hoc erat illius in hac regnorum conjunctione propositum, salutare id quidem, & Hungariæ opportunum, nisi id parum humano facinore contaminasset. Almus enim, postquam ex Palæstina rediit, cum ob instabilem ejus indolem, tum ex præteriti temporis, quo Cæsarem, aliosque in se concitaverat,

a) Lucius 1. 3. c. 4.

**1113.** rat, memoria veritus, ne is, a suo obitu rem hucusque adductam interturbaret, filioque successori propterea molestus esset, una cum Bela filio oculis privari, & hunc præterea, ut omnem posteritatis spem tolleret, evirari, claustroque Demesiensi utrumque includi iussit. Obsequuti quidem iussis sunt, quibus id mandatum erat, pueri tamen innocentia, & commiseratione regii sanguinis commoti, postquam oculis utrumque orbarunt, allatis, quos canes exsecuerant, testiculis, regem fecellere.

**1114.** Nec hic sævitia ejus sinit. Morbo lethali oppressus, nova ad capiendum Almu mandata dederat, ne, se defuncto, hic quoque iamjam morituri metus erat, filium successione excluderet. Irritus tamen & hic conatus fuit. Sacerdotes enim ad miseri clamorem excitati, arasque, ad templum enim salutis causa confugerat, amplexantem, ab exitio servarunt, a) non impune id eis futurum, si rex, III. Novas Februarii in medio armorum contra Russos apparatu extinctus, vitam produxisset. b) Feritas, qua in cognatum sanguinem desæviit, ei vitio vertitur, cetera ob insignes regendi dotes, & accessionem regnorum, Dalmatiæ, & Croatiæ, quæ magis oblata per Legatos pactione, quam armis, Hungariæ adjunxerat, laudem apud posteros consequutus.

STE-

a) Thurocz. Chron. P. II. c. 62.

b) Schier regin. Hung. pag. 90.

## STEPHANUS II.

*Ab Anno 1114 — 1131.*

**V**ivido ingenio, sed juvenis admodum, rerumque expers, patri successit. Itaque regni administratio curæ Tutorum, quorum, cum plures sunt, rara quoque animorum concordia esse solet, credita fuit. Veneti, quos Colomannus armorum metu in officio continebat, usi ætate juvenis regis, animum ad occupandam Dalmatiam adjecere. a) Abhinc enim,

1114.

- a) Dandulus contendit, Venetos Alexii Comneni orientis, & Henrici V. occidentis Impp. auxiliis ad recuperandum Dalmatiæ dominium, adjutos fuisse, contra historiæ illius temporis veritatem. Alexio enim in Europa cum Cumanis Græciam infestantibus, & in Asia cum Turcis, plus negotii erat, quam ut id præstare potuerit, & Anna Comnena, ejus filia, Alexiad. l. 14. & 15. nihil prorsus de hoc auxilio memorat. Henricus vero, qui in occupanda Mathildis Comitissæ ditione, occupatus, & mox novis cum Paschale II. Pont. tricis implicitus erat, ipse copias undique, in Italiam profecturus, contrahebat. Recuperari autem illud solum potest, in cujus dominio prius erat, hoc autem

enim, quam ab Alexio Comneno liberum commercium in Græcis ditionibus obtinuerè, magno id eis impedimento erat, quod Dalmatiæ portubus carere debuerint, nec, quem sperabant, mercimonii fructum referre. Comparata igitur classe, Ordelaphus Phaledrus, Dux Venetorum, versus Dalmatiam flexit.

---

1115. Vix in conspectu erat, cum Arbenſes, primi omnium, deditiōem fecere. Inde Jadra intercepta, caſtrum tamen, quod Hungarorum præſidio tenebatur, hoſtis conatum tantisper ſuſtinuit: Spalatrum temeritate Ducis, qui turrim cum Hungaris tuebatur, amiſſum, pauloque poſt caſtro etiam Jadrenſi expugnato, Sibenicum, Tragurium, & Belogradum, de-

---

autem Venetis in Dalmatiam non competiſſe, in rebus Colomanni, monſtratum eſt. Quid quod ipſi Veneti id fateantur. Ipſe enim Ordelaphus an. 1118. apud Lucium l. 3. c. 4. eandem libertatem Arbenſibus confirmat, *quam — antiquitus — ſub Imp. Conſtantinopolitano, & ſub rege Hungarorum habuere, & ſicuti — Dalmatinis Colomannus rex Hung. juravit.* Si Veneti unquam ante Hungaros dominium Dalmatiæ habuiſſent, cum regna vel hæreditatis, vel electionis, aut armorum, pactorumque jure aquirantur, certe inter Imp. Græcorum, & Hung. regem, Venetorum juris in Dalmatiam, mentio interjicienda erat.

deditione in Venetorum potestatem venire.<sup>a)</sup> Ita omnis pene Dalmatia, cum Croatiae portibus, brevi tempore amissa est. Tutores, qui Dalmatiae jacturam, Hungarorum, qui stipendia, isthic merebant, paucitati tribuerunt, expeditionem majoribus copiis in sequentem annum decrevere. Habito igitur delectu, Jadram accelerato itinere ventum, & urbs obfessa. Phaedrus, cognito periculo, rursus instructa classe adfuit, & prope urbem pugnam auspicatus, cum inter primos rem fortiter gerit, caeditur. Ducis casu miles fugatus, in urbem, ne in hostis manus veniret, se recepit. Fama infausti praelii Venetias perlata, Senatum vehementer perculit, & ne quod recens occupatum erat, amitteretur, Legati in Hungariam missi, qui, si pax iniri non posset, inducias impetrent. Confectae sunt in quinquennium, <sup>b)</sup> sed quibus conditionibus, nusquam est proditum, credibile tamen est, Jadram cum Arba Venetis esse permissam, Spalatum autem, & Tragurium cum reliqua ditione Hungaris celsisse, cum Stephanus

1116.

S 2

utri-

a) Dandulus Chron l. 9, c. 11. pag. 17. Laurentius de Monacis pag. 102. Conf. Lucium l. 3. c. 4.

b) Apud Muratorium T. XII. in margine Cod. Ambrosiani.

1116. utrique nrbi octavo post anno, a) immunitates a patre concessas confirmaverit, nec tamen intra hoc tempus arma inter utrosque collata fuisse, quisquam memoret. Veneti, retentam his induciis Jadram in luoro reputabant, quod fixo semel in Dalmatia pede, etiam reliquæ sensim occupandæ, ut eventus docuit, spem non vanam haberent; Rex contra, quamdiu princeps regni urbs in illorum potestate maneret, non satis tutam sibi Dalmatiæ possessionem ratus, elapso induciarum tempore, eam recuperare constituerat, prius tamen, ne quid impedimenti aliunde injiceretur, pristinam cum Bohemorum Duce amicitiam instaurare cupiebat. Convenere, ut condictum erat, in limitibus Hungariæ iusto fere uterque exercitu. Id, quasi alter alteri insidias vellet struere, suspicionem primum ambobus ingesserat, quæ postea in rixam, & hæc in pugnam desit, ex qua pari uterque damno, nulloque alio, præter vastitatem, relato operæ precio, discessere. b)

1117. II. Urebat adolescentem regem iactura accepta, metuensque, ne propterea de se, Tutorum cura jam exempto, non optimam spem

a) Exstat privilegium apud Lucium l. 3. c. 4. annum 1124. referens.

b) Cosmas Pragen. ad an. 1116.

spem sui conciperent, damnum alibi reparare statuit, nullaque hostilitatis causa oblata, in Austriam irrumpens, proximam Leitæ fluvio regionem depopulatus est. a) Hoc successu animum resumens, cum militem opulenta præda jam proniorem haberet, rursus sequente anno Austriam infestus petiit, actisque iterum ultra Leitam spoliis, rediit. b) Leopoldus Austriæ Dux gemina injuria, quin ullam causam præbuerit, irritatus, adscito in armorum societatem Bohemorum Duce, vicissim Hungariam altero anno invasit, eversoque castro ferro, & vicinam ei ditionem igne, ferroque vastans, damna Austriis illata cum foenore pensavit. c) Rex, ut pro ætate juvenili, prospero rerum eventu, sui impotens, ita, dum adversam fortunam experiebatur, animum solebat remittere, brevi post arma pertractus, totum se vagis amoribus dedit, ex uno, in alterum vitium prolapsus. Offensi hac vitæ licentia, regni Optimates, & de servanda stirpe regia solliciti, de conjuge ei du-cenda deliberabant. Delecta est, consentiente etiam rege, Adelhais, Henrici Landgravii Stelphenis, & Burggravii Ratisbonensis filia,

---

1118.

---

1119.

---

1121.

S. 3

Leo.

---

a) Excerptum Rikardianum ad an. 1117.

b) Chron. Austriac. ad an. 1118.

c) Excerpt. Rikardianum Fast. Campililien T.  
pag. 180.

Leopoldi Ducis Austriæ, ex sorore Richerda, neptis. *a*) His nuptiis non solum pristina cum Austriis concordia redintegrata est, sed rex conjugis consuetudine sensim etiam ad frugem reductus, mitioraque consilia amplectens, solertius curam rei publicæ suscepit, & ad eam augendam studium deinceps omne contulit.

1122.

III. Hoc animo cum esset comparatus, pacem cum vicinis Principibus, quos alias infestare solebat, *b*) impensius cepit colere, & benignior in exteros esse. Cumanis, qui prælio cum Græcis in Thracia nuper commisso, victi in Hungariam confugerant, ius civitatis concessit. *c*) In sanguinem quoque Almi Ducis, patre clementior, filiam illius Adelheidem, Sobieslao Moraviæ Duci nuptam, sed viro per fratrem in Germaniam exacto, ad se venientem accepit liberaliter, & pro dignitate habuit. *d*) Præcipue autem de Dalmatia sollicitus, ne Veneti ditionem suam sensim ultra Jadram proferrent, Spalatenibus, & Tra-

1123.

1124.

*a*) Schier Reg. Hung. pag. 100.

*b*) Excerpt. Rikardian ad an. 1117. *Stephanus Hungarorum Rex, omnium vicinorum pacem turbans &c.*

*c*) Thurocz P. II. Chron. c. 63. Marignolus apud Dobner Monumentor. T. II. p. 199.

*d*) Annal. Saxo apud Eckard T. I. col. 653.



gurinis easdem immunitates, quas eis pater concesserat, edito juramento se ratas habere pollicitus, cives in fide confirmavit. a) Impedire tamen non potuit, quin altero anno Saraceni, qui mare Adriaticum piratica infestum tenebant, Tragurium mœnibus nudarent, & pene funditus everterent, jam tum, ut videtur, bellum Russicum, quod pater morte præventus intermiserat, animo complexus. Et oblata ei est non multo post occasio. Jaroslaus, quem Wladimirus Ducatu Kioviensi expulerat, suppetias a rege flagitabat, facileque obtinuit. Bellum ergo in Russiam traductum, ut vindictæ magis studio, quam causæ æquitate cœptum est, ita male quoque desinit. Cum enim ad obsidendam arcem Kioviæ ventum, Ducēs mandata detrectantes, aperte professi sunt, se nequaquam passuros, ut suorum sanguis, exterorum causa, nulloque regni emolumento fundatur, malle se regredi, & si e re publica visum fuerit, regem se electuros, qui hominum sibi subjectorum sanguini norit parcere. Cessit, metu, præquam oportebat, victus, & signa convelli iussit, verum redux tam graviter in autores seditionis animadvertit, ut modum etiam excederet. Almus audita regis severitate, suo quoque capiti metuens, Constantinopolim ad Imperatorem Joannem

1125.

1127.

S 4

Co-

---

a) Lucius I. 3. c. 4.

Comnenum securitatis causa confugit, apud quem pro cognationis jure liberaliter habitus, ad finem vitæ exul permansit. a)

1128. IV. Rex ne profugum quidem sineas quiescere, missa ad Comnenum legatione, ut is finibus Romani Imperii exigeretur, petiit. Id cum negatum esset, bellum Græcis indixit, causam in cives Branizobanos, urbs erat ad Savum sita, quod mercatores Hungaros pessime tractarent, detorquens. Gestum est varia fortuna. Belgradum ab Hungaris captum, & dirutum, ex cujus ruderibus Zeugminum, hodie, ut quibusdam videtur, Semlinum conditum, & vastitas usque Philippopolim prolata. Hactenus quidem ex sententia: verum, postquam Imperator pulsus ex Thracia Hungaris, Istro cum copiis appropinquavit, versa

1129. fortuna est. Rex, qui morbo domi tenebatur, comperto hostis adventu, suos, adjunctis Bohemis, quos ei Wenceslaus Sobieslai nepos adduxerat, b) interea, dum ipse adesset, Septemtrionalem Danubii ripam, ad Chramum castrum in Banatu Temesiensi situm, observare, Græcosque transitu arcere jussit. Imperator bipartito exercitu profectus, cum alibi transitum simulat, & alibi copiarum partem traducit, Hungaros improvise opprimens in

---

a) Cinnamus l. 1.

b) Idem ibid.

in fugam egit, inde Constantinopolim reversus. Illi absentia ejus usi, caësis ad Branizobam Romanis, cladem reddunt, urbemque incendunt, quam Imperator paulum post cum exercitu rediens, instaurari jussit, pugnamque detrectans, militem per abrupta loca reduxit, cavere tamen non poterat, quin Hungari extremum agmen carperent, prædamque excuterent. Postremo, cum Imperatorem non minus, quam regem, sumtuosi, inutilisque belli tæderet, uterque in insulam Danubii condixerant, & pacem post mutuas alterationes pepigere. a)

1129.

V. Bello, quod deinceps Græcis occasionem Dalmatiæ recuperandæ sensim præbuerat, propitia utcunque fortuna defunctus, cum crebrius morbo laboraret, nec ex conjuge hactenus prolem haberet, tollendæ autem spes nulla superesset, incessit quosdam ex Optimatibus, Borsium & Ivanum fuisse, nostri scriptores perhibent, cupido regni invadendi, quod eis a partium suarum studiosis delatum erat. Sed utrumque conatus destituit. Ut primum enim rex convalesceret, criminis convictos, hunc capite plecti, illum in  
exi-

a) Id. ibid. & Choniates. c. 5, Thurocz P. II, Chron. c. 63.

**1180.** exilium agi præcepit. Attentatum rebellio-  
nis facinus, regem de successore mire anxium  
reddidit, de quo dum cum suis deliberat,  
suggestum ei est, Belam Almi filium adhuc  
vivere, & in Pécsvaradiensi cænobio servari,  
a) quo comperto, magna curarum parte le-  
vatus, ad se accersitum, & consortem regi-  
minis declarans coronari iussit. Ne autem in  
hoc, velut unico stirpis Arpadianæ furculo,  
regius sanguis deficeret, de conjugē, quæ &  
viri cæcitatem in administrando regno leva-  
ret, & subnixā potente parentela conatus fa-  
ctioforum a suo obitu retunderet, eidem lo-  
canda circumspexit. Opportuna præ reliquis  
visa est Helena, Urosii Serviæ Principis filia,  
virili animo, & severis moribus prædita, quo  
connubio non solum regiæ propagini, sed re-  
gno etiam consultum fuit, quod ex parte ori-  
entis, novum in Servia adversus Græcorum  
progreſsiones tutamentum obtinuit. Hoc fe-  
re postremum, quod in rei publicæ commo-  
dum

---

a) Id. ex dipl. Geisæ II. anno 1158. patet,  
ubi de Bela hæc: *qui — ad monasterium  
beati confugit Benedicti, ibique ab Abbate —  
honorifice susceptus, & — rebus de ecclesiasti-  
cis — tentus in honore, victui, vestituique  
quam sibi ipsi, quam suis omnibus necessaria  
ministrando. &c.*

dum verterat, a rege praesitum est. Deinceps 1131.  
 ad morbum, quo saepius laborabat, etiam  
 alvi profluvium accessit, ex quo, cum aegre  
 ferret, Cumanos ob patratas rapinas ab Hun-  
 garis passim trucidari, animoque propter-  
 ea esset magis, quam morbus patiebatur,  
 commoto, recrudescente sensim dolore, sum-  
 to monachi amictu obiit, Varadini sepul-  
 tus. a)

BE-

---

a) Thurocz P. II. Chr. c. 63. Chron. Austral.  
 & Claustro-Neoburgense ad annum 1113. Pri-  
 mus Ordinem Praemonstratensium Hungariae  
 induxit, condito caenobio in colle supra Vara-  
 dinum, ut habet dipl. Wladislai II. an. 1494.

## B E L A II.

*Ab an. 1131. — 1141.*

1131.

**U**t sibi possessionem regni, quod sub decessore, semel, iterumque gravi seditione excitatum erat, contra intestinas factiones firmaret, amicitiam exterorum Principum necessariam sibi imprimis existimabat. Vicini fuere, Sobieslaus Bohemiæ Dux, & Leopoldus Marchio Austriæ, quorum ditiones Stephanus, nulla data ab eis causa, hostiliter olim invaserat. Hos sibi præ aliis conciliandos censuit. Ac a Sobieslao quidem, cui regis soror jam ante collocata erat, omnia sibi polliceri poterat, Leopoldum vero, tradita ejus filio Alberto in conjugium Hedvige altera sorore, novo affinitatis vinculo sibi conjunxit. a)

1132.

Hac parte securitati cum suæ, tum regni consultum videns, Comitibus Aradinum indixit. Adfuit præter morem etiam regina, quæ dum fæminea, quam dolor expresserat, eloquentia, de mariti cæcitate regni Ordinibus quæstia fuisset, &, ut in reos animadverteretur, flagitaret, omnes, facto in complices, quos nancisci poterant, impetu, partim trucidant, par-

a) Excerptum Rikardianum ad an. 1132.

partim capiunt, & fortunis omnibus jure privatos declarant. a) Verum severitas hæc non leve periculum regi conflagavit, Nam qui cæsos cognatione aliqua contingebant, Borichium, quem Colomannus cum matre ob adulterii suspensionem, ad suos relegarat, missis clam nunciis, ad spem regni erigebant, idque ut conquestis foederatis capesseret, hortabantur. Hac denunciatione, homini ceteroquin ambitioso, calcar additum est, Joannem Comnenum Imperatorem adiit, a quo, cum præter conjugem Imperatorii sanguinis, nihil impetrat, Russorum, & Poloniæ Duces in suas partes pertraxit, quorum copiis adjunctus, Scepusiensem provinciam insedit, sperans fore, ut junctis eorum, a quibus invitatus erat, copiis, justum exercitum conflaret. Rex cognito ejus apparatu, ipse quoque, concita

1132.

- 
- a) Thurocz P. II. Chron. c. 64. aliqui Comititia hæc ad an. 1136. retrudunt, quod idem Thurocz reginam cum quatuor prolibus, ad eum conventum comparuisse dicat. Sed autorem hunc constat, multa perturbato temporis ordine referre, & ipsa res poscebat, ut in ipso regni aditu conventus, pro more recepto, haberetur. Quid, quod idem narret, Borichium ab eorum, qui in Comitibus cæsi erant, cognatis, ad capessendum regnum fuisse invitatum? quod plerique ad an. 1132. figunt,

1132.

cita militia, ad Sajonem fluvium tantisper constitit. Hic, ut suorum animos exploraret, Optimates ad se accersit, quidve de Borichii natalibus sentirent, palam jussit edicere. Major pars ex adulterio susceptum, alii rem esse dubiam, qui vero clam Borichio studebant, legitimo thoro natum affirmabant. Sed istis libertas oris magno constitit, satellites quippe regii dato signo jussi in eos irruere, multos trucidarunt, reliqui ad Borichium fuga se subduxere, qui comperta amicorum cæde, & Sobieslaum Bohemum in Poloniam interea irrupisse, spe sua delusus, in Poloniam se recepit. a)

1133.

II. Nec tamen a proposito suo remittens, majoribus, quam ante, contractis in Polonia, & Russia copiis, sequente anno rediit, nihilo magis, quam prius, felicior. Nam Bela, quamprimum Albertus se cum Austriacis regio exercitui conjunxit, Borichio obviam profectus, conferto feliciter prælio, importunum rivalem, iterum regno ejecit, b) neve deinceps Polonorum auxilio suffultus spem invadendi regni aleret, ipse ex Hungaria, Sobies-

a) Thurocz l. c. Otto Frisingen. l. 7. c. 21. Continuator Cosmæ Pragen. ad an. 1132. & Cinnamus l. 3.

b) Excerpt. Rikardianum ad an. 1133. & Otto Frisingen.



bieslaus autem ex Bohemia cum exercitu Poloniam ingressi, a) obtenta victoria, acti- 1134.  
que spoliis, Boleslaum Poloniae Ducem, ne Borichio posthac tam facile opitulari possit, metu armorum continere. Ceterum cum Bela nec sic Polono satis fideret, Petrum Alben-  
sem Praepositum cum muneribus ad Lothari-  
um Imperatorem misit, qui de illatis sibi da-  
mnis quereretur, peteretque, ut eum auctori-  
tate sua in officio contineret. Legatus in prin-  
cipio minus liberaliter acceptus, post vero,  
ubi Sobieslaus Belae partes susceperat, be-  
nigne habitus, &, re feliciter confecta, mu-  
neribus quoque a Lothario donatus, ad re-  
gem reversus est, qui, ut se Sobieslao pro  
impensa opera vicissim gratum exhiberet,  
ejus rogatu sororem conjugis suae, Conrado  
Znoimenfi Principi despondit. b)

III. Sub hac cum Pontifice Innocentio II. 1136.  
negotium regi obortum, qui Gaudium, litte-  
ris eruditum, & honestis moribus praeditum,  
Spalatensem archiepiscopum renunciaverat.  
Graviter id tulit Pontifex, non, quod factum  
regis sibi non probaretur, id enim ad jus pa-  
tronatus regii pertinebat, sed, quod se incon-  
sulto, a Strigoniensi archiepiscopo consecra-  
tus esset; per litteras tamen, & nuncios re-  
gis

a) Continuator Cosmae Pragen, ad an. 1134.

b) Contin. Cosmae Pragen. ad an. 1134.

1137.

gis se deliniri passus est, nec deinceps quidquam regi propterea obmotum. *a)* Cum Polonis quoque, Sobieslao, qui cum Boleslao in confinio Bohemiæ convenerat, interprete, res pacifice, eaque, ut videtur, conditione transacta est, ne Poloni Borichio deinceps; si quid contra regem moliri vellet, auxilio essent. *b)* Molesto æmulo, affinis cura, liberatus, quod hactenus non poterat, Almo patri, supremos funeris honores, præsentē sorore Adelhaide, habuit, *c)* cujus memoriam ut ad posteros transmitteret, cœnobium Demesien-  
se, quod ille affectum relinquere coactus erat, ad fastigium perduxit, &, quod se ab insidiis servatum tamdiu aluerit, gratitudinis causa amplius fundis locupletavit. *d)* Absoluto fune-  
bri

1138.

*a)* Lucius l. 3. c. 11. & archidiac. Spalaten, c. 19. manifesto documento, Venetis eo tempore, præter Jadram, & aditas ei insulas, nihil aliud ex Dalmatia paruisse.

*b)* Contin. Cosmæ ad an. 1137.

*c)* Idem ad eund. an.

*d)* Nic. Schmitt. Episcop. Agriens. Tom. I. pag. 63. & Steph. Katona hist. Tom. III. pag. 517. Neuter tamen integrum diploma exhibet, cum tamen multa de tributis, & servitiorum genere, quæ tunc in Hungaria obtinebant, notatu digna contineat, quæ ego Notitiis præviis, ubi locus erat, inserui.

bri honore, Legatum a Conrado Imperatore accepit, qui filio suo Henrico, regis filiam Sophiam, desponderi peteret. a) Nondum quidem uterque ea, quæ connubio apta sit, ætate erant, sponsio tamen Hungariæ, ex parte Imperii Germaniæ, multum profutura videbatur. Conditis igitur pactis nuptialibus, Sophia, donec matrimonio idonea fieret, cum amplissima dote, in monasterium Admontense sacrarum Virginum, traducta fuit. b)

1139

IV. Pater filiæ absentiam ægre ferens, mœrore, quem jam biennio abhinc ob mortem affinis sui Alberti Austriaci, conceperat, sensim tabescebat, qui cum paulo post, ex obitu alterius itidem affinis, Sobieslai Bohemiæ Ducis, ejusque conjugis Adelhaidis ingravesceret, paulatim ex languore corporis, & immodico vini usu in hydropem desinens, regem sequenti anno, Idibus Februarii, vivis exemit. c) Filios, Almo jam ante extincto, superstites reliquit, Geisam, Ladislaum, & Ste.

1140.

1141.

a) Contin. Cosmæ ad an. 1139.

b) Cod. Ms. monasterii Admontensis apud Pray annal. reg. Tom. I. pag. 130. & Hagiogr. Antverp. Tom. I. mensis Julii pag. 420. Nuptiæ tamen, quod sponsus an. 1150. præmortuus sit, non coaluerunt, & sponsa reliquam vitam in monasterio traduxit.

c) Thurocz. P. II. Chron. c. 64.

~~1141.~~ Stephanum, qui, ne ab obitu suo, ambitione  
1141. correpti, regnum discerperent, Geisa succeſſore renunciato, Ladislaum Boſniæ & Stephanum Syrmio præfecit, Dalmatiam vero, & Croatiam, ut erant pari fere jurium, immunitatumque prærogativa, Hungariæ jam antea unitæ, ita deinceps quoque eidem conjunctas eſſe voluit. Filiam, præter Sophiam Henrico Conradi Imperatoris filio deſponſam, ſuſtulit etiam Gertrudem, Miecislao Poloniæ Duci poſtea collocatam, qua ratione partim nuptiarum fœdere, cum vicinis regno Principibus, conſlato, partim tractatione pacis inita, ſecuritati ſuorum domi, foris que conſuluit.

## GBISA II.

Ab Anno 1141. — 1161.

**T**ertio die ab obitu patris confestim inaugurari voluit, ut ipsa acceleratione spes Borichio res novas moliendi præcideretur. Celebritas ad Dalmatiam quoque pertinuit, imprimis ad Spalatinenses, qui gaudium suum de adito regno litteris testati sunt, ac in fide ejus se se mansuros promiserunt. a) Non potuit non esse grata regi tam aperta voluntatis significatio, qui vicissim plenas benevolentiae litteras ad eos dederat, & immunitates civium iis fere, quas Colomannus Tragurinis concesserat, prærogativis firmavit. b) Inter primas curas illa Geisæ animo præcipue insedit, ut eam Transilvaniae partem, quam

1141.

1142.

T 2

de.

a) Farlati Illyr. sacr. Tom. III. pag. 147.

b) Idem ibid. *laudabiliter*, ait rex ad Spalatinos, *nostri prædecessores vos dilexisse comprobantur, cum in fide firma erga nos habita, tam vos, quam vestros concives perseverare videamus. Et rursus: privilegium vestrum, prout voluistis, corroboramus antiqua lege patrum nostrorum.* Quæ clare indicant, Dalmatiam a Colomanni tempore constanter in fide regum nostrorum perstitisse, solamque Jadram sub Stephano II. fuisse occupatam.

**1143.** decessorum suorum tempore Cumani, & Bif-  
seni vastam reddiderant, frequentiore fac-  
ret. Quare colonias ex variis provinciis,  
præcipue ex Flandria, Saxonia, & Germa-  
nia superiore deduxerat, a) quarum studio ar-  
tes, & opificia sensim incrementa caperent,  
imprimis vero fodinæ a tempore Romanorum  
excolerentur, b) quæ, aucto postea numero,  
in unum corpus conflatae, iisdem legibus sub  
præsidio Comitum regebantur, cujus eligendi  
jus penes Nationem, confirmandi autem pot-  
estas, penes regem esset.

**1144.** II. Cum illius ætatis jam esset, ut ei uxor  
ducenda videretur, & quæ, quave ex Na-  
tione legenda esset, cum suis deliberat, mo-  
rem patris sui, qui nuptiarum foederibus vi-  
cinos Principes, sibi, regnaque conciliaverat,  
sequendum ratus, Euphrosynam, c) Minoislai  
Rusis Principis filiam, in thori consortem  
ad-

---

a) Pray Dissert. hist. critica VII §. 8. non pau-  
cos ex Saxonia advenisse, evincit nostrorum  
Saxonum lingua vulgaris, quæ illi proxima est,  
qua incolæ Superioris Saxonis hodie dum utun-  
tur. Confer inscriptionem templi Coronensis,  
T. I. Script. rer. Hung. pag. 885.

b) Vetus urbis Cibiniensis Sigillum, instrumenta  
metallicorum propterea referebat.

c) Vide Pray de Prioratu Aurane. p. 117. &  
Hierarch. P. II. pag. 161.

adfcivit, ut hac etiam parte Hungaria am-  
cum haberet, & Borichio, si quid rursus au- 1144.

deret, spes auxilii a Russis obtinendi succi-  
deretur. Nec ille, quantus sibi obex his nu-  
ptiis positus esset, non intellexit: aliunde igitur,  
ut erat arrogantis, & inquieti ingenii,  
opem implorare constituerat. Constantinopo-  
lim ad Manuelem Comnenum profectus, spe- 1145.

rabat, se eadem; qua a patre illius, benevo-  
lencia acceptum iri, verum ab hoc rejectus, ad  
Conradum Imperatorem se conferens, pro-  
missum ab eo auxilium fere obtenturus erat,  
nisi Geisa, re mature comperta, pertracto  
in suas partes Guelphone, cui annum sti-  
pendium pactus erat, ipsi Imperatori nego-  
tium in Bavaria, & ad Rhenum confecisset. a)

Æmulus hac spe dejectus, Ratiboldum, ut  
cum Austriacis Hungariam infestaret, persu- 1146.  
sit, qui latenter regnum ingressus, copias Po-  
sonio admovit, & circumvento per fraudem  
Juliano arcis Præfecto, interceptis, præsidia-  
riis partim cæsis, partim captis, vel in fu-  
gam actis. Rex sero periculi admonitus ce-  
leriter quidem cum copiis advolarat, sed,  
hoste jam regresso, cœpit cum Præfecto arcis  
tractare, eamque depenso trium millium li-  
brarum pondere, recepit. b) Ne tamen id

T 3

Au-

a) Ono Frising. l. 7. c. 34.

b) Id Ibid. c. 30.

**1146.** **—————** Austriis impune esset, cum LXX. millibus, ad Leitam fluvium profectus, Henricum Austriæ Ducem obvium habuit, nec multo post uterque congressi, pugnam alterna fortuna conferunt, Hungaris primum, deinde Austriis inclinantibus, quorum magna parte cæsa, Henricus ægre periculo subductus, & Geisa Marchiam orientalem ex utraque Danubii parte usque Fischam amnem depopulatus est. *a)*

**1147.** **—————** III. Depulso hoc periculo, aliud sequente anno Hungariæ incubuit. Conradus in Palæstinam profecturus, cum immani cruciatorum multitudine Noricum emensus, terra, & secundo Danubio, quin a Geisa com meatum petiisset, regno infusus, regionem, qua ibat, fœde vastans, tristia sacræ expeditionis vestigia reliquit. *b)* Hunc brevi post Ludovicus Francorum rex, consequutus, cum suis a maleficio cohiberet, liberaliter a rege acceptus est, apud quem cum aliquamdiu fuisset moratus, & regiam prolem recens editam, e sacro fonte levasset, acceptis multis muneribus, iter versus Græciam pertendit. Prope modum tamen erat, ut amicitia utrinque vixdum inita dissolveretur. Nam ubi ad regem perlatum est, Borichium in Francorum

co.

---

*a)* Id. ibid.

*b)* Id. c. 44. Thurocz P. II. c. 66. & ex parte Dodechimus apud Pistorium Tom. I. pag. 676.



somitatu esse, misso celeriter nuncio, hunc sibi vincum tradi postulavit, quod cum Ludovicus ob jura hospitalitatis se facere non posse declarasset, Borichius, seu clam ei hoc consilium suggestum est, seu vitæ suæ metuerit, surrepto regis cursorio equo, nocte concubia fugiens in Græciam evasit, novas inde turbas olim daturus. a)

1147.

Rex aliquanto post, quam cruciati ex-  
cesserant Hungaria, bello Russico ob sanguinis conjunctionem improvise implicitus est, quod ambitio inter Georgium, Volodomirum, & Iaslavum Principes excitaverat. Cum suppetiæ, quas primum miserat, parum caute in hostico agerent, & facile propterea oppressæ fuissent, ipse sequenti anno majoribus coptis instructus, Iaslavo auxilium tulit, victoque Volodomiro, pacem inter utrumque conciliavit. b) Hoc sopito, Græcicum mox eodem anno consequutum, quod Manuel Imperator Serviis indixit, quos si vicisset, Hungariam sibi subdere cogitabat. c) Hujus occa-

1151.

1152.

T 4

sio

a) Otto Frisingen. de rebus gestis Friderici I. c.

44. & Thurocz. P. II. Chron. c. 66.

b) Nestor in Chron. Russiæ ad dictos an.

c) Hanc destinationem jam in belli principio Manuelis fuisse, testatur Cinnamus l. 5. *Hungariam, inquit, in medio occidentalium nationum positam, sibi comparare totis viribus satagebat.*

1152,

ſio jam anno priore magis quæſita, quam data erat. Præſuit Serviæ archijupanus Blachinus, cujus ſororem Belofes, a) a teneris cum Geiſa rege educatus, uxorem habebat. Is affinem ſuum, Græcanici factus alioqui jam pertæſum, per nuncios crebro hortabatur, ut ſe cum ſuis clientelæ regis Hungariæ permitteret, a quo, ſi quid Græci tentarent, facile ex Hungaria, vicina Bosnia, & Dalmatia, quæ eidem parerent, auxilium obtinere poſſet; regem quoque, ne occaſionem hanc negligeret, majorum exemplo, qui olim in eam ditionem arma felici eyentu traduxiſſent, incitabat. b) Perſuaſit utrique, & abhinc Servia jure ſiduciario Hungariæ adnexa eſt. Hoc ipſum Serviano bello occaſionem præbuit, quod varia utrinque fortuna geſtum, & in ſequentem annum quoque protractum eſt, & quia par fere partium jactura erat, nec regi tum quidem ſpes affulgeret, juris, quod in Ser-

---

a) Primum Banus, poſtea Palatinus annis 1145. 1156. & ſequ. creatus, ut diplomata fidem faciunt.

b) Cinnamus l. 3. pag. 47. *Longo hic tempore commoratus apud Geizani regem maximo in honore fuit, ut qui a pueris cum illo enutritus fuerat — illi beneficii jure obnoxiam (Serviam) facere eſt adnixus, idque — homini tandem perſuaſit.*

Serviam acquisiverat, prosequendi, non invitatus pacem cum Manuele inivit, a) quam eo celerius sibi amplectendam putabat, quo vicinius regno periculum ab Imperatore Fridrico *Ænobarbo* imminere ferebatur, qui confestim ab inauguratione sua, in Hungariam parabat, eamque Germaniæ adungere constituerat, nisi ab Imperii Principibus, æquiantibus, a proposito advocatus fuisset. b) Hæc causa acceleratæ pacis erat, qua utriusque Imperatoris, quorum alter ab ortu, ab occasu alter Hungariam, quasi condito, subjugare cogitabant, molitionem frustratus est.

1153.

IV. Verum ipsa pacis acceleratio parum stabilitatis polliceri visa est, graviusque bellum post traxit. Occasionem *Andronicus*, *Manuelis* consobrinus præbuerat, qui regi, si sibi ad invadendam tyrannidem auxilio esset, post occupatum Imperium, *Nissam*, & *Brannizobam*, quibus recens ab Imperatore præfectus fuit, se dediturum promiserat. Sed re ante tempus prodita, mox *Stephano*, & *Ladislao* regis fratribus, cum non exigua Hungarorum manu, ad Græcos profugis, ad arma ventum. c) Geisa hostem occupandum ratus, vocatis in auxilium Bohemis, &, qui

1154.

nu-

---

a) Idem l. 3.

b) Otto Frisingen. l. 2. c. 7.

c) Cinnamus l. 3. & 6.

**1155.** ~~\_\_\_\_\_~~ nuper in Transilvania confederant, Saxones, Borize etiam ex Bosnia accito, Brani-  
zobam obsedit, dimissis velitibus, qui vicini-  
am infestarent, in quos cum Basilius, Græco-  
rum Dux, incidisset, & suis primis, reliquos in-  
caute sequitur, circumventus insignem cladem  
accepit, quam Imperator cum exercitus ro-  
bore brevi consequutus, rursus victoribus  
reddidit. a) Ancipitis, & damnosi in utram-  
que partem belli, is præcipuus fructus fuit,  
quod Borichius, qui se Colomanni regis fi-  
lium ferebat, postremo prælio occubuerit, b)  
**1156.** quo extincto, pax facile rursus coaluit, præ-  
sertim, quod rex ea, quæ trans Savum oc-  
cupata erant, non invitus redderet.

**1157.** ~~\_\_\_\_\_~~ V. Inter pacis conditiones ea, ut ex eventu  
patuit, videtur fuisse, ne Manuel, fratrum suo-  
rum gratia, qui ad illum confugerant, quidquam  
hostile in Hungariam, se viro, moliretur. Al-  
tero enim a confecta pace anno, Stephanus,  
frater Ladielao vehementioris indolis, cum  
patrum spei in Græcia videret, in Germaniam  
ad Fridericum Imperatorem concessit, c)  
opem.

a) Idem. l. 3.

b) Otto Frising. l. 2. c. 32.

c) Radevicus l. 1. c. 2. apud Murator. Tom. VI.  
Script. Ital. pag. 750. Ex hoc capite, quod  
Stephanus ad Imp. confugerit, rursus Germani  
scriptores jus Imperio Romano in Hungariam  
asse.

opemque, multa in Geisam criminatus, ab eo implorabat, qui, quod bello Mediolanensi dissentus, ipse opus milite haberet, misso ad regem Legato, profugum eidem conciliare studuit. Rex vicissim, ne sibi, bello Græcanico vix composito, novas molestias consciret, per Legatum criminationes a fratre impactas diluit, oblatisque fere mille talentorum muneribus, promisso item in bellum Mediolanense auxilio, destinationes illius intervertit, eumque, rebus infectis, in Græciam redire coegit. a) Manuel profugorum operam sibi olim profuturam sperans, utrumque connubii vinculo, sibi, & rebus Græcanicis, arctius innectere cogitabat. At Ladislaus quidem se his blanditiis nequaquam irretiri passus est, ne sibi, rebusque suis aliquando in Patriam redux officeret, pronior contra Stephanus, accepta uxore Maria, Imperatoris nepte, in vota ejusdem concessit. b)

1158.

## IV.

---

asserere conantur, quasi Imperatorem causæ arbitrum inter regem, & se delegerit. Radevicus contra hanc ob causam illum ad Imperatorem confugisse scribit, quod *Romanum Imperium totius orbis asylum esset*: alioqui necesse esset hinc effici, totum orbem Rom. Imperio jure clientelari esse obnoxium.

a) Radevicus de reb. Friderici, l. 1. c. 12.

b) Cinnamus l. 6. & Choniates annal. l. 4.

- 1159.** VI. Geisa vix se cura belli Græcanici, & a fratris molitionibus liberum sensit, cum ei alia, diversi tamen generis, subnata est. Schisma, quod Ecclesiam, inter Alexandrum III. plurium suffragiis electum, & Victorem Antipapam, sciderat, Europam quoque in partes distraxit. Fridericus, qui Victori adhæserat, plerosque Italiæ, & Germaniæ Episcopos consentientes habuit, regem, præter Anglum, qui ipse tamen postea Alexandro se applicuerat, fere nullum. Geisa quoque, Legati Pontificii, tum Lucæ Strigonienlis, & Cosmæ Colocensis archiepiscoporum, consiliis persuasus, Alexandri partes amplexus est. Nec adduci unquam potuit, ut ad Papiense conciliabulum sive Legatos, sive, quæ rursus promiserat, auxilia Imperatori mitteret, quin Ludovico Francorum regi, missa Legatione, si Imperator aliquid in Francos moveret, se auxilio futurum, & si e re illius videretur, in Germaniam irrupturum, promissit. <sup>a)</sup> Nec tamen huc res rediit, cum pridie Calendas Julias obierit, vita non ultra tricesimum secundum ætatis annum producta, quo magis mirum videri debet, tot exteris bellis
- 1160.**
- 1161.**

<sup>a)</sup> Du Chesne Script. rer. Franc. Tom. IV. pag. 578. Eodem an. renunciavit investituræ episcoporum, ut in rebus Colomanni regis ad an. 1106. velut ob iter memoratum est.

bellis, & fratrum discordiis agitatum, ita ~~regnum~~ 1161.  
 regnum feliciter potuisse tueri, ut ex illius  
 ditionibus nihil amitteret, a Majoribus autem  
 parta in fide contineret. Filios ex Euphro-  
 syna conjuge sustulit, Stephanum, & Belam,  
 a) filias, Helenam, & Elisabetham, illam  
 Friderico Bohemiæ, hanc Leopoldo, Austriæ,  
 Ducibus desponsas. b)

STE.

- 
- a) Albericus monachus ad an. 1167. addit etiam  
*Guithardum*, & Chron. Ms. Sec. XII. *Geisam*,  
 de quibus alias forte certiora dabimus. Bulla  
 Leonis X. an. 1519. qua Albenſi Eccleſiæ privile-  
 gia confirmat; meminit etiam *Emerici*: in hæc  
 verba: *cum consensu, & voluntate Geiſæ re-*  
*gis, & filiorum suorum, Emerici, & Belæ re-*  
*gum*. Videtur error irrepiſſe, & Emerico ſub-  
 ſtituendus eſſe Stephanus, nam Emericus, qui  
 rex erat, fuit Belæ III. non item Geiſæ, filius.
- b) Narratio Altahens. apud Leibnitz, T. II. Script.  
 pag. 21. Chronicon Siloense apud Dobner T.  
 I. monument. pag. 81. memorat præterea *Odo-*  
*lam*, Svatoplucō Bohemiæ Principi junctam.  
 Certior eſt *Margarita*, quam Innocentii III. litt.  
 an. 1208. Andreæ Comiti Simeghienſi nuptam  
 fuiſſe perhibent.

## STEPHANUS III.

*Ab anno 1161. — 1173.*

1161.

I. Difficile in principio nactus est regimen, cum ob teneram ætatem, tum quod suspicio non inanis esset, utrumque patrum apud Græcos omnia tentaturos, ut paterno folio moveretur. Certe Manuel, ut primum Geisam obiisse comperit, animum Hungariæ sibi afferendæ resumfit. - Ad id autem, tamquam aliud agens, & sensim perficiendum, Stephanus, cui neptem suam collocaverat, maxime idoneus ei visus est, quem si volentibus Hungaris regem dare posset, non dubitabat, se olim voto tandem potiturum esse. Titulum quoque, ut tutius destinationem suam celaret, novum commentus est, Stephanum nempe injuria regno privatum, quod more gentis, a) ad fratres, non item ad regum filios, transire soleret, prætexens. Ita futurum sperabat, se, si destinatio non succederet, eam rem saltem posse adducere, ut vel tributum aliquid Imperio accedat, vel Zeugmino, & provincia Sirmienfi potiatur, ex qua, quoties ei libitum esset, ad Hungariam infestandam, sensimque subjugandam, occasionem haberet.

Hac

---

a) Cinnamus l. 6. & Choniates l. 4.



Hac ratione secum inita, factoque militum delectu, Legatos ad Hungaros misit, qui de regno ad Stephanum transferendo cum iis agerent, ipse cum exercitu, ut Legationi pondus adderet, non multo post Sardicam p[er]f[ec]it, quid Legati profecissent, visurus. a)

II. Hungari postulationis insolentia, & Græcanico factu offensi, Legatos, re infecta, remisere, tum quod sponte a Stephano abhorrerent, tum, quod vererentur, ne, si postulatis consentirent, non tam Stephanum, quam Manuelem, dominum pati cogerebuntur. Imperator post acceptam repulsam, exercitu propius Istrum admoto, nihil a proposito remittens, Alexium Contostephanum nepotem, cum copiis Stephano adjunxit, qui ut Chramum pervenere, non tam armorum ostentatione, quam largitione munerum, & lenociniis, præcipuos Nationis sibi conciliare studebant. Verum, & hic conatus sperato successu caruit. Instabat nihilominus coepto operi Alexius, & sive Imperatoris, qui in propinquo cum exercitu excubabat, metu adducti, sive munera in animos tantum valere, eos res multis tandem sollicitationibus adducta est, ut Ladislaum, Stephani fratrem, ætate majorem, præ isto, regem mallerent, & declararent. b)

LA.

a) Idem ibid.

b) Choniates l. 4.

## LADISLAUS II.

*Ab anno 1161. — 1162.*

1162.

**I.** Manuel visa Hungarorum in repudiando Stephano constantia, cedendum quidem tempori existimabat, ne quæ tamen, si se offerret, opportunitas ad perficiendum, quod destinatus opus, sibi imprudenti elaberetur, in Servia aliquamdiu constitit, & exauctorato Principi Primiſlao, hujus fratrem Beluzem subrogavit, defuncti regis Geisæ avunculum. Quo consilio id fecerit, an, ut ob sanguinis necessitudinem, Stephano, quem præ Ladislao regem malebat, studeret, an, specie collati beneficii, novum rursus dolum necteret, incertum est, tametsi hoc præ illo veri sit similis. Beluzes enim, qui, quid Manuel meditetur, ex vafro illius ingenio facile conjecerat, paulum post, Principatui renunciavit, in Hungariam, ubi quondam Palatini dignitate fungebatur, rediit, non tam ut illius cupiditati subserviret, quam, ut pro ratione temporis, res legitimi hæredis consilio suo erigeret. *a)*

**II.** Ac hujus quidem, Ladislao sub initium anni inſequentis *b)* extincto, velut e re nata,

oc-

*a)* Cinnamus l. 5.*b)* Chron. Clauſtroneoburgense.

occafio erat, hæredis paterno folio reftituen-  
di, fi omnium animi consentientes fuiffent. 1162.

Pars, eaque melior in legitimum fuccefforem inclinabat, alii contra, five metu Manuelis, qui conatum fuum toties fruftrari impatienter ferebat, five fplendidis, quæ ei nunquam de-  
erant, promiffis, inducti, Stephano favebant, qui, cum ipfe nihil non apud Manuelem moveret, ut, quod vivo etiamnum Geifa non obfcure ambiverat, regno potiretur, tandem, invitis licet plerisque, fratri defuncto fuffectus eft. a)

STE-

a) Chron. Salisburgenfe, & Cinnam. I. cit.

Pars I.

U

## STEPHANUS IV.

*Cæpit, & desit an. 1162.*

1162.

I. Cum magis metu intrusus, quam communi Ordinum consensu optatus esset, diu ei luctandum erat, ut corona incingeretur. *a)* Non deerant enim, qui Geisæ filium contra fas solio amotum quererentur, eique clam studerent. Accessit illud quoque, quod novitius rex imperiosius, quam tempus patetur, agendo, plerisque molestus, gravisque adeo esse cœperit, ut illum probris passim incesserent, solioque movere, constitutum haberent. Crescenti in dies factioni ut obicem mature poneret, Manuelis opem rursus imploravit, qui haud diu moratus, cum exercitu Philippopolim progressus, Alexium Contostephanum cum copiarum parte in Hungariam præire iussit, cujus adventu mitigati ad speciem Hungari Stephano conciliati sunt, qui, cum non ignoraret, se propterea plerisque invisum esse, quod plus fidei exteris, quam suis, tribueret, simulata conciliatione deceptus, auxilios improvido plane consilio, domum remisit. *b)*

II.

*a) Thurocz Chron. P. II. c. 68.**b) Cinnamus l. c.*

II. Hoc ipsum tempus erat, quod Geisæ filio addictis opportunum visum est, ad regni æmulum exauctorandum. Quare palam spargebant, pessumire sub eo res Hungaricas, nihil aliud agi, quam ut jugum Græcanicum cervicibus suis imponatur, probrosum id esse genti liberæ, nec committendum, ut diutius sub illo servitutem ferant, supersitem etiamnum esse legitimum regem, cui olim juratam fidem dedissent. Valere hæc non modo in vulgus, sed ad præcipuam quoque Nobilium partem, quæ sub signa veri hæredis numerosa confluit, brevique postea, cum animi utrinque exacerbarentur, cum adversa parte, quæ rivali adhæserat, prælium commisit, quo Stephanus magna suorum clade victus, ad Mænælem profugit, solium legitimo regi relinquens. a)

U 2

STE.

---

a) Cinnamus cit. l. 5.

## STEPHANUS III. RESTITUTUS.

*Ab an. 1162. — 1173.*

1162.

I. Agebat tum Sardicæ Manuel, cum Stephanus, regno ejectus, ad eum confugit, cujus casu magnopere percussus, videbat enim sibi rationes de occupanda Hungaria mire conturbari, vicem tamen ejus miseratus, & proposito suo insistens, pecunia, & milite eum ad recuperandum regnum adjuvit. Copiis præfecerat Alexium Contostephanum, quem præire jussit, ipse ad Nissam substitit, cum ut Legatos ex Hungaria venturos audiret, tum ut res Servicæ in ordinem cogeret. Nam *Deses*, Beluzis illius, quem relicto Principatu in Hungariam rediisse, alias memoratum est, frater, & Servicæ Despota, regem Hungariæ, Legatis ejusdem ad Manuelem ituris, dominum suum diserte professus, satis aperte, quam parum æquo jure Græci Serviam sibi vendicassent, indicaverat. Hoc crimen erat, cujus causa illum Manuel in jus vocatum, mitti Bizantium, & palatio includi jusserat. Pari fastu cum Legatos Hungaros vix auditos ab se dimississet, recta Belgradum cum exercitu profectus est, nihil dubitans, Hungaros armorum, ut prius, metu permotos, alia, in favorem rejecti Stephani, consilia amplexuros esse. Verum ubi se actum vidit agere, ali-

aliam machinam, specie quidem amicitiae, sed occulto dolo instructam admovit. Georgium gente Palæologum, prætoriae cohorti præfectum ad regem ablegat, qui Belam, alterum Geisæ filium, regisque fratrem, adhuc puerum, filiae suæ Mariæ sponsum peteret, addita regione, quam ei pater hæreditatis a) partem constituerat: cupere Imperatorem, cum hactenus hærede mare careat, puerum, in spem Græcanici Imperii educandum, apud se habere. Hæc Legati mandata erant. Rex nullum dolum subesse ratus, vidensque, tam splendido, nullique affinitatis vinculo, Hungariam deinceps a Græcis tutam fore, non invitus fratrem Legato Bizantium deducendum tradidit, cui Manuel postea Alexii no-

1162.

U 3

men

a) Quæ illa regio fuerit, quam Geisa Belæ filio in sortem hæredii dederat, nec Cinnamus, nec domestici scriptores, meminere. Si conjecturæ locus sit, forte Bosniam Cinnamus designare voluerit; hanc enim Colomannus occupata Dalmatia, Almo, & Bela II. Ladislao filio, ferius etiam postea Bela IV. fratri Colomanno, contulerant, non tamen hæreditatis, cum a iuribus coronæ avelli non potuerit, sed administrationis solum titulo, addita Ducis prærogativa, & honore. Cinnamus igitur, ut speciosam bello inique obmoto causam prætexeret, hæreditatem ex suo ingenio commentus est.

men indidit, & dignitate Despotam renunciavit: a)

1163.

II. Obtento, quem cupiebat, sine, mox personam ad tempus sumtam, anno sequente posuit, & Stephano, qui jacturam regni conquire nequibat, copias, & bello prosequendo necessaria administrari iussit. Ut Hungariam ingressus est, & rem magis ex suo ingenio, quam Græcorum consilio, imprudenter præcipitat, plerique ex Hungaris, qui eum sequuti erant, ad regem hosti obviam profectum secessere, actumque de illo erat, nisi Manuel laboranti Andronicum subsidio misisset, quem ipse, trajecto Savo, brevi cum exercitu consequutus est. Rex, quod ei copiis inferior esset, in adversam Danubii ripam se recepit, fluminis oppositu interea tutus, donec auxilia a Bohemis adessent. Manuel receptum regis, fugam interpretatus, Petri-  
varadinum promovit, indeque datis, ad eum litteris, non se ad inferendum Hungaria bellum venisse affirmabat, sed ut Bela, quem generum adscivisset, hæreditatem injuste detentam repeteret. Hoc ille dolo dum regem fallere nititur, Wladislaus Bohemiarum Dux cum suis adfuit, & regi se conjunxerat. Manuel videns, non jam verbis, sed armis rem cerni oportere, transmissis Danubio Bachiam  
pro-

a) Cinnamus l. 5. pag. 99.



progressus est, signa tamen conferre non ausus, Bohemum, quem in castris habuerat, clam subornavit, ut, quacunque posset ratione, Wladislaum a rege averteret, id cum frustra tentaret, spes tamen pacis eminus ostentaretur, misit, qui de ea cum rege, & Duce agerent, quæ, post crebras utrinque missitationes, Ducis opera tandem hoc pacto confecta est: rex fratri regionem a patre concessam redderet, Manuel contra Stephano regis patruo deinceps auxilio ne esset. *a)* Sed Imperator, qui Stephano Chaluphen, ut ei auxilio esset, cum parte copiarum in Hungaria reliquerat, pactis non stetit. Hanc perfidiam rex indigne ferens, ut primum Manuel Bizantium regressus est, collecta militia in hostem movit, & recedentem in agrum Sirmiensem consequutus, Zemlini inclusit, urbemque obsedit. Adfuere quidem obsessis Michael Gabra, & Bryennius, a Manuele submissi, qui licet Hungaris navali pugna superiores essent, impedire tamen non poterant, quin urbs, patruo Stephano ex venæ sectione mortuo, *b)* una cum Sirmienli provincia in potestatem regis veniret. *c)*

U 4

III.

*a)* Idem ibid. & Vincentii Chronicon apud Dobner Monum. Tom. I. pag. 73.

*b)* Cinnamus l. 5. pag. 108. per subornatum famulum, veneno extinctum, refert, incerta tamen fide.

*c)* Id. ibid.

1164.

III. Id satis causæ Manueli videbatur, ut, licet ipse fidem prior fregerit, bellum instauraret, vocatis in armorum societatem Hieroslao Haliciæ, & Bozislao Thauroseytharum Ducibus, quibus, si Græcis scriptoribus credendum est, ipse Fridericus Imperator occidentis, & Sultanus quoque Turcarum, præter ingentem Serviorum copiam, se adfuturos promiseret. Facto igitur apparatu, necem Stephani, ut prætexuit, ulturus, copias Istro admovit, quem cum se ad *Ujpalankam*, olim *Chramum*, transmissurum simulat, repente converso ad Belgradum itinere, Sayoque trajecto, Zemlinum circumfedit. Acris, diuturnaue fuit oblidio, & quamquam Hungari sæpe Græcos magna clade protritros rejecerint, ad extremum tamen multitudini cedendum, & urbs, pace confecta, Manueli dedita fuit, quæ a ruinis reparata, Belgrado quoque novis operibus communito, Sirmienfis provincia, rursus in Græcorum potestatem venit. a)

1165.

IV. Hac potitus Manuel, ex qua, quoties ei liberet, pactorum enim fidem ex utilitate metiebatur, Hungariam carpere posset, majora animo destinabat. Jacturam enim provinciarum in Asia sub decessoribus factam, compensare in Europa, jam ab adito Imperio, belli præ avo, & patre appetenti.

---

a) Id. pag. 111.

tior, constitutum habebat. Hungariam armis, & jacto intestini dissidii semine, hactenus frustra tentaverat, trans Savum Serviam, citius vero regionem Sirmiensem, juribus Hungariæ obnoxias, jam in potestate habebat, restabat Dalmatia; hanc quoque ad Belæ hæreditatem pertinere prætexens, misso cum copiis Chaluphe, brevi omnem subegit, septuaginta quinque urbibus in potestatem reductis. Hinc bellum rursus ortum; Hungaris ad Savum Dionysio duce victoribus, Græcis contra ex Valachia Hungariam infestantibus. Utrunque occultis etiam artibus certatum: Manuel Italos in Fridericum Imperatorem concitare, Stephanus vero, bis mille, quingentas auri libras pactus, illum sibi conciliare nitebantur. Postremum, quoniam præter lucrum, quod privati ex prædis confecerant, nihil commodi utrisque accederet, bellum Henricus Dux Austriæ, designatus regis socer, qui Manuelem Sardiæ convenerat, confatis induciis tantisper sopivit. *a)*

1165

## V.

---

*a)* Cinnamus l. 6. pag. 117. Nicetas l. 4. pag. 69. & appendix ad Radevicum, ad an. 1167. Ad conflandas inducias multum contulisse videtur Theodora, Manuelis cognata, Henrico Austriæ Duci nupta, cujus filia Agnes, Stephano regi desponsa erat. Schier in regin. Hungariæ pag. 120. existimat, ante Agnetem, fuisse Ste-

1166. V. Interim Dalmatæ Græcos pertæsi, mis-  
so ad regem Lombardo, Spalatenſi archiepi-  
scopo, Hungaris se iterum jungere optabant.  
Rex opportunitate hac ulus, quamprimum  
auxiliarios ab Henrico socero accepit, Dal-  
matiam ingressus, capto Chaluphe, cui Ma-  
nuel regionem curandam dederat, Græcis-  
que exactis, Tragurium, Sibenicum, Spala-  
tum, Jadramque recepit. a) Id novi belli clas-  
si-

---

Stephano filiam Hieroslai Haliciæ reguli, collo-  
catam, ex qua filium sustulerit. Suspicio, er-  
rorem ex diplomate Stephani hujus, quod an.  
1165. refert, natum esse, quo aliquos a servi-  
tio Caſtri Poſonienſis exemit. Verba, quæ huc  
attinent, plerique ita legunt: *a caſtrenſi servi-  
tio ſubtraxi, eo tamen tenore, ut inter pro-  
ceres ejusdem caſtri, proceres filii, ſcilicet Ste-  
phani regis exiſtant.* Error in voce *ſcilicet*  
cubat, pro qua Ludovicus idem diploma an.  
1349. Budæ fer. 4. prox. ante Dom. Palmarum,  
transumens ſubſtituit *ſancti*. Ex quo ſequitur,  
S. Emericum Ducem, perinde ſuos habuiſſe  
proceres, ſicut ejus pater, alias *jobagiones S.  
Stephani regis* dictos, habebat. Erant autem  
genus quoddam medium, inter ſervientes rega-  
les, & inter ordinarios jobagiones caſtrenſes.  
Vid. Notit. præv. §. 23.

a) Farlati Illyr. ſac. Tom. IV. pag. 7. Dandu-  
lus apud Murator. Tom. XII. pag. 292. Cin-  
namus l. 6. pag. 119.

ficum erat. Manuel adscitis in subsidium Persis, & Italis, Sardicam profectus, copias Andronico ducendas commisit. Huic Hungari rursus Dionysium, multis victoriis clarum, cum quindecim millibus opposuerant. Conserto prælio, utrinque sinistra ala inclinata est, & Dionysius a suis desertus, amisso principe vexillo, cum paucis evasit. a) Infelicitis pugnae exitus jacturam Dalmatiæ post se traxit. Veneti enim, Hungaris bello Græcanico occupatis, Jadram interceperant, reliquæ autem urbes, annq sequente, rursus Manueli parere coactæ b) sunt, serius postea in Hungarorum potestatem redigendæ.

1167.

1168.

1170.

VI. Hunc in modum Manuel Dalmatiam, quam hæreditatem Belæ, ut dolum tegeret, speciose simulabat, non tam hæredi, quam sibi asseruit. Vix enim illi ex altera conjuge filius Alexius natus est, simul Belæ spes adipiscendi Imperii, qua eum hactenus lactaverat, succisa fuit. Nunc obstabat cognationis vinculum, ab Irene, S. Ladislai filia, Joanni Comneno olim nupta, accersitum, cum prius, quamdiu fucatus titulus subigendæ Hungariæ supererat, nihil nuptiis obstaculi ambitioso homini, subesse, visum esset. Itaque filio successore declarato, & Maria alteri marito de-

---

a) Idem ibid. pag. 142. Nicetas l. 4. pag. 82.

b) Farlati Tom. III. pag. 4. Lucius l. 3. c. 9.

## 164 STEPHANUS III. RESTITUTUS.

1172.

destinata, Belæ, quem leniendi doctoris causa Cæsarem renunciavit, Agnetem, alias Annam quoque dictam, Augustæ sororem, & Boamundi III. Principis Antiocheni filiam, conjugem dedit, a) præstanti forma, & moribus virginem, ac Manuelis filię disimillimam. Ceterum, ereptam Græcanici Imperii

1173.

spem, extincto sine hærede paulum post Stephano fratre, cumulate pensavit Hungaria, quam ut capesseret, ipse Manuel admonuit, & euntem splendido apparatu, Sardicam comitatus est, inde in Hungariam deducendum Joanni Protosebasto, allisque illustribus viris tradidit, prius tamen quam dimitteret; ne, seu ob crebro illatam Hungariæ vastitatem, seu ob ereptam Dalmatiam, injurias ultum iret, neve, quod Imperatori, aut Romanis nocumentum asferre posset, quidquam moliretur, juramento obstrinxit. b) Quo satis animi sui sensum prodidit, quidquid juri Hungarico ab se decerptum esset, injuria deterptum fuisse.

BE-

a) Nicetas l. 5. pag. 89.

b) Cinnamus l. 6. pag. 130.

**Ab anno 1173. — 1196.**

1173.

b) Arnoldus Lubecens. apud Leibnitz, Tom. II.  
scriptor. Brunswic. pag. 631.

1173. **servari oportere existimabant. Ac horum** quidem sententia ceteris praevaluit, missique continuo ad Manuelem Legati, qui Belam regno inducerent. Prima, ut a Joanne Proto-sebasto adductus est, cura ei fuit, ut fratres, factionum si non auctores, certe conscios, ne rem publicam turbandi occasionem haberent, in custodiam daret. Geisa, id, quod erat, subodoratus, mature periculo se subducens, in Austriam evasit, a) Guithardus vero in vincula coniectus, postea in Bohemiam elapsus est. b) Nec tamen propterea confestim regni possessionem adire potuit. Obstabat archiepiscopus Strigoniensis, qui coronationis ritum peragere detrectabat, sive veritus sit, ne Bela a pueritia apud Græcos enutritus, magis in illorum, quam Latinam Ecclesiam proclivis, seu ipse factioni oppositæ addictus esset. Molesta erat regi, & Ordinibus prote-latio. Scriptum igitur est ad Pontificem, ad cuius mandata cum nihilominus Strigoniensis in sententia perstaret, data est Colocensi archiepiscopo potestas coronationem peragendi, modo rex scripto caveret, nihil propterea juri Strigoniensis archiepiscopi derogatum iri. c)

## II.

---

a) Chronic. Ms. sec. XII.

b) Albericus monachus l. cit.

c) Bullarium nov. Roman. Vol. 3. pag. 133.  
Pray Hierarchiæ Tom. I. pag. 113.



II. Ab inauguratione confestim ad reparandam rem publicam, quæ violenta regum mutatione, non exigua sui parte labe-  
facta erat, se accinxit. Jus imprimis successionis, quod novo Græcorum, qui id ad fratres, non item regum filios pertinere commenti sunt, figmento perturbatum erat, & regnum factionibus involverat, ad primævam Majorum institutionem reduxit, a) quo & familiæ regiæ ambitum intra limites coerce-  
ret, & exteris, hoc titulo se rebus Hungaricis immiscendi, occasio tolleretur; quos ut sibi devinciret, nullam occasionem prætereundam, & vicinorum imprimis rationem habendam censuit. Hac de causa, Helenam sororem suam, quam pater olim Leopoldo, Hen-  
ri-

- 
- a) Hac de causa in publicis edictis se Geisæ II. regis filium passim nominat, quo significaret, Stephanum fratrem suum jure paterno, patruos vero, Ladislaum, & Stephanum, illegitime successisse. Idem in sigillis exprimi voluit. Ita anni 1195. sigillum perigraphen hanc exhibet. *Bela Dei gracia Geise regis filius &c.* Hunc morem servarunt etiam nepotes regum familiæ Arpadianæ, seu mare, seu femina fuissent editi. Sic Andreas III. an. 1291. *Sigillum Andreæ regis tercii, nepotis Andreæ regis secundi.* Et Otto Bavarus. *Sigillum primi Ottonis regis Ungariæ, nepotis, quarti Belæ regis.*

1175.

rici Austriæ Ducis filio, desponderat, conjugem dedit, ut, novo affinitatis vinculo, sibi Austrios, ad res domi stabiliendas conciliaret, licet ab inito vix matrimonio parum abfuerit, quin recens contracta amicitia solveretur, quod, rege imprudente, quidam ex Hungaris Subieslao Bohemiæ Duci, Austriam infestanti, se adjunxerint. a) Sed ut facta privatorum, injussu Principum, invidiæ non sunt obnoxia, nihil quoque propterea conjunctioni animorum, inter Ducem, & regem derogatum est, quem ceteroqui constabat, militiam non in vicinos, sed Manueli, qui Sultano Iconii bellum indixerat, parare. Erat hæc ex Cro-

1176.

atis, & Transilvanis collecta, illos Ompodinus Banus, hos Leustachius, b) Vayvoda ductabant, quorum fortitudinem si Græci fuissent æmulati, felicior prælii exitus erat futurus, quo multis suorum amissis victus Manuel, vix incolumis domum evasit, memoriam infausi prælii adeo retinens, ut non facile deinceps lætari, & curam rei publicæ, penitus posuisse videretur. c) Si ullum, hoc certe tempus, Belæ ad recuperandam Dalmati-

---

a) Stero id ad hunc an. reliqui Chronographi ad sequentem locant.

b) Cinnamus l. 6. pag. 136. & dipl. Belæ IV. apud Pray annal. Tom. I. pag. 165.

c) Wilhelm. Tyrius l. 21. c. 12.

tiam opportunum erat; nisi eum juramenti, quo se Manuelli obstrinxerat, religio, & nova de profugo fratre, qui ex Austria in Bohemiam evaserat, sollicitudo retinisset. a) Nec erat sane cura hæc supervacanea, cum profugus id præcipue apud Sobieslaum Bohemiarum Ducem ageret, ut opera Imperatoris regno potiretur; ejus conatus Bela ut mature interverteret, vinctum sibi a Duce mitti imperavit, b) magna quidem, ob læsa hospitii jura, redundante in Ducem invidia, majore tamen Hungariæ commodo, quæ, si eventus profugi conatibus respondisset, intestinis rursus motibus convellenda erat. Reducto, & honesta custodia detento fratre, liberius aliquanto curæ regni intentus, ut malis, quæ ob bella a decessoribus gesta, & motus intestinos in civilem rem publicam irrepleverant, mederetur, latronum, & furum licentiam, gravissimis poenis coercendam decrevit. Nec minore studio res Ecclesiarum complexus, cum episcoporum ab una ad aliam sedem translatio, non solum disciplinæ Ecclesiasticæ, sed religionis etiam incremento officere videretur, investituræ episcoporum, ad morem

1177.

1178.

1179.

pa-

a) Chron. Ms. sec. XII.

b) Uter fuerit, an Guithardus, an Geisa, utrumque enim ad Bohemos, ille ex Hungaria, hic ex Austria, evaserant, incertum est.

patris Geisæ, renunciavit, a) nihil tamen propterea iis prærogativis, quas *Regalias* vocant, in nominandis episcopis & conferendis beneficiis Ecclesiasticis derogatum voluit.

1180.

III. Hactenus in constabiliendo sibi adversus fratrum ambitionem regno occupatus, vix tempus habebat, ut mentem ad decerptas per Græcos provincias, juri Hungariæ obnoxias, mentem reflecteret. Memor etiam juramenti, quo se Manuelli obstrinxerat, se nihil illo vivo propterea moturum, ab armis se abstinuit, licet videret, Venetos interim, præter Jadram, Tragurium etiam occupasse; majoris datam fidem, quam amissa per injuri-

a) Plures nostri reges videntur investituræ renunciasse. Cod. Ms. membræ. Biblioth. Vaticanæ Nro. 6092. fol. 58. titulo. *Ungheria hæc habet: Il Re d' Ungheria rinuncio à tutti di Pasqual II. il privilegio delle Investiture episcopali*; quæ ad Stephanum II. Colemanum suum videntur pertinere. Alter Cod. Ms. ejusd. Bibl. Nro. 2040. fol. 56. exhibet renuntiacionis exemplum, cui an. 1159. dissette subscriptus est, qui Geisæ II. congruit. De postremo exemplo dubitatur, utrum Stephano III. an Belæ III. tribuendum sit. Contelorus præfigit siglam B. quæ Belam indicat, congruat etiam anno 1179. nomina Strigoniens. & Coloniens. archiepiscoporum.

riam regna æstimans. Verum postquam Manuel obiit, & Spalatenses se regi sponte subjecissent, a) altero etiam anno Jadrenses, excusso Venetorum dominatu, ad prikinam obedientiam rediissent, nihil in causa erat; cur data Manueli fide, se porro obstrictum existimaret. Itaque, ut jus suum in Dalmatiam opere ipso declararet, Farkasium Hungariæ Palatinum Jadram misit, qui lites instituto iudicio, secundum normam cognosceret, b) quam ipse recens in Hungariam induxerat, nempe; ut controversiæ scriptis libellis discuterentur, quo & in jus vocatis mora ad sui defensionem, & iudicibus ad libranda partium momenta spacium daretur. c) Non pot-

1181.

X 2

erat

1182.

a) Lucius I. 3. c. 12.

b) Abhinc Palatinus vetere instituto Dalmatarum iudex constitutus fuit, proventu ex quibusdam insulis Dalmatiæ designato. Cod. jur. patr. T. I. pag. 234. art. 12.

c) Thurocz. Chron. P. II. c. 69. Exstat apud D. Spiels, pag. 140. *archivische Nebenarbeiten*, Belæ III. Dipl. an. 1181. ubi hæc Ego *Belæ* — *considerans, & in futurum meæ regis maiestati præcavens, ne aliqua causa in mei præsentia ventilata, & definita in irritum redigatur, necessarium duxi; ut negotium quodlibet in audientia celsitudinis meæ discussum, scripti testimonio confirmetur.*

erat hæc ufucapio non moleſta Venetiis eſſe, qui, ut locum mercimoniis ſuis in Aſiam propagandis opportunum recuperarent, comparata claſſe, Jadram obſedere. Sed, cum urbs jam ante neceſſario ad deſenſionem apparatu,

1182.

& præſidio Hungarico proviſa eſſet, clade accepta, in Pagum, & vicinas inſulas vim omnem converterant. a) Rex Venetiis reje-ctis, & procurata Dalmatis ſecuritate, arma in Græcos convertit, ſive ut damna ab iis olim Hungariæ illata ulciſceretur, ſive Manuelis viduæ, cujus ſororem in matrimonio habebat, conſilio ad id inductus fuerit, b)

1184.

quam ubi juffu Andronici, tyrannidem affectantis, laqueo enectam comperit, rurfus Græcorum terras ingenti clade affecit, c) vaſſitate ad Moravam amnem prolata. Ab ulterio-  
re progreſſu, morte conjugis, revocatus, paulum poſt de alia ducenda deliberabat, miſſis-  
que in Galliam Legatis, Margaritam Philippi Francorum regis ſororem, Henrici regis Angliæ junioris viduam, ſibi conjungendam popoſcit. Quo minus conſeſſim matrimonium coaluerit, lis de perſolvenda dote, quam ei

rex

---

a) Dandulus l. 10. c. 2. p. 14.

b) Nicetas in Alexio Manuele pag. 141. & Chron. Auſtr. ad an. 1183.

c) Nicetas ibid. & Chron. Auſtr. ad an. 1184.

rex Angliæ constituerat, in causa fuit, a) quæ donec dirimeretur, ut partem curarum sibi demeret, Emericum filium, ne ei jus successio-  
 nis aliquando dubium redderetur, consortem regni declarans, coronari iussit, b) eique Dalmatiam cum Croatia, c) Andreæ autem secundo genito Haliciam, curandam dedit. d) Sed præproperea hæc in filios sollicitudo, ut erat paterni quidem amoris indicium, ita simultatum deinde inter fratres occasio, eo magis regno periculosa, quo facilius exempli vis ad successores postea transiit, ipsosque adeo reges cum filiis non raro collisit. e)

IV. Composita, quæ dotis causa, inter Angliæ, & Galliæ reges orta erat, lite, Margarita a Legatis in Hungariam deducta, relique

a) Schier regin. Hung. pag. 154.

b) Exstat document. apud Farlati Tom. 3. Illyr. sacr. pag. 213.

c) Kerchelics Notit. prælimin. pag. 168.

d) Boguphalus Posnanien. episc. apud Sommersberg Tom. II. pag. 48.

e) Haliciam quarto post anno ab Andrea amissam esse ex Boguphalo apud Sommersberg T. II. pag. 48. patet, mox tamen in jus Hungaricum venisse; documentum apud Farlati T. IV. pag. 12. quod Belæ titulum regis Halicie tribuit, luculente declarat.

- gigue, celebratis nuptiis, collocata est. a) Solennitas nuptiarum, nihil impedimento erat, quo minus rex curas in Dalmatiam converteret. Veneti, retenta inter insulas classe, Jadrensem portum jam in octavum annum circumsidebant, &, facta sæpius excensione, vicinis damna inferebant, & vicissim accipiebant. b) Mutuis cladibus tandem defessi, ut vires ad recuperanda, quæ olim ab Alexio Comneno in Syria impetraverant, mercimonii emporia, adversus Saladinum servarent, inducias in biennium, non invito rege pepigerunt, c) qui ipse jam anno priore invitatus, d) miro studio in sacram profectionem animatus, Henrico regi Angliæ, iter per Hungariam habituro, quæcunque ad sustentationem copiarum necessaria erant, liberaliter ad-

---

a) Radulphus de Diceto apud Twisden Script. rer. Anglic. col. 631. & Rigordus apud du Chesne rer. Franc. T. V. pag. 20.

b) Lucius l. 3. c. 12. pag. 226.

c) Dandulus l. 4. c. 2. P. 20.

d) Exstat in Biblioth. Augusta Vindobon. Cod. Ms. inter theologicos N. 330. epistola Comraði Comititis montis ferrati, ad Belam regem, qua suppetias sibi ab eo mitti rogat; eo imprimis ex capite, ut terram Syriæ a decessoribus suis perdomitam liberaret, Servari eidem Ascon, aliasque urbes. Qui decessores hi fuerint, an  
S.



addixit. d) Sed, cum morte præventus esset, copiosius munificentia hac regis usus est Fridericus Imperator, qui impetrato per Moguntiam archiepiscopum libero comitatu, ut Posonium secundo Danubio cum cruce signatis appulit, ne effraenis multitudo damna regno inferret, habito conventu, modum protectionis, rerumque emendarum constituit, vetuitque, ne quis per iter incolis gravis esset, & maleficium inferret. His constitutis, ut Strigonio appropinquavit, regem cum regina obvios habuit, a quibus amplissimis donis excultus est. a) Mox sponsio quoque matrimonii, quod tamen præmortuo postea sponso non coaluit, inter filium Imperatoris, & regis filiam inita, & frater regis ope ejusdem

X 4

a

---

S. Ladislaus sacre protectionis dux electus, licet præmortuus, copias aliquas reliquis adjungi jusserit, incertum est, nisi forte eam Hungarorum partem, quæ dum reliqui in Hungariam profecti sunt, in finibus Persiæ, ut Constantinus Porphyrog. de administr. Imperii c. 40. scribit, confederat, & Syriam sensim subjugavit, intelligat.

- a) Radulphus de Diceto, cit. loc. col. 638.
- b) Præter alimenta gratuito præbita, tentorium operosæ molis, cui portando vix tria plaustra suffecerant, dona item serica, & sedem eburneam

1189.

a regina subornati, non modo liber ex carcere dimissus, sed cum duobus etiam Hungarorum milibus, Imperatori adjuuctus est, qui postquam cum exercitu Savum transmisset, vicissim naves omnes, quibus Ratisbona cum copiis defluerat, regi dono dedit. a) Nondum Cæsar Serviam egressus erat, cum a rege nuncii adfuere, qui Hungaros revocarent. Id Cæsari non inanem suspicionem ingressit, quasi simulata regis amicitia esset. Itaque, postquam Philoppopolim pervenit, abeundi, qui vellent, potestatem illis fecit. Plerisque redeuntibus, pauci, dedecus esse rati, si reverterentur, cum Geisa, regis fratre, remanserant, qui in Græcia deinde matrimonio, regia familia digno, innexus, ex conjuge filios susculit, magno olim Hungariæ, nisi res temporis fuisset prodita, discrimini futuros. b)

1190.

V. Non deerat regi causa, cur Hungaros ex protectione revocandos censuerit. Cum enim

---

neam regina obtulit, rex vero quatuor camelos preciosis muneribus, quos 5000. marcarum æstimabantur, onustos, ut hæc fusiis narrat Arnoldus Lubecensis apud Canisium Tom. II. Scriptor. German. P. II. pag. 506.

a) Anonym. apud Canisium Tom. III. P. II. pag. 506.

b) Idem ibid. De filiis Geisæ in Græcia natis, dicetur, cum ad res Andree II. ventum fuerit.

enim Imperatorem Orientis, tradita ei jam filia, a) generum haberet, recens autem filiam alteram Friderici Cæsaris filio despondisset, ne, cum inter utrumque aperta similitudinis indicia se jam prodidissent, in utramvis partem offenderet, copias suas reduci voluit, quibus ipse, quod induciæ biennales cum Venetis ad finem vergerent, domi egebat. Non fuisse curam hanc supervacaneam, ex eventu patuit. Veneti rursus fortunam periclitaturi, classem Dalmatiæ applicuerant, sed inita ad Trani promontorium navali pugna victi, biennales iterum inducias sancire coacti sunt. b) Abhinc vicaria potestate in Dalmatiam, Calano Quinqueecclesiensi episcopo, quem *Gubernatoris* titulo rex ornaverat, credita, c) res sacras complexus, Ladislai regis, quem Cœlestinus III. Sanctorum numero adscripserat, corpus solenni ritu levare, & venerationi publicæ, Varadini in Ecclesia, quam vivus exstruxerat, proponi fecit, d) quæ postea a por-

---

a) Nicetas l. 1. pag. 194.

b) Lucas l. 3. c. 12. & Dandulas l. 10. c. 2. P. 28.

c) In dipl. an. 1190. dicitur: *totam Dalmatiam, & Croatiam nobiliter procurans.*

d) Acta SS. mensis Junii Tom. V. pag. 319. Ecclesia, quam condidit, erat Collegiata, cujus Præpositus dicebatur *Minor*, in comparatione majoris.

~~transportatione~~ portatione ferri candentis, ad sepulcrum ejusdem regis, celeberrima est reddita.

1193.

VI. Interea Veneti, evoluta induciarum tempore, iterum Jadram aggressi, nil aliud, plusve promoverant, quam quod civibus libero per mare commeatu interclusis, novos magistratus Pago, vicinisque insulis præfecerint, a) Arbensem vero insulam verius est, ad defectionem sollicitatam, quam, ut Lucius putat, subactam fuisse. b) Ceterum, ut Venetis litus Dalmaticum toties infestantibus frænum poneret, Comitatum Modruensem Bartholomæo, ex Frangepaniorum gente, viro militia claro, hæreditarium his conditionibus contulit, ut ad exercitum regium, intra regni limites, decem milites loricanos, extra regnum vero quatuor solum, sisteret, idque eo tempore, quo Croatis militia universæ imperatur, si per incuriam, aut pigritiam id non præstaret, indicta proxime militia, duplo numero, aut tot, quot prius deerant,

---

majoris, seu Cathedralis. Vide Pray Dissert. de S. Ladislao rege, & ejusdem epist. eristicam contra Anton. Ganoczy, pag. 108. seq.

a) Dandulus l. 4. c. 3. P. 4.

b) Lib. 3. c. 12. documentum enim quod adfert, id solum indicat, missum fuisse Fascaremum *ad aquirendam fidelitatem a populo civitatis*, sed an hanc populus præstiterit, nulla sit mentio.

erant, militibus, negligentiam pensaret, ad hæc, si improlis moreretur, hæreditas nequam ad ejus fratres, sed horum filios transiret. a) Sub hæc genero suo Isaacio, quem ad Savum convenerat, & cujus duces in Bulgaria cum Valachis infelicitè conflixere, auxiliares copias Vidinum se missurum pollicitus est, quæ tamen sero, vel non eo numero advenere, ut Græcos à secunda, quam acceperant, clade incolumes servare potuerint. b) Inter has belli curas filio quoque Emerico de conjuge ducenda consultum voluit desponsa Alisia, Raynaldi, Principis Antiocheni filia, dote, præter complures villas, quadringentarum marcarum constituta, quam sponsus quoque ratam habuit. c)

1194.

1195.

VII. Sed, dum nuptiæ parantur, rex obiit, cum maximos pro sacra expeditione, ad quam se voto obstrinxerat, apparatus faceret, quem conjux, a mariti obitu in Palæstinam profecta, Accone quinto post mense, vivis erepta itidem consequuta est. d) Deceffit

1196.

a) Ex autogr. Exstat. etiam apud Kerchelicis Notit. prælim. pag. 67. & Katona Tom. 4. p. 419.

Sed utrobique pluribus erroribus refertum,

b) Nicetas l. 3. pag. 235.

c) Innocentii III. litt. an. primi apud Schier l. c. pag. 163.

d) Hovedenus ad an. 1196.

1196.

cessit IX. Calendas Majas, insigni ad posterum relictæ sui memoria. a) Præter Dalmatiam enim, quam cum Croatia maritima, pristino juri Hungarico asseruit, judiciorum rationem, cum prius fere omnia nutu Principis, quin in causam vocatis excusandi locus daretur, fierent, ad leges æquitatis, & humanitatis reduxit, severitatem, qua decessores etiam in Optimates agere solebant, lenitate temperavit, quin propterea autoritati regię quidquam detraheret, populum, sub papilionibus agere solitum, deterfo squallore ædium, quæ ut plurimum ex cannis, raro ex lignis, rarissime autem ex lapidibus structæ erant, sociali vitæ magis consuefecit, aliisque, quæ ad cultum pertinent, & Constantino-poli in aula Imperatoria, a puero educatus, viderat, inductis consuetudinibus, Hungariam a pristina forma sensim in meliorem convertit. b)

Filios

---

a) Chron. Ms. Kezæ.

b) Quæ facies Hungariæ ante Belam fuerit, Otto Frisingensis, qui Cæsaris per Hungariam in Pælaestinam proficiscentis, socius erat, l. 1. de rebus gestis Friderici c. 31. præmissa geographica descriptione in hæc verba refert: *cum vilissima in vicis, vel oppidis ibi, id est, ex cannis tantum, rara ex lignis, rarissima ex lapidibus habeantur habitacula, toto æstatis, vel autumnii tempore papiliones inhabitant.*

Filios tres superstites reliquit, Emericum natu maximum, & regni hæredem, alterum Andream, quem, ut sui loco in Palæstinam pro-

fig. 6

*tant. — Omnes sic Principi suo obsequuntur, ut unusquisque, ne dicam manifestis illum contradictionibus exasperare, sed & occultis susurris lacerare, nefas arbitrentur. — Quod si quis ex Comitum ordine regem vel in modico offenderit, vel etiam de hoc quandoque non iuste infamatus fuerit, quilibet infimæ conditionis lixa, a Curia missus, cum licet satellitibus suis stipatum, solus comprehendit, in vinculis ponit, — nulla sententia a Principe, sicut apud nos moris est, per Pares suos exposcitur, nulla accusato excusandi licentia datur, sed sola Principis voluntas apud omnes pro ratione habetur. Quæ de linguæ barbarie refert, cum hujus ignarus fuerit, utcunque ei condonari potest: de militia autem hæc illius sunt: si quando vero exercitum rex ducere voluerit, cuncti sine contradictione, quasi in unum corpus adunantur. Coloni quidæm, qui in vicis morantur, novem decimum, vel etiam septem octavum, vel infra, si necesse fuerit, cum suppellectili ad bellum necessaria instruunt, cæteris pro cultura domi relictis, qui vero de militum ordine sunt, nulla occasione, nisi gravissima, domi remanere audebunt.*

~~1196.~~ proficisceretur, relicto ingenti thesauro, votum fecit, & tertium incerti nominis, natu postremum. *a)*

---

EME.

---

*a)* Innocentii III. epist. apud Sirletum, p. 4. Sciturus — te jure, quod tibi, si dictus rex (Emericus) sine prole decederet, in regno Hung. competebat ordine genituræ, privandum, et regnum ipsum ad minorem fratrem tuum devolvendum.



## EMERICUS.

*Ab anno 1196. — 1205.*

**R**egnum, quod a patre ditionibus auctum, & tranquillum adeptus est, brevi post Andreas frater, qui armorum præ illo cupidior, Dalmatiz, & Croatiæ inhæbat, novis turbis involvit. In hunc finem, thesaurum, quem a patre ad iter Jerosolymitanum, voti exsequendi causa, acceperat, malo aliorum consilio usus, in militem conscribendum convertit, regique apertum bellum indixit, magna in principio civilis sanguinis jactura, quod pars regi, pars Andreæ adhereret, gestum, post tamen Innocentio III. autoritatem suam interponente, qui ad Andreæ, & Colocensem archiepiscopum, hujusque suffraganeos, ut dissidentes fratres conciliarent, litteras dederat, a) sopitum, concordizque inter utrumque ea conditione inita est, ut rex Dalmatiam cum Croatia, attributo Ducis titulo, fratri curandam cederet. b)

Ita

a) Ejusdem apud eund. & Baluzium Tom. II. pag. 141.

b) Exstant apud Lucium documenta l. 3. c. 13. l. 4. c. 3. quæ id luculente declarant.

**1198.** Ita pax quidē consult, sed quia armis potius impetrata, quam spontanea pactione conciliata esset, diuturna non fuit. Andreas obtento, ob quem arma corripuerat, sine, dum provinciam adire parat, Dalmatas, & Croatas, præter opinionem suam adversos habuit, sive avelli se ab Hungaris ægre ferrent, sive Ducem, Venetis, si quid in Dalmatiam molerentur, resistendo imparem existimarent. Armis igitur agere coactus est, & victoria potitus, *a)* non solum Dalmatiæ possessionem sibi firmavit, sed Chulmensē quoque Ducatum, mari aditum, præterea adjunxit, ditio-  
ne in Macedoniæ partem prolata. *b)*

**1199.** II. Atque hæc quidem per illum ad-jus Hungariæ accessio facta est. Rex vero, redintegrata cum fratre amicitia, & sponsione matrimonii, quam,

---

*a)* Idem l. 4. c. 3.

*b)* Cum ante Andream nemo, nec postea ad Carolum Robertum quisquam nostrorum legatur, arma in Macedoniam intulisse, & tamen essent documenta Bela IV. an. 1269. Ludovici I. an. 1349. & Sigismundi annor. 1395. & 1406. quæ diserte affirmant, *Castoriam* urbem Macedoniæ a regibus Hung. familiæ Comitum *Ohmucsevich* fuisse donatam, verisimile est, hac occasione aliquam Macedoniæ partem ab Andrea fuisse occupatam.

quam, vivo patre, cum Alisia Principis Antiocheni filia inierat, incertum quam ob causam, 1199.  
 soluta, a) Constantiam, Alphonfi Castellæ regis filiam, sibi conjugem delegit, dote, ob dignitatem conjugii, XII. millium marcarum argenti, præter duos Comitatus, designata. b) Regis nuptias aliæ exceperant, Constantia regis sorore, Primislao, regi Bohemiæ, collocata. c) Pompas nuptiales importune Andreas fere interceperat, qui rursus bellum fratri obmovit, sed pugna inferior, in Austriam ad Leopoldum Ducem evadens, regi, ut Austriam ferro, & igne vastaret, occasionem præbuit. d) Molestum id erat Imperiæ Principibus, qui sacram expeditionem per Hungariam parabant. Quare, ut civile bellum sopirent, missò Conrado Moguntino archiepiscopo, dissidentes his pactis conciliaverunt:

a) Nupsit deinde Azoni Estensium Marchioni. Cum autem dos, nuptiarum causa dari soleat, hæc vero non coaluerint, incredibile videretur, ut hæc ei deinde, postquam Azoni nupsisset, a rege, cum ærarii detrimento, præbita fuerit. Pontifex quoque id frustra urfisse videtur.

b) Patet id ex Honorii III. epist. 5. ad archiep. Salisburgen. cujus alibi mentio fiet.

c) Cosmas Pragensis ad an. 1199.

d) Chron. Claustro-neoburg. Chronica Austrak & Ortilo ad an. 1199.

1200.

runt: rex fratrem, condonata injuria, in gratiam reciperet; &, quia Andreas patris voto teneretur, rex vero in Palæstinam se profecturum, Pontifici addixisset, uterque expeditioni sacræ se accingeret, Hungaria interim curæ Ducis Austriæ credita, quam, si alteruter illorum in transmarinis partibus mortem oppeteret, is, qui superstes esset, regendam acciperet. a)

1202.

ter fratres concordia, rex necessarios ad profectionem apparatus faciebat, nec enim ceteris Europæis segnior hac parte videri volebat, cum ob res novas, quæ ex Servia afferbantur, differenda fuit. Præerat illi Stephanus ex gente Neemaniana, qui, ut regiam dignitatem obtineret, amplectendæ cum Ecclesia Romana unionis spem Innocentio III. fecerat. Verane, an simulata illius destinatio fuerit, non liquet, illud constat, regem, ut primum clanculariæ hujus molitionis indicium ad se perlatum est, quod ea re juri suo præjudicium fieri videret, & præterea a Vulco, Stephani fratre in auxilium accerferetur, in Serviam profectum, Stephano exauctore Vulcum subrogasse. b) Inde in Bulgariam transgressus, magnam illius quoque partem subegit.

a) Chron. Austr. apud Pez l. cit. col. 710. & Godfredus pud Freherum T. I. pag. 366.

b) Innocentii III. epist. ad regem, apud Baluzium, Tom. I. pag. 619. *in vero, postquam expugnata*

sebegit, a) E medio victoriarum cursu Veneti nihil tale opinantem revocarunt, qui Gal-  
lis conjuncti, classe, quam liberandæ Palæsti-  
næ se parasse prætexebant, Jadræ applicita,  
urbem tridui obsidione capiunt, & evertunt,  
b) qua immanitate non solum rex, & magna  
Europæorum pars, qui ceteroquin voto se ad  
sacram expeditionem obstrinxerat, animo  
commoti, domi resisterat, sed Galli quoque,  
cum viderent spolia non ex æquo dividi, Ve-  
netos deseruere.

1202.

III. Pontifex spe sua delusum se videns,  
& regis injuria offensus, auctores abominandi  
facinoris, una cum Venetorum Duce, quem  
conscium fuisse, non inanis suspicio erat, sa-

1203.

Y 2

crorum

*fit Serviam, amato Stephano, & Fulco substi-  
tuto in locum ipfius &c.*

a) Hac expeditione, quinque episcopatus Bulga-  
riæ a rege occupatos, questus est Calo Joannes  
apud Pontif. petitque, ut inter regem, & se limi-  
tes definiat, ut est apud Raynaldum ad annum  
1204. Firmat id Andræ II. dipl. an. 1231.  
*quod cum recolendæ memoriæ Hemericus, fra-  
ter noster, illustris rex Hung. Thomæ Comitæ  
in recompensationem suorum fidelium servitio-  
rum, quæ sibi in expeditione, quam habuit  
contra Bulgaros super fluvio Morava, lauda-  
biliter exhibuit &c.*

b) Thomas archidiac. hist. Salonit. c. 25.

1203.

crorum communione interdixit, Gallia, quod fere inviti in communionem sceleris pertracti fuissent, errati veniam deprecantibus, a) Venetis contra, tamquam re egregie patrata, in pervicacia obstinatis, qui exacta illic in munimento, quod exstruxerant, hyeme, mutato repente consilio, non, ut se facturos receperant, in Palæstinam, sed ab Alexio Angelo, quem frater solio detrufum oculis orbaverat, ut sibi contra illum auxilio essent, invitati, Constantinopolim, nihil Innocentii minis absteriti, classem admove. Jadrenses illorum absentia usi, regisque stipendiis, & Cajetanorum navibus adjuti, urbem, trucidatis præfidiariis, receperunt, qua recuperata rex in proposito sacræ expeditionis confirmatus, antequam profectioni se accinxerat, ne quid per sui absentiam frater turbaret, regni causa sollicitus, Ladislaum filium successorem designare cupiebat. Scripsit propterea ad Pontificem, ut, si qui propterea suo delirio contrarii esse auderent, eos sua auctoritate in officio contineret. Annuit, datisque ad archiepiscopos, & episcopos litteris, universos hortatus est, ut regi ea in rem gererent, agerentque, ut infanti juramentum fidelitatis præstetur, &, si regem in peregrinatione mori contingeret, eam pupill.

---

a) Raynaldus ad an. 1203. N. 6.

pili interim gererent, donec per ætatem regimini idoneus esset. a)

1203.

IV. Jam nihil erat, quod professionem morari posse videbatur, cum aliud ex alio impedimentum intervenit. Ipse Pontifex, qui Ottoni præ Philippo, Imperii Germaniæ æmulo, favebat, omnium primus obicem posuit, regem hortatus, ut copias suas Primislao Bohemiæ regi contra Philippum conjungeret. Non potuit non vicissim Rex Pontifici gratificari, & exercitum non temnendo numero Bohemis subsidio misit. Deducta regno militia, Calejoannes tempus opportunum nactus est, ut non solum quæ in Bulgaria erant amissa, recuperaret, verum Serviam quoque popularetur, & terram, quæ regis sorori, Isaacio nuptæ, in dotem data erat, in potestatem redigeret. b) Frustra rex propterea Pontifici questus est, frustra quoque injuriam ulcisci parabat, fratris ambitione prohibitus. Æge is ferebat, infantem successorum esse declaratum, cumque non minima Optimatum pars illi faveret, brevi iustum conflavit exercitum, regique cum copiis adventanti opposuit. Prope jam erat, ut ad manus veniretur, cum rex se a suis pene desertum videret.

Y 3

dens,

a) Litteras Innocentii III. exhibet Dobner Monument. Tom. II. pag. 331.

b) Raynaldus ad an. 1204. N. 44.

~~1239.~~ dens, consilium, ut primo obtutu temerarium, sic in exitu felix, arripuit. Inermis solaque virga monitus, fratris castra ingressus, elata voce aiebat, visurum se, quis eo audaciaz prorumperet, ut manus suas in regium sanguinem injiciat, simulque omnibus attonitis ultra progressus, ut ad fratrem venit, manu prehensum castris educit, suisque tradit, castro, cui *Kene* nomen erat, includendum, ejus dein uxore, Gertrude, Ducis Meraniae filia, domum remissa, reliquos, facta delicti venia, in gratiam recepit. a) Fraternali belli calamitas non ad Hungariam solam, sed Dalmatiam quoque pertinuit. Veneti enim Hungarorum dissidia in suum lucrum vertentes, novam classem ad subigendam Jadram parabant, quo comperto cives, quoniam spes auxilii ex Hungaria affuturi vix ulla esset, missis Legatis sponte in clientelam Venetorum concessere, graviores, quam dum regibus Hungariae parebant, conditiones inire coacti. Comes enim urbis, quem prius ex suis popularibus legabant,

a) Thomas archidiaconus. l. cit. c. 24. Dandulus l. 10. c. 3. P. XL. Oefelli script. rer. Boicarum Tom. II. pag. 335. castri *Kene* Andreas ipsa meminit in dipl. an. 1209. quo Varasdinum, quod sibi in ea arce detento, cives omnia liberaliter administrassent, regis liberis civitatibus accenset.



bant, nunc Venetus origine, etiam invitis obtrusus est, & tributum, ter mille pelles cuniculorum, quotannis pendendum, utque jurisdictionem temporalem sibi magis firmarent, arctiusque Ecclesiasticæ innecterent, archiepiscopus Patriarchæ Gradenſi subesse jussus. a)

V. Amiſſa Jadra, cui ob domestica diſſidia ſuccurri non poterat, rex animo æger, non tam de profectione in Palæſtinam cogitabat, quam qua ratione labefactis domi rebus poſſit conſulere. Fratre in cuſtodiam dato, quies utcunque quidem reſtituta videri poterat, verum futuri temporis anxius, optabat, filium infantem ſe vivo coronatum videre, nihil dubitans, hac una re fratris ambitionem frænari, & ſtabilem deinceps in familia regia concordiam, regnoque tranquillitatem conciliari poſſe. Scripſit propterea ad Pontificem, qui ejus deſiderio annuens, eam provinciam Strigoniensî archiepiscopo mandavit, monuitque, ut pater in filii loco, de ſervanda ſedi Apoſtolicæ obedientia juramentum præſtaret, b) ſimul Leonem Cardi-

1204.

Y 4

na.

a) Dandulus l. 10. c. 3. P. 29.

b) Epiſt. Innocentii III. apud Dobner Monument. Tom. H. pag. 337. verba huc pertinentia ſunt: *recepturus ab ipſo patre, filii ſui vice, corporaliter juramentum, tam ſuper ſedis Apoſtolicæ*

etc.

1204.

nalem in Bulgariam iturum regi commenda-  
vit. Acceptus est in principio liberaliter, sed,  
postquam comperit, Legatum, non solum ea  
de causa mitti, ut Bulgaros ad unionem Ec-  
clesiæ Catholicæ reduceret, sed Calojoannem  
titulo etiam regis ornaret, a) cum jam in re-  
gni

*obedientia, quam super Ecclesia Hungarica  
libertate &c. Quod genus obedientiæ hoc fue-  
rit, mihi fateor obscurum esse. Si de rebus  
religionis sermo sit, hanc reges nostri semper  
præstiterunt; si de temporalibus, & episcopo-  
rum renunciatione; illud proprium est juris  
patronatus regii, quemadmodum collata terra  
juris regii fuit, hoc autem primo regi S. Ste-  
phano ab Ecclesia concessum est, neq unquam  
revocatum. Forte Pontifex per hoc, jus cli-  
entelare in Hungariam, tacite indicare volue-  
rit. Certe in alia ad regem epistola hæc scri-  
bit: attende nihilominus diligenter, quale de-  
nique reputares, si nos impedire vellemus, ne  
filius tuus carnalis coronari posset in regem?  
quæ, ut putò, satis ab se loquantur.*

a) Epist. ejusd. Pontif. ad regem, apud Murato-  
rium Tom. III. script. rer. Ital. pag. 523.  
*quoniam, etsi scripseris, quod præfatus Joannicius  
nullius terræ de jure sit dominus, licet aliquam  
partem tui, & aliam regni alterius ad tempus  
detinet occupatam, unde miraris, quod tam  
manifestum inimicum tuum, te inconsulto, tam  
subito in regem proposuerimus coronare &c.*

qui limitibus esset, porro proficisci vetuit, voluitque, ut sibi de jure suo per Calojoannem prius satisfaceret. Jure enim queri rex sibi visus est, nondum Venetos ob Iadræ everisionem, nec Calojoannem, ob vastatam Serviam, & violententer detentam terræ illius partem, quæ sorori suæ, Isaacio nuptæ, dotis causa erat oblata, a) ad pensandam injuriam hactenus fuisse adactos, nec spem, si Calojoannes prius coronaretur, deinceps affulgere, ut sibi satis faciat. Lis, pontifice magis in Bulgaram, quam regem, proclivi, porro datis ulro citroque litteris protrasta, cum morte regis adhæsit. Obiit pridie calendæ

De-

a) Innocentii III. epist. cit. apud Murator. Tom. III. pag. 523. *Quod autem scripsisti, quod præfatus Joannitius terram, quam pater tuus Imperatrici Græcorum dedit in dotem, detinet occupatam, & terram Servie, tuæ coronæ subiectam, adjuncta sibi multitudine copiosa, crudeliter devastavit, — certissime noveris, nobis esse valde molestum &c.* Hoc loq. Pontifex terram dotalitiam aperte discernit a Servia, in hac igitur illa esse non potuit, proinde debebat esse in Bulgaria, in qua Bela III. quinque episcopatus, ut memoratum est, occupaverat. Nec in Bosnia, vel Dalmatia portio hæc dotalitia queri potest, cum in hac Joannitius arma intulisse nuspiam legatur.

Decembris, a) filio prius corona incincto, cui fratrem Andream a custodia dimissum, testamento tutorem constituit. b)

1205.

Pronum est coniecere, quia cura Andreas, qui vivo fratre non obscure regnum affectavit, a custodia dimissus, tutoris partes implere conatus fuerit, quod Pontifex, quamprimum id ex ejus litteris comperit, prudenter metuens, paterne illum hortatus est, ut pupilli curam diligenter haberet, relictum illi, & reginae matri thesaurum ne in alios usus convertat, neve regales fundos dissipare auct. c) Fecit id in principio non gravate, nec sui oblitus, conjugem in Hungariam revocavit, ut, quemadmodum calamitatis suae olim par-

a) Oefell rer. Boic. Tom. III. pag. 335. & Ortiolo ad an. 1204. Fuit in res sacras munificus, ut crebrae donationum litterae testantur. Patrenos late in Bosnia grassantes ope Legati Pontificis ad unionem reduxit, quae cum ad hist. Ecclesiasticam pertineant, consulto a me praetermissa sunt. Hoc unum ei vitio datur, quod Boleslaum Vaciens. episc. a summo aere gradu detractum pavimento assiderit, & cum thesauro Ecclesiae patrimonium episcopi violente occupaverit.

b) Thom. archidiacon. c. 24.

c) Chron. Admontense apud Hieron. Pez. Tom. I. col. 1207.

particeps erat, ita honoris quoque nunc socia esset. Sed brevi inter hanc, & viduam reginam, quod utraque regimini se velletingere, simultas orta, hanc, ut sibi, & filio mature consuleret, ad amplectendam fugam impulit. Communicato igitur cum iis, quos pupillo addictos norat, consilio, regni insignia clam convasat, & in Austriam ad Leopoldum Ducem evadit a) Ex fuga, quæ Andreæ parum honorifica fuit, fore bellum inter Hungaros, & Austrios, nisi mors b) Ladislai infantis intervenisset, ortum erat. Corpus defuncti ab episcopo Jaurinensi Albam deductum, & regio more conditum est, regni insignia a Leopoldo reddita, & Constantia vidua in Aragoniam reversa, Friderico II. Imperatori postea nuptui collocata fuit. c)

## ANDRE.

a) Ibid.

b) Chron. Admontense apud Pez I. cit. & Arenpeck ibid. Tom. I. col. 1207.

c) Idem Arenpeck I. cit. Plerique scriptores domestici Ladislaum infantem, tertium hoc nomine inter reges censent, a quibus posteriorum regum documenta hæc dissentire videntur. Ladislaus enim cognomento Chutus, non ipse nomen Tertii in sigillis constanter tribuit, hac usus epigraphe: *sigillum Ladislai Tertii regis, quinti Stephani regis filii*. Idem ejus successor, Andreas III. in litt. an. 1295. V. Idus Sept.

## ANDREAS II.

Ab anno 1205. — 1235.

1205.

I. **R**egnum, quod magno studio prius ambiverat, decimo octavo post die, quam Ladislaus infans extinctus est, ex ritu gentis coronatus adiit, multis postea difficultatibus implexum, quod a militari indole, cuius non pauca ante indicia dederat, sensim deflectens, & uxorius, rem publicam fere ex conjugis arbitrio a) administraret. Hinc prima multorum in reginam odii jacta semina, quæ altero anno, dum Belam filium enixa esset,

Sept. confirmat, exhibuerunt, inquit, nobis privilegium domini Ladislai tertii, hanc memorie, quondam inclyti regis Hung. patris nostri carissimi &c. preinde ipsorum regum iudicio, Ladislaus infans ex serie regum expungendus est.

e) Theodericus S. Elisabethæ, Gertrudis filia, biographus apud Canisum Tom. IV. pag. 119. & Dlugossus hist. Pol. I. 6. pag. 615. Item apud Pray Vita S. Elisabeth. pag. 141. Erat autem Andreas rex, vir quietus, & bonus, regina vero mulier virtuosa, & fortis, quæ femineæ cogitationi virilem animum inferens, regni tractabat negotia.

tacite incrementa sumebant. Indé enim data occasio, ut exteri, inter quos Ecbertus, & Bertholdus, reginæ fratres erant, salutationis causa in Hungariam venirent, & regis gratiam aucupati præ Hungaris locum caperent, primæque in aula admisionis essent. Non poterat id non Optimatum, qui alias primi subsellii erant, animos irritare, sensimque a rege avertere. Nec id, utut remissior ad rem publicam plerisque in principio videretur, clam illo erat. Igitur, ut desidiæ a se opinionem amoliretur, non invitus arma in Haliciam, bello civili distractam, flagitantibus ipsis incolis traduxit, eamque, adjecta Lodomeria, juri Hungariæ rursus asseruit. a) 1206. Felici hoc eventu obtrectatores sibi utcunque conciliaverat, cum redux novam offensionis causam præbuit, dum Bertholdum, quem jam ante, præteritis Hungaris, Colocensem archiepiscopum nominaverat, juvenem, nec ea, quam gradus is pōscit, ætate, nec ullis scientiis imbutum, confirmari a Pontifice peteret. Id cum negatum esset, b) ut repulsam passum solaretur, Banum Dalmatiæ, & Croatiæ, Bancone ea dignitate moto, renunciavit.

a) Dlugossus hist. Polon. l. 6. pag. 604.

b) Litt. Innocentii III. apud Baluzium Tom. II. pag. 252.

1209.

vit. a) Cum non obscurum esset, id reginæ gratia fieri, multorum animi nondum penitus compositi, non modo in reginam, sed regem quoque rursus concitati sunt. Banco, qui locum novitio homini cedere coactus erat, regis mandatum, sui contemptum interpretatus, cum iis, quos ab eo norat alieno animo esse, inita societate, ad res novandas, regemque solio movendum conatus suos convertit.

1210.

Communicato igitur cum præcipuis consilio, nuncios, & litteras ad filios Geisæ, quem cum copiarum parte Friderico Imperatori a Bela III. adjunctum, & Constantinopoli adhæsisse memoravimus, crebro misitabant, b) eisque, ut ad regnum capessendum venirent, auctores fuere. Proditio tamen, vigilantia Domaldi Comitis Spalatensis, mature detecta est, & nuncii cum litteris vincti ad regem deducti sunt. c)

II.

a) Subscriptus est diplomati hujus an. Banus Dalm. & Croat.

b) Videtur frater regis natu minimus, cujus alias ex litt. Innocentii meminimus, jam obiisse, cum illius deinceps nusquam memoria occurrat, nec factioni, Geisæ filios Constantinopoli accersivissent, si ille ad hoc tempus superstes erat.

c) Lucius *Memoriæ istoriche di Tragurio*, ora detto Trau. Venet. 1673. l. 2. c. 5. pag. 27. Andreas &c. Cum quidam Principes Ungariæ

ini-



II. Interceptis nunciis, factio quidem ad tempus repressa, non item exstincta erat, cui non multo post novum fomentum Bertholdi arrogantia addidit, qui se Strigoniensi archiepiscopo, & Primati Hungariæ, regis, qui propterea ad Pontificem scripserat, favore subnixus, parem ferre volebat, a) ut adeo non solum viria ex civili, sed Ecclesiastico etiam ordine, in dies magis invisus fieret, regemque importunitate sua, aliorum sugillationi exponeret. Hæc cum satis aperte jactarentur, & ad regem perlata essent, ut rancoris, & invidiæ causam tolleret, Bertholdum ex præfectura Dalmatica amotum Transilvaniæ Vayvodam, & duarum provinciarum, Bacsienfis, & Bodrogienfis supremum Comitem declaravit, eventu tamen, quam spe-

1211.

1212.

*iniquum adversus nos machinantes consilium, in Græciam ad filios Geyckæ chartas, & nuncios transmississent, ut & illos in Ungariam venientes, eorum consilio, & auxilio adjuti, regnum nostrum usurparent, ipse Domaldus solitam fidelitatem semper servans integram, cognito perfido Legationis tenore, ipsos nuncios, cum jam Spalatum pervenissent, cepit, quos ad nos una cum chartis suis compeditos adduxit &c.*

a) Litt. Innocentii III, apud Baluzium Tom. II. pag. 544.

1213.

speraverit, prorsus contrario. Tot enim honores cum utilitate conjunctos, in unum conferri, qui alias in plures dividi solebant, factioniosos sensim ad vindictam irritavit. Hic erat animorum utrinque habitus, cum rex expeditionem in Haliciam parabat. Res erant isthic, ob Romani Igerovicii, quem rex fiduciario jure illis præfecerat, tyrannidem adeo perturbatæ, ut Ducem cum fratre, totaque familia e medio sustulerint. a) Hæc profectio-  
nis in Haliciam causa erat, ne quid autem se absente turbarum oriretur, infelici usus consilio, Banconem, factionis caput, regni Palatinum constituit. Hoc ipsum tempus factioniosis ad sumendam vindictam opportunum visum est. Ira omnis in Berthöldum, ejusque clerum effusa, non habita dignitatis, & cum regio sanguine conjunctionis ratio, injectæ in illum violentæ manus, Sacerdotes, & religiosi verberibus affecti, illata Ecclesiis damna, acta spolia, nemoque facile ex archiepiscopi comitatu erat, qui non insigni injuria affectus fuisset, ea erat facinororum promiscue sæviendi licentia. b)

1214.

III. Nondum tamen furor deferbuit. Regina per latus Bertholdi petebatur. Nec deerant,

a) Annal. Rufsici ad hunc an.

b) Litt. Innocentii III. an. 1214. VIII. Id. Januarii, apud Baluzium Tom. II. pag. 825.

erant, quas patrando crimini speciose prætenderent, causæ. Primum enim, exteros ad præcipua regni officia admotos, licet nemo, præter Bertholdum esset, qui publico magistratu fungeretur, criminati sunt; tum regem, conjugis suasu, potentiorum castra, quæ magis ad parandum sibi in alios dominatum opportuna, quam ad securitatem necessaria videbantur, publicæ tranquillitatis causa, vi armata expugnasse; reginam denique ipsam, magno ærarii publici detrimento, totam in coacervando thesauro esse, in vulgus spargebant. a) Hæc, ut ut fucata, satis ta-

- a) Sunt, qui inter reliquas odii in Bertholdum causas, etiam stuprum Bantonis conjugis, regina conscia, oblatum memorant. Sed præterquam, quod id a moribus reginæ, cujus pudicitiam, aliasque virtutes, illius temporis scriptores commendant, vehementer abhorreat, ipse etiam dissensus narrationem hanc suspectam reddit, cum alii hoc crimen Bertholdo, alii contra illius fratri Ecberto tribuant. Vero proximius est, cum uterque ea apud regem gratia valuerit, ut is apud totius regni majores odia incurreret, quemadmodum ad Pontificem perscripserat, sicarios de industria hanc calumniam excogitasse, ut scelus suum apud exteros, specioso titulo palliarent. Nec, si narratio veritas niteretur, Ecbertus unquam in se-

1214.

tamen erant, ut reginam nihil tale opinantem, destitutam auxilio, & plurium liberorum matrem, immaniter trucidarent, Bela filio, opera pædagogi, sicariorum manibus ægre subducto. a) Pars cæsi corporis in Ecclesia Piliensi, b) pars in Leleszieni condita est, c) certo indicio, etiam in cadaver a barbaris sævitum fuisse. Nec rebus in aula repertis parsum, inter quas & sigillum regium, quo bonorum donationes firmari solent, furto surreptum, ut adeo, ne factiosi illo in aliorum fraudem uti possent, novum ei substituendum fue-

---

dem Bambergensem reponendus, nec Bertholdus ad Patriarchatum Aquilejensem promovendus erat, cum Ecclesia summam in hoc genere cautelam adhibere, & rigidum in ante actam vitam examen institueret soleat.

d) Litt. Andreæ an. 1214. quibus Comiti Myska, patri Magistri Salomonis, qui Belæ prædagus erat, ob hunc servatum possessionem *Zeleleg* donat.

b) Apud Pray Hierarch. P. II. pag. 63.

c) Litt. regis an. 1214. foundationem Præposituræ Leleszien, confirmantis: *pro anima illustris reginæ Gertrudis, conjugis nostræ, eidem Ecclesiæ contulimus, & ideo maxime, quod quædam pars corporis ejusdem in eadem sepulta est Ecclesia.*

fuerit. a) Bertholdus, se quoque ad eadem designari metuens, obtenta a rege peregrinandi venia, mature se periculo subduxit, thesauro, quem regina prolibus, praesertim filiabus olim profuturum, congererat, sibi fide civi servandum dederat, secum ablato. b)

1214.

Pontifex, quamprimum infelicem reginae casum edoctus erat, caedis auctores c) sacris omnibus interdici iussit. d) Verum, qui manus regio sanguine contaminare non vererantur, parum his minis tribuebant. Nec rex,

Z 2

post-

a) Dipl. an. 1216. *Verum quia praesentis privilegii series, prioris sigilli nostri munimine, quod occasione reginae Gertrudis, nostrae dilectissimae conjugis, fuit deperditum, consignata fuerat, praesentem paginam renovandam fore duximus, & alio sigillo, contra falsae cavillationis dolositates, quae possent accidere, parari fecimus &c.*

b) Thesaurus, ut rex ad Pontif. scripserat, septem millibus marcarum aestimatus erat, serius deinde Pontif. mandato restitutus.

c) Caedis autor incertus est, aliqui Banconem, alii Petrum Bihartensem Comitem fuisse memorant. Utervis fuerit, parum refert, illius memoriam, ob detestandum facinus, ad posterorum memoriam existare.

d) Raynald. ad an. 1214. item apud Baluzium Tom. II. pag. 325.

1215.

postquam ex Halicia, rebus compositis, rediit, in reos, qui ob nimiam ejus conniventiam parum regiae auctoritati tribuere conlueverant, ausus est animadvertere, memor illius temporis, quo ope illorum & armis, contra fratrem usus erat. Ne tamen scelus impune penitus evaderet, quosdam, qui necis participes erant, fundis ex lege privavit. Atque hoc unum erat, quo indolentiae notam ab se detergere videbatur, qua sive incuria, sive pusillanimitate, factiosi audaciores facti, consilia de coronando Bela filio inter se cudebant, quod si efficerent, non dubitabant, disidiis inter patrem, & filium suscitandis, se deinceps ob reginae caedem impunes futuros, nec enim, ut scelus ipsum tacita semper animi poena est, regis indulgentiae satis hucusque fidebant. Opportune machinatio regi detecta fuit, qui ut temerarios a proposito averteret, datis ad Pontificem litteris, orabat, ne se invito filium coronari pateretur, si qui nihilominus id auderent, refractarios, quicunque ii, seu civilis, seu Ecclesiastici ordinis essent, sacrorum communione privaret. a) Facile id obtinuit, sed non levi auctoritatis regiae detrimento, qui ad suos in officio continendos aliena ope egerit.

IV.

a) Litt. Innocentii III. ad archiep. Strigon. apud Baluz. Tom. II, pag. 825.

IV. Represso, Pontificis auctoritate, factiolorum conatu, nihil jam ob stare videbatur, quin filium Colomannum, quem Galicienses a) Principes, & populus postulabant, a Strigoniensi archiepiscopo coronatum, illis regem praeficeret. b) Quo firmior autem ei possessio redderetur, & ne juris causa, quod Dux Poloniae ab avo materno, fratre Volodomitrii, regum olim Galiciensis, se habere putabat, difficultas deinceps obmoveri posset, sororem ejus Salomeam, suo conjugem dedit. Ipse etiam prius, quam ad profectio- nem, a qua triennii respirium ei Pontifex indulserat, in Palaestinam se accingeret, Jolan- tam, Petri Antisiodorensis Comitis filiam sibi despondit. c) Filiis quoque ante suum obitum volebat consultum esse. Cum enim vereretur, ne, Colomanno Haliciae rege jam coronato, factioni hac de causa, inter hunc, & Belam

1215.

1216.

Z 3

pri-

a) Sigilla regum, ducto ab Andrea II. initio, constanter *Galiciam*, pro *Halicia* exhibent.

b) Litt. regis ad Pont. an. 1214. *Galiciae Prin- cipes, & populus, nostrae ditioni subjecti, hu- militer a nobis postularunt, ut filium nostrum Colomannum ipsi in regem praeficeremus.* Item Dlugossus l. 6. pag. 604. Confer Gruber ori- gines Livoniae ad an. 1216. & Joan. Arndt. observat. pag. 133.

c) Schier regn. Hung. pag. 106. & 190.

1217.

utque iter maturaret, hortabantur. Dum secum, in quam partem se daret, deliberat, socer Romam properans, generumque prævertens, coronam Imperii a Pontifice, non optimo tamen omine, suscepit. Cum enim ad id capeendum accelerat, a Theodoro Comneno, Epiri Principe interceptus est, a) rege frustra operam suam interponente, ut libertati restitueretur. Nihil igitur jam morandum ratus, mense Augusto Spalaturn profectus, conductis Venetorum, b) Anconitarum, aliorum-

a) Honorii III. epist. data Ferentini 5. Cal. Aug. an Pontificat. 2.

b) Dandulus, & Lucius de regno Dalm. l. 4. c. 4. contendunt, occasione susceptæ in Palestinam expeditionis, ad quam Veneti naves regi profecturo dederant, hunc iuribus suis in Jadram renunciaisse. Sed commentum hoc luculente refellit Thomas archidiacon. Spalatens. Icriptor illius temporis, hist. Salonit. c. 25. *Misit ergo (rex Andreas) & conduxit naves magnas a Venetiis, ab Ancona & Jadra, & ab aliis civitatibus Adriatici sinus, fecitque omnes applicare ad portum Spalatina civitatis: qui, si rex suum ius celsisset, id ignorare non poterat. Precio igitur naves conductæ erant, non cessione iuris, quod serius etiam Veneti agnovere, cum id regni Hungaria notorium confessi sunt, ut in rebus Caroli Roberti dicitur.*



rumque maris Adriatici atcolarum navibus, inde solvens, primum ad insulam Cyprum, tum Acconem applicuit, ~~at~~ mox Hierosolymorum, & Cypri regibus se conjungens, semel, iterumque, ac tertium cum Sephadino Turcarum Sultano conficiens, & victoria positum, aliquot castra vi expugnat, sed, cum ad Thabor montem ventum est, & ipse cum Duce Austriae rüm strepe gerit, foderati autem suis partibus decissent, consilium in Hungariam redeundi iniit. Causa propositi repente mutati multiplex erat. Primum enim, ex porrecta sibi venenata potione, vix mortem evaserat, ipsa deinde Cypri, & Jerosolimitani, regum cupiditas, qui totum pondus armorum eidem incumbere, sibi autem partum bello fructum servare vellent, crebra denique nuncia ad se ex Hungaria perlata, regnum factionibus miserum in modum discerpi, vel incitum ad accelerandum neditum permovere. b)

## V.

- a) Thomas archidias. c. l. c. 26. du-Bonardus  
Thesaurarius apud Murator. Tom. VII c. 186.  
b) Thomas archidias, cit. l. c. 26. item epist. regis  
ad Pont. quæ Bullæ Innocenti IV, an. 1245. in-  
serta est. *cum in ultramarinis partibus in sus-  
ceptæ peregrinationis servitio moraremur, inesa-  
bile dissensionis seminarium in regno nostro per  
frequentes nuncios precul dubio cognovimus  
pul.*

**V.** Convulsis igitur signis, Tripolim per-  
 venit, inde Antiochiam progressus, Leonis  
 Armenorum regis filiam, Andream natu-  
 mino filio, cum jure successione ad ejusdem  
 heredes traducto, Bele autem primogenito,  
 cum in Græcia aliquamdiu moratur, Mariam  
 Theodori Lascaris filiam despondit, ab Ata-  
 ne Bulgarorum Imperatore, non ante dimis-  
 sis, quam eidem quoque filiam nuptui se da-  
 turum promississet. Adfuere etiam ab Iconii  
 Sultano nuncii, qui, si rex sibi filiam, aut  
 neptem matrimonio jungeret, se cum suis sa-  
 cra Christiana amplecturum receperaturus. At-  
 que

*pulchritudo. Nos igitur compulsi, coacti, et  
 invitati a patre sancto Isaacianus.*

a) Ibid. Illis enim Leo rex Armenie, ut no-  
 stra gentis, et sancti gloriantur in unum com-  
 mercio ad confringendam metum, et juges Tur-  
 corum insultus robustior existeret, filiam suam  
 nostra filio tradidit in uxorem, totumque re-  
 gum Armenie cum sua corona, jura plenum  
 Barducum statum concessit, atque juramentum,  
 in perpetuum jurisdictionem eidem filio nostro,  
 et suis heredibus subjugavit. Hujus etiam in-  
 tentionis studio — filiam Comneni Theodori  
 Lascaris filio nostra duximus in uxorem. Eo-  
 dem etiam animo inter Aranenem Bulgariæ Im-  
 peratorem, mediante nostra filia matrimonium  
 celebravimus. — Nuper etiam vestra sancti-  
 tas,

que hanc fere unicum ex sacra expeditione, cui se, suaque, regno non optime constituto, consecraverat, fructum petulit, cum interea domi res publica, factionibus agitata, incredibili detrimento afficeretur. Præter plurima enim, cum seduit, perfidia, scelera, tam ab Ecclesiasticis, quam profanis votivissa, omnes proventus regio furto, & rapinis adeo dissipatos reperit, ut nec ar alienum, peregrinationis causa contractum, diluere, nec ex peculatoribus, qui in externas regiones profugerant, poenam sumere, nec damna denique viginti quinque annorum spacio, se reparare posse, ad Pontificem perscripserit. a)

Qua-

---

tas, Zultanum Iconiæ — ad nos suum destinasse nunciium, ut, si aliquam filiarum nostrarum, aut cognatam sibi traderemus, nos Christianismi fidem assumeret.

- a) Ibid. Cum in Hungariam pervenissemus, multo ampliora perfidia, scelera, quam prius audiveramus, tam per Ecclesiasticas, quam laicales personas contempimus esse perpetrata. Hungariam — dissipatam, & cunctis fidei protentibus spoliata reperimus, ita, ut quod nec debita, quibus in nostræ peregrinationis itinere fuimus obligati, persolvere, nec nequid 25. annorum spacium, regnum nostrum pristina statui poterimus reformare. Igitur — a. K. S. — postulamus, quatenus in auctores tanti sce-

1218. Quare, ut egestati sue aliqua ratione confu-  
leret, fundos castris regis adscriptos, qui  
proprium semper regum pedulum erant, a)  
usa cum coronis hinc, in perpetuum aliena-  
vit, b) fallaci Baronum suorum consilio per-  
dulus, damna, quae per sui in Palatinum ab-  
sentiam perpetrata erant, hac ratione repara-  
ri posse, sero admodum intelligens, quam  
inconsulte sibi nervum rerum gerendarum  
succiderit, & potestati suae limites quodam-  
modo circumscripsit.

VI. In Galicia quoque a suo reditu, Co-  
lomanno inde ejecto, res perturbatas repe-  
rit, quem iam armata manu restituere cona-  
tur, Hungari victi, & Colomannus cum con-

ju-

seris, eorumque complices, tam personas Ec-  
clesiarum, quam Imperiales, censuram vestra  
sedis, & rigorem vestri plenarie excoarctare digne-  
mini, quatenus, in iudicio Christianismi oblate,  
que fugerant, vel auferant, valeant oc-  
currere.

a) Consens. Boik. prae. §. 17. & 24.

b) Dipl. an. 1218. cum quorundam nostrorum  
Principum consilio, terrae nostrae statum, ab  
antiquo iudicio conservatum, alterantes, ca-  
stra, Comitatus, terras, & ceteros totius opulen-  
tiae Hungariae praeventus, in perpetuas heredita-  
tes, nostris Baronibus, & militibus distribui-  
mus a tranquillo possidendos &c.

juge in potestatem. Ducis Miecislai venit. a) Calamitatem hanc excepit altera, dum mortuo Leone Armenorum rege, alteri filio sub Andreae spem succedendi in Armenia, ab æmulo Hierosolymorum rege, succisam intellexit, qui, quod alteram Leonis filiam in conjugio haberet, jus regni, uxoris titulo, ad se pertinere arbitrabatur. b) Ipsa regionis distantia, & nervi, post alienatos regios fundos defectus, regem a jure filii armis prosequendo prohibebant. Affulgebat præterea spes alteri, & Hungariæ utiliori matrimonio filium ignectendi, quam Legati, quos ad Miecislauum, Colomanni liberandi causa miserat, eminus ostentabant, cum quo brevi post, in has condiciones convenere; Colomanno cum conjugē e custodia dimisso, Andreas ejus frater natu minor, filiam Miecislai, cum uterque idoneam conjugio ætatem attigerint, uxorem acciperet; Miecislaus autem jure clientelari Hungariæ obnoxius, Galiciam triennio teneat, & hoc evoluta, locum rursus Colomanno cedat. c) Vix filium in libertatem asseruerat, cum domi inter se, & Belam primo-

1220.

1221.

1222.

a) Dlugossus l. 7. pag. 185.

b) Bernard. Thesaurarius apud Murator. T. VII. col. 843.

c) Honorii III. epist. ad regem, 6. Cal. Febr. anno sexto.

1877.

mogenitum, inter hanc, & ejusque conjugem discordia orta est. Hanc Bela, incertum quas de causa, nisi forte Jolanta noverca occasionem praebuerit, a) ab se dimiserat, quod dissidium cum plerisque non levi offendiculo esset, brevi post studio Episcopi Varadinensis, cui Pontifex hanc provinciam mandaverat, compositum est, non item, quod inter patrem, & filium excitatum erat, tam facile sopitum.

Abhinc enim, quam Bela, volente patre rex inauguratus erat, & pro ratione dignitatis diversam ab eo aulam, hujusque magistratus, excepto Palatii Comite, regis similes

---

a) Huic rex dotem nuptiarum causa, ut Honorius III. Laterano Nonis Julii an. sexto scripserat, constituit proventus Comitatum Varadinensis, Somogiens. Szaladiens. & Sirmienfis, praeter Banatum. Prius autem, quam in Palestinam proficisceretur, si se in peregrinatione mori contingeret, 8000. marcarum eidem constituit ex salibus Marmarosiensibus, & proventus Saracenorum de Pqsh, ac Comitatus de Budrugh, quousque, ut Pont. 18. Cal. Jun. an. secundo ad reginam scribit, tibi sit de praedicta Summa pecunia, plenarie satisfactum. Cum autem pars horum proventuum videatur ad dotem conjugis Belae pertinuisse, facile inter hanc, & reginam, & cum marito etiam dissidium ortum fuerit.

les haberet, sensu inter utriusque palatina-  
 les æmulatio, ex hac simultas orta, mox ab  
 his ad eorum familiares, &, ut fervorum as-  
 sentatio captatis temporibus, multum in ani-  
 mos dominorum potest, etiam ad hos propa-  
 gata, ac ingessis crebro suspicionibus aucta  
 fuit. Animis utrinque ita constitutis, regnum  
 bifariam scissum est: qui regi favebant, Be-  
 lam, cum ad patris curiam venit, contemtim  
 habere, vicissim qui filio adhærebant, quod  
 dominum suum, regem coronatum dictitarent,  
 obsequium legitimo regi detrectare, solebant,  
 sensumque eo ventum, ut prope manus inter  
 se conferrent, nisi pacis studiosi intervenis-  
 sent, prohiberi tamen non potuit, quin par-  
 tes utrinque mutuo sibi in ditionibus damna  
 inferrent, & ea regio nomine tuerentur, ju-  
 raque Nobilium, ut fere fit in dissidio publi-  
 co, cum quisque, contemptis legibus, sui ar-  
 biter est, graviter læderentur. a) Ægre Pon-

ti-

---

a) Rogerius Varadinen. Canonicus, temporis il-  
 lius scriptor, Tom. I. script. rer. Hung. in car-  
 mine miserabili, c. 9. pag. 297, dissidii causas  
 in Magnates confert. *Nam itidem*, scribit, *inter*  
*ipsum regem (Belam) & patrem ejus, sæpius*  
*seditionem, & scandalum procurarunt, ita,*  
*quod hinc inde sæpius militia congregata, di-*  
*micare ad invicem voluerunt, nisi per tenen-*  
*tes medium inter eos, essent pacis fœdera re-*  
*fer-*

1222.

tifex auctoritate sua differentes composuit, gravissimis litteris Antistites regni cohortatus, ut factiosos ad debitum regi præstandam obsequium censuris Ecclesiasticis compellant, qui filium, se vivo, non alia de causa coronari voluerit, quam ut futuro regni periculo, & tranquillitati publicæ consulere, non item, ut dominandi potestatem cum eo partiretur, a) agerent proinde, ut hunc quoque, quid pa-

---

*formata. Cum & ipse rex ad patris curiam accedebat, iidem in nullo ei deserebant, imò dehonestare ipsum verbis, & factis, in quantum poterant, nitentur.*

a) Honorii III. epist. Laterani IV. Non. Jul. an. sexto. Andreas Hung. rex illustris — ad promotionem primogeniti sui diligenter aspirans, nec non discrimen præcavens regni sui, ac ipsius tranquillitatem volens salubriter procurare, dictum primogenitum suum in regem fecit inungi, ac etiam coronari. Quidam perverfi, qui dissensionum semina satagunt invenire, malignari volentes, suum machinantur obsequium subtrahere ipsi regi, tamquam non sibi, sed filio teneantur, & sic contra utrumque dissidium, & scandalum regni procurant. Cum igitur non fuorit ipsius regis intentio, nec esse debuerit, ut, eo vivente, alius dominetur in regno, sed ipse potius regnum teneat, & gubernet, &c. Jubet censuris animadverti in uni-



parenti debeat, officii sui admonerent. Ac Bela quidem, qui non tam suo ingenio, quam malevolorum suggestionem in transversum actus erat, facile in gratiam cum patre rediit, & rex quoque, ut præcipuam dissensionum causam ad vivum resicaret, immunitates, quas sæpius violatas fuisse, Nobiles querebantur, edito decreto confirmavit. a)

Præcipua illius capita ad Nobilium, quorum rogatu confirmata sunt, personas, & fundos attinent. Primi generis sunt, neminem servientium, seu Nobilium, fas sit comprehendere, nisi dies illi dicta sit, & ex legum scito reus pronunciatur; perinde nullus eorum regem extra regnum belli causa profecturum comitari, & militiam profiteri cogatur, nisi rex de suo stipendia præbeat, nec liceat ex bello reversos judicio convenire; neque integrum sit, quemquam, præter Palatinum, Banum, & regis, ac reginæ Comites Curiales, duas regni dignitates tenere. Ut autem dissidii inter regem, & filium causa tollatur, ita utrinque conventum est, ut cuique impune sit, obtenta a rege venia, filium

---

*universos tam in regno, quam extra regnum constitutos, auctores dissidii, quod indicio est, illos, quos ob peculatum e regno profugisse memoravi, partem quoque in dissidio habuisse.*

a) Exstat in Cod. juris patrui, T. I. pag. 155.

Pars I.

A a

1222.

um adire, qui si aliquem iudicio condemnasset, hunc rex ne in gratiam recipiat, aut inchoatam litem ad se divertat; idem a filio præstaretur. Quod vero ad fundos spectat, rex nullam *Collectam*, nec *liberos denarios a*) a Nobilium, & Ecclesiarum b) populis deinceps exigat, tum, si illum contingeret, regnum peragraré, in domibus Nobilium, nisi invitatus, ne hospitetur, idem servis regis vetitum esto: ad hæc, data Nobilibus potestas, ut, si sine hærede mare obirent, quarta pars filiæ cederet, de reliquis vero, ut volent, decernant, &, si ab intestato decederent, propinqui, habita graduum consanguinitatis ratione, hæredes fiant, qui si dēssent, rex ex asse succedat. His ad calcem addita est cautela, multorum malorum futura olim occasio, ut, si rex, vel ejus successores, quidquam his immunitatibus adversum molirentur, habeant tam Episcopi, quam Magnates, & Nobiles, regibus non modo contradicendi, verum etiam resistendi facultatem, quin

a) Vide Notit. præv. §. 24. ubi de Collecta, & liberis denariis prolixè actum est.

b) Edidit eodem hæc anno decretum de immunitatibus Ecclesiasticorum, quod ad præsens institutum putavi non pertinere, viderique potest apud Katoxa hist. reg. T. V. pag. 397.

quin propterea infidelitatis notæ argui possint. a)

VII. Hæc quidem tam ad stabiliendam filii compatre concordiam, quam Nobilium, qui partim inter se, partim cum rege dissidebant, pacandos animos, constituta fuere, neque tamen vel his malum a radice curatum est. Rursus enim dissidium, causa ab eo, a quo minimè oportebat, oblata, inter filium, & patrem, suscitatum est. Rex, quam prius filio sponsam, & uxorem dederat, nunc, incertum a quo subornatus, ægre ferebat, hanc ab illo receptam esse. Bela, ne vel patri exacerbato novam offensionis causam, vel malevolis rursus concitandi intestini motus occasionem præberet, in Austriam simul cum con-

1283.

A a s

ju.

a) Decreti art. 31. §. 2. *Quod si vero nos, vel aliquis successorum nostrorum aliquo unquam tempore, huius dispositioni nostræ contra ire voluerit, liberam habeant harum auctoritate, sine nota alicujus infidelitatis, tam episcopi, quam alii jobagiones, ac Nobiles regni universi, & singuli, præsentis & futuri, posterique, resistendi, & contradicendi nobis, & nostris successoribus in perpetuum facultatem. Confer, quæ de hac clausula in Notit. præv. §. 18. dicta sunt.*

**1224.** Inopinata filii fuga non poterat non varios animorum sensus in regno concitare. Pontifex quoque, qui regis opera ad sacram expeditionem porro uti cupiebat, ut primum de re certior est factus, datis ad regni Antistites, regem Bohemiae, Austriae, & Carinthiae Duces, litteris, diligenter cum iis egit, ut discordes ad unionem reducerent, quorum tandem studio rursus filio pater conciliatus fuit, qui, ut posthac familiaribus utrique occasionem ferendi dissidii præcideret, Belam Dalmatiae, & Croatiae præfecit, *b)* & Colomannum in Galiciam ex pacto debitam reduxit. Abhinc in se reversus, cum videret, plerosque factionum dissensiones ex lucri cupiditate hactenus in regno aluisse, seque ipsum adeo, profusa sua liberalitate, fomentum iis suggessisse, coepit, junctis cum filio studiis, ea, quæ prius prodigalitate peccaverat, corrigere. A militibus Templi exorsus, terram *Borza* in Transilvania, Moldavis finitimam, quam eis prius dono dederat, recepit, cum quod Pontifex eam sedi Apostolicæ subiectam declarando, *c)* videretur illam a jurisdictione

*a)* Ortilo ad an. 1224.

*b)* Kerchelles Notit. pualm. pag. 190.

*c)* Honorii III. epist. ad regem: unde terram ipsam sub Apostolicæ sedis protectione suscepi-

regia voluisse eximere, tum quod limites illius contra incursiones Cumanorum, qua de causa illam Templi militibus contulerat, Saxones perinde, ut illi, tueri possent; quibus amplas immunitates a) propterea largitus est, hoc solum adjecto onere, ut quingentas argenti marcas quotannis fisco regio pendant, & intra regni limites quingentos, extra hos autem centum, milites in usum belli alerent.

1224.

VIII. Displicuit regis factum Pontifici, eumque, ut milites in possessionem reponeret, hortatus est, b) simul scriptis ad eundem, & Belam c) litteris, monuit, ut terrarum alie-

1225.

A a 3

na.

*pimus, & libertate donavimus speciali, adeo, ut Apostolico privilegio statuerimus, eam nulli, nisi Pontifici subjacere.*

a) Toppeltinus origg. Transilv. p. 16.

b) Apud Raynaldum ad an. 1225.

c) Honorii III. epist. ad Belam juniorem regem. dat. Reate idib. Jul. an. 9. Intellecto —

*quod — illustris rex Hung. pater tuus alienationes quasdam fecerit in praejudicium regni sui, & contra regis honorem, nos super hoc — consulere volentes, eidem regi dirigimus scripta nostra, ut alienationes praedictas non obstante juramento, si quod fecit de non revocandis eisdem, studeat revocare, quia, cum teneatur, & in coronatione sua juraverit etiam, jura regni sui, &*  
ho-

1225.

nationes, quas rex in præjudicium sui, & regni fecerat, irritas redderet, cum aliqui tempore coronationis suæ juramento se obstrinxisset, se jura regni, & coronæ, illibata conservaturum. Ut ut rex Pontifici in omnibus deferre cuperet, persuaderi tamen non poterat, ut ablatam terram militibus Templi restitueret, consilium autem de revocandis alienationibus eo libentius est amplexus, quo magis damno suo didicerat, quam inconsulte se bonis privasset, quæ ad decessorum suorum

1226.

jus, & proprietatem pertinebant. Confirmatus in hoc proposito, dum de ratione, qua id commode exequi posset, deliberat, neque enim tam facile his, quorum consilio temere usus bona alienaverat, hæc eripi posse videbat, Belam a præfectura Dalmatiæ, Colomanno a) fratre eidem subrogato, ad se accersit, cujus opera in arduo hoc negotio uteretur. Ac Bela quidem, qui firmiore, quam pater, animo erat, & jam a Pontifice ad id præmonitus, libens patris desiderio subservire cupie-

---

*honorem coronæ illibata servare, illicitum profecto fuit, si præstitis de non revocandis alienationibus, hujusmodi juramentum &c. Hortatur illum, ut in ea regni parte, quam ei pater administrandam credidit, omnes alienationes revocet.*

a) Apud Farlati Tom. IV. pag. 337.

piebat, cum res sub Gregorio IX. qui Honorio succedens, regem ad sacram expeditionem rursus suscipiendam hortabatur, a) adhaesit. Sed is memor, quanto regni damno primam protectionem suscepisset, eaque patris sui voto satisfactum existimans, ne per sui absentiam factiosis rursus spacium rem publicam perturbandi praeberet, domi restitit, ceteros nihil moratus, qui ad eam obeundam se voto obstrinxissent. Inter hos erat Robertus, Strigoniensis archiepiscopus, qui, dum se itineri accingit, in ipsa protectione a filio *Borizii*, Principis Cumanorum invitatus, quindecim illorum millia, jam ante probe institutos, sacro fonte abluit, b) quos ut in fide firmaret, voto a Pontifice solutus c) est, & Cumania, quam nunc Moldaviam dicimus, & rex immunitatibus donaverat, abhinc in jus Hungariae, populo, & duce consentientibus, concessit. d)

A a 4

IX.

a) Apud Raynaldum ad an. 1227.

b) Chronic. Belgicum apud Pistorium Tom. III. pag. 242.

c) Apud Raynald. ad an. 1227.

d) Georgii IX. litt. ad populum, & Ducem Cumanor. Perussi Calend. Octobr. an. tertio. *Ad hujus autem libertatis, & immunitatis, & possessionis pacifice terrae vestrae concessionem a charissimo in Christo filio nostro, Andrea Hung.*

**IX.** Bela, qui illam a patre administrandam acceperat, haud multo post provinciam ingressus, a) operam suam, & auctoritatem, episcopo recens isthic instituto conjunxit, ut, quo firmior in religione populus redderetur, eo constantior etiam in fide regi obstricta persisteret. Accessione Cumanorum, Hungaria quidem ditione auctior, non tamen propterea etiam locupletior reddita est. Ab eo enim tempore, quo rex bona castris regis adscripta, inconsulte alienaverat, proveniunt nec suscipiendæ illius dignitati, nec publicæ

---

*Hung. rege illustri, Belæ regis, primogeniti sui accedente consensu — factam Cumanis, sicut provide facta est, & ejusdem regis litteris, bulla aurea munitis, plenius continentur, auctoritate vobis Apostolica confirmamus &c.*

a) Ejusd. litt. ad Belam regem junior. quibus eum hortatur, ut episcopo Cumanorum adiutor esset, si qui ad unionem Ecclesiæ in Valachia adducendi essent; *cum tu, inquit, tamquam Princeps Catholicus, — præstito juramento promiseris, te omnes inobedientes Romanæ Ecclesiæ, in terra tua ad obediendum eidem Ecclesiæ compulsurum &c.* Apud Bremont. Diplomatar. Ord. S. Dominici, Tom. I. pag. 70. Item ejusd. ad eund. Laterani, 12. Cal. Apr. an. secundo.



cæ necessitati sufficiebant. Malo huc Bela mederi cupiens, alienationes a patre factas sensim revocare, & juri regio vindicare cœpit <sup>a)</sup> sed eventu adeo infelici, ut patri, sibi que prope interitum accerferet. Ii enim, quibus præcipua terrarum portio, tempore alienationis obtigerat, cum viderent, se hac ratione a summis furtunis dejici, inito consilio, regem cum filiis trucidare, & Hungariam inter se partiri, primum constituerant, mutata dein sententia, regnum Friderico Imperatori, postquam ex Syria rediit, misso cum litteris nuncio, offerebant, sed is, cum per Austriam iter facit, Ducis, ut credibile est, indicio proditus, una cum litteris ad regem remissus est. <sup>b)</sup> Scelesta machinatione detecta,

1229.

cum

---

a) Dipl. an. 1229. *Noverint universi, quod, cum inutiles, & superfluas perpetuitates destrueremus &c.*

b) Rogerius in miserabili carmine, Tom. I. script. rer. Hung. c. 9. *Contra vitam patris, & filiorum nequiter conspiraverant, ut illis gladio interemtis, facilius quilibet posset de Hungaria, quam sibi per partes dividerant, portionem sibi debitam, sine conditione cujuslibet obtinere. Et cum concepta nequissent effectui mancipare, aliud nequius cogitarunt: Duci Austriae litteras cum certis pactis, & conditionibus destinando, domino*

Fre-

1230.

cum plures, iique potentiores eodem crimine teneri viderentur, rex non ausus in reos animadvertere, terras solum eorum incendiis vastari iussit, a) nihil propterea ditior ex alieno damno factus. Itaque, cum sibi aliter consulere non posset, proventus suas, qui adhuc erant reliqui, Judæis, & Saracenis administrandos credidit, eosque domui monetariæ; aliisque exactionum officiis præfecit, qui solita sibi avaritia Christianos adeo premebant, ut hi, cum solvendo non essent, proles suas non sine religionis periculo, iis vendere cogerentur. Nihilò meliores ipsi Christiani, quos Judæi exigendis tributis præposuerant, fuere, qui ad faciendum lucri compendium, insolita Ecclesiasticis onera imponebant, &, cum hi legum auctoritate se tuerentur, bona quoque Ecclesiarum, violenta manu sibi vindicabant. b)

## X.

---

*Frederico Rom. Imp. coronam regni, & Hungariam dare promittebant, sed nuncius in via captus, regi fuit cum litteris præsentatus.*

- a) Id videtur indicari in Decr. anno. 1231. quo immunitates iterum confirmantur: *incendium tamen mitti nolumus super villas eorundem.*  
 b) Litt. Gregorii IX. apud Raynaldum ad annum 1231.

X. Accessit illud quoque, quod Bela propo-  
 sito suo insistens, terras a castris regni aliena-  
 tas, juri regio pergeret asserere, earumque do-  
 nationes, quod in perpetuum factæ essent, re-  
 vocaret. a) Inde plerumque animi magis in-  
 dies, magisque commoveri coepere. Potentio-  
 res, quæ alienationis tempore, dono a rege  
 acquisiverant, mordicus retinere, egentiores No-  
 biles, his ademptis, queri de injuria, Ecclesiastici  
 contra exactores Judæos sua tueri pergebant,  
 universi denique jura privatorum, & immuni-  
 tates violari ægre ferebant. In hoc commu-  
 ni omnium æstu, qui sedatiore animo erant,  
 veriti, ne res in apertum erumpat, regem  
 communiter adeundum, eique supplicandum  
 suadebant, ut immunitates, quibus indultu,  
 & benevolentia sancti Stephani regis hacte-  
 nus frui fuissent, denuo confirmare vellet,  
 gratiam enim, ut durabilis sit, exorari potius,  
 quam extorqueri oportere. Annuit rex sup-  
 plicantibus, & edito rursus Detreto confir-  
 mavit, seque, & filios suos ad eas illibate  
 ser-

1231.

---

a) Litt. Belæ an. 1231. *Nos igitur, — dum  
 — voluntate patris nostri, & maturo Prin-  
 cipum terræ nostræ consilio, inutiles, &  
 superfluas donationes, quæ falso nomine  
 perpetuitates nuncupantur, destrueremus &c.*

~~servandas~~ servandas, juramento obstrinxit. a) Pleraque  
 1231. haram capita cum iis, quæ in bulla aurea,  
 novem abhinc annis edita continentur, b)  
 fere consentiant, c) ut adeo hæc regerere,  
 supervacaneum sit. Illud ex iis præcipue me-  
 moratu dignum, quod potestatem istam, quæ  
 prius Nobilibus concessa erat, regi, si eorum  
 immunitates violaret, contradicendi, & resi-  
 stendi, quod causam intestinis motibus ali-  
 quando præbere posset, rex, & Ordines com-  
 muni consensu abolendam censuerint. d)

## XI.

a) Exstat in archivo Pontificio, Armar. 35. T.  
 XVIII. fol. 273. inde Comitiorum vestigiis,  
 Budæ 1790. editis, pag. 98. insertum, sed in  
 aliquibus lectio variat ab exemplo Vaticano.

b) Confer, quæ ad an. 1222, dicta sunt.

c) Aliqua tamen sunt addita, ut, *monetæ, & salibus, ac aliis publicis officiis Judæi, & Saraceni non præstentur.* Cetera vide in vestig. Comitior. Ea, quæ in adjecto isthic commentario leguntur, jam in Notit. præviis occupavi, auxi, & sicubi opus erat, emenda-  
 vi, sunt enim quædam ibi erroneæ, ut cum *Falconarii* ii fuisse dicuntur, qui pro venatu accipitres instruebant, cum tamen eo nomi-  
 ne ii venerint, qui famam falce subsecabant, nunc vulgo *Falcatores* dicti.

d) Vide Notit. præv. §. 18.

XI. Pacatam utquique hoc modo rem publicam, Dionysius Palatinus, & Nicolaus Taveruicorum Magister, sequente anno rursum sua consilia temperant, quorum suasa rex Judaeos, & Saracenos a publicis officiis, quemadmodum polligitur, arat, non removerat, qua sebat, ut populus Christianus illorum avaritiae obiectus, majoribus, quam ante, exactionibus, non sine religionis periculo, preperetur. Quare Strigonienfis archiepiscopus quo sibi dato, usus, perniciosos rei publicae non minus, quam regi Consiliarios, sententia excommunicationis perculit, a) regi autem ad resipiscendum, inducias dedit, b) sed, cum hujus etiam post longas moras spes nulla, affulgeret, hunc quoque, & regnum interdicto, supposuit. c) Graviter id rex, ab aliis subornatus, ferebat, questus propterea Pontifici, ad quem nuncios suos, Rembaldum Hospitalis per Hungariam Magistrum, & Palatinum, cum Simone, Jaurinensi Comite miserat, qui rem, ut gesta erat, referrent.

Pon-

a) Raynald. ad an. 1232.

b) Haec enim in archiep. sententia leguntur: *quia vero regiae Consuetudini, in quantum secundum Deum possumus, deferre volumus, nondum in personam ipsius sententiam tulimus, ejus correctionem expectantes.*

c) Apud Dachez Tom. III. pag. 610.

1234.

Pontifex videns archiepiscopum ultra, quam regie dignitatis, & temporis; ut tunc erat, ratio ferret, studio religionis esse progressum, Jacobum, Bruneshunum episcopum, sedis Apostolicæ Legatum, in Hungariam proficisci iussit, qui aliquoties habito cum rege colloquio, facile effecit, ut quæ de Judæis & Saracenis, a publica rerum administratione removendis, tum damnis Ecclesiastico Ordini sarcientis promiserat, in eo jurejuramento, quod filii quoque, & qui adfuerant, Optimates præstiterant, iterum firmeretur. a)

1238.

XII. Ex tot, quæ hactenus perpeti coactus est, miseria, tandem conspirans, Beatricem, Aldrovandini, Essensis Marchionis filiam, sibi conjunxit, b) invidis Bela, & Colomanno filiis. c) Nuptiis intererat Fridericus, Dux

a) Vide jurejuramenti formam apud Pray Hierarch. P. II. p. 57. & Belæ regie junioris apud Lunig, Cod. Dipl. Germ. col. 1646.

b) Tabulas pactionis exhibet D. Lunig Cod. Dipl. Ital. Tom. I. pag. 1581; & Pray annal. P. I. pag. 24.

c) Monachus Patavin. apud Murator. Tom. VI. script. rer. Ital. 675. scriptor cœvus. *Hoc autem matrimonium filiis regis, Belæ scilicet, & Colomanno displicuit, vehementer; timebant enim, ne pater Johannes filios de juvencula generaret.* Cum nullam memoriam Andreæ tertio geniti regis filii faciat, indicio est, illum ad hoc tempus non supervivisse. Prima illius mentio fit in litt. Honorii III. ut ad an. 1216. & 1218. memoravi: rursus ad an. 1220. apud D.

Dux Austriae, a) sum, quo haud multo post bellum abortum, partim, quod Sophiam, Be- 1235.

lae

D. Spiels, archiviste Steinhartstein P. I. pag. 144. & postremo ad an. 1232. apud Kerse-  
 lics Notit. praelimin. pag. 407, restituitur ab eo  
 gesta dudum referatur. Fabula proinde est,  
 quam scriptores seculi XVI. de Ducum Croyo-  
 rum origine narrant. Series ita textitur. An-  
 dreas regi tres fuisse filios, Belam, Coloman-  
 num, & Andream: priores restitisse in Hun-  
 garia, hunc autem concessisse Venetias, ubi  
 ducta praedivitis mercatoris filia, hanc gravi-  
 dam reliquerit, ex qua Marcus deinde natus,  
 in Galliam abiit, & Croyorum familiam con-  
 didit. Nihil de hoc conjugio laudatus scriptor  
 Patavinus eo tempore vivens, & Venetis pro-  
 ximus novit: deinde, si causam ex his quaeras,  
 cur Andreas, patrem, fratres, & quas pro  
 dignitate regiae prolis fortunas habuit, relin-  
 quens, Venetias concesserit, incerta, pro cer-  
 tis apud externos, quibus nulla parentela con-  
 junctus erat, quaesiturus? nullam reddere no-  
 runt. Et adeone sat sanguinis oblitus erat, ut,  
 qui primum Leonis Armeniae regis, tum Gal-  
 liciae Ducis, filiarum nuptiis, tum jure succes-  
 sionis haereditariae, destinatus erat, mercatoris  
 filiam, divitiarum causa duceret, quibus si non  
 majores, certe pares in Hungaria habebat?  
 nimis paradoxa haec sunt. Credo ego, illa,  
 quae de Stephano Andreae regis postumo, Ve-  
 netias dein delapso, coevi scriptores narrant,  
 similitudine facti, ad Andream illum sero post-  
 ea traducta, indeque splendidam illam fabu-  
 lam de origine Croyorum ortam esse.

a) Fasti Campilil. Tom. I. pag. 1315. additur,  
 Ducem Hungariae ita placuisse, ut eum fere

re-

1235.

læ conjugis sororem, repudiarit, partim, quod olim Hungariæ fines, non habita sexus, & ætatis ratione populatus fuisset. a) Bellum Austriis inauspicatum fuit, Dux in fugam actus, vastatio ad Viennam prolata, tum pax confecta. b) In medio armorum strepitu, de nuptiis quoque, inter Jacobum Aragoniæ regem, Jolantam Andree ex secunda conjuge filiam, interprete Bartholomæo Quinqueecclesiensi episcopo, conciliandis actum, qui Legatione propterea aliquoties perfunctus, sponfam, dote duodecim millium marcarum argenti constituta, regi in Aragoniam adduxit. c) Filiae nuptiis pater non diu superstes, eodem anno, mense Novembri, e vivis excessit.

---

regent optarint. Huc aliqui ea referunt, quæ de Proceribus in regis, & filiorum necem conspirantibus ex Rogerio supra retuli, sed, ut puto, erroneæ. Conspirationis enim causa petebatur a læsa Nobilium immunitate, quam cum rex semel, iterumque confirmavit, summa fuisset ingratitude, si Hungari id consilium tunc iniissent.

a) Godefridus Monach. apud Freher Tom. I. pag. 355.

b) Arnpeck apud Hier. Pez. Tom. I. col. 1213.

c) Dipl. regis apud Pray annal. P. I. pag. 175. & apud Schierl. cit. pag. 199.



cessit, Varadini sepultus, a) conjugem uterum  
gerentem, b) & memoriam post se relinquens 1235.  
re.

a) Pernoldus in Fastis Campitil. Tom. I. pag. 1315.

b) Ad suos dein redux, genuit Stephanum, patrem Andreae III. marem stirpis Arpadianae ultimum. Hujus mentio revocat mihi in memoriam Stephanum IV. Geisae II. regis fratrem, a quo aliqui originem Ducum Crojorum, cum viderent, id ab Andrea paulo ante memorato, commodè fieri non posse, amant deducere. Istorum narratio huc redit. Stephanum ad Græcos profugum Manuel Imp. liberaliter habuit, eique neptem suam, uxorem dedit. Interfuisse illum dein bello inter Manuelem, & Geisam orto, sed confecta pace, cum videret, nihil sibi ad occupandum regnum superesse spei, plures regum aulas oberrabat, atque ita *Marcum* filium, qui quo anno natus sit, non addunt, seu in Belgio, seu in Francia, parvulum reliquit. Eadem de causa venisse illum ad Imp. Fridericum, sed repulsam passum, Venetias, inde Constantinopolim rediisse, tandemque opera Manuelis regno esse potitum, sed prius, quam filium in patriam reducere potuerit, solio decedere coactum esse. Post, ubi fama percrebuerat, veneno extinctum, *Marcus* ibi restitit, ubi a patre relictus erat, qui deinde ducta nobili uxore, familiam Crojorum condidit. Quid veri huic narrationi

Pars I.

B b

Sub-

regis, qui nec largitionibus modum ponere,  
 1235. nec auctoritate, cum opus erat, jureque suo  
 in subjectos, uti norit. Hinc exinanito æra-  
 rio, & immodice aucta Optimatum potentia,  
 ac fortunis, regnum magnopere luxatum,  
 suc-

---

subsit, facile patebit, si illam in ordinem chro-  
 nologicum redegerimus. Stephanus an. 1155.  
 cum Ladislao fratre ad Manuelem profugit,  
 an. 1158. ad Imp. Fridericum venit, opem  
 imploratum, inde ad Manuelem redux, hujus  
 ex fratre Isaacio neptem, uxorem obtinuit, ut  
 Cinnamus, Manuelis per Asiam, & Europam  
 individuus comes l. 6. & Choniates l. 4. te-  
 rantur. Sed neuter memorat, Stephanum ex  
 conjuge prolem ullam sustulisse, igitur nec fa-  
 mosum illum *Marcum*, quem certe Cinnamus,  
 vel ob insolitum, genti Comnenæ, Marci no-  
 men, memoriæ prodidisset, qui ceteroquin in  
 memorandis rebus Hungaricis satis diligens, &  
 copiosus est. Non potuit igitur filium suum  
 per varias Europæ aulas ducere, & seu in  
 Belgio, seu in Francia relinquere, cum eo  
 tempore, quo aulas peragrabat, nec conju-  
 gem habuerit, nec, hac ducta, prolem ullam  
 ex ea susceperit. Largior proinde, Marcum ali-  
 quem fuisse conditorem Ducum Croyorum, sed  
 hunc non fuisse Stephani IV. filium, mihi itidem  
 peto concedi.

successori reliquit. Illud tamen in parte lau-  
tis ponendum, quod jure suo in Galiciam,  
& Lodomeriam constabilito, Moldaviam quo-  
que ad Hungariæ provincias addiderit, & in  
Dalmatia, præter Jadram, nihil sit amif-  
sam.

1235

A

---

B E L A IV.

*Ab an. 1235. — 1270.*

1235.

**I.** Post paucos a patris obitu dies, ne, si mora longior intercederet, rerum novarum studiosi aliquid molirentur, Albam contendens, consueto more, Colomanno fratreensem præferente, *a)* & Daniele Russorum Duce equum ducente, *b)* coronatus est. Cura illi omnium prima fuit, ut rem publicam, desidia patris, & intestinis motibus labefactam, repararet, sed modo usus severiore, quam res usu jam inolita, & temporis ratio ferebat. Optimates, qui sibi patrem olim infensum reddiderant, quæstionibus exagitatos, aut in carceres compingi, aut mulctari exilio, Dionysium vero Palatinum, qui patrem consiliis suis, magis depravaverat, quam regebat, oculis privari iussit. Dignitati quoque regiæ, quæ ob fastum intolerabilem Magnatum, & patris conniventiam, pene despiciabilis est reddita, consultum volens, vetuit,  
ne

---

*a)* Thurocz Chron. P. II. c. 74.

*b)* Novo argumento, Andream Belæ IV. fratrem, tum jam obiisse, alioquin in publica coronationis functione, hæc prærogativa illi præ Russorum Duce competebat.

ne quis coram se, præter primores ex profano ordine, archiepiscopos, & episcopos confidere aulicis, qui contra faceret, eius sedes a) igni cremaretur. Iudiciorum quoque rationem immutatam voluit. Cum enim Conventus regni ad diem S. Stephani regis consilii solitus, lites protelaret, sibi autem in instauranda re publica occupato, tempus non superpetaret, omnes audiendi, quo celerius læsis satis fieret, rursus libellorum morem, quibus omnia scripto transigerentur, reduxit, statuitque, ut Cancellarii de minoris momenti litibus cognoscerent, de gravioribus vero ad se referrent. b) In ærario, quod pater pene inane reliquerat, reparando, Colomanai morem sequutus, c) cœnobiiis, præsertim militie Templi equitibus, quorum nullus fere hactenus in Hungaria usus erat, superfluos proventus sustulit, quorum causa gravis illi molestia cum Pontifice confecta est. c) Sed ma-

B. b. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

a) Vetus hic mos erat, ut Proceres, cum rege consulturi, sellas suas afferrent, ut Otto Frisingen, de reb. Friderici I. l. 1. c. 8. testatur. Ad curiam regis, inquit, singulis ex primoribus sellam secum portantibus, conveniunt, ac de sua rei publicæ statu pertractare, ac discutere non negligunt.

b) Rogerius I. cit. c. 6. & 12.

c) Litt. Gregorii IX. regest. anni 9. epist. 347.

1236. **1236.** per Legatos tributum quadraginta septem annis intermissum repetebat, a) tributum scilicet, quod avo illius, nemo regum Hungariae pactus est, nemo solvit. Legatis re infecta dimissis, Beatrix regina, licet regis iussu diligenter custodiretur, elussa tamen excubis, amictu virum mentita evadens, se adjunxit, cum quibus in Germaniam veniens, Stephanum ibi peperit; b) ultimam in nepote stirpis Arpadianae regem Hungaris datura. Bela reginae fugam graviter laturus erat, si domi res magis pacatae fuissent. Eam enim jam in principio regiminis, superfluas patris sui, & decessorum aliorum donationes, totius regni consensu irritas declarasset, c) fuere tamen

a) Albericus Monach. ad an. 1236.

b) Monach. Patavien. apud Murator. Tom. VI. col. 676. Beatrix deinde cum filio ad suos reversa est, filius autem ab ejus obitu, Venetias delatus, ducta Thomasina ex nobili Maurenorum gente, Andream hujus nominis III. postea Hung. regem, ex ea nascit.

c) Litt. Belae an. 1237. 4. Id. Nov. Cum nos dispositione divina, regni regimine per successionem ad nos devoluto, superfluas, & inutiles quorundam antecessorum nostrorum donationes de communi Baronum nostrorum, ac totius regni consilio, decrevissemus revocandas, &c.

Si-

men ex potentioribus, qui se fortassis privari ægre ferrent, ac propterea inito inter se consilio, missis aliquoties ad Fridericum Austriae Ducem nunciis, ei regnum obtulerint, qui dum propterea ad fines Austriae excubat, ut factiosi se ei conjungant, prodita conjuratio est, & Fridericus a superveniente rege in fugam actus, pacem magno auri pondere redemit. a)

H. Redux, poenam ex proditoribus sumere decrevit. Erant hi fere ex iis, in quos pater fundos regios prodegerat, quorum proventibus elati, reliquos Nobiles contemnere, & se regi fere pares ferre solebant. b) Ut hos igitur ea parte, qua maxime fentirent, castigaret, fundos regios, resistere nolentibus, vi adimi iussit, c) ne tamen alius, qui iusto

1237.

Similia Ladislaus Chunnus an. 1276. 5. Id. Aug. de avo suo Bela testatur. Idem firmat Rogerius l. cit. c. 5.

a) Pernoldus in Fastis Campihl. P. I. pag. 1315.

b) Rogerius l. cit. c. 10.

c) Mathia Corvine teste in llt. an. 1486. *Andreas rebus humanis exempto, collum quo domino Bela rege, coronam regni per subdossionem hereditariam — adipiscente, cum idem omnes perpetuitates, per totum regnum suum validiori manu capisset revocare, tamquam per quas corona sua esset non modicum derogamen, &c.*

1237.

título eos possederant, injuria fieret, aut ipse magis avaritia, quam regni utilitate, duci videretur, iudices constituit, qui in jus, & títulos possessionum inquirerent, & quod æquum esset, decernerent. a) Id, quamquam omnes, ad quos Andreæ regis prodigalitas non pertinuit, boni publici causa fieri existimarent, opulentos tamen ex alieno factos offendit, qui, cum nunc non possent, dissimulato animi vulnere, b) in aliud tempus vindictam diferebant, quæ paulo post toti fere regno ex-cidium attulit. His curis regem intentum,

1238.

Pon-

a) Litt. Bela an. 1239. *Invenimus terram quamdam nomine — in Comitatu de Komarun, existentem, ad Castrenses & Zulgageur, — & ad Castrenses prædicti castri de Komarun, communiter pertinentem, a — curiali Comite archiepiscopi possessionem, quam iudices nostri, ad revocanda jura castrorum constituti, castris re-stituerunt ante dicta, &c.*

b) Rogerius l. cit. c. 5. postquam narrasset, quæ prius reges Nobilibus ex bello revertentibus donassent, de Bela sic. profequitur: *hic autem non solum eis non addidit aliquid, sed concessa ad jus, & proprietatem cujusque sine diminutione aliqua revocavit. Hic est dolor, hic est gladius, qui transiit animas Hungarorum. Hæc intellige de terris, quæ Castris adscriptæ erant, semperque peculium regium fuere.*



Pontifex per litteras hortatus est, ut in Asanem Bulgarum, qui se Vasacio, Constantino-  
 polim prementem, rursus adjunxerat; pro Bal-  
 duino arma corripere. Abiit primum, tum  
 quod domi satis curarum sibi esset, tum quod  
 Balduinus, regium ius in Bulgariam dubium  
 vellet reddere; assensus tamen est postea, li-  
 cet sororem suam Asanem in conjugio habue-  
 rit, promisitque, aut se ipsum, aut suum Lo-  
 gatum, Balduino, contra Asanem, affuturum,  
 sed ea conditione, ut, quod occuparet, suae  
 jurisdictionis esset. Pontifex autem curam re-  
 ligionis haberet. a) Adhaesit tamen destinatio  
 ob rumorem de Tartaria, Russicas plagas,  
 & Moldaviae finitimas invadentibus, in dies  
 propagatum. Adfuere etiam nuntii, idem con-  
 firmantes, a Cuteno Cumanorum rege, qui  
 postquam gemino praelio victor fuisset, tertio  
 a Tartariis victus, ius civitatis sibi, & suis  
 flagitavit. Facilem se rex praebuit, cum ut  
 inanes regni plagas coloniis impleret, tum  
 ut eorum opera, si Tartari Hungaria ingru-  
 erant, ~~esse possent~~.

a) Litterae regis respons. ad Pontificem apud Prag.  
 annal. P. I. pag. 429. *Assumimus ad auxilium  
 per nos, aut per nostros, prout expedire vide-  
 bimur, Bulgariam, & alias terras Asani oc-  
 cupare, & sedi Apostolicae in spiritualibus, in  
 temporalibus vero nostrae jurisdictioni, Deo  
 cooperante, subjugare.*

1239.

erent, uteretur. a) Sed, quod in regni com-  
modam verti debebat, novam iterum dissidio  
occasionem praeberit. Causam recte ipse nimis  
in hospites benevolentia, & isti hac abusi, de-  
dere. Quotunque enim cum familiaribus, qua-  
draginta millia fuisse feruntur, & cum armen-  
tis, quae copiosa adduxerant, Nomadum mo-  
re ibant, Hungarorum fundos depastore, co-  
ledis inferre damna, & thoros alienos inva-  
dere solebant, qui, si de injuria questus fuisset,  
verberibus atque sunt. Cumanis vero  
jus confessum dicebatur. Hungari his injuriis  
irritati, cum viderent sibi novam gentem  
praeferi, aperta exulcerati, & averti a rege  
nulli iudicia dabant, qui, ne malum ipsa  
nova cresceret, conventum, cui Cumanos  
quoque interesse volebat, prope Tibiscum in-  
stitit, in quo ad utrumque Nationem concili-  
andam, illud imperium constituit, ut Cu-  
manos cum sua familia Pestum domicilium  
ageret, reliqui sparsim per Comitatus degerent,  
quorum Comes, sitis inter illos, & Hunga-  
ros misetur, utrisque jus ex aequo dicerent.  
Verum hac etiam cautione, parum ad stabi-  
lendam utrinque concordiam, profectum.  
Nam & Cumani, quod a rege suo, & a se  
ipsis divitiis cogarentur, offensi, & Hungari  
occasionem nacti sunt, ut ex sparsim colen-

a) Rogerius I. cit. c. 8.

libens facillius, ob illatas injurias, vindictam  
lumerent, quo factum, ut rex nec Hungaros  
pacatos, nec Cumianos sibi addictos reddide-  
rit. Suberat & alia alienati a rege animi,  
etiam apud vulgum, causa, cum proventus  
regios, & rem monetariam, obventa a Pon-  
tificis venia, Judasis focaret, atque hac ratione  
plebem novis exactionibus oneraret. a)

III. Hac rerum facie, rumor de Tartaris  
appropinquantibus, certis nunciis firmatus,  
regem mire sollicitum habuit, nec rationem  
satis inire poterat, qua hosti resisteret. Ple-  
rique enim Optimatum, quibus sanctos regios  
ademerat, sibi infensos, ceteros ex opum af-  
fluentia, ocio, deliciisque emollos, castren-  
ses milites, quorum plerique, dominorum,  
qui terras Castris adscriptas possederant, ava-  
ritia jam in colonos migraverunt, longa armo-  
rum desuetudine militiae ineptos videbat. Ac-  
cessit & illud, quod Pontifex imperantem pro-  
fus tempore episcopos, qui vetere instituto  
militem sub vexillo in suis terris palebant, ad  
Concilium convocari. His curis agendis, mi-  
nites regni, qua hostis irruptionis pericula,  
arborum concede muniri, episcopos domi  
resistere, Nobiles, ut primum monerentur,  
ad

1240.

a) Idem c. 3. 7. 8. & 19. item Chronicon Zwen-  
lense ad hunc an. Litt. Gregorii IX. 4. Id.  
Dec. an. 13. apud Katona Tom. V. pag. 863.

ad signa confluere, castronles quoque regioes cum Cumanis adesse, & Palatinum cum copiarum parte in limitibus excubare iussit. Multi hanc regis sollicitudinem supervacaneam putarunt, alii vanum rumore esse, & saepe quidem sparsum, nunquam tamen eventu firmatum, alii ab episcopis excogitatum, ne ad Concilium ire cogerentur, in vulgus spargebant, & periculi magnitudinem elevabant. Sed torporem excussere Tartari, qui divisis copiis, una parte regno iam ingreiebant, *Bathus*, hoc uni eorum duum nomen erat, qui Hungariae Russiae contermina est, *Caidus* vero ad Moldaviae angulum, Marmarosiensi provinciae finitimum, irruerant. Rex fama hac commotus, in fine verni jejunii Resium advolet, dumque concitis episcopis, & regni Optimatibus, de belli ratione consultat, nuncium a Palatino accipit. Tartares peremptis obsaculis, & caelis, quas eis proposuerat, copiis in Hungariam penetrasse, ipsaque brevi post viis manibus hostium elapsus, adfuit. Rex nihil periculi praesentis consternatus, cum pro temporis angustia fieri poterant, curabat, uxorem cum Stephano filio bimulo, & thesauro, ad fines Austriae, addito, qui curam utriusque gereret.

a) Rogerius c. 14. 15. 16. Archidiac. Spalaten. hist. Salonit. c. 27.

set, Stephano Vaciensi episcopo, properare  
iussit, simul nuncium ad Fridericum Austriæ  
Ducem misit auxilia imploratum. Hac spe  
1241.  
dum suos sustentat, Tartari omnem late viciniam circa Pestinam, igne, ferroque vastabant. In tanto, quod præ foribus erat, periculo, non deerant, lique præsertim, qui ademptos sibi fundos concoquere nequibant, qui non regem tueri, sed cavillari etiam pergebant, palam vociferantes; iret nunc cum suis Cumanis, & hostem repelleret, stolidi fatuitate abrepti, quasi regis solius, non item cuiusvis proprium, regnique commune periculum esset, tum in Cuthenum, quem cum Tartaris conspirasse, sibi falso persuadebant, facto impetu, pro vita fortiter dimicantem, cum familia trucidant, qua cæde exacerbati Cumani, secessionem facta, se Tartaris junxere, cum quibus, quocunque ferebantur, omnia flammis corrumpebant, circum urbis moenia imprimis grassantes, quorum audaciam cum Austriæ Dux, qui paulum ante cum suis advenerat, cæso Tartarorum duce, compressisset, receptum simulabant, ad *Sajonem* amnem progressi, quos rex cum exercitu, centum millium fuisse perhibent, consequutus, matrumque conferens, inferior ex prælio excessit. Cæsi non pauci episcopi, & magnus Nobilium numerus, reliqui in fugam acti. Colomanus regis frater in Sclavoniam delatus, brevi post ex accepto vulnere obiit, rex ipse  
vix

1241.

vix periculo subductus, per montes variis erroribus actus, ægre Austriam attigit. Hic a Friderico Duce, qui ex Procerum discordia malum exitum ominatus, jam ante Pefino ad suos redierat, liberaliter primum acceptus, mox vi detentus, nec ante dimissus est, quam & thesaurum ab uxore allatum, & tres Austriæ vicinos Comitatus, Mosonensem, Soproniensem, & Castriferrei, eidem consignasset. Ita spoliatus, desertus a suis, omnique ope destitutus, ad partes maritimas properabat, & cum in itinere esset, Vacientiensem episcopum ad Imperatorem Fridericum misit, a) eique, si Tartaros Hungaria exigeret, regnum feudi titulo obtulit, b) idem nunc prob-

---

a) Hæc prolixè pertractant Rogerius l. cit. c. 37 — 37. Archid. Spalatens. hist. Salonit. c. 38. Matthæus Parisius hist. Anglic. edit. Tigurina, pag. 539. Pernoldus in Fast. Campilil. ad an. 1241.

b) Id testatus est serius postea Rudolphus Habsburgicus, qui tunc in aula Friderici aderat, Imperii Principibus in hæc verba scribens. *Rudolphus Dei gratia Romanor. rex semper Augustus. — Ad universitatis vestræ notitiam volumus pervenire, quod quondam regnante illustri Friderico Imp. — nobis, & quam pluribus Principibus, Baronibus, Nobilibus præsentialiter constitutis, rex Ungariæ, qui tunc*  
*fu-*

bono regni facere coactas, quod olim sub  
 Andrea, factiosi Optimates, cum injuria re- 1241  
 gis, regnique, & suomet detrimento, temere  
 ausi erant.

Rege fuga elapso, Tartari Hungariam,  
 nemine obsistente, pervagati, omnia igne, &  
 cædibus permiscebant. Tristia, & fœda nar-  
 ratu sunt, quæ in sacros viros, matronas,  
 & virgines commisere, & cum homines jam  
 deessent, in quos sævirent, eos, qui in pro-  
 fundos saltus, & antra se abdiderant, litteris,  
 quas regio sigillo, in pugna amisso, signave-  
 rant, late vulgatis, promissa securitate, e la-  
 tibulis prolexere, verum & hos, rurali labo-  
 re, unde alimenta sumerent, absoluto, con-  
 tra datam fidem, trucidarunt. a) Nemo jam  
 erat, in quem grassarentur, nec, qui impune  
 grassantibus posset resistere. Ab Imperatore

Fri-

---

*fuit pro tempore, regnum suum a dicto Imp.  
 Friderico accepit ab eo, & Imperio, tituli  
 feodi possidendum. Hoc nos audivisse, vidisse,  
 & præsentibus interfuisse, præsentibus protesta-  
 mur. In cujus rei testimonium &c. Datum Er-  
 fordii prid. Kal. Sept. an. Dom. M. CC. LXXX.  
 Indict. III. regni vero nostri anno XVII. Ex  
 autogr. Tabularii Augusti Viennensis. Idem  
 testatur Petrus de Vineis Friderici Imp. Cancel-  
 larius, epistolar. l. 1. c. 30.*

a) Rogerius, & archidiac. Spalat. locis cit.

1241.

Friderico, cui, ut hostem regno ejiceret, Bela se feudatarium fecerat, nihil etiam spes affulgebat, qui interea vires omnes in Italiam contra Pontificem convertit, quo in ordinem redacto, se venturum, & Tartaros debellaturum promiserat, sed prius, quam promissis fiaret, illi sponte regno excessere. a)

IV.

a) Litt. Friderici Imp. ad regem Angliæ apud Petrum de Vineis epistolar. l. 1. c. 29. *auditis rumoribus nationis barbaræ Tartarorum, quod regnum Hung. invassent, cogitavimus — rebus nostris consultius succurrendum. — Sed summa necessitas — causam dilationis induxit, ut rem tam arduam Imperii, — non deberemus omittere. — Quapropter omnibus prætermisissis, felices gressus nostros direximus versus urbem, ita quod partibus Romanis vicinamur. Speramus autem — statu Italiæ pacifice reformato, — gentium multitudine constipati — veniemus, ita, quod Domino exercituum nos juvante — Tartarorum multitudinem devincemus. Conditionem igitur, qua se rex cum regno Imperatori dederat, non implevit, cum diserte conventum fuerit, ut is Hungariam a Tartaris liberaret, ut ipse Imp. apud Petr. de Vineis testatur: ecce enim, quod rex Hung. regnum nostræ ditioni subjecit, dummodo defensionis nostræ clypeo protegatur. Idem perhibet Parisius hist. Angl. pag. 598. Habito igitur*



IV. Hactenus hostium barbaries, quoniam ab infauso pugnae exitu, quidquid navigiorum fuit, in adversam Danubii ripam incolae subdlexerant, ad eam Hungariae partem, quae Septemtrioni obvertitur, pertinuit, at, ubi frigoris vehementia Danubius glacie constrictus, aditum in oppositam continentem praebuit, eadem crudelitate in obvios saevitum, urbes, villae, pagi fere funditus everfi, sola Alba regia, mons S. Martini, & Strigonium conatus barbarorum retudere. Parum tamen se fecisse rati, nisi regem etiam in potestate haberent, hunc, ubi in Sclavonia morari, & magnam sacerdotum, Nobilium, ac matronarum copiam ad eum confluisse audierunt, Caidun cum parte copiarum magnis itineribus accelerans, pene interceperat, nisi rex,

---

*tur diuturno, & secretissimo consilio, procuratum est, quod dominus Imp. ab irruptione hostili, & barbarica regnum Hung. liberaret, ut scilicet dictus rex regnum illud liberatum — ab Imp. & deinceps ab Imperio teneret, quasi a domino capitali. Haec erat conditio; quam Imp. nec an. 1241. nec sequente implevit, utroque in Italia occupatus. Conradum quidem filium suum, in eum finem destinavit, scripsitque ad regem Angliae, ut suas ei copias conjungat, sed nec Anglus, nec Conradus quidquam ad expellendos regno Tartaros contulit.*

*Pars I.*

C e

1243.

rex, fama adventus mature cognita, ad Dalmatiae primum urbes, & appropinquante hoste, in insulam Vegliam, situ, & accessu difficilem, se recepisset. a) Delusi hac spe barbari, allatoque, de obitu b) Zagathai Chan, nuncio, Bosniam, Serviam, Bulgariam, & Græciam, eodem furore pervagati, tristissima ubique vestigia crudelitatis reliquerant, unitisque rursus copiis, ducto secum immani captivorum numero, regno excessere. Rex, cui Iadrenses se interea dediderant, postquam comperit, barbaros Hungaria excessisse, nihil moratus, relicta interim conjuge, in Comitatu Rhodiorum Equitum, & Nobilium de Frangepaniis reversus est. Ut rediit, & Hungariam cædibus, fame, & peste squalentem, hominibusque propemodum vacuum reperit, tantum abest, ut in hac calamitate animum demiserit, c) ut alacriore etiam cura nervos omnes

a) Rogerius l. cit. c. 34. — 40.

b) Alulgazi Bayadur Chan. hist. genealogique des Tartares. pag. 364.

c) Tristem regni faciem Chronica Australia apud Freher. Tom. I. pag. 458. ita depingit. *Inter ea famas horribilis, & inaudita invastit terram Hungariæ, plures perierunt fame, quam antea a paganis. Canes edebant & catos, homines. Humana caro publice vendebatur in nundinis: deinde rapaces lupi, & infesti, nemini.*

omnes ad instaurandam rem publicam contenderet. A sacris auspicatus, cæsis in prælio episcopis, alios substituit, populum, qui a clade reliquus erat, e silvis, & latibulis protraxit ad rus colendum, externos, in regnum non habito nationum discrimine, plurium annorum promissa a tributis immunitate invitavit, a) &, ne illud simili periculo exponeretur, urbes muniri, arces in editis jugis extruxit, in quas, si hostis ingrueret, tutus receptus esset. Illud autem præcipue sibi curandum putabat, ne bona, cæsis, aut in captivitatem abductis dominis, & documentis litterariis, barbarorum furore incensis, aut avectis, ad alienas manus venirent, juraque confusa novis dissidiis occasionem præberent. Itaque probos viros, æquique amantes constituit, qui indicto per intervalla pluribus provinciis conventu, ex seniorum testimonio, fundorum limites, & jura cognoscerent, tribuerentque

C c 2

iis,

*mini parcentes, prævaluerunt in terra, ita, ut vix aliquis de domo sua incermis procederet deinde locusta id, quod seminatum erat, corripuit.* Similia Chron. Salisburg. apud Hier. Pez. Tom. I. col. 357. & Thurocz Chron. P. II. c. 74.

e) Ab an. 1243. ad an. 1259. exstant plures regis litt. ex quibus constat, colonias in Hungariam deductas fuisse.

1244.

iis, ad quos antea pertinebant. a) Quem morem cum deinceps pluribus annis teneret, brevi factum, ut quisque, quod suum erat, nova donatione firmatum obtinuerit, & quæ ad castra regia pertinebant, a reliquorum finibus secernerentur.

V.

a) Patet id ex Pauli sub Ludovico Judicis Curie litt. an. 1343. in quibus hæc leguntur: *quod cum præfatus Bela rex, post tumultus Tartarorum, statum regni sui deformatum in melius reformare volens, & unicuique, quod suum esset, restituere, occupationesque possessionum per diram necem Tartarorum, hominum hæredes carentium, juris ordine redintegrare, congregationem in Vacia, tribus Comitatibus, videlicet, Neugradiensi, Huntenfi, & Gumuriensi, ut in ipsa Congregatione tam de possessionibus occupatis, quam de injuriis illatis, satis facere valuisset, de consilio regni fecisset proclamari &c. quod illum per alios quoque Comitatus fecisse, complures litt. testantur. Sed cum profugi in exterarum terras, sensim, & sero redirent, sæpe factum, ut eorum bona per errorem aliis donarentur. Hinc mos invaluit, ut deinceps in litteris donationum, hæc clausula: *salvo jure alieno*: adderetur, qua læsis potestas sit, jus postliminii apud Judices persequendi.*

V. Dū hunc in modum regno instaurandō, suorumque securitati consulit, Veneti, tempus, & damna Hungariæ in suum lucrum vertentes, Jadram classe obsessam, nullo fere accepto damno, occupant. a) Durum id regi; vix a præterita calamitate respiranti, accidit; sed, rebus a nuperna clade nondum reparatis, dissimulandum censuit, maluitque cum iis amica tractatione, quam armis, transigere, metuebat enim, ne Veneti, Beatricis reginæ, patris sui viduæ, & Stephani fratris, causâ, ad invadendam reliquam Dalmatiam, occasionem sumerent. Hæc regi præcipua ratio fuit, cur tam facile conditiones, juri suo iniquas, pacisci coactus fuerit. Hic illarum tenor est: Jadram cum sua ditione rex Venetis in perpetuum cederet, nec sinat eos a Dalmatis porro molestari, cives Jadrenses, qui ex urbe migrarunt, apud se ne retineat, neve hostibus consilio, auxiliove adsit, quin, si mari periculum ingrueret, Venetis opem ferat: hi vicissim regi adversus hostes subsidio venient, nec ullum cum Beatrice regina, hujusque filio Stephano, fœdus, contra regem, ejusque ditiones inibunt: conditiones, scriptis, & permutatis utrinque tabulis, firmatæ sunt.

C c 3

sunt.

---

a) Archidiac. Spalaten. hist. Salonit. c. 36.

1245.

sunt. a) Pacificationi importune prorsus dissidia Spalatensium cum Tragurinis, intervenerant, quibus cum Jadrenses quoque, deserta nuper urbe, involverentur, rex veritus, ne Veneti fucatam belli causam inde semerent, Dionysium Banum in Dalmatiam misit, ut dissidentes conciliaret, qui cum magis imperiose, quam Spalatenses ferrent, cum iis agit, brevi ad arma ventum est, & Spalatini victi, datis sex obsidibus, persolutis quoque sexcentis argenti marcis, & Tragurinis e captivitate dimissis, pacem rogare coacti sunt. Sed extorta potius, quam libere inita, pax, non diu tenuit, mox enim dissidia inter utramque urbem recruderant, quæ cum ad Sibenenses quoque pertinerent, ne mali contagio reliquas etiam urbes corripere, missus est a rege Stephanus Sclavoniæ Banus, qui quod miti esset ingenio, & tempori subservire nosset, æquato inter dissidentes jure, & constituta mercatus, qui causam discordiæ dederat, terra, marique exercendi ratione, civium odia feliciter extinxit. b)

## VI.

a) Tabulæ pactionum exstant apud Farlati T. V. pag. 75. & apud Murator. Tom. XII. pag. 355.

b) Archidiaconus, Spalat. l. cit. c. 47. & Lucius l. 4. c. 9.

VL Pacata Dalmatia, illud regem præcipue angebat, ne Fridericus Imperator, cui Hungariam, si ex hac Tartaros eliminaret, fiduciario jure obtulerat, inde sibi jus in illam arrogaret, ejusque in Imperio successores, ob præstitum a se *homagium*, olim Hungariæ regibus molestias propterea conficerent. Hac religione cum tangeretur, Innocentium IV, Pontificem solícite consuluit, qui re cum suis perpensa, cum Imperator promissis non steterit, hac eum solícitudine absolvit. c) Hac

1245.

1246.

C c 4

cu-

- a) Litt. Innocentii IV, ad regem, Lugduno 12. Cal. Sept. an. tertio apud Raynald. ad hunc an. *Ex parte tua fuit propositum nobis, quod cum olim regno Hung. populo a — Tartarorum tyrannide — timens, ne regnum ipsum ad exinanitionem ultimam deveniret, qd. desiderans, ut ipsius reliquæ salvæ forent, Friderico — Imp. sub ea conditione præstiteris homagii juramentum, ut idem in regnum tuum, ad defendendum ipsum, contra prædictorum impetum Tartarorum, infra certum terminum potenter accederet, vel illuc filium suum destinaret, idem Fridericus diu expectatus, post terminum non venit, nec filium suum, ut promiserat, destinavit. Quare — ut ne hac occasione in te, vel regnum tuum possit a Romano Imp. aliquid in posterum vendicari, attendentes — quod quoties aliquid sub conditione conceditur,*

1246.

cura liber, memorque injuriæ, quam Austria Dux, sibi in Dalmatiam fugienti intulerat, exercitum ex Hungaris, & Cumanis, Rhodiisque Equitibus conflatum in Austriam infudit, congressusque, pugna quidem inferior erat, sed Ducis a Frangepanio trucidati casus, instar victoriæ fuit, a) & tres Comitatus, quos ei alias cedere coactus erat, regno vindicati sunt. His recuperatis, Conventum suis Albam indixit, ut de iis, qui tempore Tartarorum, his nihil meliores, in suos concives sæviebant, quæstionem haberet. Erat inter hos quidam *Fulcus* nomine, qui ex Filekiensi castro prædas latrocinando agebat, cædibus, & incendio omnem late viciniam foede corrumpens, & a regressu Tartarorum, falsam monetam cudere etiam ausus. Itaque, ut se ab his criminibus purgaret, in iudicium vocatus, mandatumque, ut nudus, & inermis, cum armato congrediretur, b) sed is causæ suæ dif-

---

*tur, non exstante conditione, perinde, ac si concessum non fuerit, sit habendum, — te huiusmodi juramento, & homagio, — denunciamus auctoritate presentium non teneri.*

a) Chron. Melic. Salisburgen. & Arenpeck apud Hier. Pez Tom. I. pag. 240. 59. & 1218.

b) Litt. regis an. 1246. IV. Id. Jan. anno 11.  
*Quod cum Fulcus filius Simonis pro suis multiplicibus offensis — pœnam gravissimam ju-*  
*sto*



diffidens, mature ad externos fuga se subdu-  
xit. Quare consensu totius Conventus, in læ- 1246.  
sæ Majestatis, & contumaciæ reum sententia  
capitis, & bonorum omnium amissio decreta  
est, in ceteros minus reos lenius actum. His  
ad comprimendam scelerum licentiam, & re-  
gni utilitatem constitutis, filium suum vix sept-  
enni majorem, in eodem conventu regem  
coronari jussit, a) errorem eundem, quem  
pater, ut ex eventu patuit, errans, eoque  
minus venia dignum, quo magis usu didice-  
rat, quibus ipse propterea cum patre olim  
disidiis implicitus, & regnum ob diversa  
utrinque Magnatum studia, & assentiones,  
motibus jactatum fuerit.

---

*sto judicio mereretur, — ipse vero — pejora  
prioribus cepit, ductus nequam spiritu, perpo-  
trare, ita, ut a pluribus super infidelitate,  
& de crimine læsæ majestatis & super fabri-  
catione falsæ monetæ gravissimo annotatum,  
præsentibus Baronibus, & militibus, nudum  
judicavimus ad duellum, prout super hujusmo-  
di criminibus, regni nostri consuetudo antiqua  
requirit &c.*

- a) Ibid. Cum igitur in medio regni nostri, Albas  
coronato per divinam clementiam, carissimo  
filio nostro Stephano rege, & Duce totius Sela-  
vonix, pro tribunali sederemus, de consilio  
omnium Baronum nostrorum &c. Sequitur  
sententia in Fulcum.

1247.

VII. Vixdum Conventus solutus erat, cum rumor ex variis partibus increbuit, Tartaros iterum in Hungariam parare. Expertus barbarorum feritatem, & regno, quod nondum a nuperna clade respiraverat, metuens, omnia, quæ ad reprimendos barbaros facere videbantur, solícite occupavit. Militibus Templi Ierosolymitani, quorum virtutem bellicam in Dalmatia expertus erat, ex præcipuis Valachia, & Moldaviae ditionibus usum fructum in viginti quinque annos, ea conditione, attribuit, ut provincias sibi creditas contra omnes hostes, imprimis Tartaros tuerentur, & populo frequentiores redderent. a) Nec sic tamen futuro periculo satis se cavisse arbitrabatur. Pontificem igitur jam antea, b) ac serius iterum de periculo admonuit, orabatque, ut corrogatis Principum auxiliis, sibi subsidio esse velit, ne, quemadmodum in prima Tartarorum irruptione, frustra opem ab Apostolica sede, ab Imperatore, & Francorum rege imploraverat, c) nunc quoque desertus ab omnibus, Hunga-

a) Dipl. regis 1247. III. Non. Jun. apud Pray Dissertat. VII. in annal. vet. pag. 134. ubi reliquas minoris momenti condiciones reperias.

b) Patet id ex responso Pontificis prid. Non. Febr. an. quarto. apud Katona hist. Tom. VI. pag. 92.

c) Litt. regis ad Innocentium IV. dat. in Potoka III. Id. Dec. s. a. nota. *Rumores enim de Tartar-*

gariam extremo, facileque ad alia regna ~~propagando~~ 1847.  
 propagando, discrimini exponere cogatur. Se-  
 quidem nihil eorum omittere, quæ ad regni  
 defensionem pertinerent, qua de causa etiam  
 duas suas filias, totidem Russorum Ducibus,  
 & tertiam Duci Poloniæ, matrimonio se jun-  
 xit.

*taris de die in diem nobis adveniunt, quod  
 non solum contra nos, cui indignati sunt quam  
 plurimum, eo quod post tantam læsionem, eis  
 subesse renuamus, cum omnes aliæ nationes —  
 tributarias se eis constituerunt, & specialiter  
 regiones, quæ ex parte orientis cum regno no-  
 stro conterminantur, sicut Ruscia, Cumania,  
 Prodensii, & Bulgaria, quæ in magna parte  
 nostro dominio ante subiacebant. — Timemus  
 etiam, quod si ipsa gens venerit, ut nostri ne-  
 queunt, vel etiam nolentes sævitiam feroci-  
 tatis Tartaricæ hostiliter sustinere, eorundem  
 iugo, nobis etiam invitis, timore ducti se sub-  
 mittant, — nisi per circumspectam sedis Apo-  
 stolice provisionem, regnum nostrum cautius,  
 & potentius muniatur. — Nos autem hæc prin-  
 cipaliter scribimus, — ne possimus argui su-  
 per possibilitate, & negligentia. — Requisivi-  
 mus enim adhuc Tartaris in regno nostro dimi-  
 cantibus contra nos, super conducto negotio,  
 tres totius Christianitatis principales Curi-  
 as, scilicet vestram, — & Imperialem, cui  
 etiam propter hoc nos submittere decreveramus,*

1247.

xiffe, a) & filio Stephano Comanen despondisse, significavit, cum ut eorum viribus, in tanta hominum, qui a clade supererant, paucitate, contra hostes uteretur, tum ut his hac ratione viam ad sacra Christiana amplectenda sensum fierneret. b) Hæc litterarum regis ad Pontificem sententia erat. Rumor tamen de Tartaris sparsus, magno regni commodo, in ipso fere ortu evanuit. Verum mox alibi, par-

*se tempore prædictæ pestilentie nobis competens auxilium impenderet; — Francorum etiam Curiam requiri fecimus, de quibus omnibus nihil consolationis, vel subsidii recepimus, nisi verba.*

a) Ibid. Nos vero — propter bonum Christianitatis, majestatem regiam humiliando, duas filias nostras, duobus Ducibus Ruthenorum, & tertiam Duci Poloniæ tradidimus in uxores, ut per ipsos, & alios amicos nostros, qui sunt ex parte orientis sciremus nova — de Tartaris, ut sic eorum conatibus — commodius resistere valeremus.

b) Ibid. Cumanos etiam in regno nostro recepimus, & prohi dolor! per paganos, infideles Ecclesie concultamus. Amplius — filio nostro primigenito Cumakam quamdam conjunximus, ut per hoc vitaremus deterius, & ut occasionem aliquam nancisci possemus, per quam valeremus eosdem, sicut jam pluries fecimus, ad baptismi lavacrum convocare &c.

partim oblata, partim etiam sponte accersita causa, regi bellum confectum est. Occasionem Friderici Ducis Austriæ, nuper cæsi, obitus præbuit.

VIII. Erat is ultimus stirpis Babenbergicæ, solamque post se reliquit sororem Margaretam, & neptem ex Henrico fratre Gertrudem, Wladislao Marchioni Moraviæ nuptam, cui etiam quidem post Margaretam, ius proximum esset in Austriam, & Stiriam, Imperator tamen utramque provinciam, seu dem Imperii declaravit. Pontifex veritus, ne Imperator hac occasione potentior fieret, Margaretæ autor erat, ut Marchionis Misnensis fratri, erat is, Wilhelmi Hollandiæ Comitis, & electi Romanorum regis nepos, nuberet, & jus suum in Austriam, prosequeretur. Id cum non succederet, ipsum Wilhelmum, hortatus est, ut Bela regi, alioquin Cæsari infenso, ad occupandam Austriam, vel Stiriam, adjuvamento esset. Bela mentem Pontificis edoctus, & desiderio provinciarum alterutrius occupandæ illectus, inito cum Ottone, Bavarie Duce, armorum foedere, hic superiorem, ille inferiorem Austriam, & Stiriam, incurabant, rex quoque Bohemorum filii sui causa, cui Gertrudis nupserat, in hac rerum perturbatione spem, aliquam ex his provinciis adipiscendi alebat, quæ tamen mortuo filio, & Gertrude secundis nuptiis Hermannō Badensi illigata, ad tempus quidem evanuit, post

post rursus ab ejus successore Ottocaro, magna Hungariæ calamitate, suscitanda. Pontifex, post alteras Gertrudis nuptias, mutato repente in contrarium consilio, Belam, ut a vastanda deinceps Austria abstineret, per litteras monuit, quibus ille, quod ipse prius Pontifex ad eam occupandam sibi injecisset, magis conceitatus, provinciam populabundo agmine percurrabat, ingenti hominum numero in captivitatem abducto, rursusque anno insequente, vastationem usque cellam Marianam in consinio Stiriae circumtulit, cum Bavarus, post obitum Hermannii Badensis, Austriam superiorem, ad Anasum fluvium, sibi afferre niteretur: a) Sed mox aliam rebus faciem mors Friderici Imperatoris, paulum post mense Decembri consequuta, attulit.

1251.

IX. Austriaci enim domino, qui eos tueretur, destituti, & tot hostium incursiones perterriti, ut his finem facerent, alterutrum ex filiis Mithensis Marchionis, quos ex Constantia, Margareta sorore sustulerat, per Legatos sibi Ducem dari postulabant. Subodoratus rem Wladislaus Bohemiae rex, detentis Pragae, officii specie, Legatis, ac liberaliter excul-

a) Pernoldus, Chron. Australe, & Salisburgen-  
se, item Bzovius hist. Eccl. Tom. XIII. ad  
dictos an. & Lamberger Oesterreichische Inter-  
regnum. pag. 16. 31.

cultis, facile persuasit, ut a suo reditu provinciales vota in Ottocarum, suum filium conferrent, eique Margaretam, cui jus in Austriam erat, desponderent. Nec Gertrudis sibi deesse volens, jus suum, quod in eandem provinciam habebat, in Belam transtulit, qui ad id novo vinculo firmandum, ei Romanum Russici generis, ex filia nepotem, maritum dedit. Hinc diuturni belli, quod ad filium, & nepotem quoque transiit, inter Belam, & Ottocarum, semen jactum est. Accersit novum belli fomentum, quod Stirii, repudiato Ottocaro, provinciam suam Belæ obtulerint. Quare uterque jura suum armis prosequuti, mutuas sibi deinceps glades inferebant. Bela imprimis, ut æmulo ægre faceret, cum Hungaris, & Cumanis, Moraviam, & Austriam percursans, cum non paucos ex ipsis Austriis sibi addictos haberet, & Stirii quoque ei subsidio essent, omnia populatus est, nec malis his prius finis factus, quam Pontifex Innocentius utrumque ad ineundam pacem permovisset. Huic conciliandæ delecti utrinque arbitri sunt, Bela Posonii, & Ottocaro Heimburgi, si quod dubium de conditionibus oriretur, commorantibus. Pax demum in has leges coaluit: Stiria a Semeringo monte, ad Carinthiæ limitem, regis Hungariæ esset, quæ vero cis Semeringum ad Hartbergam montem tenduntur, Ottocaro manerent: limites quoque usque Admontum diremti, & Ger.

1252.

1253.

1254.

1254.

Gertrudî, quam maritus in Russiam reversus, prægnantem, parum humaniter deseruit, ob jus in Austriam regi transcriptum, certa vectigalia per Stiriam constituta. Divisa in hunc modum provincia, Stephanus regis filius, cui desponsa prius Elisabetha Cumanica, nunc in manus convenerat, Dux Stiriae renunciatus, eique Stephanus Sclavoniae Banus in administranda provincia adjunctus est. a)

Confecta pace, quæ Innocentii Pontificis studio coaluit, & qua novæ provinciæ accessio ad regnum facta est, situque ipso Hungariae, & Croatiae finitima, uberem deinceps fructum pollicebatur, ut se rex vicissim Pontifici gratum exhiberet, neptem ejusdem filio suo Belæ, natu minori, conjugem dari optabat. Jam alias mentem suam de conciliando hoc matrimonio non obscure eidem aperuerat, nunc autem, misso ad eum Smaragdo, Posonienſi Præposito, luculenter declaravit. b) Id non solum gratitudinis, sed utilita-

---

a) Iidem, qui supra ad hos an. & Diplomatar. Stiriae P. II. pag. 83.

b) Litt. regis ad Innocentium 16. Cal. Oct. ex Tom. II. epist. Cod. Vaticani. *Ut ex devotione, qua — S. R. Ecclesiae adstricti fideliter fuisse dignoscimur, seges perpetuae pullulet amicitiae, & — crescat in unione succedenda,*



tatis quoque in regnum redundaturæ, causa, optabat. Cum enim Pontifex natione Genuensis, & neptis illius apud hos claro genere esset orta, illorum amicitiam sibi his nuptiis contra Venetos, quibus cum Genuensibus maritimi mercimonii causa, simultas intercedebat, aliquando profuturam sperabat. Hæserat enim illud regis animo, nec dissimulare poterat, quod Veneti eo prorsus tempore, quo ipse ad Hungariam, a Tartaris pene exinanitam, ex Dalmatia redierat, Jadram interceperint, eamque tunc ære, & milite destitutus, eis cedere coactus esset. Ad hanc igitur recuperandam nuptiæ illæ spectabant. Sed cum hanc destinationem mors Pontificis intercepisset, alia via rem aggressus, dum Dalmatiam reviserat, misso Legato Jadram re-

1254.

pe:

---

*nobis parentelæ, quemadmodum prius per nuncios nostros, sic iterato per — Magistrum Senaragium, Pesoniensem Præpositum, — S. V. censuimus intimandum, ut, si discretioni vestræ visum fuerit, copulam matrimonii inter — filium nostrum Belam, & neptem vestram, sine debito consummari. — Veruntamen, si id vestræ resederit voluntati, ad perficiendum ipsum contractum, nuncios vestros, cum pleno mandato, ad nos dirigatis, ut ipsis mediantibus præfatum negotium, finem, & effectum debitum sortiatur &c.*

petiit. Multas is primum difficultates passus, agendi tandem dexteritate, Venetis, vires regis a nuperna Tartarorum clade tam cito reparatas, metuentibus, persuasit, ut pacis, decennio abhinc initæ, Tabulas a) regi redderent & suas vicissim reciperent. b) Ita in pristinum jus Hungariæ urbs rediit.

---



---

1255.

X. Lite cum Venetis, & pace cum Ot. tocaro composita, vix biennii ocium regi suppetebat, ut, quæ a Tartarorum irruptione reliqua adhuc erant, regni vulnera consanaret, cum novæ illi curæ, ob Stiria res perturbatas injectæ sunt. Stephanus Banus, quem pro filio Stiris præfecerat, provinciales, lingua, & moribus, ab Hungaris dispares, longe alia, quam municipalia illorum instituta ferrent, ratione tractabat. Id Sifrido Merenburgensi

oc-

---

a) Recole, quæ ad an. 1244. N. V. dicta sunt.

b) Dipl. regis an. 1254. *Cum post recessum Tartarorum, ad easdem partes maritimas vergeremus secundo, & super facto Jadræ, inter nos, & Venetos discordia esset suscitata, ipse fidelis Nicolaus (erat is de genere Obych) nobis mittentibus Venetias, accedens, litteras compositionis, tam ex parte nostra ad ipsos Venetos, quam etiam e converso, non sine magna providentia, reddidit illis suas, & nobis nostras, commendabiliter reportando. Altum de hac re silent scriptores Veneti.*

occasionem præbuit, ut concives suos concitandæ seditioni sensim pararet. Facem Ottocarus, provinciæ inhians, clam ventilabat. Bela, rem mature edoctus, amoto Bano alium subrogavit, qui provincialium animos lenius tractaret, sed, cum nec hic quidquam, alienatis jam Stirorum animis, proficeret, rursus Banum provinciam administrare iussit, qui, cum nihil a suo more remitteret, brevi omnium in se odia convertens, ægre periculo, quod ei Hartnidus Petovienſis struxerat, subductus est. Vim itaque rex admovendam ratus, cum filio in Stiriam profectus, copias Petovio admovit, obsessumque, pactis conventis, in potestatem redegit. a)

1257.

1258.

Pacata ad speciem provincia in Hungariam reversus, nuncios ab *Algu* Tartarorum, Buchariam colentium, Chano, accepit, qui, si rex contra Christianos foedus cum illo sociaret, & filio illius, suam filiam matrimonio jungi pateretur, vel filiam Chani Bela, natu minor regis filius, conjugem acciperet, Hungariæ, aliisque regi subjectis provinciis securitatem, & quintam spoliiorum partem pollicerentur. b) Insolenti postulato rex offensus,

D d 2

le.

a) Chron. Bav. apud Pez. Tom. II. col. 77. Peroldus, Horneck, anonym Leobienſis Chron. Austr. Pessina l. 3. c. 7.

b) Ex epist. Pontif. quam sequente an. ad regem dedit, apud Raynald, ad an. 1259. & Pray annal. Tom. I. pag. 302.

legationis seriem ad Alexandrum IV. Pontificem perscripsit, opemque, si quid periculi ab iis immineret, ab eo flagitavit, ipse etiam, exemplo suo cautior redditus, copias, quas hosti venturo opponeret, ex suis ditioribus collegit, quo comperto Tartari, videntes suas minas, & conditiones fœderis contemni, a proposito tum quidem desistere.

---

1259.

Interea Stephanus rex junior, qui, ut Stiros sua præsentia in obsequio contineret, Petovii sedem fixerat, conventum, in quo de re publica consultaretur, provincialibus indixit, verum illi subornante Ottocaro, persuasi, si convenirent, sibi vincula, & carceres parari, posita simulatione, inter se coorti, Hungaros tota Stiria exegere; Petovium, quod prætoriano militum præsidio tenebatur, solum in Stephani potestate mansit; qui, cum provinciales interim Ottocaro se subdidissent, frustra provinciam, adducta secum nova militia, recuperare conatus est. a)

---

1260.

XI. Abhinc novum inter Belam, & Ottocarum, atroxque bellum recrudit. Uterque, ne alter alterum præveniret, veritus, copiis Moravæ fluvio utrinque admotis, mutato sæpe castrorum situ, opportunum pugnae lo-

---

a) Horneck, Chron. Salisburg. & Pernoldus ad hunc an.

locum quærebant, actum etiam interea de pace, quæ dum neutri parti arrideret, & Germanorum pars ex castris Ottocari Heimbürgum recessisset, ipse vero pabulationis gratia alio esset digressus, Hungari absentia illius usi, transvadato Morava, castra invadunt, magnamque stragem edunt, quam, cum in medio prælii fervore occupantur, reversus cum recentibus copiis Ottocarus, reddidit, & Stephano, qui pugnam instaurare conatus erat, gravi vulnere, perfricto, Hungaros trans flumen egit. Fugitivos porro persequentem Palatinus a rege missus, ut de pace ageret, detinuit, quæ cum utrique necessaria esset, sequente anno, sponsoribus Ottone Brandenburgico, & Udalrico Carinthiæ, Ducibus, in has leges coaluit: Bela, & Stephanus, juri suo in Stiriam renuncient, & Petovium, deducto Hungarorum præsidio, reddant Ottocaro, pacem Pontifex sua auctoritate confirmet, hanc qui prior violarit, XI. millia marcarum argenti persolvat. Hæc palam acta: privatim in eo utrique convenerat, ut Ottocarus, repudiata Margareta, cujus jure Austriam obtinuerat, Cunegundem, Belæ ex filia neptem, sibi matrimonio jungat, Bela vero, natu minor regis filius, filiam Ducis Brandenburgici, ex Ottocari sorore natam, sibi desponderet. His utrinque promissis, Bela cum utroque filio, in comitatu regulorum Serviciæ, & Bosniæ Viennam profectus, cum tabulæ pa-

1260.

1261.

1261. **cis subscribendæ erant, repente cum suis disparuit. Id Ottocaro, & sponsoribus suspici-**  
**nem ingesserat, quasi regem facti pœnituisse,**  
**cum ex allato nuncio discessus causam intel-**  
**lexere, quinquaginta nempe duo Tartarorum**  
**millia, Hungariæ finibus appropinquare. In**  
**hos igitur Bela profectus, brevi post prælio**  
**victos, castrisque exutos, regno exegit, Vi-**  
**ennamque redux, firmatis Tabulis, cum Ot-**  
**tocaro Posonium reversus, neptem suam, bo-**  
**na Pontificis venia, eidem collocavit. a)**

Constituta foris pace, magno studio ea,  
 quæ adhuc domi a diffusa per totum regnum  
 Tartarorum clade labefacta erant, comple-  
 xus, bona, quorum jura nondum satis direm-  
 ta, aut documenta, quibus nitebantur, per-  
 dita erant, suis possessoribus, imprimis, quæ  
 ad Ecclesias pertinebant, convocatis ex vi-  
 cinia senioribus, quorum fidei, memoriæ, &  
 auctoritati tuto credi poterat, restituit. Erat  
 inter has Ecclesia Agriensis, cujus late diffu-  
 sa ditio rabiem Tartarorum maxime exper-  
 ta, Tabulas suæ institutionis, & privilegia,  
 jam inde a sanctis, Stephano, & Ladislao,  
 regibus concessa amiserat, quæ eidem, secu-  
 ritatis causa, novæ donationis titulo, eaque  
 conditione confirmavit, ut, si reges quatuor  
 si-

---

a) Idem, qui supra, & litt. Ottocari ad Papam,  
 apud Balbinum hist. Boh. Dec. I. l. 6.

filios habuerint, quartum episcopus Agriensis, ex vetere regum instituto, pro natalium dignitate aleret. a)

XII. His curis pro suorum commodo dis-  
tentum interturbavit dissidium domesticum,  
eo regi gravius, quod illius causa filius esset  
Stephanus, amisso Stiriae Ducatu, proventus  
ex eo perceptos, sibi a patre compensari spe-  
rabat, quod cum hic ablueret, ratus, quos ex  
Transilvania, Cumanorum item ditione, &  
non exigua regni parte, quæ cis, ultraque  
Tibiscum tenditur, redditus perciperet, satis  
esse ad tuendam filii dignitatem, simulas pri-  
mum inter utrumque orta, mox, cum Magna-  
tum aliqui, Nobilesque regi, filio ahi adhæ-  
rerent, brevi inter partes ad arma ventum,  
b) &, ut in civili bello sit, vastitas sandis utrin-

1262.

D d 4

que

a) Apud Nic. Schmitt episc. Agriens. P. I. pag. 5.

*Hoc non prætermittimus, quod, si aliquo tem-  
pore reges Hung. hostri successores quatuor fi-  
lios habuerint, episcopus Agriensis, qui pro  
tempore fuerit, quartum custodiet, prout hoc  
a sanctis regibus existit ordinatum, & sta-  
tutum.*

b) Sigism. Ferrarius P. II. 1. c. 8. item litt.

*Stephani regis an. 1270. Cum adhuc eundem  
tenentibus nobis Ducatum Transilvanorum, gra-  
ves persecutiones parentum nostrorum — per-  
pessi fuisset, — & cum in ipsa eadem per-  
se-*

1202.

que illata, propeque erat, ut pater cum filio, exercitu opposito, congregaretur, nisi sapientiores ex sacro, & profano ordine, collatis inter se studiis, dissidentes conciliaissent. Conventum Posonii est, & concordie leges utriusque partis archiepiscoporum arbitrio commissa, quarum summa hæc fere fuit. Stephanus ultra eam ditionem, quam a patre acceperat, nihil sibi porro dari petet, aut vi decerpit, nec Belæ fratris Ducatum infestare auit, quin, si res poscat, patri adversus externos, & intestinos hostes, auxilio erit: salium proventus ex æquo ad utrumque pertinebunt: iudiciorum ratio ea servetur, ne alterutris damnum, aut præjudicium creetur: castra, quæ in ditione filii sunt, & ad eos pertinent, qui regis partes sequebantur, salva eisdem maneant: Nobilium quoque iuribus, ne ab alterutro lædantur, cautum, &, si forte Ecclesiasticorum, dissidii tempore, fuissent in ditione filii violata, ea in integrum restituantur. Hæc jure jurando firmata, & utriusque

---

*seuione, debellatis, & captivatis per nos quibusdam Baronibus eorundem parentum nostrorum, videlicet Laurentio Palatino — cum toto auxilio nostro super relictum exercitum parentum nostrorum in locum, qui Ilvaszeg dicitur, — venissemus, ibi aciebus hinc inde concurrentibus &c.*



que archiepiscopo potestas data, ut in violatores concordiae censuris Ecclesiasticis anim. advertant. *a)*

1263.

His, quoniam aliqua capita non satis declarata esse videbantur, aliae rursus conditiones sequente anno adjectae: praecipue sunt: tabulas concordiae Pontifex sua auctoritate confirmet, quam si alterutra pars violaret, saceris omnibus ab archiepiscopo suae ditionis interdiceretur: damna utrinque illata sarciantur, nec deinceps inferre fas sit; si qui fuerint, qui suspicionibus reges inter se iterum committere vellent, hos filius patri, hic vicissim filio prodet, ut facilius novis dissensionibus caveatur: fures, & latrones, qui impunitatis causa ad alterutrius ditionem transfugerint, severe, & ex legum praescripto, castigentur, denique, si qui Magnatum, Nobilium, aliive alterutrius partes sequuti fuissent, eadem utrinque oblivionis lege comprehendantur. *b)*

## XIII.

*a)* Apud Math. Bel, Notit. Hung. Tom. I. pag. 118. Occurrit in his tabulis etiam *Michael*, qui Stephani frater dicitur, latiore tamen sensu id accipiendum, cum constet, illam Radislai Haliciae Ducis, & Machoviensis Bani, qui Agnetem, filiam Belae regis, uxorem habuit, filium fuisse. Vide Schier l. cit. p. 220. & 222. item bullarium Ord. Praedicator. T. I. pag. 444.

*a)* Apud Belium l. cit. pag. 122.

1264.

**XIII.** Vix redintegrata inter patrem, & filium concordia fuit, cum prope erat, ut interromperetur. Causam rursus filius dedit, qui castra matris suæ, quæ a marito dotis nomine acceperat, & in illius ditione erant, sibi usurpabat. Non poterat id non patri, qui filio tantum hactenus connivebat, molestum accidere, cui alioquin nova rursus a Tartaris, foedus, & affinitatem deposcentibus, sollicitudo ingesta erat. Commune ambobus, & Stephano ex ditionis situ vicinius periculum, tum Pontificis Urbani IV. gravissimæ litteræ, quibus filium ad patris obsequium revocabat, utrumque iterum, ad retundendos Tartarorum impetus, conjunxit. a)

Disperso Tartarorum, qui ultra minas non processerant, metu, annoque jam inclinate, Ottocarus memor pactorum, quæ quadriennio abhinc cum Bela, Stiriae causa, inierat, filiam Ottonis Marchionis Brandenburgici, Belæ juniore regis filio desponsam, Posonium adduxit, eamque regio apparatu ornatam, presente patre, ac ingenti Procerum Bohemiarum, & Hungariarum caterva, sponso, quem pater interea Solavoniæ, Dalmatiæ, & Croatiae

---

a) Raynaldus ad an. 1264. N. 48. & 64.

tix præfecerat, a) in manus tradidit. b) Stephanus a nuptiarum solemnibus aberat, domi, ut credibile est, detentus, ob sparsum rursus de Tartaris rumorem, qui vicinas Poloniae plagas incursum ferebantur, & ad quorum, si Hungariae ingruerent, impetus excipiendos, Clemens IV. Strigoniensi, & Colocensi archiepiscopis, cruciatæ expeditionis per Hungariam, Bohemiam, & Poloniam, nec non Austriam, Stiriam, & Carinthiam, Marchionatum quoque Brandenburgensem, divulgandæ, plenam potestatem fecit, c)

1265.

Ad hos apparatus evanuit quidem conceptus de Tartaris metus, sed aliud in Dalmatia malum a reginæ animi impotentia fere ortum. Deduxerat istuc Belam filium ad capeffendam provinciam, magno Hungarorum, & Cumanorum satellitio stipata, ex quo cum fortuito oborta rixa duo Hungari a Spalatensibus cæsi fuissent, vehementer indignata, agros eorum vastari iussit, & cum hi sua etiam armis tueri pergerent, non prius conceptam

in

---

a) Hoc axioma Ducis Dalm. &c. occurrit apud Kerchels Notit. prælimin. pag. 200. ad an. 1264. & ad reliquos deinceps.

b) Contin. Cosmæ Pragen. ad an. 1264. annal. Althamens. Chron. Leobien. Salisburg. & Austr.

c) Raynald. ad an. 1265. N. 49.

in illos iram posuit, nec cives, quos carceri mancipaverat, liberos dimisit, quam regis ab uxore occupati jussu, duodecim obsides in Hungariam misissent. <sup>a)</sup>

1266.

XIV. Huic dissidio, quod ob Nationis communionem, ad reliquas Dalmatiae urbes, nisi id Spalatenses obsequio suo praepedivissent, facile propagari poterat, sopito, gravius a Stephano filio accessit. Aegre is videbatur ferre, fratrem suum magis, quam se, in parentum amoribus esse, urebat & illud, quod eidem ad Sclavoniae praefecturam, etiam Dalmatiae, & Croatiae esset adjecta, census annui, praesua, feracior, nec deerant assentatores, qui animum illius propterea vasis suggestionibus concitarent. Horum consilio obsequutus, arma in patrem resumpsit, fortuna omnino adversa. Victum, & salutem in fuga quaerentem rex persequutus, jure primogeniturae privare, eique Belam filium natu minorem subrogare constituerat, mox tamen, aliena magis, quam sua, culpa errantem commiseratus, conjuge illius, & prolibus e castro Patakinensi eductis, ac in potestatem redactis, satis castigatum existimabat. Hac lenitate sibi redditus, factique poenitens, Antistitum opera, patri rursus conciliatus est. <sup>b)</sup>

1267.

Quo

<sup>a)</sup> Thomas archid. l. cit. c. 51.

<sup>b)</sup> Haec Ladislaus Chunus in litt. an. 1273. prolixè memorat, Consule Notit. praev. §. 3.

Quo firmior autem, oblitterata præteritorum memoria, tam in familia regia, quam inter hanc, & ordinem Nobilium, qui in partes distracti, damna sibi mutuó inferebant, concordia deinceps esset, iisque, quæ dissidii tempore vitium in re publica acceperant, reparatis, quies regno redderetur, conventum suis indixit, & Ordinum rogatu, immunitates Nobilium, quas, partibus mutuo inter se dissidentibus, violari necesse erat, suo, filiorumque nomine, ac edito juramento, confirmavit, cum ut majori deinceps fide sibi obstrictos, tum ad ea, quæ necessarium cum communi regni salute nexum habent, magis attentos, & promptiores redderet. a) Cum plera-

1207.

- 
- a) Exstat in vestig. Comitior. pag. 134. cum Commentar. cujus, quisquis illius autor est, aliqua secundis curis cognosci cuperem. Exordium Decreti, quod causam coacti Conventus continet, hoc est. *Nos Bela, Dei gratia rex Hung. & Stephanus per eandem junior rex Hung. & Dux Transilvanus, ac Bela junior, Dux totius Sclavoniæ, significamus omnibus &c. Quod Nobiles regni Hung. universi, qui servientes regales dicuntur, ad nos accedentes, petierunt a nobis humiliter, & devote, ut ipsos in libertate, a S. Sephano roge statuta, & obtenta, dignaremur conservare, ut ipsi tanto nobis, & coronæ tenerentur fidelius, & affectuosi.*

**1267.** ~~\_\_\_\_\_~~ raque harum immunitatum capita, quas pater regis semel, iterumque ratas habuit, a) consentiant, supervacaneum esset, hæc cum fastidio regerere, satis fuerit, si ea solum, quæ diuturno dissidio occasionem dederant, summatim attingam. Ante omnia illud ad stabiliendam quietem publicam pertinere regi visum est, ut cum per intestinos motus, fundorum possessio vehementer confusa fuerit, terræ a regis, & reginæ castris avulsæ, vel populis, *Udvornicos* ea ætate compellabant, qui eisdem adscripti erant, per vim abstractæ, restituantur, & populus iisdem olim adscriptus, pristinis servitiis, b) adstrictus sit, nec jure eo, quo liberi hospites fruantur, c) gaudeat: vicissim autem, si fundos Nobilium, dissidii tempore occupasset, si tales fuisse iudicio duorum Baronum comperti fuerint, suis dominis reddat. Ad hæc, cum præ-

---

*ofius famulari, quanto eos pretiosioribus libertatibus donaremus. Quorum petitiones, & instantias considerantes, fore justas, & legitimas, habito Baronum nostrorum consilio, & assensu, duximus admittendas, attendendo, quod per hęc invigilari de commodiori debeat statu regni.*

a) Vide an. 1222. & 1231.

b) Vide Notit. præv. §. 23.

c) Ibid. §. 24.

præcipuam hactenus dissidio causam præbuerit, crebra Nobilium ab una ad alteram partem secessio, data omnibus facultas, ut, quamcunque vellent, seu patris, seu filii partem, sequi possint, quin periculum propterea possessionum suarum adeant, aut damnum iis ab alterutro regum inferri fas esset. Lex quoque vetus insinaurata, ut quotannis ad diem sancti Stephani regis, Conventus regni Albæ celebretur, ad quem non promiscue, ut olim sub regis patre, a) sed duo solum, tresve adeant ex quavis provincia, eam præcipue ob causam, ut iis præsentibus, de damnis, & injuriis illatis, jure cognosci, & læsis satis fieri possit.

1267.

XV. Stephanus, dimisso Conventu, patri conciliatus, ut ei suspicionem de se penitus eximeret, arma, quæ alias in illum sumferat, in Bulgaros convertit, & aliquoties victor, b) expugnato Vidino, Bulgariam jure

1269.

---

a) Bull. aur. an. 1222. art. 1. *Et si nos interesse (nimirum Conventui Albam indicendo) non poterimus, Palatinus procul dubio ibi erit pro nobis, & vice nostra causas audiet, & omnes servientes, qui voluerint, libere illic conveniant.*

b) Dipl. Stephani regis an. 1270. *postmodum etiam quinque vicibus de Bulgaria, scilicet bis cum nostra persona, & ter cum aliis Baronibus*

re armorum, Hungariæ asseruit, a) primus-  
 1269. que omnium hanc ceteris regiis titulis addi-  
 dit. b) Reversum ab expeditione Legati ex  
 Sicilia convenerant, qui Mariam ejus filiam,  
 Carolo Claudio, regi suo, conjugem petebant.  
 Re cum parentibus collata, his volentibus,  
 libens hanc Siculo despondit, regioque appa-  
 ratu instructam, in Siciliam misit. c) Bela,  
 novam affinitatem rebus suis, præsertim in  
 Dalmatia, si quid Veneti molirentur, pro-  
 futuram, aliaque sensim inde commoda in re-  
 gnum suum manatura, videns, propositum  
 suum, quod jam tum conceperat, cum secu-  
 ritatis causa, Tartaros fugiens, in Veglia in-  
 sula morabatur, resumit. Ipsa maris oppor-  
 tunitas, frequentia portuum, & rerum ex vi-  
 cinis suis ditionibus convehendarum non im-  
 pen-

---

*bus nostris per nos in Bulgariam destinatis, di-  
 ctus Magister (Raynoldus) victoriosus, lauda-  
 bilem — triumphum reportavit. Et Ladislaus  
 Chunus Stephani filius an. 1274. Scilicet cum  
 idem carissimus pater noster in Bulgariam pro-  
 pulsandis injuriis confinii regni sui insultum  
 faceret &c.*

a) Thurocz P. II. Chron. c. 77.

b) Dipl. apud Pray, Hierarch. P. I. pag. 105.  
 item apud Novák Vindic. pag. 21.

c) Dipl. Stephani an. 1269. quo Agneti de gene-  
 re Chaak donationem facit.



pendiosa facultas, Venetorum e. propinquo exemplum, jam tunc ei cogitationem instituendi, propagandique mercimoni, quod avus filius Bela olim meditabatur, ingesserant. Nunc cum occasio exequendi propositi adesset, invitaret præterea recens Italia cum Sicilia rege affinitas, & Bela filius Dalmatiae Dux, patris destinationi consentiens, rem provecturus videretur, hunc in medio hoc conatu, & spe uberrimi fructus in regnum redundaturi, insperato amisit. a)

Quo teneriori amore hunc præ Stephano complecti semper solebat, eo gravius, id sexagenario majori vulnus erat, ex quo sensim languore oppressus, ipse etiam paulum post, filium consequutus est. b) Alter merito suo, post

1270.

a) Dipl. regis an. 1269. V. Non. Oct. quo privilegia Ecel. Veszprim. confirmat: *quod cum manus Domini ostendentis, mundi prospera fore transitoria — nos orbans filio carissimo, Bela videlicet illustrissimo Duce Sclavoniae, sicque genitorem efficiens infelicem, graviter tetigisset &c.*

b) Ut annus emortualis certus est, ita mensis, & dies incerti, Litterarum hujus regis, quas Carolus Robertus an. 1335. transumit, hæc clausula est. *Dat. an. 1270. V. Cal. Novemb.* quæ non consentit cum clausula Ladislai successoris:

Pars I.

E e

Dat.

~~1270.~~ post sanctum Stephanum regem, Hungariæ  
 1270. Stator, quam a Tartaris fere inanem populis  
 redditam, deductis ex Germania, Italia, &  
 aliunde coloniis, frequentiore reddidit, &  
 cum his artes, mercimonia, & sine qua hæc  
 languent, industriam rei agrariæ promovit.  
 Præter Jadram recuperatam, designato Cuma-  
 nis latissime porrecto agro, jus in Moldaviam,  
 & per filium, etiam Bulgariam Hungariæ con-  
 junxit: res sacras, & profanas pari cura com-  
 plexus, pristino vigori restituit. Conjugio fe-  
 licior, quam bello, uberrimum tamen & ex  
 illo fructum tulit, cum per filiarum a) nupti-  
 as,

---

*Dat. an. 1270. V. Cal. Octob.* De hac va-  
 riatione Vid. Katona hist. Tom. VI. pag. 507.

a) Filias complures habuit; ex his fuere, *Cunegundis* Boleslao Pudico, Poloniæ; *Elisabetha* Henrico Bavarie, *Anna* Radislao Halicie, *Constantia* Danieli Russiæ Ducibus collocatæ, ex qua Michael Bosniæ, & Bela Machovia Duces nati, item *Helena*, Boleslao Pio majoris Poloniæ Duci nupta, & *Sabina*, Moyfis Hungariæ Palatini conjux. Præter has, *Margaritam*, & *Catharinam* in infantia Christi an. 1242. defunctas, sustulit & alteram *Margaritam*, quæ Deo inter sacras virgines se dicaverat. Rex cum conjugē, & Bela filio Strigoniæ conditus est. Cetera, quæ de aliis proliis regis, ali-

as, victimos Principes sibi, & regno conciliaret.

1270.

In regiminis principio, Optimatibus, quod se regibus penè pares vellent ferre, infensus, post vero resecta illis opum affluentia, in ordinem redactis, benignus; juris regii periade, ac Nobilitatem minoris census, aut quos egestas premebat, adversus illorum usurpatam in hos potentiam, & factum acris defensor. Hoc uno infelix, quod filio in regni consortem adscito, & divisa inter se, & illum cum dignitate, pari ferme potentia, ipse occasionem dissidio dederit, quod exemplo patris, & suo, vitare poterat, certe debebat.

E e s

STE

aliqui memorant, nec coevi scriptoris, nec  
ulla documento diplomatico nituntur.

# STEPHANUS V.

Ab anno 1270 — 1272.

1270.

I. Simul ac a patris obitu rursus corona incinctus est, causa quoque ad bellum cum Ottocaro Bohemo gerendum, ei vel invito oblata fuit. Aliqui ex Proceribus, qui, vivo patre, Stephano maxime infensi erant, & causam dissidio dedere, veriti, ne de se vindictam propterea caperet, ablato regio thesauro ad Ottocarum transfugerant. a) Gravi-  
ter

a) Dipl. regis an. 1271. X. Cal. Apr. *Cum post obitum patris nostri — nobis e vicino deberetur regni gubernaculum, & corona, quibusdam ex Baronibus patris nostri, telo perfidiæ sauciatis, sua versutis, & fraude thesaurum regni nostri, perducentibus in potestatem regis Bohemiæ &c. Tabulæ pacis sequente anno initæ, memorant coronam, gladium, monile &c. ex quo quidam suspicantur, insignia regalia, quæ in coronatione adhiberi solent, furto subducta esse. At, qui id fieri potuerit, non video, cum ipse rex in dicto dipl. se coronatum esse fateatur his verbis: nos igitur in die coronationis nostræ Baronibus, & universis regni Nobilibus, juramentum præstitum infallibiliter volentes observare &c. igitur vel post co-*

ter id tulit Stephanus, praefertim, quod eodem tempore comperisset, ab Anna sorore thesaurum ingentis precii, quem a patre jam morituro eblandita erat, a) ad Ottocarum, generum suum, securitatis causa, transmissum fuisse, quem, cum is jam a proavis regio peculio accensus fuerit, repeteret, nec Ottocarus vellet reddere, bello vindicandum constituit, ac ad id ex sententia gerendum, in Poloniam profectus, b) Boleslaum, quem alioqui, ob ereptam nuper Opaviam infensum Ottocaro sciebat, in armorum societatem pertraxit. Bellum apparanti stimulum addidit, Ottocari in Carinthia occupati absentia. Igitur copiis, etsi jam hyems esset, ad Sime-

1270.

E e 3

rin-

ronationis actum, id factum oportuit, vel privatus dumtaxat regum thesaurus, in quo plures coronas servari mos fuit, intelligendus.

a) Horneck. c. 87. & 88. & ex hoc Hagen pag. 1082. qui tamen Belam juniorem seniori erronee substituit.

b) Dipl. regis supra cit. *Post coronationem etiam nostram, cum peregrinationis gratia haberemus votum, & desiderium, paucis comitantibus in Poloniam divertendi, — praefatus Laurentius Banus — inter viarum discrimina, — nobis exhibuit famulatum &c.* Item Raynaldus ad an. 1270. N. 29. Cromerus de reb. Polon. I. 9. pag. 241.

1270.

ringam montem promotis, redeantem intercipere meditabatur, verum ille de insidiis edoctus, alio deflectens, in Austriam, & hinc in Bohemiam evasit. Rex videns, se delusum, regionem omnem, quæ a Leyta fluvio inter montes, & Danubium in occasum tenditur, populabundus percurrit, & abductis viginti fere hominum millibus, copias domum reduxit. a)

1271.

II. Ottocarus, ut cladem rependeret, ipso veris initio anni insequentis, cum centum, & quod supra est, millibus in Hungariam irrumpens, Posonium obsedit, eoque capto, castrum S. Georgii, Basium, & Tirnaviam in potestatem redegit, mox iter reflectens, trajectoque Danubio, Ovarinum expugnatum, & Mosonium, deditioe facta, contra datam fidem deletum est. Ultra grassaturo Stephanus cum Hungaris, & Cumanis, ad Rabniczam amnem, se objecit. Inde res segnius gesta, utroque palustrem, vadoque difficilem amnis ripam observante. Prior Ottocarus annonæ, & pabulationis difficultate pressus recessit, copiis, ut Viennam attigit, dimissis. Usus ea occasione Stephanus, triginta Cumanorum millia Austriæ, qua Marchæ fluvio adlita est, & Moraviæ immisit, qui eam plagam

a) Chron. Claustro-Neoburg. & Stero ad annum  
1270.

gam cædibus, & incendiis late pervagati, priorem cladem penſarunt. a) Finem tandem 1271. damnoſo utrique parti bello, Antiſites, & Proceres utriusque fecerant, pace pridie Idus Julias Pragæ conciliata. Conditiones iſtiusmodi fuere: Bohemus regi omnia, quæ in Hungaria occupavit, reſtituat, Stephanus viciffim ſuo, & hæredum nomine, juri in Ducatus Stiriz, Carinthiz, & Carnioliz, b) inſuper etiam actioni, & juri de theſauro a ſore ſua in Bohemiam ablato, renunci- c)

E e 4

neu-

a) Chron. Auſtrale & Zwetlenſe ad hunc an.

b) Quod jus in Carinthiam, & Carnioliam Stephanus habere potuerit, in obſcuro eſt, niſi forte id a Gertrude, avia ſua, repetierit. Certe Bela IV. an. 1263. apud Kerceſelich in additam. ad Notit. prælim. ad Periodum 3. pag. 508. jus in Carinthiam ad ſe pertinere, publico documento teſtatus eſt. Vidi autographum, & ſecundum critiria artis diplomaticæ id expendi, nullumque ſuppoſitionis veſtigium, licet forte errores genealogicos contineat, deprehendi. Sed videtur jus valde dubium fuiſſe, alioquin illud in privatum hominem, etſi de ſe optime meritum, vix tranſtuliffet, aliquem tamen juris titulum regem habuiſſe, Ottocari ſolicitude indicat.

c) Hinc liquet, in theſauro hoc, regni Inſignia in coronatione adhiberi ſolita, neſtiquam, ſed domeſticum familiæ regiæ ſolum fuiſſe.

1274.

neutra pars in ditione sua perfugas finet consistere; si quid in limitibus utrinque avulsam fuisset, controversia arbitrio Strigoniensis archiepiscopi, & episcopi Olomucensis decernatur, denique pacis tabulas Pontifex auctoritate sua ratas habeat, & confirmet. a) Hactenus præcipua pacificationis capita. Quod autem mirum videri potest, nec unquam in Hungaria usitatum fuisse arbitror, exteri quoque Principes, qui nullam in hoc bello partem habebant, b) fœdere hoc comprehensum fuere. Forte Stephanus hac ratione, Ottocaro, cujus potentia in diuturno Imperii Romani interregno magnopere increverat, & formidanda evasit, frænum voluerit ponere, quo illius in grassando licentia coerceretur.

## III.

a) Factorum tabulas exhibet Raynaldus ad hunc annum N. 27. & 30. Item Pray annal. P. I. pag. 327. & Katona T. VI. pag. 546.

b) Ex his fuere Angelus Palæologus senior, & Andronicus junior Imp. & hic gener regis, item Svetislaus Imp. Bulgar. ex regibus, Philippus Francor. Carolus senior, & junior Siciliae reges, hic quoque regis gener, & Uroslus Serviae, ex Ducibus Bouslaus Crac. & Lodom. alter Bouslaus majoris Polon. Henricus Bavar. Bela Bosniae, Leo, Mitislaus & Vazul Duce, generi aut fratres improprie dicuntur.



III. Pacem, diffusa per regnum fames, & ex hac pestis consequuta, ingentem hominum, quibus bellum pēpercerat, copiam absumsit, quorum corpora, ne auram vitiarent, temere, & sine iustis funebribus, in fossas conjecta, a) eandem fere, quæ a receptu Tartarorum erat, regni faciem intuentibus objecere. Rex, sive tristi hac suorum calamitate, sive ob confectam nuper, sed sibi parum honorificam pacem, animo æger, in optimo ætatis flore, tricesimo quarto nondum expleto, obiit. b) Filium reliquit Ladislaum, cui vivens adhuc Isabellam, alias Elifabetham, Caroli I. Siciliae regis filiam despondit, eamque, ut moribus Hungaricis sensim consuefceret, nuptiisque matura, filio jungeretur, ad se accersit. De Andrea ejus fratre ambigua in utramvis partem scriptorum sententia est. c) Certiores

a) Chron. Salsb. Stero, ad an. 1270. Paltramus ad an. 1271.

b) Chron. Clauistro-Neoburg. Zwettlenſe, Leobien. ad an. 1272.

c) Eadem Chron. duos regis filios superstites memorant. Aliqui ex his Andream, præter Ladislaum, esse putant; alii contra latiore sensu sumunt, censentque, non alium ab illo esse, qui postea Andreae III. nomine regno præfuit. Priori tamen opinioni favet Rudolphi Imp. ad Proceres Hung. epistola, ex editione Cennil, ubi

res sunt filiae, quas nuptiis, morem patris  
 1273 sequutus, Principibus conjunxit, quos ex di-  
 tionum Atu, Hungariae, & huic adnexis pro-  
 vinciis, profuturos ob affinitatem sperare pot-  
 erat, Maria nimirum, ut alias memoravi,  
 Carolo I. Siciliae regi, Anna, Andronico, Mi-  
 chaelis Angeli Palæologi, Græcorum Impe-  
 ratoris filio, a) & Elisabetha, Stephano Ser-  
 viae Principi, in matrimonium collocatis. b)

LA-

ubi hæc: *inclytos Ladislaum regem Hung. & Andream Ducem Sclavoniae, filios nostros* (utrumque enim adoptaverat) *carissimos, sorte fatalitatis humanæ, paterno orbos solatio &c. alioquin si Andream III. germanum Ladislai fratrem intellexisset, mortuo Ladislao, non contulisset Hungariam filio suo Alberto in feudum Imperii Germaniæ, ut postea dicitur. Simon de Keza, qui sub Ladislao hoc scripsit, addit ei fratrem Salomonem.*

a) Pachymeres, l. 4.

b) Schier regin. Hung. pag. 227.

# LADISLAUS III.

COGNOMENTO CHUNUS.

Ab anno 1272. — 1290.

I. **P**atris jussu, exacta infantia, a Muthmerio, Præposito Scepusiensi, viro morum probitate, & doctrina insigni educatus, a) sed in gynæceo diutius, quam par erat, detentus, pari facilitate virtutum, & vitiorum sementem concepit, quæ illum fere per omnem deinceps vitam, mutuo quasi inter se conflictu, in utramvis partem raptabant. Puer decennis b) regno admotus, & matris, ac Tutorum curæ creditus, litteras ad cives Tragurienses dedit, quibus eos ad fidelitatem adhortatur, additis minis, nec tempori, nec æta-

a) Car. Wagner, analect. Sepusii P. III. pag. 10.

b) Hanc ei ætatem tribuit Katona hist. Tom. VI. pag. 617. & IV. hujus nominis vocat, ego III. ut sigilli illius epigraphæ testatur, quæ hæc est: *figill. Ladislai. Tercii. Quarti. Stephani. Regis. Filii.* Firmant id litt. Andreæ successoris an. 1295. exhibuerunt nobis privilegium D. *Ladislai Tertii — quondam inclyti regis Hung. patruellis fratris nostri carissimi &c.* Hæc mihi fuit ratio, cur Ladislaum infantem, e regum numero omittendum censuerim.

1272.

ætati suæ admenfis, a) quod prudentiam Tutorum, quos cum populis subjectis, longeque disitis, lenitate potius, quam immodico imperio agere oportuit, vix quidem commendat. Hoc, reor, in causa fuisse, cur Gregorius X. veritus, ne tener regis animus, prava aliorum consuetudine corrumpetur, gravi epistola ei auctor fuerit, ut eorum consilia, qui illum suggestionem illecebrarum, & exemplo, in transuersum vellent agere, vitaret, nec aliis Consiliariis uteretur, quam, quos publici boni rationes privatis antepone-re videret; conjugem præterea sibi destinata, ob sociari potentiam, amore complecteretur, hunc, & se, ubi usus ferret, ope, & consilio adfuturos pollicitus. In eandem sententiam, ad Episcopos, & Optimates Hungariæ litteras dederat. b).

1273.

II. Salutaribus his Gregorii monitis Ottocarus intervenerat, bellum, violata foederum fide, Hungaris denuncians. Causa a Bela Machovienfi Duce, qui conjugis Ottocari frater, & per Henricum Gissingenfem (Német-Ujvár) Comitem, ante ad Bohemos profugum, nunc vero reducem, oborta rixa, cæsus erat. Frustra illum nuncii ex Hungaria mis-

a) Apud Lucium l. 4. c. 9. Pray P. I. pag. 333. & Katona Tom. VI. pag. 618.

b) Apud Raynald. ad an. 1272. N. 52.

1273.

missi pactorum, quæ cum Stephano regis  
 patre, inierat, admonuere, frustra etiam Pon-  
 tificem in eo pacando operam posuit. Hunga-  
 ri igitur manifestum jam hostem prævenien-  
 dum rati, ipsa hyeme equitatum Austriæ,  
 Stiriz, & Moraviz infuderant, cumque  
 Carinthiam semel iterumque populantur, spa-  
 cium Austriis dedere, ut Jaurinum obsidione  
 pressum, cum episcopo Quinqueepolesiensi  
 caperent, cum Ottocarus interea ad Nitriam,  
 mox transmissio Danubio, circum Leitham,  
 Sopronio expugnato, fœde omnia igne, fer-  
 roque corrumpere. Jacturam Sopronii pen-  
 savit cum arce Posonium, quam Comes Egis-  
 dius ad Ottocarum prius deficiens, nunc in  
 gratiam regis receptus, eidem restituit. Ho-  
 stem adhuc in Hungaria hærentem, nuncium  
 de Rudolpho Habsburgico, Imperatore re-  
 nunciato allatum, eo vehementius percussit,  
 quo magis ipse, missis ad Pontificem pecunia,  
 & muneribus, hanc dignitatem se obtenturum  
 speraverat, ut, quas inter regni tempore pro-  
 vincias Bohemiz adiecerat, jure Imperii, fa-  
 miliz suæ perpetuas faceret. Dejectus hac  
 spe rediit in Austriam, comperitque provin-  
 ciales non obscure in Rudolphum inclina-  
 re, quæ animorum conversio magnas ei  
 curas conscivit, auxitque, cum ab Impera-  
 tore ad Curiam seguente anno accersere-  
 tur. Vocatus venire rogatus, & cum videret,  
 se Austriis, & Stiris exsulum esse, Vi-  
 en-

1274.

**1275.** **ennam** operibus munivit, certus animi, vim, si hanc Imperator inferret, vi repellere. Rursum ad Comitia, datis induciis, Witeburgum invitatus, venturum se negavit. Hac contumacia commoti Principes Imperii, communi cum Cæsare sententia, hostem publicum declarant, eique non modo Austriam, Stiriam, Carnioliam, & Carinthiam, sed Bohemiam quoque cum Moravia, contumaciæ causa subdicant. a) Inde apparatus utrinque ad bellum facti, & Principes exteri, in armorum societatem vocati.

**1276.** **III.** Ottocarus, grave bellum sibi instare videns, Ladislaum opera Henrici Bavarie Ducis, pacatum reddere, sibi que conciliare studuit, nec spes nulla erat, illius in suas partes pertrahendi, quod utrique eidem affinitate conjuncti essent, verum & Cæsar Bavarum ab hoc pangendo foedere absterruit, & Ladislaus majorem jacturæ regni, quam affinitatis rationem habendam existimans, legatione ad Cæsarem missa, se ad ineundum cum eo contra Ottocarum foedus, non invitum fore, significaverat, modo conditiones, in quas facile utrinque consentiant, propone-

a) Chron. Austr. Leobien. Claustro Neob. Siffridus presbyter L. 2. Chron. Salisburg. annal. Calmanien. & Rudolphi Imp. 1. 2. <sup>V</sup>epistol. apud Hergott, ad dictos an.

nerentur. In ipso tractationis principio adhæsit fere negotium, quod rex præter eam Hungariæ partem, quam Bohemus nuper avulerat, Stiriam quoque, confecto feliciter bello, reddi peteret, Cæsar autem hanc, velut feudum Imperii, avulsionari posse, negaret.

a) Brevi tamen difficultas superata, & foedus in has leges sancitum est: amici, & hostes, utrique communes sint, neuter paciscentium invito, vel imprudente altero, inducias, aut pacem cum Ottocaro liceat, si quid controversiæ ob limites inter Hungariam, & Austriam, Stiriamve oriretur, ea utriusque arbitrio, sine altercatione, bello ex sententia confecto, finem accipiat. b) Videtur etiam de sponsione matrimonii inter Andream, regis fratrem, & Rudolphi filiam, transactum fuisse. c) His

ju-

a) Rudolphi epist. ex edit. Cennii N. 7. cujus initium: *regalibus vestris litteris nuper culmini nostro directis.*

b) Ibid. epist. 35. & 36. hoc initio: *ordinator boni consilii &c. in fine: nec unus sine alterius beneplacito, & consensu, cum prædicto rege pacem, vel concordiam celebrabit &c.*

c) Sponsus tamen postea nuptiis præmortuus est, ut videor mihi non vane conicere ex epistola Rudolphi ad regem data, quæ apud Cennium est N. 41. *Litet, inquit, dilectus nobis quondam N. illustris filia nostra sponsus, ut*

di.

1276.

juramento utrinque firmatis, Cæsar copias in Austriam duxit, & Ladislaus ad regni fines excubabat, in omnem partem, cum opus esset, auxilium laturus. Ottocarus, viso hoc apparatu, cum vereretur, se undique premeundum esse, & pleræque urbes Austriæ, advenienti Cæsari se dederunt, non ausus, rem prælio experiri, in Bohemiam recessit, & Vienna a Cæsareis occupata, pacem amplecti coactus est. Ad hanc conciliandam arbitri utrinque, qui conditiones ex æquo librent, delecti sunt: a Rudolpho Ludovicus Rheni Palatinus, cum Wirzburgensi episcopo; ex Ottocari vero parte, Otto, Marchio Brandenburgensis, & episcopus Olomucensis, qui habita deliberatione in has conditiones coaluere: Ottocarus Austriam, Stiriam, Carinthiam, & Carnio-

---

*dicitur, cursu, proh dolor! nimis præpeti metam transierit brevis vitæ, nostræ tamen societatis, & amicitie vobiscum inite fundamentum immobile, dum vixerimus, permanebit.* Novo documento, fuisse Ladislao fratrem germanum Andream, qui an. 1277, videtur in prælio obisse; nam an. sequente extant litt. Joannis Magistri Tavernicorum, qui nomine Andrea Ducis Sclavonie, postea regis hujus nominis III. populos Eccl. Velsprimien, a jurisdictione Comitis Curialis eximit. *Dat. in Kofzko in Ostav. Pentecostes.*



nioliam, item Marchiam Vindicam cum portu Naonis; quin sibi ullum deinceps jus in eas arroget, Cæsari consignabit, hic vicissim; Ottocaro. Bohemiam, Moraviam, & quæ illius decessores in Imperio Romano alias legitime possederant; jure beneficiario conferet; & ut concordia firmior sit, Cæsaris filio filia Ottocari, hujus autem filio Cæsaris filia Juditha desponderetur a) Quod ad Ladislaum fœderis socium attinet, huic Ottocarus, quidquid armis ex Hungaria avulsit, bona fide, & citra cunctationem restituet: b) reddet etiam thesaurum regium, duas nempe coronas aureas,

tot-

1276

a) Laudam concordie apud Leibnitz; Manuscr. cood. juris gent. diplomatci P. II. pag. 100.

b) ibid. N. 11. *Item pronunciamus arbitrando, quod illustreis rex Hung. cum suis quoad plenum amicitiam cum domino rege Boh. & suis presentibus concordie, & amicitie, & specialiter includatur, quod, quidquid de castris, mutationibus, juribus, possessionibus, & hominibus regis Hung. tenet, vel possidet dominus rex Boh. sive sui, sine difficultate qualibet restituat, & dimittat libere absoluta, nec deinceps cum impediatur in eisdem, & hoc idem pro rege Boh. & suis, per regem Hung. & suos, sine captione qualibet observandum, salvo utriusque regis, terrarum suarum limitibus, & terminis, sicut ab antiquo tempore sunt distincti.*

Part I.

F f

1

totidem sceptrā, vas quodque, auro, & gemmis ornatum, aliaque clenodia, quæ ad domesticum regis familiæ thesaurum pertinent, & olim per socrum Ottocari subrepta, in Bohemiam ablata erant. a)

1277.

IV. Verum concordia, ut coacte inita, sic minime diuturna fuit. Ottocarus partim amissorum dolore, partim ambitiosæ focrus querelis motus, pactis non stetit, & filiam, Cæsaris filio desponsam, in monasterium retulit, ac vel invitam apud Moniales religionem illarum profiteri coegit. Hac perfidia irritatus Cæsar, arma resumit, partemque eam Austriæ, quam dotis nomine, si matrimonium cum filia Ottocari coalesceret, eidem permiserat, in potestatem redegit. Inde bellum animo complexus, ut Hungaros sibi rursus sociaret, regem, datis simul ad regni Proceres litteris, b) ad congressum mense Novembri, invitavit. Convenere ambo Heimburgi in Hungariæ, & Austriæ limitibus; ibique fœdus pristinum iisdem conditionibus instauratum, & Cæsar, ut gratum animum ostenderet, regem cum Andrea fratre, sibi filios

ad-

---

a) Chron. Austr. plenius, ad an. 1276.

b) Epist. Cæsaris, hoc initio: *quod illibata fides vestra*: apud Hergott, vol. 3. Tom. II. P. II. p. 489.

1278.

adoptavit. e) qui vicissim, quam Caesari per-  
 pigere fidem, anno sequente, cum discordia  
 in apertum bellum eruperat, re ipsa praestite-  
 re. Prior Ottocarus, collectis ex Russia, Po-  
 lonia, Silesia, Misnia, & Pomerania auxilia-  
 riis, castra in Austriam promovit. Caesari  
 paucae tunc copiae aderant, sed, dum Bohemus  
 in obsidendis oppidis tempus traxit, sup-  
 plementa interim ex Stiria, Carinthia, Salis-  
 burgo, ex Tirol, & Goritia aderant, quibus  
 Ladislaus viginti Cumanorum milia addidit,  
 mox ipse majore numero suorum consequu-  
 tus; transmissa Morava fluvio, Caesari, qui  
 Danubium ad Heimburgum traiecerat, se coni-  
 junxit. Praelium, quod in hostis vicinia, jam  
 evitari non poterat, brevi collatis signis, ma-  
 gno utrinque ardore ceptum, diu tenuit, tan-  
 dem victi Bohemi, & Ottocarus, dum aciem  
 instaurare satagit, fortiter occumbens, vitam  
 & bello finem fecit. f) Rudolphus, ne Cumani  
 a praelio spoliatorum causa cum Germania  
 ad manus venirent, Ladislao ob praestitam eo

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

ad idem. e) f) f. 2. bel. b

e) Ejust. epist. que facta est, plussimae parentum  
 conjunctio: apud Cenni, N. 19. & Chron.  
 Austr. plen. ad an. 1277.

f) Compilatio Boica, & Chron. Bayer. apud Oese-  
 lium Tom. I. pag. 239. & Tom. II. pag. 688.

~~1279.~~ bello operam, gratias habuit, eumque laudibus cumulatam ab se dimisit. *a)*

~~1279.~~ **V.** Reversus, bene in pugna meritos, large remuneratus est, magis tamen in Cumanos, quam Hungaros munificus. Sive sponte sua, sive matris precibus inductus id fecerit, Hungari videntes, sibi illos identidem praeferi, regemque familiares, quam par erat, eum illis agere, esseque periculum, ne sensim etiam animum Cumanis feminis applicaret; veritique, ne tædio conjugis captus, & pellicum amore irretiendus, curam rei publicae poneret; invito cum episcopis consilio, Pontificem periculi admonuere, qui, ne malum ipsa mora vires cerneret, Philippum Ermanum episcopum, legati munus in Dalmatia obeuntem, in Hungariam proficisci iussit, omnis prudentia, & sollicitate, rex sensim molliora amplexas, vitata Cumanorum consuetudine; in gratiam cum conjuge rediit, fidemque suam juramento obstrinxit, datum se operam, ut Cumani, qui sacris Christianis nondum essent initiati, hoc deinceps amplectantur, & ut offensionis causa inter hos, & Hungaros tolleretur, in destinatis locis, inter Danubium, Cassiam, & Tibiscum, fixa domicilia

*a)* Epist. Rudolphi ad Nicolaum III. Pont. & archiep. Saltsburg. apud Hergott. l. 1. tit. pag. 483. & 84.

haberent, redderentque bona fide, quæ aliis, præcipue Nobilibus rapuissent, tum, si quæ lites inter suos orirentur, has regni Palatinus, quemadmodum jam olim regis avus, Bela IV. constituisset, ordinarius illorum judex dirimeret: ad quæ servanda cum ipsi Cumanorum Principes communi suorum nomine, datisque obsidibus, sponte se obstrinxerant, tum Ladislaus, si illi pactis non starent, vim se adhibiturum pollicitus erat; quæ quidem, ut illis majus robur adderet, indictis eodem anno Comitibus, publico decreto firmavit. a) Legatus hac regis benevolentia usus, synodum episcoporum Budam concivit, ut, si quæ fortassis in cultu religionis, & disciplina Ecclesiastica essent labefactata, sarciret. Sed, cum in hoc totus esset, & Patres in communi consultant, ac decreta condunt, b) rex, incertum a quo subornatus, ratusque aliquid adversum se, juraque sua regia agi, Budensibus gravi interminatione præcepit, ne quid alimonie in urbem inferri, nec quemquam, egredi, ingredive paterentur, Legatus synodum solvere coactus, c) Pofonium se interim con-

F f 3

tu

a) Pray Tom. I. pag. 343. & Dissertat. 7. in annal. vet. pag. 115.

b) Constitutionum Synodi hujus breviaria exhibet Raynaldus ad an. 1279. & Katona Tom. VI. pag. 812.

c) Ladislai litt. apud Pray, Tom. I. pag. 349.

tulit, donec rex errorem dedoctus, pacatio<sup>9</sup> redderetur.

1280.

VI. Nec spes Legatum fefellit. Rex enim, ut erat pro ætatis indole in quamvis partem flexilis, hortatu Pontificis, Rudolphi item Cæsaris, & Caroli Siciliæ regis, socii sui monitis, in se rediens, Legatum porro etiam officio suo libere fungi passus est, multaque Ecclesiis beneficia contulit, quæ mutati in melius animi indices essent. a) Præcipue autem, quod Legato se facturum promiserat, Cumanos ad ea, quæ ipsi spontanee pacti erant,

1281.

servanda, cœpit adstringere. Verum præcipua illorum pars, seu mori Nomadum consuefacti, certis sedibus se affigi ægre patientur, seu ritus avitos nollent relinquere, consilium pristinas sedes repetendi, inter se inierant. Jamque iter, Oldoino duce, erant ingressi, cum rex de secessione certior factus,

1282.

collectis subito copiis, fugitivos in Transilvania, non longe Claudiopoli consequutus, inito prælio vicit. b) Pars ad Tartaros Neugarios,

ve-

a) Raynaldus ad an. 1280. Kollár hist. diplomat. juris patron. pag. 181. Katona hist. Tom. VI, pag. 834.

b) Litt. regis an. 1285. in expeditione nostra, quam in Houd habuimus contra Cumanos, qui ausu temerario contra nostram insurrexerunt majestatem &c. Et litt. an. 1288. cum pro re-

du-

verifimiliter *Noagenfes* evafit, pars intercepta, domumque reducta, a) fervitutem deinceps fubire coacta eft, b) ceteris, qui domi refifterant, nec ullam cum iis partem habebant, libertas, qua prius fruebantur, permiffa. Rex victoriæ nuncium, cum adhuc in castris effet, ad conjugem mifit, c) & redux, curam rei publicæ tam facræ, quam civilis, diligentius, quam ante, complexus, quorum jura, ut fit, cum res domi non fatis pacatæ funt, læfa erant, in integrum refituit, præclare de fe, & regno meritos beneficiis affecit, aliaque, quæ ad communem omnium fecuritatem pertinebant, & aliis ad conteftandam regno, fi-

1283.

F f 4

bi-

*ducendis Comanis, qui elandefcine de regno noftro auffugerant, — acceffiffemus &c.*

a) Abhinc videntur ad hanc plagam, quam hodie colunt, traducti, & iis, qui in fide manferant, fubjecti fuiffe.

b) Keza in fine Chron. Ms.

c) Litt. reginæ an. 1284. *Cum Ladislaus, illuftris rex Hung. confors nofter cariffimus, contra perfidiam, Majeftati regiæ renitentem, manu proceffiffet armata, eorumque proterviam — in campeftri prælio — contriviffet, nobisque annunciationem victoriæ, in fignum fpecialis gaudii, per Lucatsium, juvenem noftum, in acie regia militantem fublinitas regia nunciaffet, &c.*

- bique fidem, incitamento essent, præstitit. a)
1284. Nec defuisset illi fortasse in cœpto constantia, si vel firmiore fuisset animo, vel Cumanas gynæcei materni vitare scivisset, quarum consuetudine, ac illecebris irretitus, curam rei publicæ sensim negligere, ac demum in postremis habere cœpit, nec illum ab his amoribus Tartari, qui a Cumanis nuper transfugis subornati, Hungariam usque Pestinum fœde populabantur, avocare poterant, & nisi populus sponte coortus, palantes interneccione deleisset, b) miserrima Hungariæ conditio futura erat.

1286. VII. Obtorpuit ad hæc Ladislaus, Cumanarum amore jam captus, cumque sensim tædio conjugis teneretur, hanc, ne suis deliciis importuna intercederet, defuncto nuper locero, quod eo vivo ausus non erat, carceri apud moniales in insula Budensi inclussit. c)

In.

a) Vide hæc apud Wagner Diplomatar. Comit. Sáros. pag. 193. & Katona Tom. VI. pag. 878. &c.

b) Steq, & Chron. Austr. plenius ad an. 1285.

c) Litt. reginæ an. 1289. quibus donationem facit Nobilibus de Uzd. *Meritoriis servitiis — in nostri memoriam revocatis, quæ, dum non nostris meritis exigentibus, sed ex iniqua suggestione æmulorum nostrorum, apud Ecclesiam B. M. Virginis de insula Budensi, per illustris-*

f.



Indigho hoc facinore, cum domi, tūm forte  
 se despicabilem reddidit, & vicini desidia al- 1286  
 lius usi, vicinas provincias juris Hungarici  
 carpebant. Uroslus Servizæ Despota, Duce-  
 tum Machoviensem sibi afferuit, Veneti-  
 Dalmatiæ, cui semper inhiabant, aliquot ur-  
 bes interceperant. a) Nec domi res meliore  
 loco fuere, ut quisque erat potentior, ita alias  
 opprimebat, præsertim, qui longe ab aula po-  
 siti, limitibus regni præerant; ante alios Iva-  
 nus Comes Gissingenfis, Albertum Ducem Au-  
 striæ, ad infestandam Hungariam pertraxit.  
 b) Procures, quibus res publica cordi erat, &  
 regem a mulierum consortio abstractum cu- 1287  
 piebant, opem, quæ in tanto regis torpore do-  
 mi non erat, ab Honorio III. implorabant,  
 qui, etsi graves propterea ad eum litteras  
 dederit, c) operam tamen lussit. Altiores jam  
 radices malum egerat, quam, ut tam leni  
 manu evelli posset. Frustra etiam Nicolaus,  
 Honorii successor, anno sequente conatum ad-  
 hi-

---

*finum Principem, dominum regem Ladislaum,  
 consortem nostrum carissimum, in ergastulo  
 carceris inclusæ fuisset indignæ, & per spa-  
 cium non modici temporis detentæ, nobis im-  
 penderunt, &c.*

a) Du Fresne de famil. Dalm. & Slav. p. 159.

b) Chron. Ms. Claravall. ad hunc an.

c) Pray Tom. I. pag. 356. ex Raynaldo.

1288.

hibuit, scripsitque hac de causa ad Lodomerium, Strigoniensem archiepiscopum, eique in mandatis dedit, ut, si rex non aliter ad officium revocari posset, cruciatam expeditionem per regnum promulgaret. a) Confluxerant ad signa magno numero, sed, ut temere collecta, & incondita multitudo modam raro tenere solet, rapinis, & caedibus promiscue grassabantur, fore similem, ut nuper a Tartaris factum, calamitatem regno invecturi, nisi rex querelis undique allatis, e veterno expectatus, litteras per Comitatus vulgasset, quibus erratorum veniam omnibus, qui arma ponerent, vel seditiosis se non fociarent, concessit. b) Accessit aliud quodque,

1289.

nem per regnum promulgaret. a) Confluxerant ad signa magno numero, sed, ut temere collecta, & incondita multitudo modam raro tenere solet, rapinis, & caedibus promiscue grassabantur, fore similem, ut nuper a Tartaris factum, calamitatem regno invecturi, nisi rex querelis undique allatis, e veterno expectatus, litteras per Comitatus vulgasset, quibus erratorum veniam omnibus, qui arma ponerent, vel seditiosis se non fociarent, concessit. b) Accessit aliud quodque,

a) Id. ibid. pag. 357. ex eod.

b) Litt. Ladislai. *Affecuramus universitatem vestram per presentes super eo, quod quicumque vestrum ab his, qui contra nostram procedunt majestatem, se retraxerit, & nobis fidelitatem observaverit, — omnes excessus vestros indulgebimus, & remitemus. Dat. in Borecha, ser. 6. post festum OO. SS. 1289. De captiva regina id hoc loco addendum, inde Dlugosso hist. Pol. l. 7. probabiliter occasionem esse datam, ut, regem cum regina, prolis tollendae causa, custodiae a Proceribus regni traditum scriberet.*

1289.

que, isto non levius, malum ab eo, quem paulo supra memoravi, Ivano Comite, qui etsi olim foedus cum Alberto Austriae Duce inierit, violata tamen fide, cum fratre suo, episcopo Veszprimiensi, aliisque, qui in partem praedarum vocati erant, spolia, & rapinas ex Austria, & Stiria agebat. Albertus, ut perfidiam hominis, & raptorum licentiam castigaret, citius, quam illi rebantur, armatus eis incubuit, victosque, & caeso episcopo, ex Austria exegit, tum Sopronio, & Ginfio interceptis, totum eum tractum, qui a Neoradio secundum montes Stiriae porrigitur, in potestatem redegit. a)

1290.

VIII. Nihil ad hanc Hungariae avulsam partem moveri visus Ladislaus, desidia, ac voluptatibus litans, *Eduae* concubinae lenociniis praecipue irretitus, cumque nec modum in vaga licentia teneret, ipsisque adeo Cumanis propterea invisus esset, de eo e medio tollendo consilium iniere. Negotium patrandi sceleris tribus primipilis, *Arbuz*, *Turtule*, & *Kemenche*, datum, qui regem ad castrum *Kereszeg*, forte fortuna divertentem, noctis silentio aggressi, vulneribus confossum oppreserunt. Corpus Chanadini primum, postea

Va-

---

a) Chron. Austr. plenius ad an. 1289.

1290.

Varadini conditum est. a). Hic exitus fuit regia, ab amiribus in Cumanas *Chuni* nomen adepti. b). Perit in optimo ætatis vigore, nondum enim vicesimum, & octavum annum exegerat, dubium relinquens, utrum virtutes, an vitæ potiores in eæ partes habuerint. Sæpe illum reliquisse, & non modo in res sacras, sed in cives etiam bene meritos, fuisse liberalem, documenta sane multa prodant, sed hujusmodi benefacta indicium quidem sunt munificentiae, non item vitii a radice correcti. Supplicium ex *Edya* concubina, quæ utilis antea a regis consortio amovenda erat, & percussoribus gravissimum, ac prope inhumanum, iudicio Palatini sumtum est. *Arbuz* bifariam divisus, *Turtula* membratim concisus, omnisque cognatio extirpata, ne infantibus quidem in cunis parsum. c).

AN-

a) Chron. rer. Boicar. apud Oefelium Tom. II. pag. 339. similia Chron. Austr. plen. Thurocz Chron. P. II. c. 81.

b) Kerchelles Notit. prælim. in addit. p. 512. id nomen ei a devictis crebro Cumanis, non item ab amore in Cumanas mulieres, inditum putat. Quam vere, non video, cum facta aliud testentur, nec quam illi sruat, apologia, satis veritate nititur.

c) Chron. Budense ad Not. Thuroczii cap. 81.

III. ~~ANDREAS~~ III. 302

Ab anno 1290. — 1300.

1290.

**H**uic, quod patre Stephano, Andree II. posthumo, & matre Thomafina Matibona editus esset, velut postremo ex stirpe Arpadiana sanguinis virilis fuscule, jus proximum ad regnum fuit. Hac de causa Ladislaus, postquam nullam hæreditatem haberet, & Andreas, frater illius germanus, morbo fuisset præreptus, illum jam antea Venetiis acceperat, & eumque Ducatui Sclavoniæ præfecit, ut sibi ab obitu suo succederet, & jus familiæ regis ad posteros præpararet. Multa tamen illi obstacula prius superanda erant, quam regni possessionem adiret, sibi que firmaret. Invitato enim ad peragendam coronationem, cum ex Sclavonia moveret, & facinorosi insidias

a) Schier regin. Hung. ad an. 1278. pag. 227.

De conjugio illius, Clara Euphemie, Alberti II.

Storitzæ Comitis filia, opportunior locus alibi

erit. Vid. etiam Schmitt epist. Agrien. pag.

230. & Katona Tom. VI. pag. 758. de Du-

catu Sclav.

b) Fabulam redolet, quod aliqui in litteras retu-

lere, Andream, ut insidias Alberti Ducis Au-

striæ vitaret, monachi veste indutum, Vienna

in Hungariam ad capellendum regnum evasisse,

in itinere struxerant, quibus feliciter vitatis,  
 1290. coronam, ad actum coronationis veteri insti-  
 tuto necessariam, per vim retinebant. a) Hac  
 quo-

a) Litt. Andreæ an. 1293. kv. Id. Jan. *Cum do-  
 mino rege Ladislaus, fratre nostro infeliciter  
 interemto, in regiminis solium — successisse-  
 mus jure & ordina geniturae, & coronari apud  
 Albam regalem, prout moris est, corona, &  
 diademata sanctissimi regis Stephani valuisse-  
 mus, & quidam, regiminis, & coronationis  
 nostrae, amuli primis insidias latenter, &  
 demum in patulo, ne ipsa corona sancti regis  
 tempora coronationis nostrae dari nobis possit,  
 & ut nostri regiminis autoritas, & salutis  
 arcadium regnicolarum differretur, posuissent,  
 &c. In aliis litt. an. 1292. insidias sibi a Joanne,  
 Henrici Bani filio, structas memorat. Si  
 in Joanne lateat Ivanus, de quo alias mentio  
 facta est, tunc ea, quae Schier in regin. pag.  
 229. de Fenenna Andreæ in matrimonium ab  
 eo data, memorat, vix quidem locum habere  
 possunt. Insidias regi structas regina paulo ma-  
 gis explicat in litt. ejusdem an. & diei. *Fenenna*  
 &c. nos itaque consideratis — meritis ipsius  
 Magistri Theodori Praepositi (Albenfis) —  
 cum in partibus transdravensis una cum domino  
 nostro rege fuissimus, & — per violentiam de-  
 tentionem quorundam Baronum carissimus do-  
 minus rex noster fuisset impeditus, idem Ma-  
 gi-*

quoque extorta, vix ritu solito coronatus erat, cum impoſterem ſubornarunt, qui ſe Andre- am Ladislai fratrem mentiretur, a) regnum- que ei dubium redderet. Sed, hoc etiam cum complicitibus in ordinem redacto, gravius a Rudolpho Cæſare periculum imminebat, qui, quamprimum de cæde Ladislai edoctus erat, Hungariam filio ſuo Alberto, feudi nomine obtulit, idque, ut conſtitutioni ſuæ majus ro-  
bur

1890.

*giſter Theodorus — ab omnium irruentium & furentium voce omnia bona, & ſpecialiter, va- ſa aurea, & argentea regalia, & preciſissi- ma indumenta domini noſtri regis, & noſtra deſenſavit, & nobis — reſtituit integraliter. — Ceterum, dum in ipſa detentione idem domi- nus noſter rex, diutius vexatus fuiſſet, idem Theodorus Præpoſitus, ut ipſum dominum re- gem ab eadem detentione eripere poſſet, tres nepotes ſuos, & Comitem Ladislaum, uni- cum fratrem ſuum uterinum pro obſide reliquit, gravibus catenis ferreis conſtrictum, loco do- mui noſtri regis &c.*

a) Litt. regis, apud Katona. Tom. VI. pag. 1023. Cum nos, Deo propitio, jure, & ordine gen- tura in ſolium regni Hung. fuiſſemus ſubli- mati, & quidam, qui ſe Ducem Andream no- minabat, adiunctis ſibi perverſitatis ſuæ ſociis — contra noſtram regiam procedere niteretur inſeſtatem &c.

~~1290.~~ **but** adderet, Imperii Principibus significavit.  
 1290. a) Simul aliis litteris b) causam, qua ad id  
 inductus esset, reddidit. Belam nimirum, se  
 spectante, Hungariam, ~~cap~~ Tartari regnum  
 im.

a) Rudolphus — universis S. R. I. fidelibus gra-  
 tiam —. Licet regalis benivolentiam ad uni-  
 versos R. I. Principes extendere largiflue tene-  
 mur, maxime tamen naturæ dictante stimulo,  
 nostram prolem propriam, bene meritam digna-  
 mur prævenire gloria, & honore. Ad hoc  
 itaque habito respectu, regnum Ungariæ, quod  
 nobis, & Imperio, per mortem quondam La-  
 dyzlai regis, vacare dinoscitur, cum suis flu-  
 minibus, terris, castris, civitatibus, oppidis,  
 villis, possessionibus, juribus, nec non attinen-  
 tiis universis, & omni eo jure, quo idem re-  
 gnum prædictus rex Ladyzlaus dinoscitur te-  
 nuisse, illustri Alberto, Duci Austriæ, Prin-  
 cipi, & filio nostro carissimo, titulo feudali,  
 a nobis, & Imperio, perpetuo possidendum,  
 ex regia magnificentia, de Principum & Baro-  
 num Imperii consilio, concedimus, & donamus.  
 In cuius rei testimonium hanc paginam conscri-  
 bi, & nostræ majestatis sigillo jussimus roborari.  
 Datum Erfordiæ, pridie Kal. Septembr.  
 anno Domini M. CC. nonagesimo. Indictione  
 III, regni vero nostri anno XVII. Rex autogr.  
 Tabularii. Antici Vigmen.

b) Has vide ad an. 1241, N. III.



invaserant, Friderici Imperatoris clientelæ, præstito *homagio* obtulisse, proinde æquum esse, ut jus, Imperio Romano assertum, tueretur. Nec Albertus Dux Austriæ in eo persequendo segnior, arma Hungariæ ipsa hyeme intulit, & castrum sancti Viti, reliquæ portioni, quam alias regno decerpserat, adjunxit. *a)* 1290.

II. Sed juri huic, quod partim non impleta per Fridericum conditione, *b)* partim superflite legitimo regni hærede Andrea, nullum ceteroqui erat, Nicolaus IV. Pontifex intercessit, ratus, Hungariam ad sedem Romanam pertinere, idque non solum Rudolpho, & Alberto per litteras significaverat, sed suum quoque Legatum, episcopum Aesinum, ne quod præjudicium sedi Romanæ inferretur, jussit intercedere, *c)* reprehenditque Strigom- 1291.

*a)* Chron. Austr. plen. ad hunc an.

*b)* Confer N. III. ad an. 1241.

*c)* Raynaldus ad an. 1291. N. 45. 46. & 47. item Dobner Monument. Tom. II. pag. 376. ubi inter reliqua hæc Pontif. verba reperias: *eis* (Rudolpho, & Alberto) *in simul, vel disjunctim, ex parte nostra expresse, manifestoque denuncies, prædictum regnum (Hung.) ad Romanam Ecclesiam — pertinere, nostro, & ipsius Ecclesiæ nomine, publice protestans, ut ipsi, vel eorum alter, jure quælibet in regno ipso, ad nos, & Ecclesiam prædictam spectantia,*

*Pars I.*

G g

quo.

1291.

goniensem archiepiscopum, quod, quæ a cæ-  
de Ladislai contigerant, ad se non perscrip-  
pisset, addito mandato, denunciaret regni Or-  
dinibus, regnum, cæso Ladislao, ad sedem  
Apostolicam esse devolutum, neve jus hoc  
deinceps in controversiam vocaretur, duo do-  
cumenta ad faciendam fidem conderet, quo-  
rum alterum apud se servaret, alterum Ro-  
mam transmitteret. a) Hæc Pontifex in fa-  
vorem Caroli Martelli, quem Hungariæ re-  
gem dare constituerat. Verum nec archiepi-  
scopus rerum patriarum magis, quam Ponti-  
fex, gnarus, morem ei gerendum putavit, quin  
eos etiam, qui fidelitatem regi præstare nol-  
lent, sacris interdixit, b) nec Rudolphus a  
proposito asserendi in Hungariam juris desti-  
tit, sed ne sanguinis solum rationem habere  
videretur, ita illam inter filium Albertum, &  
Bohemiæ regem dividi cupiebat, ut Danubi-  
us

---

*quoquo modo usurpare, occupare, vel invadere  
non præsumant, aut in nostram, & ejusdem  
Ecclesiæ præjudicium, & gravamen aliquid at-  
tentare, &c.*

a) Litteras Pontificias in hoc genere exhibet Ka-  
tona per extensum pag. 1036. — 1056. quo  
Lectorem remitto.

b) Id patet ex epist. Bonifacii VIII. ad annum  
1299.

us inter utrosque limes esset. a) Conatus tamen hos Cæsaris mors interruptit, b) & Alberto plus negotii apud Stiros, qui iura sua acriter tuebantur, obortum est, c) quam ut spem obtinendæ Hungariæ prudenter sustentare posset.

Andreas interim rebus domi compositis, & de fide provinciarum suarum securus, cum videret minus sibi a Pontifice, quam Alberto, periculi imminere, in hunc, collecto octoginta millium exercitu movit. Limitibus appropinquans, missis nunciis, animum illius exploravit, utrum, quæ ex Hungaria avulerat, nec ne vellet restituere? illo negante, nihil moratus, transmissis Leitha fluvio, omnem eum terræ tractum, qui inter Neostadium, & Viennam jacet, depopulatus, ipsam Viennam obsidere parabat, cum in gratiam, agenti-

G g 2

ti-

a) Epist. Decani incerti ad episcopum Ratibonen. apud Pez Cod. diplom. hist. P. II. pag. 204.

*Opinabilia nova per patriam iustificuntur, quod videlicet rex Romanorum, regnum Ungariæ, illustribus Principibus, regi Boh. & Duci Austriæ, foederaliter contulerit pro diviso, sic, ut meatus Danubii, limes esse debeat regionum &c.*

b) Inscriptio sepulchralis monumenti apud Albertum Argentinensem. refert an. 1291. pridie Kal. Octob.

c) Gerardus de Roo. l. 1.

~~1291.~~ 1291. tibus Hungariæ episcopis, cum Duce, ea conditione rediit, ut, quas urbes regno ademerat, bona fide restituat, captivi utrinque liberi gratuito dimittantur, Ivani autem Comitibus Gifsingensis castra, ex quibus modo in Austria, modo in Hungaria, ut spes melioris rapinæ erat, prædas solebat agere, ne alteruter novam belli occasionem posset sumere, solo æquentur. a)

1292.

III. Post confectam cum Alberto pacem, quem credibile est, æquitate causæ permotum, juri quoque in Hungariam, quod ei pater tribuerat, renunciasse, nec enim quidquam propterea deinceps movisse legitur, novum regi periculum ex Sicilia præter opinionem imminebat. Maria defuncti Ladislai soror, Carolo Claudio regi Siciliæ nupta, videns Hungariam a pluribus ambiri, eosque, ad eam obtinendam, varios juris titulos prætexere, ne ipsa sibi deesse videretur, jus suum, quod propinquiore, quam Andreæ regis, nexu sanguinis, ad se pertinere putabat, in filium suum, Carolum Martellum, Principem Salernitanum, editis tabulis transtulit. b) Nec ab-

---

a) Chron. Aust. Mellicen. Claustroneoburg. & Austr. plenius ad hunc an.

b) Apud Roussel, *supplem. au corps diplomat.* Tom. II, P. II, pag. 158. Regina, enarratis, quæ post cædem regis Ladislai contigerant, sic

abnuitt Pontifex; cuius favore subnixus Martellus, & a Legato Pontificis corona incin-

G g 3 ctus,

sic prosequitur. *Volentes ejusdem regni (Hung.) statum providere, sive successione, sive consuetudinis, sive electionis, sive quobunque alio jure, vel modo id competere dignoscatur, Carolum primogenitum nostrum, Salernitanum Principem — ad ejusdem regni Hungariae sedem, & regimen, ac in ipsius regni regem — eligentes, ac praeficientes, regnum ipsum Hungariae, cum hominibus, vasillis, honoribus, dignitatibus, Principatibus, marchionatibus, Ducatibus, Comitatibus, Baroniis, civitatibus, castris, villis, injulis, plantis, montibus, aquis maritimis, juribus, jurisdictionibus, mori mixtique imperii, & gladii potestate, nec non feudis, tributis, rationibus, & pertinentiis suis omnibus, tam intra, quam extra regnum ipsum, ad idem regnum spectantibus, prout praedictus frater, aut alii praedecessores nostri — Concesserunt, ubi tenere debuerunt, — eidem Carolo, & ejus heredibus ex ipsius corpore legitime descendentibus, — de mera liberalitate, speciali gratia, & Materno charitatis affectu, concedimus, donamus, & tradimus &c. Actum Aquis. anno Incarnationis M. CC. Nonagesimo PP. die 6. Jan. V. Indict. Integre exscriptum documentum vide apud Kaina, Tom. 6. pag. 1084.*

1292.

ctus, per Siciliam, & Italiam, rex Hungariæ habebatur. a) Andreas videns, sibi novum æmulum parari, ut ejus conatum præverteret, ante omnia maritimas provincias, ad quas facilis ex Sicilia trajectus erat, & quas Martellus clam ad defectionem sollicitare nitetur, in fide conservare, & beneficiis sibi addictas reddere studuit, b) si quod autem discrimen ex parte continentis sibi, & regno ingrueret, necessariam sibi quoque, ad vim propulsandam, exterorum Principum amicitiam videbat. Itaque cum rege Bohemiæ,

1293.

& Duce Austriæ, quibus Bavariz quoque Dux, & Salisburgensis archiepiscopus se adjunxerant, foedus iniit, quo sibi vicissim, si res posceret, opem ferre receperant, primusque omnium Andreas Duci Austriæ, contra Adolphum Imperatorem auxiliorum copias ex pacto conjunxit. c) Hæc regis promptitudo, qua

a) S. Antonin. III. P. Tit. 20. item testamentum regis Caroli Claudi apud Leibnitz, Cod. jur. gent. fol. 53. ubi hæc: *item reliquimus jure institutionis, Carolo nepoti nostro, primogenito, quondam primogeniti nostri, regis Hungariæ 2000. unciarum auri.*

b) Farlati Tom. III. pag. 294. Lucius l. 4. pag. 302. & Kerchelics hist. Eccl. Zagrabien. p. 94.

c) Hist. Austral. apud Freher. Tom. I. pag. 481. & Volemarus apud Oeffelium. Tom. II. p. 536.

qua Duci, ad tuendas suas ditiones in Suevi-  
am ituro, suppetias miserat, hunc a Martel-  
li partibus, licet hic sororem illius Clemen-  
tiam, conjugem haberet, facile abstraxit, cum  
ab Hungarorum societate, & vicinia plus com-  
modi rebus Austriacis, quam ab affine longe  
remoto, accedere posse videret.

IV. Nec Martellus sibi defuit. Romam  
cum patre profectus, a Cælestino Pontifice,  
qui Nicolaum IV. hujusque de Hungaria sedi  
Apostolicæ obnoxia rationes sequutus erat,  
rursus coronatus est, satis sibi consultum ex-  
istimans, quod jus in Hungariam a matre col-  
latum, alter quoque Pontifex ratum habuisset.  
Etsi hæc quidem Andream, qui regnum  
jure successionis hæreditariæ niti, non item  
ad Pontificum collationem pertinere sciret,  
parum moverent, veritus tamen, ne id rebus  
suis domi, forisque aliquando obesse posset,  
rationem, qua & juri regio, & Pontificis au-  
ctoritati consuleret, secum inibat, cum ei hanc  
curam sequente anno Martellus peste extin-  
ctus, a) exemit. Maritum paulo post con-  
jux quoque sequuta est, Clementia, Rudolphi  
Imperatoris filia, cujus gratia Marchionatum  
Provincia, & Comitatum *Falcalquir*, ali-  
as *Forum Neronis*, Carolo Claudio Siciliæ re-

1294.

1295.

Gg 4

81,

a) Lucius I. 4. c. 10. & Madius apud Schwandt-  
ner scriptor. rer. Hung. Tom. III. pag. 638.

1296. gi, jam quinquennio ante, novo donationis titulo confirmaverat. a) Clementiæ non diu superstes fuit Fenenna, b) Andreæ regis conjux, unica filia Elisabetha post se relicta. Rex, qui mascula prole hactenus carebat, de successore, & stirpe regia conservanda sollicitus, secum deliberabat, quam conjugem, quæ & regno ob parentelam emolumento, & tollendo hæredi opportuna esset, deligeret. Præ ceteris, Agnes Alberti Ducis Austriæ filia, spem prolis polliceri videbatur. Hanc, simul ac petierat, impetravit. Dote, c) quadraginta millium marcarum argenti a patre constituta, rex vicissim Comitatum Posoniensem, & Citiuorum insulam, nuptiarum causa, sponsæ donavit, & sequente anno publicis tabulis confirmavit, d) cum paulo ante triginta, & octo Imperii Principes, inter quos, præter Wenceslaum regem Bohemiæ, Mo-  
gun

a) Anno nempe 1280. V. Cal. April. apud Leibnitz, Cod. jur. gent. in prodromo, pag. 20.

b) Erat Zentromisli Cujaviæ Ducis filia, teste Suntheimio apud Oeffel. Tom. II. pag. 630. firmatque ipsum reginæ sigillum an. 1291. cum hac epigraphe. *S. Fenenna. Dei. Gracia. Fille. Zemo* — cetera extrita erant.

c) Murærus apud Schier regin. Hung. pag. 240.

d) Diplomatar. Stiriae, inter Seccoviensia N. 129, apud Pray P. I. pag. 364.



guntinus archiepiscopus, Dux Saxoniae, & Marchio Brandenburgensis praecipui fuere, 1297.  
de exauctorando Adolpho Caesare, eique sub-  
rogando Alberto Austriae Duce consilium inie-  
re, a) id quod regi, ob societatis dignitatem, &  
potentiam, ipsem ante conceptam firmiter  
matrimonium cum filia illius initum, sibi, &  
regno, contra externos, & intestinos hostes  
profuturum.

V. Accessit ad hanc, quam cum futuro 1298.  
Romanorum rege contraxerat, affinitatem,  
mox altera, dum sequente anno Viennam pro-  
fectus, cum rege Bohemiae, Saxoniae, Ca-  
rinthiae, Opotiae, & Oppavie Ducibus, Mar-  
chione Brandenburgensi, & compluribus Ger-  
maniae, Hungariae, & Bohemiae archiepis-  
copis, & episcopis, adducta secum copiosa Hun-  
garorum, & Cumanorum manu, convenisset.  
In celebri hoc Principum Conventu rex filia  
sua Elisabetha Wenceslao juniori, Regi Bo-  
hemiae filio, & haeredi, Albertus vero, filia  
altera Marchioni Brandenburgensi, in matri-  
monium collocatis, communem inter se, cum  
rege Bohemorum, & qui aderant, Ducibus  
amicitiam, & armorum societatem, invere.  
Haec illo spectabat, ut Alberto, ad obtinen-  
dam Imperii dignitatem, adiumento essent,  
quam

a) Siffridus presbyter, sed male ad an. 1296.

Stero ad an. 1297. pag. 577. & Hornek c. 652.

1298.

quam etiam, studio imprimis Moguntini archiepiscopi, exauctorato, & in pugna caelo Adolpho, consequutus est. a)

Rex soluto Viennensi Conventa, in Hungariam reversus, quod hactenus, partim ob interjecta ab regni simulis, partim etiam exorta domi, obstacula, non perinde, ac oportuit, fieri poterat, animum ad rem publicam, quæ ab obitu decessoris magnopere defluebat, serio tandem adiecit. Potentia Baronum regni, & Magnatum, quos quidem Bela IV. accisis, superfluis illorum fortune, utcumque in ordinem redegerat, sub brevi regimine Stephani, & Ladislai conniventia, adeo rursus increverat, ut potestate, quæ dignitati conjuncta erat, abusi, contempta regis, & legum auctoritate, quidvis sibi licere putarent. Passim enim, idque injussu regum, castella in bonis suis, erexerant, ex quibus non modo regum, & reginarum, sed Ecclesiarum quoque, & vicinorum Nobilium fundos infestabant, & impune sibi vendicabant. Hac infreni licentia irritati, & coorti inter se Nobiles, inito cum Episcopis consilio, regem orandum censuere, ut conventum regni, exclu-

1298. 616

a) Annal. Colmar. pag. 31. Stero pag. 578. Hist. Austr. plen. pag. 484. apud Freher Tom. I. Chron. Zwetlen. apud Hier. Pez. Tom. I. col. 533.

classe Magnatibus, ad pridie Nonas Augusti,  
Pasquinum indiceret, a). Aegre id primum illi;

1298.

quo-

Exordium Decreti, ejus exemplum in regni  
Tabulario asservari dicitur, collapsæ rei pu-  
blicæ causas, his verbis exprimit. Tempore  
coronationis Andreæ, regis illustris Hung. et  
non omnes conditiones seu libertates regni Hung.  
ab antiquo observatæ, quædam tamen ex ipsi  
libertatibus, & conditionibus notabiles, & plus  
necessariæ, publico scripto, sigillo ejusdem do-  
mini regis vallato, fuerint declaratæ, quæ,  
quia iniquis hominibus, & cupiditate excæcâ-  
tis, pravitatibus intervenientibus minime fue-  
runt observatæ, & ex cupiditate domini regis  
fuerunt penitus & postpositæ, regnum Hung. in  
omni sui parte fluctuare facit, & per vastus  
varios, ac plurimos, ex potentia Baronum, &  
aliorum potentium in tantum annullari, ut  
Ecclesiæ, & Nobiles, alii autem regnicolæ,  
in suis rebus, & facultatibus, fere ad extre-  
mam exinanitionem devenerint. Quo viso,  
idem dominus Andreas, Spiritu sancto sugge-  
rente, aures aperuit sue clementiæ, & fideli-  
bus consiliis quiescens, congregationem indicit  
generalem, ad hæc, ut (per) Prælatos, &  
viros Ecclesiasticos, nec non & Nobiles hujus  
regni, exclusis quibuscunque Baronibus, prout  
moris est huic regno casura, & per nimias va-  
stus diminuto, salubri consilio, quo posset, sub-

1298.

quorum causa in Comitibus sine dubio inferior  
 futura erat, ferre vili sunt, post tamen Nobili-  
 um, qui numero superiores erant, postula-  
 tis cedere, & regis voluntati obtemperare  
 coacti sunt. Itaque Episcopi, & Nobiles, ad-  
 scitis etiam in consortium Saxonibus Trans-  
 sylvaniæ, & Cumanis, ad præstitutum diem,  
 Pestinam convenere, a) & habita inter se ma-  
 tura deliberatione, statuta, quæ ad rem pu-  
 blicam reparandam opportuna videbantur, &  
 dein regis, Episcoporum, ac ipsorum adeo  
 Ba-

vanitatem iniquitatibus persequatur, salubriori  
 consilio adiuvandum.

a) Ibid. Nos itaque Joannes Dei gratia Archiep.  
 Colocensis, aulæ domini regis Cancellarius,  
 (Sequuntur aliorum episcoporum nomina) apud  
 Ecclesiam Fratrum Minorum in Pesth, anno  
 Domini M. CC. nonagesimo octavo in festività  
 B. Dominici Conf. cum omnibus Nobilibus  
 Hung. singulis Saxonibus, Cumanis, in unum  
 convenientes, accepta auctoritate, & consensu  
 hominum regis, & Baronum totius regni, prouti  
 & aliorum, invocata Spiritus S. gratia, tracta-  
 re cepimus de his, per quæ regis magnificen-  
 tia, & status regni totius, ac etiam ipsarum  
 Ecclesiasticarum personarum, & Ordinum alio-  
 rum consulere.

Baronum sigillis firmata sunt, a) condi- ~~tionibus~~  
dere. 1298.

Præcipua, eaque solum, quæ tristem Hungariæ, illius temporis conditionem repræsentant, ex his delibabo. Ante omnia, Conventus, regis auctoritati volens consulere, statuit, ut ei, tamquam domino omnium, honorem, qui majestati illius debetur, omnes exhibeant, & ad dignitatem illius sustinendam, fundi regii, a quocumque abstracti essent, restituantur: idem de iis, qui vetere instituto ad reginas pertinebant, eandem ob causam, decretum. b) Barones, alique potentia illis pro-

---

a) Ibid. in fin. *Et quia saluberrima statuta, regis honori, & statui regnicolarum magno remedio proficientia a prædictis Ven. Patribus, & ab incolis totius regni Hung. de legati consensu domini regis, & Baronum processerunt, prout in superioribus est expressum, — debitam retineant firmitatem, dominus rex, & regni Barones sigilla sua, ad instar sigilli Prælatorum, huic chartæ statutorum apposuerunt.*

b) Id. Decr. *Ut dominum Andream, ex regali stirpe descendantem, revereamur tamquam dominum regni naturalem, & ut in persona ipsius, regalis dignitas secundum exigentiam sui culminis fulgere possit, omnia regalia, & reginalia, per quemcunque, & quando-*

*aur.*

1298.

proximi, qui hactenus ab agendis prædis notati erant, veniam delictorum a rege supplices flagitent, & a violenta alienorum occupatione, latrociniisque deinceps abstineant. a) Ecclesiasticorum quoque juribus, & Nobilium indemnitati cautum: qui illorum res, terras, aliave per vim occupata, retinerent, nec intra trimestre a soluto conventu, suis dominis redderent, non modo excommunicatione perstricti censeantur, a qua solum per Colocensem archiepiscopum, adhibito aliorum episcoporum consilio, solvi possint, b) sed insuper-

---

*cunque, indebite occupata, pleno jure restituantur.*

a) *Barones, & alii potenter agentes, a vastibus, & spoliis agendis, omnino se refrænent, & de his, quæ male gesta sunt, regiam majestatem offendendo, ad gratiam domini regis se conferant, veniam petentes de commissis, & quod de cetero expilationes, latrocinia, & occupationes, seu varia nocumenta cessent omnino. ibid.*

b) *Ibid. Jura etiam Ecclesiastica, & Nobilium, in possessionibus, in foris, in tributis, & aliis, quocunque tempore, & per quemcunque indebite occupata, penitus restituantur. Et paulum infra: Et quicunque regalia, & reginalia indebite occupata, possessiones etiam Ecclesiarum, & Nobilium, Fera, tributa hac-*

*te.*

per ejusmodi contumaciam possessiones, repenso iis, qui injuriam passi sunt, damno, per Fiscum regium occupatæ, juri regio ita cedant, ut ne proles quidem ob parentum delicta, legitimam hæreditatis partem adeundi, potestatem habeant, nec prærogativis Nobilium frui, deinceps possint. a)

1298.

Ne

*tenus indebite detenta, non restituerint, & infra spacium 3. mensum, a die Congregationis computandarum, dimittere non curaverint, aut si qui de novo ad spoliandum, & occupandum possessiones regales & reginales, Ecclesiarum, & Nobilium, contra hæc statuta surrexerint, sententiam excommunicationis, quam contra injustos ex nunc auctoritate præsentium proferimus, incurrant ipso facto, a qua absolvi non valeant, nisi apud archiep. Colocen. omnium nihilominus episcoporum consensu, & assensu interveniente, & præhabita satisfactione competenti, domini regis cedant judicio, pæna debita puniendi, possessionibus tamen omnibus ipso facto privati, deducta repensione damnorum per tales illatorum, & eis (quibus) intulerunt, assignatis, vel adjudicatis.*

a) Ibid. Ceteræ possessionum partes in manus regias devolvantur ita, quod hæredes eorumdem, propter excessus parentum, legitima parte hæreditatis donudati, inter Nobiles

non

1298.

Ne qua autem fraus, dolusve, in restitutione fundorum interveniat, quatuor Nobiles in quovis Comitatu jubentur deligi, qui in consortio illius, quem eis rex adjunxerit, secundum æquitatem, adempta possessoribus legitimis restituant, qui, si aliquid gratiæ, aut timori tribuisse, vel crimen falsi commisisse, deprehensi fuerint, similiter censuræ Ecclesiasticæ subiaceant, & præterea pro regis arbitrio puniantur. Rex quoque, si quid vel ipse, vel sui, Ecclesiis, aut Nobilibus ademissent, reddent bona fide, alioquin, ut ceteri, sacrorum communione privandi. Faciet item, ut, si quæ pars regni, quocunque titulo, vel colore, a decessoribus fuisset alienata, hanc, nisi impedimentum legitimum obstet, regno iterum vendicet. a) Ad hæc, Nobilibus tenuioris

---

*non debeant computari, & ab actibus Nobilium, atque ab aditu — exclusi, mancant ab omnibus actibus legitimis alieni.*

a) Id Decr. Et si aliqua pars regni, quocunque titulo, vel colore, per quemcunque regem, alienata existisset, teneatur revocare, & idem dominus rex ad jus regium, ut regnum Hung. quasi quoddam jus totum suarum possit partium integritate gaudere, sententiam ipsius archiep. Colocen. quam de consensu Prælatorum esset incursum, si hoc, legitimo impedimento cessante, idem dominus rex neglexerit emendare.



eis fortunæ, liberam sit, cui volent, servire, quos si Barones, alique Magnates adservitum cogarent, vel nolentes, in personis, aut facultatibus laedere auderent, factorum communionem arceantur, & rex severam ultionem ex temerariis oppressoribus sumat. a) Castella, & munitiones nemini deinceps, rege invito, liceat exstruere, ea vero, ex quibus damna hactenus incolis illata sunt, funditus convellantur. Palatino curæ erit, ut mandato Conventus satis fiat. Si in demolitione segnes, aut contumaces repererit, & castrum in aliena terra esset erectum, hoc diruto, illam domino reddi jubebit, sin in propria atrocinantis ditione situm, hujus fundos cum castro, sine redemptionis, aut permutationis spe, Fisco regio addicet. b) Generatim autem, omnibus,

a) Ibid. Item statuiamus, quod Nobiles servire valeant, quibuscunque voluerint sua spontanea voluntate, & si qui potentum hujusmodi Nobiles ad sibi serviendum vi — arctaverint, aut ipsos propter hoc in personis, vel facultatibus suis læserint, — contra hoc statutum venerint, excommunicationem ex nunc latam, incurrant ipso facto, & si de hujusmodi depreffione Nobilium domino regi constiterit, tales depreffores persequi teneatur, digna ultione feriendos.

b) Ibid. Munitiones, & Castella, de novo absque licentia domini regis (non erigantur) vel

bus, injuriam dampnumve passis satisfactio intra tres menses præstetur. Denique, si qui ea temeritate essent, ut **Conventus** statutus 1298. nollent obtemperare, hos rex armis in ordinem redigat, si neque hæc sufficerent, auxilia ab exteris in regnum aduersat, quibus refractarii, & rei publicæ noxi homines castigentur. a)

## VI.

*quæ fuerint tales, de quibus detrimenta inferuntur, aut etiam quibus ipse possessiones non sufficiunt, minores etiam super Ecclesias, & monasteria factas, sine dilatione omni deleantur, quæ si destructæ non fuerint, detentore eorundem munitionum sententiam intercommunicationis ex nunc latam (incurrant) & nihilominus per dominum regem — vel per Palatinum, hujusmodi munitiones deleantur. Terræ siquidem, ubi tales munitiones per dominum regem, vel Palatinum repertæ fuerint, — in jus regium devolvantur, nulla redemptione, vel commutatione recepta. Si verò fuerint aliorum, veris, & propriis dominis restituantur.*

a) Ibid. Si qui vero ex istis — insurgerent, quos dominus noster rex Hung. invocata, & congregata regni (potentia) deprimere non posset, & pœnis supra dictis adducere, licitum illi sit, — auxilium aliunde implorare, per quod convinei possit feritas delinquentium.

VL. Hactenus statuta Conventus. Opportuna illis quidem conservandis rei publicae vuneribus erant futura, si malum, quod fere sub quatuor regibus sensim invaluerat, non tam altas jam radices egisset. Ipsa ponarum, quae delictis constitutae erant, severitas, & amittendorum, quae aliis per summam injuriam rapuerant, metus in causa fuit, ut complures nec Conventus quidquam deferrent, & a rege praeterea alienarentur. Rursus igitur Comitibus indicta, quibus ut Gregorius quoque, electus Strigoniensis, qui anno priore a Convento se subduxerat, interesset, missa legatione, & data securitatis fide, invitatus est. Revenit, paribus Caroli Siculi clam addictus, & auctoritate sua factosus in pertinacia confirmans. Quin ausus est etiam, licet jurisdictionis confirmationem Roma obtentam, quod tamen rogabatur, nunquam exhibuisset, episcopos ex Comitibus Veszprimium, ubi cum

1299.

H h 2

huiusmodi

- a) Decret. Comitiorum hujus an. apud Pray P. II. Hierarch. pag. 106. & seq. se recipiens (namque Gregorius electus Strigoniensis) apud infidelis regni, (qui) nefandissima, & execrabilia fecerunt, quae in effractionibus Ecclesiarum — ac horribilibus destructionibus, spoliationibus, & vastationibus, fere a temporibus quatuor regum regni Hung. miserabiliter perpetrarunt, &c.

~~1299~~ 1299, regis adversariis morabatur, contenta Co-  
 mitiorum, regisque auctoritate, ad se accoer-  
 sare, & nisi parerent, sententiam excommuni-  
 cationis, se in eos laturum minabatur. Id  
 cum frustra agit, ultra Dravum, in castrum  
 sanctæ Cruois, latrocinii infame secessit. Quo  
 exemplo plures sensim in societatem Comi-  
 tiis oppositam coaluere. a)

Inter hos Ivanus Comes Gisingensis,  
 (Német-Ujvár) de quo alias sæpe mentio in-  
 jecta est, & Henricus frater illius, cum com-  
 plicibus, præcipui fuere, qui etsi omnium fe-  
 re malorum, quibus regnum premebatur, au-  
 ctiores, & propterea a Lodomerio Strigoni-  
 ensi archiepiscopo, sacris olim interdicti fu-  
 issent, ut tamen invidiam a se amolirentur,  
 jam anno priore ad Bonifacium VIII. scrip-  
 slerant, Hungariam, regia desidia, in extre-  
 mum discrimen adductam, & ut crimen de-  
 fectionis adulatione palliarent, addebant,  
 se non alium regem posse agnoscere, nisi quem  
 Pontifex judicio suo probasset. b) Temerarie  
 id languentes, quod nec in illorum potestate  
 erat, & nunquam ad sedem Apostolicam per-  
 tinebat. Rescripsit Pontifex, monuitque Gre-  
 gorium Strigonensem electum, ut supplices,  
 ab excommunicatione liberos pronunciaret,  
 &

a) Ibid.

b) Raynaldus ad hunc an. N. 12. & 13.

& malis in dies latius diffusis medelam poneret. Sed qui a Conventu, regis jussu indicto, primus secessionem fecerat, & reliquis, si non auctor, ad idem audendum, exemplo erat, viz illius jam sive animi, sive auctoritatis erat, ut morem Pontifici gerere potuerit.

VII. Hunc in modum res habebant, cum factiosi, Comitibus rursus sine fructu solutis, audaciores reddit, consilium inter se, de Carolo e Sicilia advocando, iniere. Missi sunt, qui illum ad capeffendum regnum Neapoli accerferent. Nec is diu moratus, comparata classe, Spalatum mense Augusto appulit, ubi cum duos fere menses moram traxisset, ut, in quam partem animi inclinarent, experiretur, Zagrabiam profectus, jussu Pontificis a Gregorio Strigoniensi electo, rex Hungariae, inunctus est. a)

Andreas, qui se jam in aditu regni, ne eo potiretur, a factionis vi detentum, nec, nisi datis obsidibus, dimissum expertus erat, abhinc autem, licet celebratis saepe Comitibus, b) nondum pacatos animos, nec tranquillitatem regno esse restitutam, praeter Praelatos

a) Madius c. 3. Lucius l. 4. c. 10. Reynaldus ad an. 1301. N. 7.

b) Hagenus apud Schier cit. l. pag. 243. testatur, Andream quovis anno Conventum regni celebrasse,

1300. ~~\_\_\_\_\_~~ autem, & Nobiles, sibi patcos ex Magnati-  
bus addictos, vacillare ex his aliquos, & vivo  
sibi præterea æmulum opponi videret, mor-  
tore animi sensim tabescens obiit, a) nullo  
hærede relicto, b) vicissinus secundus, & ul-

a) Hoc anno extinctum memorant annal. Alta-  
henfes apud Freher Tom. I. pag. 581. Salis-  
burg. apud Hieron. Per Tom. I. col. 397. item  
Chron. Bavar. apud Oefel. Tom. I. 693. alii  
coptes, iique plures ad an. 1301. sed priores  
rectius. Madius enim temporis illius scriptor,  
perhibet, eo anno defunctum, quo jubilarum  
Romæ celebratum fuit, hoc autem, ut Raynald.  
habet ad an. 1300. N. 6. contigit an. 1300.  
Ipsæ etiam Carolus annos sui regiminis ab hoc,  
non item sequente anno, numerare solet.

b) Agnes regina, ex qua aliqui regem, filiam  
fuisse suspicantur, perturbato regni statu,  
captiva postea tenebatur, donec ab Austriacis,  
Audis Eran, liberata, & Viennam deducta  
esset. Vid. Schier regin. Hung. pag. 245. Du-  
bium autem est, an rursus in Hungariam red-  
ierit. Illud certum, etiam ab absente dona-  
tiones in Hung. factas esse. An. 1313: vil-  
lam Neufid, tunc Zumbathely dictam, Capi-  
tulo Strigon. donavit, quam donationem con-  
firmavit an. 1322. Dat. in Claustro, Rinsfeld  
vovato, 15. Cal. Febr. in quo claustro etiam  
obiit an. 1364.

imus regum, qui ex stirpe Arpadi trecentis  
 annis Hungariæ continenti serie imperarunt; 1300.  
 non æquali omnes in administranda re publi-  
 ca usi fortuna; observatumque est, quo quis  
 formæ regiminis, a Divo Stephano institutæ,  
 qua partes civilis corporis, designato singulis  
 limite, inter se, æquato libramine, copulave-  
 rat, tenacior fuit, eo florentius semper re-  
 gnum; ut contra, cum partes inter se, &  
 rupto nexu, a capite etiam divulsæ erant,  
 pluribus calamitatibus jactatum, & ad extre-  
 num fere discrimen adductum fuisse.

1944

1. The first part of the report is devoted to a general survey of the situation in the country. It is followed by a detailed analysis of the economic situation, which shows a steady decline in the standard of living of the population. The third part of the report deals with the political situation, which is characterized by a lack of democracy and freedom of expression. The fourth part of the report discusses the social situation, which is marked by widespread poverty and ill health. The fifth part of the report deals with the cultural situation, which is characterized by a lack of interest in education and culture. The sixth part of the report discusses the foreign relations of the country, which are marked by a policy of isolationism. The seventh part of the report deals with the military situation, which is characterized by a lack of modern equipment and training. The eighth part of the report discusses the administrative situation, which is marked by a lack of efficiency and honesty. The ninth part of the report deals with the judicial situation, which is characterized by a lack of independence and impartiality. The tenth part of the report discusses the overall situation in the country, which is one of stagnation and decline.

1944











AUG 9 - 1930